

تصحيح مفاهيم الزواج

أحمد الأهواني

الجزء الثالث



اعرف المزيد

مُقَلَّمَةٌ



الحمد لله رب العالمين والصلاة والسلام علي النبي الكريم-صلي الله عليه وسلم-وعلي آله صحبه أجمعين..

أما بعد..

هذا هو الجزء الثالث من سلسلة الشيخ أحمد الأهواني الشيقة والقيمة في بيان صحيح الزواج الشرعي ورد الشبهات، وجعل شباب الأمة علي بصيرة ليتقدم بخطوات ثابتة ويقين بماله وما عليه من حقوق وواجبات، وما يتوافق مع الكتاب والسنة بعيداً عن الأعراف والأهواء الفاسدة والعادات التي طمست الكثير من محاسن الدين ويسره في الزواج!!

وهي بعنوان (تصحيح مفاهيم الزواج) وهذا الجزء الثالث أكبر الأجزاء، ونواصل الجمع لأهمية هذه السلسلة فكل موضوع قصة بذاتها وفيها من العبرة والدروس الكثير، وقد طرحنا في الجزء الأول والثاني في ١٨٥ منشوراً منها وفي هذا الجزء نبداً من المنشور ١٨٦ - ٣٧٤ منشوراً أي ١٨٨ منشوراً جديداً من تصحيح المفاهيم) مع العلم الترقيم خاص بالموسوعة ولكن حرصنا علي عدم التكرار للمنشور الواحد وهو منعدم بل كل منشوراً قصة مختلفة ..

سجلناها وحفظناها هنا مع تنسيقها وعمل غلافة ونشرها علي صفحات الموسوعة المختلفة ليحملها من شاء من أي مكان، وبالتحميل بروابط مباشرة، وليستفيد منها كل من يرغب بالزواج الشرعي الصحيح(أي الخالي من المخالفات الشرعية والمتوافق مع السنة، وليس لأن غيره زواج باطل كما يروج البعض للتدليس) وبعيداً عن عادات وتقاليد جعلت الزواج الحلال صعباً وبالتالي الحرام ميسوراً.

وقد أخذ منا هذا الجزء الكثير من الوقت والجهد، ولكن فوائده لاتحصى أن شاء الله
في المدي القريب والبعيد

وعلي كل حال صرح الشيخ أن السلسلة طويلة ومفتوحة ، وما ينشره فيما بعد جعلناه
في جزء رابع وهكذا حتي ينتهي بأذن الله..

مع تحيات

وموسوعة اعرف دينك للعلوم الشرعية



بِسْمِ اللَّهِ الرَّحْمَنِ الرَّحِيمِ

السلام عليكم ورحمة الله وبركاته



١٨٦ / الضمان الوحيد

خضوع خطيبتك وإبداء حسن تبعليها مينفعش يكون دافع لك علشان تتنازل عن أي شيء

(ما يظهر لك في فترة الخطوبة مينفعش يكون ضمان لشئ أساساً)

الضمان الوحيد اللي تقدر تعتمد عليه هو تقوى الله وحسن التوكل عليه ساعة الإختيار... غير كدا مش هتلاقي توفيق

تلاقيه مكتبش قايمه ، وقاعد يكلم خطيبته واتس ويخرج معاها ومكالمات لنص الليل وفاهم إنه ابتعد عن المشاكل

للأسف... المخالفات ستجني عليك ما لا تتخيل

#تصحيح مفاهيم الزواج



١٨٧ / النموذج الغلط مياثرش عليك

صوتك العالي على زوجك مش دليل على سلكان أحبالك الصوتية ياأختاه

دا دليل إنك خارجة من بيت مفيهوش راجل

أبوكي للأسف كان مشغول بتوفير حياة كويسة لكم انتي وإخواتك ونسي بيته
نسي يأسس أسرة تكون القوامه فيها له..كلكم كنتوا بتعاملوه زي ماكينة ال (ATM)
ومش معتبرينه أب وأمك مش بتعامله كزوج له حق الطاعة والخضوع
برجاء....لما تلاقي نفسك انتقلتي لبيت مُغاير للي اتربتي عليه اقعدي فكري شوية
يمكن النموذج اللي انتي جايه من عنده هو الي كان غلط 😞

[#تصحيح مفاهيم الزواج](#)



١٨٨ / تزوجت إزاي ؟

مش قادر أنسى الحوار اللي دار بيني وبين والدي الله يرحمه بخصوص زواجي
كنت وقتها (كاشير) على أد حالي جدًا في مطعم من مطاعم العاشر...كان راتي
(٨٠٠ ج)

كنت عامل جمعية مع العيله كلها علشان أقبض منها ١٨,٠٠٠ ج وكنت ناوي أتزوج
بيها

لما جه موعد قبض الجمعية قلت لوالدي: (خلاص بقى أنا هروح أتقدم للناس اللي
قلتلك عليهم)

قاللي: (ناس مين..اصبر على ما نعمل كمان جمعية نعرف ندخل عليهم بيها)
قلتله: (كمان جمعية؟!..ليه؟)

قاللي: (المبلغ دا هيعملك إيه وللا إيه؟هتجيب منه شبكة وللا هتجهز الشقة وللا هتعمل
فرح ولا إيه؟)

قلتله: (لا متقلقش...ادخل إنت بس معايا البيت وملكش دعوة..أنا بإذن الله هقنع
الناس)

قاللي: (ياابني إحنا هنروح نقول للناس إيه؟)

وبالفعل...والذي غامر وجهه معايا

والحمد لله لقيت الناس متساهلين جدًا معانا..وجبت خاتم كدا تقريبًا بسيط وخالها يومها
قاللي: (ربنا يوفقك يا حبيبي..كلنا بدأنا كدا وربنا أكرمنا بعد الزواج)

الظروف اللي بتكلم عنها مع الشباب هي نفس الظروف اللي أنا كنت فيها...فيه
شباب كثير فهموا المعادلة صح...ولسه فيه شباب لحد دلوقتي مش قادرين يفهموها
لو صاحب الشركة اللي إنت شغال فيها قالك ادخل أي بيت وزواجك عليا هتعمل
إيه؟

أعتقد هتدخل أي بيت بقلب جامد ومش هتفكر....(واثق في إمكانيات صاحب الشركة
طبعًا)

#ولله_المثل_الأعلى

لما النبي ﷺ يبلغك عن رب العالمين ويقولك: (ثلاثة حق على الله عونهم: المُجاهدُ
في سبيلِ الله، والمُكاتبُ الذي يريدُ الأداء، والنَّكحُ الذي يريدُ العفافَ)
ونلاقي لسه فيه حد فاهم إن (البُن هو اللي بيرزقك.....😅)واخدين بالكوا من ضياع
العقيدة؟

أنا مشيت مع شباب كثير في الإرتقاء للمرحلة دي وكل مشاكلهم اتحلت
الأسباب الأرضية والورقة القلم اللي كل واحد مننا ماسك فيهم وناسي إن له رب (أمره
بغض البصر وفتح أمامه باب النكاح وتعهده بإعانتة علشان يوصله).... ونلاقي ناس مننا
لسه مش قادرين يفهموا معنى ال(رب)

إنتوا فاهمين يعني إيه (رب)؟

فاهم يعني إيه ال(غني)؟

فاهم يعني إيه (حق على الله)؟

فكرت تعمل ورد صلاة على النبي ﷺ وملقيتش نتيجة؟

عملت ورد إستغفار وربنا خذلك؟

هو انتوا ساييين كل المعاني دي وعاوزين تتزوجوا?...الزواج مش بالفلوس
يا جماعة..الفلوس دي آخر مرحلة ممكن تحققلك المعادلة أساسًا والله العظيم



١٨٩ / الحمد لله _ لحقته

إمبارح كنت سبب إني ألحق أحد الشباب من الوقوع في نصباية كبيرة كانت ممكن تقضي على حياته كلها

الشاب ده دخل بيت ناس يخطب بنتهم ، وقبل ما يدخل البيت قال إنه بيتزوج شرعي ، وبعد ما جهز شقته وقبل الإتفاق بقليل فوجئ بوالدها يعد العدة للقيامه! أخونا اتكلم معاه وقال له: (أنا بتزوج شرعي وقلت لحضرتك قبل كده عالموضوع) والدها كان رد فعله: (طب وهو إحنا بتتزوج بغير كده؟.... ما هو زواجنا كله شرعي وكلنا كنا بنكتب قايمة)

وعلشان والد البنت يعمل ده عمل حيلة بفضل الله مبتعديش علينا وشرحها للولد والد البنت راح اشترى شوية حاجات للمطبخ (أطباق وكبايات و.. و... و...) وقال للشاب: (أضمن حق بنتي إزاي في الحاجات دي) 😊

الشاب ده جه ليا العاشر وقاللي إن فيه ناس دلوني عليك وأنا كلمت مشايخ كثير قالولي: (لو عاوز تكتب قايمة اكتب ولو مش عاوز متكتبش)

قلت للشاب: (خلي بالك... الحاجات الصغيرة دي ما هي إلا ذريعة علشان يستحلوا أنفسهم كتابة الشقة كاملة.. عاوزك تحدد موعد تاني وتروح وتكلمني من هناك)

بالفعل..... الشاب راح هو ووالده إمبارح واتصل عليا وفتح ميكروفون الموبايل وسابني مع حماه

-إنت مين ياشيخ؟

=أنا فلان يا حاج.. اتشرفت بحضرتك

-دارس إيه ياعم الشيخ ومؤهلاتك إيه؟

=مؤهلاتي كذا يا حاج..بس إيه أهمية السؤال ده في موضوعنا؟

-تعرف د/ (فلان) ؟

=لأ معروفوش..بس يشرفني طبعًا..ماله؟

-دا أمين في لجنة الفتوى بالأزهر..إزاي متعرفوش؟

=يا حاج..سهل جدًا عليه يعرفني..أنا مش مكلف أعرف الناس كلها..😂..خلينا في موضوعنا..ماله مش فاهم؟

-ده قال إن القايمه عادي..هتعرف أكثر منه؟

=لا طبعًا يا حاج..بس أنا مش فاهم..هو حضرتك تدين لله بأشخاص وللا بأدلة من الكتاب والسنة؟

-آه طبعًا...أصل القايمه دي عُرف...والعرف يعني الشرع...كل الناس دول ماشيين غلط؟

=العرف عندنا في بعض قرى الصعيد هو وجود راقصة في الأفراح (لما فهمنا الشرع منعناه)

والعرف عندنا في مصر كلها إن العروسة تتبرج ليلة فرحها...لما فهمنا الشرع منعناه..عاوز أسألك السؤال البديهي يا حاج..الشاب ده لما قالك هتزوج شرعي طلب منك حاجة في البيت؟

-ما هو أنا لازم أجيب لبنتي حاجات

=يا حاج..الشاب ده ألزمك بالحاجات دي؟

[طبعًا سؤال هو نفسه مش قادر يرد عليه]

سألت الشاب ساعتها بسرعة....(ألزمت حماك يجهز معاك؟)

قاللي: (محصلش والله يا شيخ)

=يا حاج: لو الشاب ألزمك كان هيبقى ليا كلام تاني معاه..لكن لو مألزمكش يبقى

الحاجات دي حضرتك جاييها كهديه لبنتك يعني؟

-هدية إيه؟...دا عرف كلنا بنجيبه

=العرف اللي في بلدكوا ده خلاك تنسى الأجهزة الكهربائية والسجاد و.. و... و....
وفجأة كدا افكرت شوية رفايع للمطبخ؟..مهر بنتك كام يا حاج؟
-لسه متفقناش

=يعني قاعد تتكلم في قايمه وناسي المهر؟
-ما هو إحنا هنكتب الذهب في القايمه
=المهر منه عاجل (وهو الأصل) وقد يكون منه آجل وهو مؤخر الصداق
لو هتكتب المؤخر في قايمه مش في القسيمة تضمن حق الشاب منين لو بنتك خلعتة
وأخذت المهر؟..هو الشرع اللي في بلدكوا بيضمن حق طرف واحد بس؟
-دا علشان المأذون هياخد كتير عالمؤخر

=هو الشاب اشتكى يا حاج؟
(ساعتها كلمت جميع الحضور وقتلهم: لو المشايخ اللي انتوا كلمتهموم موصولوش
ليكم كل التفاصيل دي ممكن تخلوهم يتصلوا عليا أفهمهم)
المجلس ساعتها انتهى بعد ما والدها قعد يسألني حق بنته إيه وأنا شرحت له كل
حقوقها: (الشاب يجهز ويدفع مهر يقدر عليه وبس) وهي تاخذ مهر حقيقي في إيدها
ولو هتكتبوا مؤخر يكون في القسيمة...مش في ورقة منفصلة زي ما بتقول للشاب
ومتشيلش هم مصروفات المأذون علشان الشاب مشتكاكش أساساً
بالليل الشاب ووالده اتصلوا عليا تاني بعد ما طلعا من البيت وقالولي إنهم قالوا لوالد
البنت هنرد عليك..والحمد لله شرحتهم المخطط اللي كان بيتعمل عليهم وإزاي إن
والد البنت جايب شوية الرفايع دي علشان تكون ذريعة لكتابة كل منقولات الشقة (وكل
ده باسم العرف)

والد الشاب قاللي إنه بيقول عن الرفايع دي ثمنها ١٦٠,٠٠٠ ج
قلتله يا حاج: (خلي ابنك يفرجك على فيديو تجهيز الشقة كلها بـ ٩٠,٠٠٠ ج
....الرفايع دي لن تتعدى ١٠,٠٠٠ ج أساساً)

#عاوز نصيحة الشباب لأخيهم

#منشن لصاحبك اللي هيتغفل



تصحيح مفاهيم الزواج

أحمد الأهواني
الجزء الثالث

١٩٠ / الجواز رجعت

بعد ما قعد معايا يحكي لي عن البنت اللي راح يخطبها لقيته بيقول لي: (خلاص بقى يا شيخ.. كل شئ قسمة ونصيب)

قلته: (ليه؟.. هو إنت مكملتش معاها؟)

قال لي: (بصراحة جايلك علشان كده.. أنا من كام ساعة اتصلت بعمها وشبه أنهيت معاها الموضوع)

سألته عن السبب فقال لي: (رحت مرتين والبنت عجبني جدًا ولكن في كل مرة يقول لي إن والدها في الشغل والمقابلة كانت مع عمها)

قلته: (طيب... عمها ده لما أنهيت معاها الموضوع قالك إيه؟)

الشاب قال لي: (عمها قال لي يا بني دي حاجة ترجعلك بس حاول تستخير تاني)

بيني وبينكم أنا سمعت كلمة عمها (حاول تستخير تاني دي) وتوقفت وسألت نفسي: (الراجل دا أكيد كويس)

وطلبت من الشاب رقم عمها... وهو يسألني عاوزه ليه؟

قلته: (ملكش دعوة بس.. عاوز أتكلم معاها)

بالفعل... ثاني يوم اتصلت بعمها ولكن ملقيتش رد

بعدها بدقائق لقيت عمها بيتصل عليا وبمجرد ما فتحت الخط سمعت اللي بيقول لي:

(إيه ده... الشيخ أحمد بنفسه بيتصل عليا) 🤦

طبعًا من المفاجأة بصيت في الموبايل تاني لحسن أكون اتصلت بحد غلط.. 😊 وبعدين

قلته: (هو حضرتك تعرفني؟)

قاللي:!(ياشيخ دا أنا متابعك من ٦ سنين ومن أشد المحبين لك إنت والشيخ
عبدالكريم)

قلتلته: (الله أكبر.. كدا الموضوع بقى سهل)

قاللي: (موضوع إيه؟)

قلتلته: (حضرتك لك بنت أخوك متقدم لها شاب اسمه كذا؟)

قاللي: (آه...عرفت منين؟)

قلتلته: (الشاب دا لسه ماشي من عندي دلوقتي وكان بيسألني عن موضوع خطوبته)

قاللي: (بس دا اتصل عليا وأنهى الموضوع للأسف..كان شاب كويس ومحترم وعلى
نفس أفكارنا)

قلتلته: (ما هو أنا بكلمك علشان تساعدني نرجعه تاني)

قاللي: (إزاي؟)

قلتلته: (الشاب دا مشي من البيت علشان حس إن أخوك مش موجود في الصورة...بس
بعد ما حكالي شوية تفاصيل فهمت ما وراء الكواليس...صارحني بقى..مشكلة أخوك
إيه بالضبط؟) 🤔

قعد يضحك وقاللي: (بص ياشيخ...أخويا ده سمعته كويسة جدًا بين الناس بس مشكلته
إنه مبيصليش وكمان صعب في التعامل..أنا نفسي مش بحب أتعامل معاه...وبنت أخويا
دي زينا كدا بالضبط بتحلم تتزوج شاب صالح تعيش تحت ولايته بعيدًا عن والدها اللي
مش بيستحيب لكل ده ، أنا أقرب حد للبنت دي علشان إنت عارف إن أفكارنا مش
عند كل الناس هنا..والبنت دي نفسها بتتابعك من زمان وعلى نفس الفكر بتاعنا...أنا
نفسي ياشيخ عندي ٥ بنات مش هزوجهم غير بالشرع زي ما بنقرأ لك...وبنت أخويا
دي هي أقرب واحدة ليا في العيلة وكان نفسي في حد شبهنا كدا لها..وكنت ما صدقت
لقيته)

قلتلته: (ما شاء الله تبارك الله...طبعا التفاصيل بتاعة الوالد دي متعيبش البنات أبدا...بس
معلش..ساعدني كمان شوية)

عمها ضحك وقاللي: (فاهمك والله...ادرس ياشيخ زي ما إنت عاوز) 🤔

قلته: (عند إستبعاد الأب... وإتمام الزواج... هنلاقي مين قاعد معنا في المشكلات؟... يعني الأم مثلاً ، باقي الأعمام ، وباقي العيلة)

قاللي: (متقلقش خالص ولك حق تسأل طبعاً ، أمها دي ست طيبة جداً مش هنلاقي زيتها كدا في أخلاقها وتدينها وهي نفسها مش عاجبها أوضاع أخويا اللي هو زوجها.. ومش علشان هو أخويا أتكلم لصالحه.. عند المشكلات مش هتلاقوا غيري... دا كمان الشاب دا مش هيتفق على زواجه غير معايا أنا وأخ لنا كمان متساهل جداً ، والدها مش فارق معاه تتزوج صالح من طالح.. مش بيفكر زينا كدا أصلاً)

👉 طبعاً دلوقتي جمعنا تفاصيل كويسة 👈

١- العم (وهو الولي الظاهر) تبنا ومعتقد بكل ما نقول موافق على الزواج الشرعي.. بل يحلم باليوم الذي سيزوج فيه بناته ده بنفس الطريقة

٢- الأم طيبة جداً... وشهادة أخو الزوج فيها من أعلى درجات الشهادة لها

٣- البنت على نفس المنهج

٤- احتمالية وجود المخبيين احتمالية شبه منعدمة (بقي للشباب فقط دراسة بعض الجوانب في شخصية البنت علشان يحصل توافق)

٥- كلمة عمها للشباب وهو بينهي الموضوع (معلش استخير تاني) كلمة مهمة جداً لنفي كل ما رسخته الجاهلية في عقول الناس إن من العيب إننا نقدم النصح للشباب المتدين عند الرفض لأن دا هيتحسب على كرامتنا.. بل الشاب المتدين والبنت الصالحة دول نحاول معاهم علشان دول كنوز في المجتمع ولازم الكل يفهم ده

👈 قفلت مع عمها واتصلت بالشباب وقلته: (يا بني إحنا بندور على [نادر في النادر]... اتصل بعمها دلوقتي واطلب زيارة كمان ومفيش مشكلة خالص)

👉 الحمد لله الخطوبة رجعت تاني ، بل دارت صداقة قوية بعمها اللي قاللي: (أنا لو مطلعتش من الحوار دا بغير إنك بقيت تتصل عليا كدا على مدار ٣ أيام كل شوية كفاية أوي) 🤔🤔

شخصية جميلة ومحترمة جداً ربنا يرضى عنه

والشيء الأجل بقي إن الأطراف دي كلها من المنوفية... 😊 وبكده يكون الإسلام دخل
 أخيراً هناك وبدأنا في وضع أحجار أساس للدعوة بتاعتنا فيها 🌈
 شافين البنت الصالحة اللي عاوزة تعيش مسلمة كلنا بنتحرك علشانها إزاي؟... طمنونا
 انتوا بس وصارحونا وهتلاقونا سند ليكوا والله
 👉 وبقول للشباب: (الحق انجز موضوعك علشان غالباً إتفاق البنت دي هيكون معاها)

🌈 وبقول للبنت: (اتوكلي على الله.. العريس جه ليا مرتين وأنا درستهلوك متقلقيش) 😊

[#تصحيح مفاهيم الزواج](#)



١٩١ / تزوج من سوهاج شرعي

👉 إمبارح كان عندي م / أحمد فتحي
 جاي يزورني كعادته (جزاه الله خيراً)
 ففوجئت بالشاب الجميل اللي واقف
 على اليسار ده جاي يسلم عليا ويعرفني
 بنفسه

👉 أخونا محمد بن عصام شاب من شباب
 محافظة سوهاج

محمد بيقوللي إنه دخل عالموقع عادي علشان يبحث عن عروسة وبالفعل وجد بنت
 من سوهاج أفكارها متوافقة مع أفكاره
 محمد بيقوللي استعنت بالله واشتغلت في الأذكار اللي إنت دائماً بتكلمنا عنها وحفظت
 السلاسل جامد ودخلت البيت 😊

بعد ما انتهيت من الرؤية الشرعية وحصل قبول بيننا بدأت أخطط علشان أكلم والدها

الصعيد بقي وعاداته ياشيخ وخاصة إن محافظة سوهاج من قلب الصعيد...بس محدش أكبر من ربنا

استعنت بالله وقلت لوالدها: (الحقيقة ياعمي أنا عايش حياتي كلها بشرع الله..ومش حابب أبعد عن الشرع نهائياً لأي سبب)

الوالد رحب جداً بالكلام إلى أن تكلم محمد معه عن طريقة الزواج الشرعي يقوللي بدأت أرد على كل شبهاته زي اللي مكتوب في السلاسل بالضبط..ولما جه في نهاية النقاش يقوللي الشبهة المعتادة: (طيب ولو حصل في يوم ورميت بنتي يامحمد؟) محمد قال له: (ليه ياعمي..إنت بتزوج بنتك لواحد سفيه؟..روح ياعمي اسأل عني قبل ما تزوجني البنت👉)

👉وأنا بسجل رقمه إمبراح فوجئت إنه كان بيراسلني من زمان وأنا مش منتبه خالص للمراسلات..ولما وجد صعوبة فعلياً في ده قرر يقرأ هو السلاسل ويعتمد على نفسه..(والحمد لله نجح)

الحقيقة الواحد بيفرح جداً لما بيشفوف نموذج من الشباب كده..عظموا ربنا في قلوبهم فهان كل شئ قدام عينيهم وربنا فتح لهم قلوب الناس ❤️

👉يقوللي إن البنت ربنا يحفظها كان عليها دور كبير هي كمان في البيت..عامله زخم دعوي لأمها ولأهلها وكان عليها عامل كبير في سير الزواج بالشرع 👉اللي واقف في الطابور عاجز ده وقاعد يقوللي المجتمع والناس والأحوال عندنا في الصعيد

حالك إيه مع النموذج ده؟

👉ربنا يبارك فيك يامحمد وبارك في أختنا ويجعلك نعم الزوج لخير زوجة

#تصحيح_مفاهيم_الزواج



تصحيح مفاهيم الزواج

أحمد الأهواني
الجزء الثالث

١٩٢/ هل صعب تعرفوا النساء ؟

👉 الأخت دي رسالتها جميلة أوي وكان

مهم جدًا نرد عليها

واضح جدًا إنها لسه جديدة معانا

عالصفحة وعلشان كذا كنت حابب أوضح

لها بعض النقاط

١/ لما شاب بيكلمني عن بيت معين...

بمجرد ما يقول لي بعض التفاصيل عن

البيت بيتفاجئ إنني بحكيه عن حياة البنت

وطريقة تعامل الوالد والوالدة أكيد

شخصيتها كذا وكذا

هو صحيح بيكون متعجب جدًا وفاهم دي

خبرة بقي وكده وإنني مكشوف عني الحجاب 🌈

هو لا حجاب ولا حاجة... كل شئ بيكون ظاهر بس الشاب مش محدد هدف للأسف

٢/ أحيانًا أقعد في قعدات وتتفاجئ بيا حاطط الطين على الطرف اللي الكل متعاطف

معاه.. ولما بنكشفه للناس بيرجعوا يقولوا: (إنت عرفته إزاي؟)

يا جماعة.... (اللي خارج المشكلة نظرتة بتكون شاملة عن اللي داخلها)

علشان كذا لما المشكلة بتتفاقم بتخرج إنت من حلها ويفضل قدامك { وَإِنْ خِفْتُمْ

شِقَاقَ بَيْنِهِمَا فَابْتَغُوا حَكْمًا مِّنْ أَهْلِهِ وَحَكْمًا مِّنْ أَهْلِهَا إِنْ يُرِيدَا إِصْلَاحًا يُوَفِّقِ اللَّهُ بَيْنَهُمَا

إِنَّ اللَّهَ كَانَ عَلِيمًا خَبِيرًا } [سُورَةُ النِّسَاءِ: ٣٥]

طرفي الحكم من خارج المشكلة... (باصين من فوق) 🙄



مجهول : منذ 23 ساعة



0 👍

السلام عليكم. انا كان نفسي اكتب
التعليق علي البوست اللي حضرتك
نشرته انهاردة بخصوص الدخ اللي راح
يتقدم لبنت من الصعيد . و اختبارها و
اتصدم فيها , انا كان نفسي اقول
لحضرتك انكم للأسف مش مدركين مدى
حنكة النساء نهائي و حضرتك متخيل
خطأ انكم بتعملوا اختبارات للفتيات و كذا
, حضرتك اللي متعرفوش أن مافيش
راجل يقدر يضحك أو يختبر انثي من الآخر
و الله علشان توفروا علي نفسكم
وقتكم و مجهودكم. و تكونوا دوغري دا
افضل ليكم بالتأكيد . ربنا لما نتكلم عن
الكيد قال (إن كيدهن عظيم) واضح
انكم محتاجين تفهموا عننا اكثر

حذف

أظهر

{ركزوا في حِكم التشريعات}

[#فاهمين_حاجة؟🤔](#)

👉 أنت لما بتستعين بالله وتتمشي صح دا معناه إنك حققت التقوى... (النتيجة هتكون المخرج)

👉 إنتي لما بتستعيني بالله وتتمشي صح دا معناه إنك حققتي التقوى... (النتيجة هتكون المخرج)

👈 متعجيش لما بجييلك آخرهم في مكالمة تليفون في قعدة إتفاق... دي مش خبرة ولا شئ أبدًا

فقط.... نستعين بالله فيكفيننا الله شر ما أهَمَّنَا

👉 ياأختي... خبرة إيه وكيد إيه وهباب إيه اللي عندكوا... كل دا فقط ميجيش غير عالشاب المغفل اللي بتضحكوا عليه علشان هو بس بعيد عن ربنا

[#ربنا_يرزقكم_العقل_والحكمة🌟](#)

[#تصحيح_مفاهيم_الزواج](#)



تصحيح مفاهيم الزواج

**أحمد الأهواني
الجزء الثالث**

١٩٣ / زواجي كان بكام ؟

👉 هو إيه حكاية الناس اللي فاهمين إن المهر الكثير والتشديد على الزوج في الطلبات هو ضمان إستقرار حياة بنتهم؟

👉 دفعت مهر في زواجي حوالي ٢٥٠٠ ج ، وأنا واقف في محل الذهب حمايا جاب هدية ذهب لبنته بـ ٥٥٠٠ ج واداني الفواتير تفتكروا اللقطة دي ناسيها له؟... أبدًا والله

👈 الشاب اللي يبداً حياته على أد إمكانياته وأهل البنت بيتساهلوا معاه مبيلاقيش رد للجميل ده غير تعويض زوجته وإكرامها (إكرامًا لها ولأهلها)

هو فيه حد لما ربنا بيكرمه بيوسع على نفسه ويسيب زوجته وعياله؟... ما هما عايشين معاه

👉 الجعان اللي بيعمل غير كدا علشان خايف إختياره يطلع غلط.. (العيب في الإختيار والله)... ولو تخمينك مطلعش في محله تأكد إن زوج بنتك طول عمره مش هيشوفك غير راجل جعان وناقص وآخرك فلوس ، وفي أول مزاد تاني هتلاقه بيختار بيت تاني وشغال مقارنات

#آه_ياجعانين 😊

#ادخلوا_بيوت_رجالة

#تصحیح_مفاهيم_الزواج



١٩٤ /زوجتك هتعود عليك إمتى ؟

👉 زمان كنت علشان تتآلف على زوجتك محتاج سنة أو سنتين دلوقتي الأمر بيطول شوية... ممكن تقعد من ٥ : ٧ سنوات ولسه مفهمتش بعض.. (طبعا أكبر سبب إن البنت بتخرج من بيت والدها مش فاهمه يعني إيه زوج وأسرة) فيه ناس بقى علاقتهم ببعض بتتوطد بسرعة علشان مفيش أي تشويشات خارجية... (اكتفوا ببعضهم ومش مدخلين حد في العلاقة دي) فيه نوع تاني بقى بيطول المدة على نفسه

👉 تلاقه متزوج وزوجته قدامها مشوار طويل من التآلفات... (تتآلف مع أمه ، وأخته ، وخالاته ، و....و....)

مجتمع كبير أوي.. وبعد كل ده يقولك: (لا أبداً دا مفيش ضغوط ولا حاجة دا أمي طيبة جداً) 😊

#ركز_معايَا

خالتك الحربية اللي كانت عاوزاك لبنتها بس إنت اخترت الزوجة الملتزمة اللي معاك دي ، خالتك دي هي اللي هتتعد تخيب وتنخر في حياتكوا وتقعّد مع أمك دايمًا تقول لها: (عارفه بنات عيالي عندنا في البيت بيعملولي إيه؟... بيعملولي كل حاجة.. هي مرات ابنك مبتعملش كده؟)

هي أساسًا ممكن تكون بتاخذ بالجزمة من زوجات عيالها وعائشه متهانة.. (بس دا طبع في النسوان اللي من العينة دي مبيسلكوش لبعض ولا يحبوا الخير لبعض) تبدأ معاملة أمك الطيبة لزوجتك تتغير... زوجتك بتجاهد علشان ترضيها بس معامل التخيب وخطط الحيزبونة خالتك دي أكبر مما تتخيل وتتفاجئ بزوجتك مش عارفه تعيش علشان مش قادره تحدد سبب تعبها... (وانت طبعًا شايفها اتغيرت) 🧑🏻
👉 ده سنوات دي كانت كفاية علشان (زوج + زوجة) يفهموا طباع بعض

إنت دلوقتي كبرت العلاقة شويتين
بقت (زوج + زوجة ملزمة تفهم طباع [الأب + الأم + الأخت + الخالات + حبايب الأم])

وبعدين ألاقك بتقوللي: (مش عارف أفهم زوجتي ولا هي عارفه تفهمني) 😞

دا أنا نفسي مش عارف أفهمك ياجدع 🤪

#حرر_زوجتك_لنفسك

#تصحيح_مفاهيم_الزواج





١٩٥- كملّي دراستك !



عليكم السلام ورحمة الله وبركاته.

كملّي دراستك.

وبعد التخرج اعملي اللي يناسبك.

لا تدري لعلك تحتاجي للعمل وتضطري اليه.

وحتى لو لم تحتاجي العمل، فإنها لك لدراستك وتخرجك
امر مهم.

ولعله يبسر لك فرصة كويسة للزواج (وده واقع مشاهد)

السلام عليكم بدرس طب بشري أنهيت أربع سنوات، كنت ناوية أتخصص نسا وتوليد لأنني عارفة أذ أي القسم ده محتاج نساء وليس رجال بس حالياً عايزة أسيب الطب مش من صعوبته ولا كده، علشان أنا مش هعرف أختلط مع رجال والله لا أستطيع، وفي الآخر هتزوج، وأنا مش ناوية أبداً أستغل بعد الزواج، هقعد أهتم بزوجي وأربي أولادي تربية صحيحة، رأي حضرتك

١/ {لعلك تحتاجين للعمل وتضطرين إليه}

ربط الوقوع في الحرام برابط هواجس المستقبل الذي يضمه الله للمسلم والكافر على السواء [ضلال في فهم الرزق]

٢/ {وحتى إن لم تحتاجي فالتخرج أمر مهم}

تضييع العمر في شئ فيه محرمات لأجل نظرة المجتمع فحسب [ضلال في فهم العبودية]

٣/ {لعله يبسر لك فرصة للزواج}

👉 الاعتقاد أن الشهادة سبب الرزق بالزواج [شرك

👉 وتعلق القلب بأسباب موهومة]

#تصحيح_مفاهيم_الزواج



١٩٦/ خببوها عليه

جلس معي يحكي عن حسن تبعل زوجته ، يقول: (قعدت ١٤ سنة لا أفصح بيتي بالمفتاح !

تقف خلف الباب في كل يوم في موعد مجيئي لاستقبالي

، تدخل معي حتى في تغيير ملابسني ، تستقبلني بالطعام والشراب حتى أستريح وتهبني
لي الجو في البيت

كان البيت نظيفاً بطريقة غير عادية، بيتي عامل زي غرف العمليات من النظافة ، ما قلت
لها شيئاً فراجعتنني فيه ، كانت من خيرة النساء)
قلت له: (هو إيه حوار كانت اللي إنت قاعد كل شوية تقوله ده؟... هو إيه اللي حصل
يعني في حياتكم؟)

يقول لي: (ابتليت بوشاية دنيئة من بعض الناس زجّت بي في الحبس ٨ أشهر...ولما
خرجت وجدت امرأة غير التي كنت أعيش معها
ظلمت في حيرة.. (ما الذي حدث لزوجتي؟)
يقول: (فتشت في هاتفها يوماً وكانت الصدمة) 😲

معلمات القرآن من صديقاتها في أشهر الحبس اجتمعن عليها... ما يقرب من ٤٠ معلمة
كلهن من حافظات القرآن ومعلمات القراءات (كُن يسمعن عن حسن تبعلها له وحكاياته
من صنيعها)

إحدهن تقول لها في تسجيل صوتي: (هو إيه اللي بتعمله في نفسك ده؟.. اللي بتعمله
دا مش دين بالعكس دا جهل بالأحكام الشرعية..عندك رواية واحدة لأُم من أمهات
المؤمنين كانت تستقبل النبي ﷺ وهو داخل البيت وتخلع عنه قميص الحرب أو تاخذ
منه درع القتال؟)

إحدهن في تسجيل صوتي تقول: (ياأختي اللي بتعمله مع زوجك دا جهل شديد...يعني
إيه مش محتاج يطلب منك حاجة علشان تعملها..دا النبي ﷺ كان يقول لعائشة
اطعمينا ياعائشة ، اسقينا ياعائشة ، انتي هتكوني أحسن منهن؟)

ثالثة تقول لها: (هو كل ما يأمرك بشئ تسمعي كلامه ؟ عندك عبادات وطاعات وعلم
شرعي أهم من دا كله)

يقوللي: (اتصدمت..وأخذت هذا القرار)

ممنوع واحدة من دول تدخل بيتي 🙅

النساء دول كُن يجتمعن في البيت عندي ليتعلمن من زوجتي علم التجويد والقراءات ،
كلما طرقت إحداهن الباب فَتَحْتُ لها واستقبلتها بابتسامة وقلت لها (وَإِنْ قِيلَ لَكُمْ
أَرْجِعُوا فَأَرْجِعُوا) 😊

تمشي ومرتجعش تاني 🙋

قَطَعْتُ علاقتها بكل هؤلاء...زوجات مشايخ وطالبات علم شرعي ومعلمات في دور
التحفيظ ودور العلم الشرعي..ولا حول ولا قوة إلا بالله
كل هذا وزوجتي حالها في العبادة مثلما تزوجتها
سألته: (أي عبادة؟)

قال: (زوجتي تقرأ في كل يوم وليلة ١٥ جزءًا من القرآن ، تقيم الليل وقلما تتخلف عن
صلاة الليل ، رُزِقَتْ منها بأولاد تعلمهم الحلال والحرام كما يجب أن يكون ، كل هذا
وفتنة التخييب لازالت تنغص عليا حياتي منذ أن خرجت من محبسي منذ ٧ سنوات)
يقول: (دعوت على واحدة من المخيبات وكانت أشدهن في التخييب ، والله ياشيخ
أحمد كل ما ذكرته في دعائي حدث لها كما دعوت لدرجة أنني أشفقت عليها)
الأخ كان يستشيرني في طلاقها 😊

بعد تحليل سريع لحياته نصحته ألا يفعل وأقنعتة بالإبقاء عليها لعل فيها بعض خير يجوز
بها هذه الفتنة

[#وَقَفْتُ_عند_شئ_هام 😊](#)

👈 شافين حال الصُحبة السيئة المستمرة بستار التدين والإلتزام؟

معاهد العلوم الشرعية للأسف الشديد غالب معلماتها متأثرات بالأفكار النسوية
بعض النساء يعتقدن أن حسن طاعتها لربها قد تغنيها عن حسن تبعها لزوجها وهذا غير
صحيح ، فلما قَدِمَتْ عَمَةُ حصين بن محصن على رسول الله ﷺ قال لها: «أَذَاتُ زَوْجٍ
أَنْتِ؟» قَالَتْ: نَعَمْ قَالَ: «كَيْفَ أَنْتِ لَهُ؟» قَالَتْ: مَا آلُوهُ، إِلَّا مَا عَجَزْتُ عَنْهُ، فَقَالَ
رَسُولُ اللَّهِ ﷺ : «انْظُرِي أَيْنَ أَنْتِ مِنْهُ، فَإِنَّهُ جَنَّتْكِ وَنَارُكَ»
فانظر لها كيف تقول لا آلوه إلا ما عجزت عنه

المرأة الصالحة تجتهد لإرضاء زوجها وتبتكر طرقاً لذلك لأنه ببساطة أقرب باب لها إلى الجنة ، ولذلك كانت طاعة الزوج مقدمة على جميع النوافل عند التعارض ، بل هي من الواجبات المحتمات على المسلمات

👉 الفتنه التي تدخل لأهل بيتك قد يصعب إخراجها من عقولهن مهما فعلت... فما عليك إلا غلق الباب ، ولتكن رحيماً بدين هذه الضعيفة التي مَلَكك الله زمام القوامة عليها 🙏 المتدثرات في أيامنا هذه حالهن كحال المنافقين على عهد النبي ﷺ... (محسوبين على الصحابة والنفاق يملأ قلوبهم) 😞

[#حفظ_الله_نسائنا 🙏](#)

[#دين_المتدثرات](#)

[#تصحيح_مفاهيم_الزواج](#)



١٩٧/ هو كل حاجة زفتة ؟

👉 من يوم ما كتبت البوست بتاع القايمه بتاعتي



وإزاي زوجتي جابتها من بيت أبوها وبنت

الحاج عجة مش طايقه نفسها 🤔

بصراحة أنا مشفق عليها جداً ، ودا من أهم

الأسباب اللي مخلياني سايب أكونت

صراحة علشان تلاقي هي وأبوها مُتَنَفَس تفرغ

فيه الطاقة السلبية اللي بتكون عندهم من

منشوراتي لحسن يطقوا يموتوا 🙏

[#شوفي_بانت_عجة 🙏](#)



مجهول : منذ 3 أيام

هو ايه حكاية زفته اللي قرقطنا بيها دي

بجد

زفته جابتلي القايمه زفته بتعمل زفته

بتسوي

هو زفته دي ماسكه عليك زلة ياشيخ

وللا ايه

ارحمونا بقى



لما خطبت (زفتة) لقيتها واحدة عاوزة الدين وبس.. مقعدتش تتشرب عليا علشان تاخذ مهر غالي وقعدت تقوللي: (بنت خالتي وبنت عمتي والمجتمع والناس) ولا قعدت تشتغلني بمهر المثل

زفتة قبلت بشبكة بسيطة كانت وقتها ٢٥٠٠ ج وبس علشان هي دي إمكانياتي وقتها وملقتش في كده أي مشكلة

👉 أبو زفتة بقي مكنش عنده أدنى مشكلة في أي حاجة ولا لقيت فيه روح عجة الكامنة وقاعد يتاجر ببنته ولا يبجيله كلام من ورا الستارة يغير فيه معايا الإتفاقات

⬅ بعد ما تزوجت اتفاجئت بيها قاعده تحفظ في أحاديث طاعة الزوج.. بسألها إيه حكايتك مع الأحاديث دي قالتلي: (شفت إن معظم مشكلات النساء تتلخص إن النساء يبيحثوا عن المطلوب من الزوج ، أنا بقي قررت أنشغل باللي مطلوب مني مش اللي ليا علشان ببساطة اللي ليا ربنا مش هيسألني عنه ، وبعد ما أعمل اللي عليا ربنا هيكفيني اللي ليا)

⬅ هل فكرتي يابنت عجة في مشكلاتنا بنحلها إزاي؟... أنا أقولك بيتنا وعيشتنا زي أي حد.. أكيد مفيش بيت يخلو من مشكلات... لكن بقي الفرق بينك وبين زفتة إنك لما بيحصلك مشكلة بتجري على بيت عجة وعجة بيستقبلك ويفتحلك أحضانه ويخبيك على زوجك ، لكن زفتة مبتعملش كده زفتة بتقوللي: (تعالى نعرض مشكلتنا على الكتاب والسنة علشان إحنا مش هينفع نتحاكم غير ليهم)

في يوم معرفناش نحل مشكلتنا... ساعتها اقترحت على زفتة نقعد مع والدها علشان هو راجل كبير وأنا والذي كان توفاه الله وبعتبر والدها مكان والذي فقالتلي: (والدي إيه بس؟.. والذي مش من أهل العلم علشان نتحاكم له ، ولو طلعت إنت غلطان مش هيقدر ينسى لك الغلط .. تعالى نروح لشيخ عنده علم تختاره إنت)

بالفعل... رحنا لشيخ واتحاكمتنا له والمشكلة اتحلت

⬅ عارفه يابنت عجة !

مفيش مشكلة أهلها بيعرفوها.. دايماً تقوللي المشكلة اللي تخرج من بيننا دليل إننا مش عارفين يعني إيه خصوصية بين زوجين

👉 العيال بقى وتعاملنا معاهم فده موضوع ثاني

مفيش حاجة اسمها قرار تديه لعيال يعلو على قرارى... ساعة الخلاف الرأي رأيي علشان القوامه معايا (حتى لو غلط) محدش له فيه

لأن ببساطة حتى لو غلط فأنا اللي هшил

👈 شوفي يابنت عجة... أنا هحط ليكي أكونت صراحة في أول تعليق علشان بنات عجة اللي هيتضامنوا معاكي يفرغوا طاقتهم فيه بعد البوست ده 🙄

(ربنا يبارك لكل واحد في زفته بتاعته ، ولو الزفت كله كدا إحنا راضيين) 🌈

#يوميات_عجة_وبناته

#تصحيح_مفاهيم_الزواج



١٩٨ / أختي مطيعة ، ولكن ظروفها كدا

👉 بعد مشادة حدثت بينه وبين زوجته اقترح عليها إدخالها في مشكلتهم

بالفعل الزوجة وافقت وجابها وجه العاشر وقعدت معاهم علشان أسمع التفاصيل اللي

كان الزوج مدخلني في بعضها على مدار سنوات 🙄

👉 الشاب ده تزوج الأخت دي من ١١ سنة ، وبعد الزواج اكتشفوا مشكلات في الإنجاب من طرف الزوجة

حاولوا كتير في العلاج وعمل العمليات لدرجة إنه بيقوللي صرفت أكثر من ٣٠٠,٠٠٠ ج في محاولات علشان ننجب 🙄

رغبة الشاب ده في إنجاب الأطفال كبيرة جداً ، وهو ده السبب إنه دخل بيوت كتييييير جداً ولكن للأسف.. 🙄 ثقافة المجتمع الغالبة إنه مش هيعرف يتزوج وهو معاه زوجة

👉 البعض عرض عليه يطلقها وقالوله: (هي سبب تعثر زواجك.. لو مكنتش متزوج مكنتش هتلاقي صعوبة)... نفس السبب اللي سمعه من بيوت كثير بنفسه.. آه لو مكنتش متزوج أو كنت مطلق!)

👈 سيرة الشاب الطيبة (فهو أحد أصدقائي) هي سبب إن بيوت كثير تقول له كده بكل صراحة ووضوح

👉 من بداية الموضوع حاولت أدرش معاه في أحوال زوجته فقاللي: (البنت دي مش ممكن ألاقي زيتها تاني ، والدها عند الزواج زعقلي لما قتلته هكتب قايمه بكام.. لحد دلوقتي والدها جهز معايا ومكتبنيش قايمه... مستوى الطاعة عندها فوق المعتاد ، خلال ١١ سنة مسمعتش منها كلمة لأ مطلقاً.. دايمًا حاضر ونعم بس

أقولك على حاجة؟.. دي بحثت معايا كثير عن بيوت ولما كانت بتتفاجئ إنهم بيرفضوا بسبب إنها معايا كانت تخيرني في طلاقها ، وكنت كل ما أحس بكسرتها وقهرتها علشان متمسكة بيا وتقوللي ربنا يتولاني أنا عارفه إن العيب عندي كنت بتراجع ، وهكذا كل ما الدنيا تضيق بيا) 😞

👈 بالفعل.. قعدت أسمع منهم وسبحان الله.. بنت مطيعة جدًا مستسلمة لأمر الله بشكل لافت للنظر

#المشكلة_الأخيرة_جت_منين؟ 😞

👉 الضغوط النفسية اللي البنت تعرضت ليها هي السبب في افتعال المشكلات بينهما سكوته الدائم بسبب الهم والتفكير جعل حالتها النفسية سيئة جدًا كل ما تقعد مع نفسها والشيطان يقعد يُحزنها إنها قاعده رهن كلمة من أحد الناس له فيستجيب 🙏

👈 حقيقي.... بتعاطف جدًا مع أي أخت مطيعة ، والأخت دي بالذات جمعت بين إنها مطيعة وبين إن عليها ضغوط نفسية هي نفسها حاساها على زوجها بس مش قادره تعمل حاجة

👉 قتلته بيني وبينه: (أكبر غلط إنك تدخل زوجتك معاك في الهَم ده ، عاوز تتزوج اتحرك بعيداً تماماً عن علمها ، آثار الهَم عليك بتقتلها كل لحظة..راعي مشاعر هذه المسكينة)

👉 قتلها: (ياأختي...الشيطان كل همه في إنه يخرب بيت مؤمن زي بيتكم ده ، حياتكم المستقرة تقتله ، بلاش تفتحي باب له ، واوعي تعرضي على زوجك يطلقك تاني علشان ميدخلش ليكم من الباب ده)

#ياشباب_خليكو_رجالة

ارحموا هذا المخلوق الضعيف الذي مللكم الله أمره وجعل الولاية عليه منوطة بكم عاوزين تعددوا متعرفوش زوجاتكم بتحركاتكم عاوزين تخططوا لشئ بلاش تقعدوا ضاغطين على أعصابهم..انتوا مش منتظرين منهن المشورة

#مشكلة_كمان

👉 ياشباب...محدث يخلي مصروف البيت في يد زوجته البنت دي بنت طيبة جداً..الشاب من الأمان اللي كان مديه لها إنه بيخلي مصروف البيت كله في إيديها...(يقوللي ده علشان يدلل في المجلس على حبه ليها)❤️ قتلته: (أكبر غلط اللي عملته ده...المرأة دي كائن ضعيف مينفعش تمسكه حسابات وحوارات وتخليها تشيل هم الفلوس راحت فين وحت منين والمبلغ اللي هينقص من الحسابات هتلاقيها بسببه متوترة علشان أمانتها وخوفها على فلوسك)

👈 الحمد لله...الأتنين مشيوا من عندي وهما سمنة على غسل وكأن شيئاً لم يكن وفي النهاية نصحته...لو مش هتلاقي زوجة معاها فارض بما قَسَمَه الله لك...الزوجة الصالحة ياابني كنز محدش يفرط فيه في الزمن ده (اسأل الله أن يرزقهم بالذرية الصالحة التي تفر أعينهم بها ، وأن يُمُن على هذه المسكينة بالخلف الصالح)

#تصحيح_مفاهيم_الزواج



تصحيح مفاهيم الزواج

أحمد الأهواني
الجزء الثالث

١٩٩ / الله يكون في عون زوجتك

مجهول : منذ 4 ساعات

و قالت ان الثانية احق انها تفضل ع
ذمتي من عدة نواحي
اولها طبعاً الولاد من الثانية
تاني حاجة الاولى يتيمة بس عنده
شقة اهلها تقدر تفتحها وتقعد في
انما الثانية اهلها ذات نفوذ و ممكن
يعملولي مشاكل

التانية داخله الشقة جاهزة بس اهل
عشان يضمنوا حقها خلوني كتبت ايد
بمبلغ 500 الف بديل للقائمة ف انا
بصراحة محتار جداً وفي نفس الوقت
قادر اخليهم على ذمتي الاثنين و كذا
خايف اظلم الاولى عشان كويسة مز
اه الثانية عشان الملام

مجهول : منذ 4 ساعات

ف انا محتار جداً يا شيخ و اسف اني
طولت عليك بس انا مش عارف اعمل اي
للعلم ان الثانية يحصل بيالي و بيته كل
يومين مشكلة مختلفة وزوجتي الاولى
اللي بتحل بيتنا
ف خايف اطلق الاولى و ميقات طابق
مشاكل مع الاخرى
او اطلق الثانية و ابقى ظلمت العمال و
كمان اهلها ميسونيش في حالي و
بعدين بطلوني بالايصال و انا مش

مجهول : منذ 4 ساعات

مكش عندي القدرة اشترى شقة اخرى و
بعد سنة ونصف من جوازتي الثانية دي
مراتي خلفت توام و اصبحت هي الزوجة
المحببة لاهلي و عشان كذا دائماً لما
يزور اهلي شايفين ان هي اللي لازم
تقعد و الاولى تساعد في البيت عشان
مفيش وراها حاجة و هي الشهادة لله
مش بتقول حاجة بس انا الفترة دي
متعسر جداً و مش قادر اشيل مصاريف
الاثنين مع مصاريف الولاد مع مصروف

مجهول : منذ 4 ساعات

السلام عليكم يا شيخ في البداية حاب
افوتك اني متابع كلامك ع الصفحة و ع
الدروب الخاص حاسب قبل ما تناسب و
في اغلب حياتي بتقع الخطوات بقاعت
حضرتك بس انا حاب استفسر من حضرتك
على موضوع مختلف
انا يا شيخ متزوج من 10 سنين و بعد 4
سنين من الزواج و محصلش خلفه كلمت
زوجتي اني محتاج التجوز عشان اتخلف و

👉 الرسالة دي عصبتني جداً ، عمري ما اتعصبت في حياتي بالشكل ده 😞

👉 يا أخي بجد ربنا يهدي أمك ، لو كان الطلاق من دماغك يمكن كنت اتعاطفت معاك ، لسه في حد يفكر كده؟.. الله يكون في عون زوجتك الأولى ، أنا بجد مشفق عليها ، الطلاق دا أمر مباح ، ولكن بالشكل ده وبالعلل دي ؟

👉 شئ سئ جداً إننا نلاقي راجل (ودني) عيب بجد والله ومش حلو في حق الرجاله رأيي تطلق المسكينة دي يمكن تلاقي نصيبها اللي تستحقه مع غيرك وربنا يصبرها على تفكيرك ده

👉 إلحق يا ابني صلح عقيدتك في الرزق لحسن إنت بالشكل دا هتقابل ربك بخلل كبير



تصحيح مفاهيم الزواج

أحمد الأهواني
الجزء الثالث

٢٠٠ / حوار بين شاب وحماته

👉 مش عاوزك تركز معايا ولا مع Hossam Saber ولا أحمد فتحي ولا محمد الدواش

شايفين الشاب اللي هنااااك ده 😊

جه قعد معايا ومن حكاياته في الخطوبة كل الإخوة اتجمعوا علشان يسمعوه 🎤
شاب عادي خالص ، سنه صغير ، وبالرغم من كل ده كان عنده ردود مفحمه على
البيوت اللي دخلها علشان يتزوج... لحد ما ربنا أكرمه بيت محترم
(دي عينة بيت منهم) 📌

-السلام عليكم ورحمة الله وبركاته..يا عمي في ناس كلموني عن بنت حضرتك وعاوز
أتقدم

=ومالو يا بني..تنورنا

-تسلم يا عمي... آجي إمتي؟

=تنورني يا بني...بتشتغل فين؟

-بتشتغل مهندس في شركة (.....) يا عمي

=طيب يا بني عندك شقة تمليك؟

-مش فاهم يا عمي...إيه علاقة ده بإني أتزوج؟

=لا ملوش علاقة ولا حاجة..تأمين مستقبل بنتنا بس

-انتوا بتأمينوا مستقبل بناتكوا بالشقق؟

=لا خالص...دا سؤال كدا عالماشي يعني..طيب راتبك كام؟

-ياعمي راتبي دا شئ يخلصني...حضرتك ملكش غير سؤال واحد وبس (هتقدر تعيش بنتنا في مستوى كويس وللا لأ؟)...إيه رأيك نتقابل الأول يا حاج ونتكلم؟
{الشاب فعلاً راح رؤية شرعية والراجل اتكلم معاه في الآتي}

=فكرك إيه في تجهيز البيت ياابني؟

-ياذن الله هجيب كل حاجة ياعمي

=بس مش كتير عليك؟

-لا ياعمي ياذن الله ربنا هيقدرني

=آه...راتبك كتير بقى

-الحمد لله مستور يا حاج

=وهتدفع مهر أد إيه؟

-ياذن الله هدفع مهر في استطاعتي ياعمي

=إحنا مثلاً بنكتب لبناتنا مؤخر ٢٠٠,٠٠٠ ج

-ليه ياعمي؟...ليه المبلغ الكبير ده؟

=علشان بس ميجيش حد يرمي بنتنا

-هو المبلغ ده هيكون دافع للشاب يحافظ على بنتك؟يا حاج حضرتك لو اخترت لبنتك شاب مش هيحافظ عليها غير علشان المؤخر تبقى بتختار لبنتك شاب سفيه فاشل ، ولو اللي هيتزوج بنتك مش هيحافظ عليها غير علشان عليه مؤخر كبير تبقى بعت البنت حرفياً

=اممم 😞...

-بس يا حاج المبلغ دا بالنسبالي مش هيخليني أحافظ عليها ولا شئ ..دا بالنسبالي

مبلغ عادي يعني 🙄

=إي دا بقى إنت على كدا بتقبض كام 🤔🤔🤔

👉بيقوللي وأخذته على حجري رايح جاي كدا وحرقت دمه وخرجت من عنده من غير

ما أشوف البنت أساساً 🤔

👉اتعلموا فن الردود يا شباب علشان عجة تعبنا أوي



تصحيح مفاهيم الزواج

أحمد الأهواني
الجزء الثالث



٢٠١/رقم (١) ورقم (٢)

رقم (١) و رقم (٢) عبارة عن اثنين صُحاب دخلوا بيت يخطبوا منه أختين 🙋
رقم (١) اتفق مع الناس في البداية على الزواج الشرعي وبالفعل جاب شبكة ووصل
لقعدة الإتفاق على العَقد ففوجئ بوالدها يقول له: (عاوزين نكتب قايمة)
الشاب اتعجب جدًا لأنه مفهمه إنه بيتزوج شرعي من البداية فقال له: (أنا جايب شوية
حاجات في المطبخ لبنتي وعاوز أضمن حقها)
الشاب اتضايق جدًا وقرر يجيلي العاشر علشان يفهم إيه سر التغيير
بالفعل... قعدت شرحت معاه إن فيه بعض الآباء كده (يخليك تدخل في الموضوع لحد
ما تتمسك بالجوازة أو تتدبس في ذهب أو هدايا كتير وساعتها متقدرش تسيب)
وعرضت عليه يومها يدخلني في مكالمة مع والدها في أقرب وقت علشان نخبره

بالفعل....راح هو ووالده وكلمني وقعدت أشرحله يعني إيه زواج شرعي وشرحتله بكل وضوح إنه جايب شوية حاجات متساويش شئ بالرغم من تجهيز الشاب للشقة كلها علشان بس تكون ذريعة لسرقة باقي شقة الشاب واستحلال فلوسه بالباطل (أجيب شوية رفايع للمطبخ متساويش ١٠,٠٠٠ ج وأخلي الشاب يكتب للبنيت كل الشقة 😊)

بعد الحوار الشاب قرر يسبب البنيت الأولى لما لقي والدها معندوش أي حُجة، بل والده اتصل عليا يشكرني بعد الحوار ، ولما جه ياخذ الشبكة بتاعته الراجل رفض وقال له: (شبكة إيه؟..تعالى نتحاسب) 🤨

👈 الشاب بفضل الله قال الحمد لله إن نواياه ظهرت بدري...بس صاحبه رقم (٢) مبقاش عارف يتصرف إزاي !

(يكمل في البيت بعد ما صاحبه اتنصب عليه؟وللا يطلع من البيت ولسه هيدور ثاني)

👈 لقيت الاتنين جايين ليا العاشر عاوزين يعرفوا التصرف الصبح إيه

الحقيقة...شباب رجالة والله العظيم

الحل كان إن الشاب الثاني ميطلعش من البيت دلوقتي ولا يفهمهم ده علشان الشاب رقم (١) ياخذ الشبكة بتاعته

رقم (٢) [لسه مجابش حاجة]

لإن غالبًا والد البنات هيحاول يحافظ على الزبون الثاني حتى لو هيخسر الشبكة الأولى..(وغالبًا هيعوض مع الثاني خسارته بالطريقة)

👈 سبحان الله ، وهما قاعدين معايا عرفوا إن والد البنات راح يزور والد الشاب رقم (٢) وهو مريض ومعاها شبكة قم (١) 🤨

علشان يعني يثبت للزبون الجديد إنه شريف. هههههه

👈 الشباب قالولي: (الشبكة رجعت الحمد لله ياشيخ)

مش فاضل دلوقتي في البيت غير الشاب رقم (٢) اللي قعد يجيب آخره وكان طالع هو كمان من البيت إمبارح 🤨🤨🤨

← الشباب مبقوش مغفلين ، إنك تحط إيدك في إيد عجة وتتغافل عن كل اللي هيحصلك بعد كدا مبقاش أمر مطروح عندهم بفضل الله
الشباب اللي هيتدبس دلوقتي بعد كل حملات التوعية دي شاب مغفل.. حابب يعيش مغفل وهو في إيده كل شئ.. انقذ نفسك بدري علشان بُكره سَتُسَلَب كل شئ... (انتوا لسه عالبر)

#تصحيح_مفاهيم_الزواج



٢٠٢ / حكاية الأستاذ ممدوح

👉 الحقيقة وبالرغم من كلام أخويا م / عبدالرحمن زهري الكثير ليا عن العين والحسد ، بس أنا ملقيتش أي مَفَر من إظهار النموذج الجميل ده للناس بدل النماذج اللي سدت نفس الشباب عن الزواج في أيامنا (اللهم بارك) ❤️

👉 الأستاذ/ ممدوح (والد زوجة عبدالرحمن) من يوم زواج ابنته وعلاقته توطدت بيا بشكل جميل جدًا ربنا يحفظه

← الحكاية إن عبدالرحمن كان عنده همة كبيرة جدًا إنه مش هيتزوج غير بالشرع ، وكان كل ما يدخل بيت ويلاقي تفصيلا مش عالشرع كان يخرج منه فورًا مهما كلفه ذلك ومهما كانت الخسائر 🏃

في زيارة من زيارات عبدالرحمن ليا في العاشر قاللي: (أنا لقيت بيت كويس وناس طيبين
وياذن الله هتقدم لبتهم)

قلته: (لو محتاجني معاك أنا تحت أمرك... وطالما البيت في العاشر مستعد آجي معاك
كمان)

قاللي: (ياذن الله لو احتجتك هاخذك معايا)
بالفعل... عبدالرحمن دخل البيت واتفاجئت إنه عرض الزواج الشرعي على الأستاذ
ممدوح (بكل التفاصيل اللي بنتكلم فيها)
الأستاذ ممدوح أول ما تأكد إن ده الشرع قال له: (أنا ارتضيتك ياابني لدينك ، وطالما
ارتضيت دينك فأنا موافق على زواج يكون تطبيق للدين ده)

اتعرفت عليه يوم العقد ، كان معانا د / مدحت أبوالذهب ، ومن يومها وما شاء الله
أصحاب أ/ ممدوح أنفسهم اتعرفت على بعضهم من دعوته للباب ده في الوسط اللي
هو فيه دلوقتي (رافع راسه بتطبيق الشرع)

👉 النموذج السائد بتاع الراجل اللي بيقولك: (لو بنتي اتطلقت والشاب رماها هتروح
فين)

دا نموذج واحد عارف إن بنته جايه من شارع وهترجع للشارع تاني
نموذج واحد مش واثق في تربيته ، وعاوز يكبلك بجملة من إيصالات الأمانة علشان
تكون أداة ضغط عليك في مواجهتك مع قرارات وتحكمات ابنته

👈 الأستاذ ممدوح مقعدش يفترض افتراضات عبيطة من عينة (وقدر عبدالرحمن طلع
مش كويس _ وافرض البنت مرتاحتش معاه _ و.. و... و....)

وقعد يسئ الظن بالله إنه هيتقيه وربنا هيضيعه

👉 يا شباب الدنيا لسه فيها خير ، بس ابحتوا عن الخير ده واشتغلوا على نفسكوا علشان
تلاقوه

👈 الحقيقة من كثرة ما بقى يعدي يقعد معايا ويكلمني أد إيه هو حاسس براحة ومبسوط
إنه اختار لبنته واحد صاحب دين والتفاصيل كلها مشيت بالشرع صممت أعرض
النموذج ده علشان متبقاش الصفحة كلها طاقة سلبية عجاوبة 🌈

#ملحوظة: بنات أ/ممدوح اللي فاضلين لسه صغيرين)😊

#ادخلوا_بيوت_مسلمين

#مش_كله_عجة

#تصحيح_مفاهيم_الزواج



٢٠٣/ كلمت الشيخ وقاللي

قاللي مفتاح والد البنت مع شيخ عندهم من البلد
وطلب مني أكلم الشيخ علشان أقنعه بالزواج الشرعي
بالفعل..وهو قاعد معايا كلمته وقعد يحكي لي عن طريقة الزواج المعمول بيها عندهم وإن
أهل البنت بيجهزوا مع الشاب علشان يساعده مش أكثر وفي المجمل بيكتبوا قايمة
لحفظ حق بناتهم

(أنا مستمع جيد جدًا على فكرة..تركته يخلص خالص وبعدين قتلته)👉

—ما شاء الله ياشيخنا..كلامك جميل ، ولكن هل في بلدتكم الشاب (مُسَيَّر) في قبول
أو رفض أي حاجة هتدخل شقته وللا (مُخَيَّر) ؟
= لا طبعًا مُخَيَّر

—طيب...ولو هو مُخَيَّر في قبول أو رفض هذه الأشياء ، إيه المشكلة عندهم إنه يرفض
أو يقبل تجهيزكم معاه؟

= لا مفيش مشكلة ، ولكنك يا أخي الفاضل تعلم ظروف الشباب وإنهم مش هيقدرُوا
يجهزوا كل حاجة

—حضرتك عارف ظروفه دي؟..هو اشتكى يعني؟

= لا أبدًا..إحنا بس بنقول أهل البنت يجهزوا معاه من باب الهدية يعني 📁

-بصرف النظر عن الهدية..الشرع مفيهوش إلزام بشئ مفيش إلزام فيه ، لأن ببساطة الشاب اللي مش معاه يجهز مسكن مناسب ميتزوجش...(فمن لم يستطع فعليه بالصوم)= لا مش الفكرة يعني إنها هدية...هي بصراحة بتكون جزء من المهر..آه جزء من المهر -يعني والد البنت يكتب قايمة وييجيب حاجات علشان اللي فيها يكون جزء من مهر البنت؟وللا هدية منه؟

=طبعًا يامولانا..دي بتكون جزء من المهر..عندك مشكلة المهر يكون عبارة عن منقولات؟

-الحقيقة المشكلة مش عندي يامولانا..المشكلة هتكون عند فضيلتك =فين المشكلة؟

-أولاً: ألزمت والدها يجيب حاجات علشان يكتب عفش الشاب معاه (لا هو ملزم بتجهيز ولا الشاب نفسه ملزم يقبل منه شئ في بيته)

ثانيًا: ضيعت مهر البنت الحقيقي في شوية عفش روبايكيا بمجرد الدخول ليتحول من كونه عفش له قيمه لمرحلة (كسر الزيرو) بعد شهر زواج لمرحلة (المستعمل) بعد زواج سنة..فين مهر البنت اللي الشاب هيدفعه

=هما متراضين بقى ياشيخ

-كل دا ليه طيب ياسيدنا؟

=علشان نحفظ حق البنت

-مولانا الفاضل...ربنا نسي على مدار ١٤٠٠ سنة يحفظ حقوق المسلمات وانتوا في بلدكوا افكرتوا؟

=حاشا لله... محدش قال كده..بس دا عُرف لا يصطدم مع قاعدة شرعية

-البنت عندكوا في البلد يامولانا لما بتحتكم للقايمه عند الطلاق بتروح المحكمة وللا حضرتك اللي بتقضي بينهم؟

=لا...غالبًا بتروح محكمة

-يعني البنت في بلدكوا لو خلعت الشاب اللي قاعد قدامي دا بتاخذ المهر وللا بترده؟

=لا طبعًا...لازم ترده...المختلعة ترد المهر شرعًا

-طيب..مش حضرتك بتقوللي الجهة التنفيذية في القضاء هي المحكمة؟..المحكمة
تعتبر القائمة إيصال أمانة ملوش علاقة بالمهر
=لا متقلقش...أنا أضمنلك الشاب اللي قاعد قدامي ده لو حصل له حاجة أنا بنفسى
هتدخل وأمشي الموضوع شرعي...لا محاكم ولا شئ
-خلاص يامولانا... طالما الأمور كدا معاك أنا موافق إنك تمضي بنفسك على القايمه
بدل الشاب..(إحنا واثقين فيك)👉

#تصحيح مفاهيم الزواج



٢٠٤ / قالولي أجيلك

👉لقيته جاي يسأل عليا في العاشر وأول ما شافني قاللي: (بصراحة أنا معرفش عنك
حاجة..بس ليا صديق وأنا قاعد أحكي معاه عن طريقة وفكري في زواجي قاللي إنت
إزاي هتتزوج بالشكل ده..روح ياابني لواحد اسمه كذا وأقعد معاه واحكيه تفكيرك)
طبعا ضحكت كدا وقلتله: (تنورني ياطيب..طيب إيه طريقتك في الزواج اللي صاحبك
كان مستغربها؟) قاللي 👉

-أنا طيب أسنان ، عندي ٢٧ سنة ، أبحث عن زوجة صالحة تكون طيبة أسنان زبي
=ناوي تشغل زوجتك بعد الزواج؟
-لا خالص..أنا رافض حوار الشغل دا مطلقاً
=عندك مشكلة في أسنانك ومحتاج زوجتك تعملها لك بدل ما تروح لحد غريب؟
-لا طبعا 😊

=عندك نقص بين أهلك ومحتاج تعوضه بشهادة زوجتك؟
-لا خالص...الموضوع دا مش في دماغي خالص
=طب ليه محتاج زوجة طيبة أسنان؟

- لا أبداً مش الفكرة... ممكن صيدلانية عادي
 =فيه أنواع علاج ناقصة عندك محتاج توفرها فهتجيبها صيدلانية؟
 - لا خالص ياشيخ.. مش فاهمك بصراحة 🤔🤔🤔
 =بحاول بس أوصل لدماغك في مواصفات زوجتك.. إنت محتاج من زوجتك تكون إيه؟
 - عاوز واحدة مطيعة وتعرف تربي عيالي 🙄
 =طب بتدور في الوسط الطبي ليه؟.. بيدرسوا مواد تربية الأطفال وحسن التبعل مثلاً؟
 - أنا بس بقول إنها لما تكون طيبة أسنان زبي ممكن تساعدني في الشغل
 =مش إنت قلتلي مش عاوزها تشتغل؟
 - آه فعلاً.. بس هي مش هتشتغل دي ممكن تساعدني وبس
 =وتمسك فلوس ، وتديها إمكانية إنها يكون معاها أداة تستغنى بيها عنك لو سلمت
 ودانها لأي مُخبِبة من صديقاتها في الوقت اللي شَطَر قوامتك عليها أساساً عبارة عن
 إنفاق؟ 🤔
 - آه فعلاً.. أمال إيه؟
 =لو عاوز تتزوج زوجة للبيت يبقى تدور في الأوساط اللي بتحافظ على بناتها في
 البيت.. إيه اللي يخليك تدور وتبحث في أوساط سمحت للبنات طوال فترة دراستها
 تكون حبيسة غرفتها في المذاكرة أو عدد ساعات خروجها لطلب العلم الديني أكثر
 من عدد ساعات قرارها في البيوت؟.. إنت متزوج زوجك لك وللا للناس؟
 - فعلاً والله معاك حق
 =طيب ممكن ألاقى زوجة من الإسكندرية؟
 - ليه من الإسكندرية؟
 =أصل أنا هيكون شغلي الأساسي في محافظة بعيدة ، وبعضه في الإسكندرية ، ومش
 عاوز أسببها لوحدها طوال الأسبوع ، فكرت تكون جنب أمها في المكان اللي بسببه
 كثير علشان متحسش بالفراغ

-وتقعدها عند أمها بعد الزواج فترات طويلة فيفضل الارتباط ببيت أمها هو الأصل وبيتك إنت ثانوي ولما تضطر تقعدها في بيتك تغضب وتسبب البيت علشان مش واخده عليه وترجع البيت الأشد به ارتباطاً؟

=معقولة؟...دا أنا على كدا مكش عندي أي فكرة عن الزواج خالص..بس إيه المشكلة لو كانت كلية عالية زيي وقالت مش هشتغل ؟

-مفيش مشكلة...كل ما في الموضوع إنها كل ما هتزهق هتلاقي مكالمه جايه من صاحبها الدكتور تحكيها عن إنجازاتها وشطارتها في إفتتاح العيادة أو الصيدلية وإثباتها لحسن تبعها لزوجها بمشاركته في الإنفاق

وهتلاقي الزن بقى على دماغك زن موسمي..كل ما هتزهق هتقولك هشتغل ، كل ما هتتمر بضائقة مالية هتقولك شغلني علشان أساعدك...وابقى قابلني لو عرفت توقف الشيطان ده 🤖

=ياخبر إسود...دا أنا كنت مغفل بشكل..أنا دلوقتي عرفت صاحبي بعيني ليك ليه 😊
وبعد ما دخلته الصفحة وتابع المنشورات الفكر بتاعه اتغير تماماً وبقي يطلب زوجة للزواج مش للمجتمع

[#تصحيح مفاهيم الزواج](#)



٢٠٥/ هو إيه الحل عند المتدثرات ؟

[#هواية_الحك_عند_المتدثرات](#) 🤖

👉هتفاجئ بأختك الصالحة القاننة الداعية للتعدد تكتب وتعيد وتزيد في الموضوع لدرجة أنك ستبهر بعقيدتها وفطرتها السوية التي فاقت فطر أمهات المؤمنين [على الفيسبوك]

👉ينتقل هذا الإعجاب لإبداء رأيك عندها.. فلا مانع من ال(جزاكي الله خيرًا) أو ال (بارك الله فيكي) أو ال (إيه ده.. هو لسه فيه فقيهاات بالشكل ده)!

👈تفرح المتدثرة وتترك تعليقات وغزل الرجال.. لا بأس ببعض التحرشات اللفظية فهي تنشر منهجًا ومثلها ممن تُؤمن عليها الفتنة لعلمها وورعها

👉تبدأ في نشر منهجها بتصحيح وتعديل منهج متابعيها من المخنثين المتنبيين المدلدين الذين بايعوها على السمع والطاعة وتبدأ بتعديل مسار هؤلاء الذكور وإرشادهم 🌟تنبهر الذكور بنشر منهج الفقيهة فهي جزاها الله خيرًا تُدرس لهم كيف يعددون وكيف يتزوجون... حريصة منذ نعومة أظفارها ألا يقابلوا الله بشق مائل

#ملحوظة: يهتم هذا النوع جدًا بإبداء آراء الذكور لنشر الحكمة _أقصد الفكرة_ 🤔)

#وبس_كدا 🧑🏻

#تصحيح_مفاهيم_الزواج



٢٠٦ / أحمد هادي اتزوج إزاي ؟

٩ أغسطس ٢٠٢٣ .

👉في عام ٢٠١٦ لقيت صديقي Ahmed Hady معدي عليا يقوللي: (الحمد

لله يا أبو زياد.. رايح النهارده أكتب القايمه مع عم فتحي والد خطيبتي)

قلتلته: (قايمه إيه اللي هتكتبها؟)

قاللي: (القايمه !.. قايمه المنقولات يا أبو زياد)

قلتلته: (يا ابني القايمه دي أكبر غلط ومينفعش تعمل حاجة زي كده)

ساعتها أحمد اتعجب جدًا لما قعدت أشرحله ضررها ، والأعجب من كده إني كمان

مكنش عندي تصور كافي لأبعاد المسألة (يعني والد العروسة أصلًا كان مجهز معاه ،

ومكنش فيه إتفاق مسبق فيما بينهم بالزواج الشرعي)

كل التنظير ده ربنا من عليا بتأصيله وإيجاد حلول له بعدين ، بس قتلته ساعتها: (شوف
يا أحمد.. إنت هتروح عادي في القعدة وتتصل عليا قدام والدها والناس الموجودين.. بس
عاوزك تتق الله في نفسك وتسال ربنا إنك متقش في أي مخالفة في بدايك حياتك)
👉 بالفعل أحمد راح مع والده لبيت عم فتحي والد العروسة وكان موجود ساعتها مع عم
فتحي أخوه

(عم فتحي مدرس لغة عربية في الأزهر الشريف وأخوه شيخ من مشايخ الأزهر)
في بداية القعدة أحمد قال لهم: (فيه واحد صديقي بيقوللي القايمه دي مش في الشرع
، وطلب مني لما أقعد معاكوا اتصل عليه وهو عاوز يكلمكم)

طبعًا الدهشة سادت المكان.. (والد أحمد نفسه كان مُحَرَج من تصرف ابنه) 🌈
قال لهم: (هتصل عليه يكلمكوا ، ولو أقنعتوه إن كلامه غلط أنا هعمل اللي انتوا عاوزينه)
بالفعل... أحمد اتصل عليا وأنا ساعتها قعدت أشرح لعمها الشيخ الأزهرى [اللي كانت
المكالمة كلها معاه] قعدت أشرحله الشرع في الزواج ووضع القايمه ودارت المكالمة
كلها حول تأصيل الأمان الحقيقي للبنات في دين الزوج مش في إيصالات الأمانة ،
وتحدثت معه عن زواج الصحابة والتابعين لحد ٥٠ سنة فاتت هي سنوات الخراب في
الباب ده.. [دي كانت أول مكالمة هاتفية في حياتي في قعدات الزواج]
(لم يتطرقوا أبدًا للمنقولات التي أحضرها عم فتحي للعروسة.... كان مجهز 1/2 الشقة
مع أحمد)

انتهت المكالمة ومعرفتش إيه اللي حصل غير لما أحمد كلمني بعدها وقاللي 👉
بعد ما قفلت ووضحت يعني إيه زواج شرعي لعم العروسة وعم فتحي قاعد سامع
ومتكلمش ولا كلمة فوجئت بيه بعد المكالمة بيقول لنا (بص يا بني.. أنا اقتنعت بكلام
صاحبك ونويت بإذن الله أزوج بنتي من غير قايمه ، وكل الحاجات اللي جبتها دي هدية
لكم في بداية زواجكم ، ومش متخيل إنني أجيب حاجات غير ملزم بيها وأكتبك بيها
إيصال أمانة ، بس وصيتي تحافظ على بنتي زي ما يسرت الزواج معاك 😊)

⬅️ عارف إن فيه ناس دلوقتي هتقوللي: (بس من حقه كان يكتب الحاجات اللي اشتراها
طالما العريس قبلها)

عارف إن فيه ناس هتقول كمان: (يعني مكنش عندك آليات تنظير وإيجاد حلول ومع ذلك اقتنعوا بكلامك إزاي) ؟

يا جمااااااااااا... البيوت الشبعاة تختلف كليًا عن بيوت الجعانيين
البيوت اللي بيعلمها رجالة تختلف عن البيوت اللي بيتحكم فيها نسوان من ورا ستارة
عم فتحي هو اللي گبل أحمد بتسامحه في زواج ابنته وهو دا سر إكرام أحمد لبنته
مهما حدث من مشكلات

بعد الموضوع ده عم فتحي ميينزلش العاشر من غير ما يعدي عليا ، وبقي من الداعين
للزواج الشرعي بالرغم إن بلدتهم مفيهاش الكلام ده وتقريبًا هو الوحيد اللي عمل كده
في يوم بعد الزواج حدثت مشكلة بين أحمد وزوجته (مشكلة زي اللي بتحصل في كل
بيت) ساعتها اتحركت بسرعة ورحت لأحمد بيته وأصلحت ما بينهم ، ولما عم فتحي
شكرني إني اتدخلت وهو مكنش محتاج يبجي وبعيلي دا مع أحمد قتلته: (اللي يزوج
بناته بالشرع ويرضى بنته تعيش مسلمة كلنا نتحرك علشان إستقرار حياتها وعمرنا ما
نسيبها) علشان الشيطان مش عاوز من البيوت المسلمة غير خرابها

النماذج المحترمة دي موجودة وبكثرة ولازم نظهرها ، ولكن للأسف... نموذج عجة
هو اللي ظاهر على السطح وواحد الشو الجامد

#ملحوظة: دي كانت آخر بنت عند عم فتحي..بس عم فتحي مش آخر بيت... فاثبتوا
كدا واتقوا الله في نفسكوا 🏠

#واخدين بالكوا؟ 😞

#تصحيح مفاهيم الزواج



تصحيح مفاهيم الزواج

أحمد الأهواني
الجزء الثالث

٢٠٧/ ضعف آلياتك في الإختيار تخليك متزوجش ؟

👉 نبرة إنك متزوجش علشان لو خلفت هتخزوق نبرة واحد (ضعيف مسكين) معندوش أدنى أدوات ومقومات التعامل في الحياة

وبالرغم من إننا بنأيد الصنف ده على إنه يفضل عايش كدا (لأن دي قدراته ومش هيقدر يجيب من الحيلة أكثر من كده مهما فعلنا معاه) إلا إننا بنوضح للجيل اللي طالع خطورة الدعوة المخنثة دي

👉 العلمانيين والنسويات أكثر ناس بيفرحوا بالدعوة دي ويسعوا ليها..لأنهم ببساطة بيعمروا الأرض يوم بعد يوم ويبجيووا كفار صغيرين ينشروا كفرهم ، وإنت يا صاحب الدين وَقَّفت نسلك علشان مخططاتهم..(هزيمة ما بعدها هزيمة)

👉 ضعف آلياتك في إختيار البيوت المسلمة لا يعني عدم وجودها...موجودة بس إنت قدراتك محدودة في البحث

(في ظل هذه القدرات المحدودة بنشجعك متدخلش بيوت أبدأ...لأنك وإن دخلت هذا البيت فلن تستطع التعامل وستنشز منك الصالحة حتمًا لضعفك في قيادة البيت وهزيمتك بينك وبين نفسك)

👉 الأخت المسلمة لو اتقدملها أحد هؤلاء أصحاب هذه الدعوة...(اوعي توافقي على الصنف ده)

تزوجي من القوام صاحب النظرة الثاقبة في حل المشكلات ... (تزوجي رَجُل صاحب فكر وقدرات مش أي شئ يهزمه ولا أي دعوة توقف مسيرته 🏆)

👉 اللي عملناه مع الشباب على مدار سنوات علشان نوريهم ونشرحلهم طرق دخول البيوت دي وكيفية إختبارهم مع عدم وجود حالة واحدة شَدَّت في مجهوداتنا كان لازم يكون محل وقفة عندك...(العيب عندك والقصور في عقلك إنت وبس)

غيرك ما شاء الله عايش كويس واللي تحته مفكرتش ولو مجرد تفكير في النشوز علشان الحياة مش محتاجه واحد ضعيف ييمشي بكلمتين والشحنة بتخلص... (لو مش شايف نفسك عندك مقومات القوامه متزوجش نهائياً)

مش ناسي لما بعض الشباب كتبوا ليا عالفيس تعليق على البيوت اللي بنشر عنها كل يوم وقاللي: (طب ما هو بناتهم صحيح مكتبوش قايمه بس ممكن يعملوا كذا وكذا وكذا)



الحقيقة أنا بعذرهم... اللي مشافش نتاج دعوتنا على الأرض ومنزلش أرض المعركة مش ممكن يستوعب إن على بُعد خطوات من صد كفار قريش عن الدين حول الكعبة كان خيار أهل الأرض موجودين في دار الأرقم

ربنا يهديك لدار الأرقم بدل ما إنت هتموت تعبان بدعوتك المنقوصة المفتقدة لأي آليات دي

[#تصحيح مفاهيم الزواج](#)



٢٠٨/ معاكي حاجة يا حاجة ؟

آخر ما غلبوا في إنهم يرجعوها عن طلب الطلاق لقيت اللي جاي يقوللي: (عاوزينك تقعد قعدة مع الأطراف علشان وصلنا لمرحلة مسدودة معاهم) رُحْتُ فعلاً.... (الزوجة وأمها وإخواتها والزوج وإخواته) الكل متواجد طوال القعدة أمها بتتكلم بكل جبروت (بنتي مش هتعيش مع الراجل ده... بنتي لازم تتطلق)

باقي اللي حوالها تبّع للأم

بس أنا مش لاقى أي داعي للطلاق 🙄

وبعد ما سيبتهم 1/2 ساعة يتكلموا وقدرت أفهم وأدرس الأشخاص قلت: (الحاجة الكبيرة دي معاها حق.. الطلاق حل مناسب لمشكلة بنتك فعلاً)

الست سمعت الكلمة دي وشها اتغير.. (كانت فاكراي من النوعية اللي هتقعد تتحايل عليها زي اللي دخلوهم قبل كذا 🤔)

مش كدا وبس...دا أنا كمان اشتغلت جامد على أعصابها وطلبت المأذون يبجي وإحنا قاعدين علشان ننجز ونكون شهود على الطلاق الشرعي ده
الأم قالتلي: (للأسف...مفيش معانا مأذون دلوقتي)
قلتلها: (اتفضلي ياست الكل...واتصلتلهم بمأذون)🌈
قعدوا يمطوحوه ويعقدوا الموضوع لما لقوا الموضوع قلب بجد وكل إخواتها مسكوا في
الأم وإحنا قاعدين..[بيت بنتك هيتخرب والموضوع قلب بجد]😊
←بقالهم دلوقتي أكثر من سنة عايشين عادي وتم ذبح عفريت الطلاق من البيت نهائي
(امسك طرف المشكلة ودوس على أعصابه جامد ميصعبش عليك)

[#المسكنات_مبتنعش](#)

[#تصحيح_مفاهيم_الزواج](#)



٢٠٩/يقنعه ميكتبش قايمه

-السلام عليكم ورحمة الله وبركاته.. الشيخ أحمد معايا؟
=وعليكم السلام ورحمة الله وبركاته.. اتفضلي
-بعتذر ياشيخ إني كلمتك وعارفه إنك مبتتواصلش مع نساء ، بس عندي مشكلة
وهقولها لك عالسريع مش هطول عليك
=اتفضلي.. كدا كدا رديت وخلاص
-أنا مخطوبة ياشيخ وبحاول أقنع خطيبي ميكتبش قايمه وأنا هساعده في ده وهنقنع
أهلي بس هو مش موافق
=انتي اللي بتقنعيه وهو مش موافق؟
-أيوا ياشيخ..واديتة صفحتك وطلبت منه يتواصل معاك علشان تشرحه الموضوع بس
هو مش عاوز يخالفهم

= لا حول ولا قوة إلا بالله.. خطيبك ده جايب كل تجهيزات البيت؟

-لأ مش كلها ، والدي ساعد معاه في حاجات

=طيب...هو حاله إيه في الإلتزام؟

-ملتزم جدًا الحمد لله ، بيصلي كل الفروض ومتدين وعارف ربنا كويس

=متجادليش معاه في الموضوع ده ، وسيبيه خالص يتفق مع أهلك زي ما يتفق وبعد

الزواج نبقي نشرحله كل ده ونشوف لكم حلول مناسبة

☞فيه نوعية كدا من الشباب بيكونوا ملتزمين وكويسين بس مفيش عندهم طاقة لإقناع

أو مخالفة المجتمع

وأحيانًا ظروفهم المادية بتفرض عليهم الوقوع في كل الثغرات دي في حياتهم علشان

يمشوا الدنيا (وده غلط)

👉الأخوات اللي سمعوا كلامنا مشهنوقف لهم الحال علشان ضعف ظاهر عند الخاطب

... لأن كدا كدا هنلاقي مظاهر قصور برضو عند غيره

[#النصيحة_لأخواتنا](#) : حاولي على أد ما تقدري مع اللي متقدم ليكي علشانك انتي

في المقام الأول)

وجود ثغرة في حياتك بعد الزواج الشيطان يلعب عليك من خلالها مؤشر مش كويس

لإتمام عبادة حسن التبعّل

[#فانتبهي](#)

[#تصحيح_مفاهيم_الزواج](#)



تصحيح مفاهيم الزواج

أحمد الأهواني

الجزء الثالث

٢١٠ / هيسيبها ويسافر

👉بيشتغل عندنا في العاشر بس هو من ريف محافظة بعيدة ، ولما قرر ييجي يقعد معايا

علشان يناقش معايا أفكاره في الزواج اتصدم... 🤔تابعوا الحوار 👉

-جهزت شقتك؟

=لسه ياشيخ الشقة عالمحارة ، ياذن الله أول ما أخلص الجمعية هشطبها

-الشقة في العاشر وللا عندكوا في البلد؟

=لا في البلد ، إحنا في قرية وشقتي في بيت العيلة

-يعني مش هنشوفك تاني في العاشر بعد الزواج؟

=ليه ياشيخ.. أنا مش هسيب شغلي

-يعني هتنقل زوجتك معاك العاشر؟

=لأ برضو..هي هتقعد في بيت العيلة

-يعني هتنزج وهتعيش في (ريف + بيت عيلة + غُربة)؟

=الظروف بقى ياشيخنا ، كل واحدة لازم تمشي بظروف زوجها

-هو إنت إيه ظروفك اللي هتخليك تعيش متغرب وإنت تقدر تأجر هنا وتجب زوجتك

معاك؟

=إنت عارف الإيجار وظروفه ياشيخ

-إنت لو حسبت المواصلات كل أسبوع + توفير الأكل اللي هتقضيه برا بيتك + الراحة

النفسية اللي هتعيش بيها هتكتشف إنها أوفر لك كثير من إنك تسبب زوجتك لوحدها

في وقت انتوا محتاجين تتعرفوا على بعض وفي بيت عيلة كمان...(دا غير الخلفة اللي

أكيد مش هتكون بالبلوتوث يعني 😊)

=ماله بيت العيلة ياشيخ..على الأقل أكون مطمئن عليها

-ياابني...الطبيعي علشان تقدر تتآلف على زوجتك في الوقت الحالي محتاج من ٥ :

٧ سنوات

إنت بتضيع الوقت دا كله في مجهودات مهدرة من إجبار زوجتك على التآلف على

(والدك _ والدتك _ إخوانك _ المجتمع اللي انتوا عايشين فيه واللي صعب فيه تحافظ

على خصوصياتك)

بعد كل ده تيجي تشتكي وتقول (زوجتي مش قادره تفهمني وتتطبع بطباعي)

هو إنت فاكّر الست دي كائن إيه؟..دي كائن ضعيف قدراته محدودة جدًا في التعامل

=بس ياشيخ هي راضية وأساسًا هي كمان أهلها عايشين بنفس الوضع
-متخليش مسار حياتك ماشي طبقًا لحياة غيرك.. إنت لك ظروف ممكن مترضاش
بخلافها عند غيرك من الناس

=إزاي يعني؟

-إنت عاوز تتزوج ليه؟

=علشان أعف نفسي

-ولما تسبب زوجتك بالأسبوع بعيد عنك في ظل مجتمع ملئ بالفتن تفتكر هي هتفضل
عفيفة كدا أد إيه؟

=ياشيخ دي محترمة جدًا إنت فاهم غلط

-طيب وهو المحترم ده إحنا بنتقي ربنا فيه وللا هو علشان محترم بنعرضه للفتن ونرجع
نشتكي؟

=بس ياشيخ صعب عندنا أسيب بيت العيلة وأنقل مكان شغلي

-الناس هيتكلموا عليك طبعًا ، وأبوك وأمك هيقولوا عنك ماشي ورا السنيورة وسحبك
هي وأهلها وشخصيتك ضعيفة .. و.. و 😊 ...

=حقيقي 🧑

-يبقى أنصحك متزوجش غير لما تبقى راجل تقدر تخلص قرارك على زوجتك لنفسك
وبس

=ياشيخ اهدى عليا بس أنا أقصد 😞

-ياابني إحنا عايشين في مجتمع فتن ، أنا نفسي مينفعش أسيب زوجتي ولا هي تسييني
يوم واحد أو يومين حتى علشان ظروف أقدر أغيرها

=طيب ياشيخ يعني لو نقلت شغلي للبلد وقعدت هناك إيه رأيك؟

-أنا أنصحك تبعد عن الريف علشان تقدر تربي عيالك صدورهم سليمة ، غالب
العبادات القلبية صعب توصل أهللك أو توصللها في الريف ، ياراجل إنت تعرف تدخل
بحاجة من أول البلد غير لما آخر البلد يكون عرفها 🌈

=والله عندك حق ياشيخنا فعلاً.. نصيحتك ليا إيه دلوقتي؟

-سيب شقتك هناك وبالفلوس دي جهز نفسك وأجر جنب شغلك ومتبعدش عن زوجتك ولا تخليها تعيش بعيد عنك ، وخليك فاهم إنك لو قعدت تحسبها بالفلوس ففيه حاجات بينك وبين زوجتك هتتدمر بعد كده عُمرُك ما هتتعرف تعوضها بأضعاف الفلوس دي

#تصحيح_مفاهيم_الزواج



٢١١/زوجتي مهندسة

👉 كان قاعد بينه وبين نفسه مش قادر يفهم زوجته بتتعامل معاه بالشكل دا ليه ، ولما قعد معايا سألني نفس السؤال 📌

-زوجتي ياشيخ غريبة جدًا ومش قادر أفهم هل دا العادي عندهم وللا زوجتي هي اللي فيها مشكلة

=مالها؟..بتعمل إيه؟

-يعني ياشيخ بحسها معندهاش رغبة فيا كدا ، في البداية قلت يمكن عندي مشكلة بالرغم إني موسوس جدًا في موضوع النظافة يعني 😞

عملت كل حاجة لدرجة إني اتعلمت الرومانسية علشانها بس مفيش فايده ، لو طلبتها بتيجي كدا وهي متضررة ، ولو أنا مكبر دماغي أو انضغطت في شغلي وانشغلت ولا هي هنا مهما المدة طالت

=زوجتك بتشتغل؟

-أيوا ، هي مهندسة وتشتغل في مجالها ووضعتها كويس جدًا

=بتخرج كل يوم وتركب مواصلات وتتراحم وتتعامل مع رجال في الشغل والمواقع؟ 🙋

-اممم..يعني طبيعة شغلها في حدود العمل

=عندك تليفزيون؟

-آه عندي..بس الحقيقة أنا مبتفرجش عليه ..أنا يعني بحاول ألنزم وأغض بصري على
أد ما أقدر بس التليفزيون في البيت يعني علشان الأولاد
=عاوز زوجتك بعد ما اختلطت بالرجال وشافت رجالة كثير غيرك تكون عندها رغبة
فيك؟

-هاه...! مش فاهم فين المشكلة؟
=غالب حالات البرود العاطفي والجنسي عند النساء في زماننا بسبب الاختلاط ، المرأة
اللي طبيعتها أصلاً القرار في البيت وغض الطرف عن أي حد سوا زوجها والحفاظ عليها
والتعامل معاها كالقوارير والجوهرة المكنونة... كل دا بمخالفته بيحصل اللي إنت بتشوفه
ده...بقت باردة جنسياً (ودا العادي)

-بس ياشيخ أنا أفهم إنها لما يحصل معاها ده المفروض يعني رغبته تريد مش العكس
=رغبته!... إيه أخبار رغبة صاحبك اللي شغال في القرى السياحية في شرم والغردقة ؟
-ههههه...لا الوضع مختلف عني تمامًا 🌈

=مسألنش نفسك ليه كثرة المشاهد ولدت عنده برود؟

-امممم.. لا مفكرتش بصراحة

=(كثرة المساس تُزيل الإحساس)... في الوقت اللي إنت مع حفاظك على غض البصر
ولو اشتريت حاجة من ماركت وصباغك لَمَس صُباع البنت اللي بتبيع لك بتحس بنغزة
في قلبك وتفضل تعالج فيه ومتنامش الليل من عرض الصورة أمامك وتجاهد
نفسك....صاحبك اللي هناك ممكن يشوف العرايا عادي خالص ولا أي تأثير

-فعلاً...الصور بتاعته عالفيس مخزية جداً

=الغرب نفسه لما فتحوا على أنفسهم الأبواب دي رغبتهم اتقتلت...دلوقتي بتلاقي في
الغرب راجل مع راجل أو امرأة مع امرأة أو راجل مع كلب أو امرأة مع حصان 🐎
ربنا يعزك....الشاب اللي أدمن الإباحية استغنى بالصور عن زوجته اللي معاها في سرير
واحد

(وده مظهر من مظاهر البرود عند الرجال أيضاً عند المخالفة)

-ياربي..أنا أول مرة أفكر في تأثير البلاوي دي

=ياحيبي...ربنا سبحانه وتعالى خلق الذكر والأنثى ويعلم ما يصلح كل نوع منهما
خلق الذكر للضرب في الأرض وأمره بغض البصر وعدم التعامل مع النساء قدر المستطاع
، وخلق النساء وفطرن على القرار في البيوت وحفظ النفس للزوج ، دا غير فتح باب
المقارنات بينك وبين غيرك من الرجال مما قد يُزهد كل صنف فيما تحت يديه ، ولذلك
هتلاقي العقوبات الشرعية لنشوز المرأة مبتجيش مع زوجتك
-عقوبات شرعية زي إيه؟

=زي الهجر مثلاً ، إنت تعرف تعمل عقوبة الهجر مع زوجتك أساساً؟
-هجر إيه بس ياشيخ ، دا هي اللي بتهجرني أساساً 😊
=ودي مش طبيعة المرأة ، المرأة أصلاً جِلّت على حب الإهتمام وإظهار مكانتها عند
الرجل ، دا الإسلام أباح لك الكذب علشان توصل معاها للرغبة دي
-حقيقي ، بس الهجر يعني هيعمل فيها إيه؟

=الهجر يقتلها (دا طبعاً لو صاحبة فطرة لم تنتكس)
شايف في تفسير ابن كثير يقولك إيه عن عقوبة الهجر
(وَقَالَ عَلِيُّ بْنُ أَبِي طَلْحَةَ أَيْضًا، عَنْ ابْنِ عَبَّاسٍ: يَعْطُهَا، فَإِنْ هِيَ قَبِلَتْ وَإِلَّا هَجَرَهَا فِي
الْمَضْجَعِ، وَلَا يُكَلِّمُهَا مِنْ غَيْرِ أَنْ يَذَرَ نِكَاحَهَا، وَذَلِكَ عَلَيْهَا شَدِيدٌ)
واخد بالك من وذلك عليها شديد دي؟...دا لما يكون لسه فيه فطرة والفطرة لم تنتكس
-حقيقي..طب الحل إيه ياشيخ؟

=الحل هو الرجوع لشرع الله وترك كل ما من شأنه انتكاس الفطرة...واللي عنده معزة
يربطها 🌈

-هههههههه...تسلم ياشيخ جزاك الله خيرًا

[#تصحيح_مفاهيم_الزواج](#)



تصحيح مفاهيم الزواج

أحمد الأهواني
الجزء الثالث

٢١٢/والد الزوجة عمل إيه ؟

أحمد الأهواني

برضه عجه !
لا عرف يقنع البنت ولا يفهمها ولا حتي عرف
يربيها !
هو عمل كده لادراكه التام بحاله بنته وان
جوز بنته هيسلمه الحاجة اللي جابها !
اس أعجبني رد إخفاء

أحمد الأهواني

انتوا ملتكم إيه؟
لا حول ولا قوة إلا بالله
النواشر خلت تفكيركوا محدود

٥٧ د أعجبني رد ١٨

محمود عبدالله

كان معايا حالة لزوجه زهقت زوجها جدًا ، وكنت
ت معاهم قبل كذا في مكالمه هاتفيه وسمعت تفا
اتها
الشاب جه يطلق والد البنت راح بيته وقطع القايمه
ق بنته وقال لها: (بكره هتعرفي قيمة النعمة اللي ا
رتي عليها)
اب إكراما لتصرف والدها إداها كل حاجة تقريبا
ش. كل الآباء عجة

للك أن تتخيل إن التعليق اللي عالمين ده كان عن حال الأب الجميل اللي عالشمال

ده

إحنا فيه فريق من الشباب عايش وسطينا هي دي صورته عن الحياة.. ضعف شخصيته

قدام تغيير المجتمع جعله يقف أمام النموذج السيئ ويكون النموذج ده هو مدار

حياته.. (مش شايف غيره ، وبسببه هيسئ الظن بالجميع)

الأخوات الطيبات ممكن يكتشفوا النموذج ده بكل سهولة

(تعليقاته ومنشوراته عالفيس بوك ، أسئلته في الخطوبة اللي كلها نظرة تشاؤمية ، تركيزه

عالنموذج السيئ ونفي أي صورة لوجود نماذج صالحة)

متحاوليش تغيري تفكيره.. لا أبداً... (ارفضيه مباشرة)

الصنف دا ضعيف لا يمكنه قيادة أسرة أو قوامة على امرأة

صنف مهزوز المشكلات بتهده بسرعة ويتخليه يستسلم ويترك الراية

هو دا الصنف اللي لما أخت من الأخوات ابتليت بيه هرب وسابها وساب عياله..(ضعيف لا يمكنه المواجهة ولا التغيير)

👉 هتلاقيه من تردده تارك لفكرة الزواج وقاعد يتمسح في أي بوست يهدئ من رغبته الفطرية وبيشجع غيره على تفكيره كي لا يعيش منفردًا

👉 الحمد لله إني سبب في تشجيع هذا الصنف على عدم الزواج كي لا تُبتلى به أخت صالحة

(بس غالبًا لو اتقت المسلمة ربها واستعانت به لن يحدث)

[#تصحيح_مفاهيم_الزواج](#)



٢١٣ / انجز عمرك

👉 رفعت عليه كل القضايا اللي تتخيلوها ، وبقي مش عارف يشوف عياله غير بالرؤية ، ولما قعد معايا وحكالي وضعه المؤسف حطيت له خطة بالمصالح والمفاسد علشان يكسب عُمره ويلحق نفسه ويتزوج ويتفادى أخطاء الاختيار...(الكلام دا من أسبوع بس)

١/ لازم يكون معاك ورقة طلاق علشان الفُرس قدامك في دخول البيوت تزيد (حسبة الخسائر اللي هتدفعها لما تبادر بالطلاق لحالتك أقل من العُمر اللي هيضيع) وحسبتها معاه بالورقة والقلم

٢/ دخل سجل عالموقع وهو قاعد معايا

٣/ تاني يوم كان اتصل عليا يقوللي إنه طلق بالفعل

٤/ أول إمبارح جالي مكالمة من ناس بيسألوني عليه اتوافق معاهم عالموقع وعمل رؤية كمان 🎮

[#انجز_عُمرَك](#)



تصحيح مفاهيم الزواج

أحمد الأهواني
الجزء الثالث

٢١٤/ هسيبها تربي العيال

👉 كان بيتفق معايا أكلم والد زوجته في الزواج الشرعي لأنه مش قادر يقنعهم ، وبالفعل بعد ما حددت معاه موعد سألته ودار الحوار ده 📌

-إنت هتعيش في القاهرة؟

=أول شهر زواج هيكون بإذن الله في القاهرة ، وبعد كدا زوجتي هتكون هناك في بيتنا في الصعيد

-يعني هتغير شغلك للصعيد؟

=لأ...هنزل كل شهر ونصف لها بإذن الله

-طب ليه متقعدهاش معاك؟

=مينفعش أسيب والدي لوحده هناك

-مينفعش إنت اللي تسيبه وللا مينفعش زوجتك اللي تسيبه؟...إنت سايبه بالفعل..مش واخذ بالك؟

=لا ياشيخ..هو كدا كدا مش محتاج حد..بس أنا يهمني ولادي يتربوا في البلد

-ولادك هيكونوا تربية (مَرَّة) ..دي حاجة كويسة؟

=هاه 😊..ما هي بنت كويسه وملتزمة ياشيخ

-والله لو كانت شيخة الإسلام ، مفيش شئ اسمه واحدة ست تربي والراجل يخلع إيده ، عيالك هيطلعوا فَشَلَة شمامين...زوجتك مش أرملة علشان نقولك ربنا هيوفقها لظروفها..طول ما إنت خالع إيدك عيالك حالهم مش هيكون كويس

=اممم..طيب ياشيخ بس الغربة مش حلوة يعني وأنا مش حابب أخلي زوجتي معايا في القاهرة ، إنت عارف مهما كان الوضع أمان في البلد من حيث الفتن وكده

-بقولك إيه...إنت وزوجتك في الزمن ده لو بعدتوا عن بعض هتمشوا شمال
=ياشيخ مش للدرجادي...😊ناس كتير عاملين كدا وبفضل الله بيوتهم مستقرة
-مين اللي قالك عالي جوا البيوت؟..حد بياخد مشورتك يعني؟..حد بيدخلك في
مشاكله؟..أمال كل الرسائل اللي على موبايلي دي جايه منين؟
=طيب ياشيخنا إنت شايف إيه؟..إنت قلقنتني 😊

-شوف ياأخي...أنا مش هقدر أمشي معاك في حوار زواج شرعي وإنت داخل تتزوج
شرعي في البداية وبعد الزواج مش ناوي تتعامل بالشرع مع زوجتك...اتق الله في الزوجة
الضعيفة دي ياأخي وبلاش تعرضوا نسوانكوا للفتن بالله عليكوا

#اتقوا_الله_في_النساء

#تصحيح_مفاهيم_الزواج



٢١٥/رحت معاه لوالدها

👉قاللي إنه راح لوالد البنت اللي عاوز يتزوجها هو وأهله بس معرفش يقنعه بالزواج
الشرعي وأهل البنت رفضوا الموضوع

وطلب مني أروح معاه كمان زيارة وكدا كدا بيتهم في العاشر فالموضوع مش هيكون
صعب عليا

طبعا متأخرتش عنه ورحت معاه لبيت والد البنت اللي كان معاه أحد أقاربه موجود في
البيت

ما شاء الله ناس طيبين ومحترمين استقبلونا كويس جداً وطلبوا يفهموني طريقة زواجهم
إزاي (اللي هي زي كل الناس ما بيعملوا)

وفي خلال 1/2 ساعة تقريباً أنا قاعد أسمع فقط

بعد كلامهم حصل بيننا الحوار الآتي 📌

=دي طريقة زواجنا بقى ياشيخ أحمد اللي هي زي كل الناس ما بيعملوا.. فيها مشكلة؟
-طبعا...دي فيها مشاكل

=مشاكل زي إيه؟

-لما حضراتكوا تعرفوا إن الزواج الشرعي عبارة عن شاب يجهز شقته ويحجب مهر ،
وتعرف بعد كده إن حضرتك مش مُطالب تجيب لبنتك أي شئ لزومًا (لو عاوز تجيب
لها هدية فده من إكرامك لها ، ولو مش عاوز محدش يقدر يلومك)
إيه الهدف إنك تكتب شئ إنت غير ملزم تجيبه في بيت زوج بنتك كإيصال أمانة على
زوج بنتك اللي مش ملزم يقبل الهدية؟...وهل دي بالشكل دا هدية؟..لو قلقان متكلفش
نفسك

=دا من حفظ الحقوق ياشيخ أحمد..هو البنت بتتزوج ببلاش يعني في الشرع
-ياسيدي...البنت في الشرع اللي أنا بتكلم بيه بتاخذ مهر حقيقي (بتستلمه في أيديها
ولها حرية التصرف فيه) ولكن في الطريقة بتاعتكوا فهي مبتاخذش أي مهر أبدًا
فين مهر بنتك وحضرتك هتجهز 1/2 الشقة مع الشاب؟

لو عملت عملية حسابية بينك وبين نفسك هتفاجئ إن (ما أحضرته في بيتهم _ المهر
اللي هيتدفع لها = خسارة عليك إنت)

فين مهر البنت في الإسلام؟

=لا ياشيخ...ما هي بيتكتب لها قايمة بمجموع ما جهز الزوج + مجموع ما أحضره
والدها في شقة الزوج

-هذه المنقولات هي مهر بنتك ؟

=أيوا...الحاجات اللي جابها مهر والحاجات اللي جنبها هدية (والإثنين هيتكتبوا)

-بعد دخول الشاب دا على بنتك بيوم واحد صارت جميع المنقولات (كسر زيرو)
وبعد مرور شهر على الزواج يتم التعامل مع هذه المنقولات على أنها (مُسْتَعْمَل)..هو دا
مهر بنتكوا؟

(الناس وقفوا شويه كدا يفكروا في الموضوع لأن الكلام كان واضح إنه جديد
عليهم..وبعدها قتلهم)

-الإسلام جاء بحفظ الحقوق ، يعني الدين يحفظ حق الشاب ويحفظ حق الفتاة ، وما حدثت المشكلات إلا ببعدنا عن دين الله زي ما حضراتكوا شايفين..وده اللي دَفَع الشاب ده يقوللي مش هتزوج بغير الشرع
=ولكن فين المشكلات ياشيخ؟..إحنا عاملين ده وكل الناس حوالينا عاملينه ، فين المشكلات؟

-المشكلات على موبايلي وفي محكمة الأسرة 😊
لو حضرتك عايش معايا وبتشوف وتسمع اللي بيتعرض عليا كنت عرفت الشيطان دخل بيوت المسلمين منين ، هننتظر إيه بعد ١٢ مليون قضية أحوال شخصية في محاكم الأسرة علشان نرجع لديننا؟
=بس أنا أول مرة أسمع عن ده؟

-علشان حضرتك مش شاغل نفسك بالموضوع ، ودي أول حالة زواج في بيت حضرتك ، الشاب دا مثلاً أول ما فكر في الزواج فوجئ بصفحتي واتفاجئ بالأعداد الهائلة دلوقتي اللي بيتزوجوا كدا كل يوم..(الموضوع مش جديد ، كمان سنوات قليلة مش هتلاقي زواج غير كده)

(الأخ اللي كان قاعد مع والد البنت اتكلم وقال)
=أنا ياشيخ متزوج من ١٢ سنة ، ومع إنني مكنتش أسمع عن كل ده بس عمري ما فكرت أظلم زوجتي أبداً

-حضرتك كدا عامل زي إخوة يوسف..لولا إن ربنا أمهلهم علشان يتوبوا كانوا قابلوه قَتْلَةً..لما عرفت الكلام دا بعد ١٢ سنة ممكن نلتمس لك العذر ، لكن الشاب اللي لسه داخل يبدأ حياته وعرف..إيه عُذره؟

حضرتك اتزوجت إزاي؟

=اتزوجت عادي

-تعرف تحددلي مهر لك؟

=يعني..جبت شبكة وكتبت على نفسي مؤخر

-عُمرِكَ قعدت تتخيل إن المؤخر دا دين وإنت مطالب تتعامل معاه زي أي دين؟...شايل
الهم في يوم تلقى فيه الله ومتكونش قيمة الدين دا في تركتك؟

=أنا جايب لزوجتي أضعاف المؤخر دا ياشيخ 😊

-ملوش علاقة ياسيدي الفاضل..المهر دين منفصل لا علاقة له بأكلها وشربها في بيتك
ورفاهيتها...هو دا اللي الإسلام بيرسخ له.... حفظ الحقوق لكلا الطرفين

=بس لو كتبنا قايمة إيه اللي هيحصل للولد؟

-لو كتبت قايمة فإنت بتفتح باب كبير للشيطان المُخبب يدخل بيتك
واخد بالك إزاي أنا شادد على الولد يحدد مهر حقيقي ويدفعه ونوثقه؟...علشان دا حق
والحقوق مينفعش نضيعها

دلوقتي لو بنتك خلعت الشاب ده وأخذت القائمة بالمحكمة...إيه الضمان الحقيقي
للشاب دا وقتها؟

=إحنا منعملش كدا..انتوا طبعًا سألتوا علينا

-ياغالي انتوا ناس أفاضل وأحسن نسب في الدنيا معندناش مشاكل..ولكن هل تقبل إن
الشاب اللي داخل يتزوج كدا علشان والده راجل كويس وأهله محترمين ونسيب بنتنا
من غير توثيق لحقوقها؟

ترضى تبيعلي شقة أو تأجر ليا شئ علشان أنا شيخ معروف مثلاً؟

العقود الشرعية لا علاقة لها بهذا الكلام...هذا الكلام ممكن نقوله لما نزوج بنتنا لحد
وعاوزين نسأل عليه ، لكن عند كتابة العقود لازم حق بنتنا يكون معروف وحق الشاب
يكون معلوم أيضاً

وزي ما الشاب ده بعد الزواج ربنا أمره بوقاية أهله النار ، فحضرتك أكيد يهملك تقفل
معانا الثغرات علشان بيت بنتك يستقر وتعيش مسلمة

(لقيت الناس يقولوا الحقيقة إحنا معندناش أي رد على موضوع الخلع دا وفعلاً معاك
حق فيه...وعلى الفور قتلهم 🚬)

-ولذلك لأنكم ناس طيبين فأنا حابب أقول لكم شئ

اوعوا تزوجوا بنتكوا للشاب ده لو سألنوا عنه ولقيتوه لا يحافظ على الصلاة مثلاً أو يتساهل في كسب المال (من حرام أو شبهة)

ركزوا في الشئ الأهم وبعد كدا ربنا سيجعل لكم مخرجاً من أي هاجس عندكم
اوعوا كمان تسمحوا للشاب يحدد مهر مش موجود فعلياً معاه...دي أول علامات النصب

ولو إمكانياته وكفاءته لا تتناسب معكم ورفضتوه مفيش مشكلة ، ربنا يكرمها بحد بنفس الكفاءة

(الكفاءة لا تُعوّض بشيكات لا رصيد لها على أرض الواقع)
👉 وبعد حوار ساعة ونصف انصرفت لأجعل لهم القرار بعد ذلك ، ولكن أعجبنى إصرار الشاب على الزواج بالشرع حتى وإن تم رفضه
وأعجبنى عدم مكابرة الأهل بعد توضيح كل الشبهات
(وربنا يجعل لهم خير في بعض 👉)

[#تصحيح_مفاهيم_الزواج](#)



٢١٦ / اللغة مع النساء

👉 المكالمات الهاتفية بتاعة الأزواج اللي فيه بينهم خناقة واتفقوا يدخلوني بقت ملحوظة معايا جداً

ساعة الخناقة بيتفقوا يدخلوني أسمع منهم

👉 كثير من الأخوات اللي بيتابعونا بقى عندهن خط أحمر من الخروج من بيت الزوج... (ربنا يحفظهن)

كانت زمان أول ما تزعل تخرج من بيته وتمشي على بيت والدها... (هي مش فاهمه كدا إن الجريمة اللي عملتها لا تعادلها ما فعل زوجها معها وإن كان مخطئاً)

←تقريبًا غالب المكالمات دي بتنتهي بالصُلح اللي بيكون مُفاجئ لكل الأطراف وببساطة

السبب هو غلق باب النشوز قبل فَتْحِه أمام الشيطان.. (الخيط الذي سيظل يلعب عليه حتى يقع الطلاق)

بعض الرجال مشكلاتهم مع زوجاتهم تكمن في عدم فهم طبيعة المرأة... (بیتعامل معاها زي صاحبه في الشغل)

يعني يقعد يشرحها كدا ويفهمها طبيعته ويوضحها أساسيات الحياة
لا يا حبيبي الغالي...النساء مش كدا..(كائن مش عقلاني زي ما إنت كنت فاهم)
كائن عاوز لغة تانيه خالص في التعامل... (دا من كمال خلق الله في هذا الكائن على فكرة).. لو عقله زي عقلك كدا مش هنلاقي حد يربي العيال 🙄
بعض النساء بقى بتأفور في (اللامنطق) و (اللامعقول)

شوفي يا أختي ياللي عاوزة تعيشي مسلمة
قبل ما تهب منك أوفر بالله عليك عاوزك تقفي مع نفسك كدا وتطلبي تدخل حد
علشان متعجنش الدنيا

وأظن كل اللي كلموني شافوا الرجالة السهولة عندهم عامله إزاي وأي حاضر ونعم
ترضيههم

[#تصحيح_مفاهيم_الزواج](#)





تصحيح مفاهيم الزواج

أحمد الأهواني
الجزء الثالث

٢١٧ / يعرض بنته عليا

مجهول : منذ 5 ساعات

تكملة للقصة....

وكان أغبى شئ عملته هو إن
الإعتذار علشان أخرج من الموقف
وقتها بالنسبالي محرج وإنصره
وأسرتة وبعد تفكير فى الأمر ل
إلا أن أقول ليت الزمان يعود
فهل ممكن حضرتك تقولى كان
رد أو تصرف فى الموقف دا بد
من خطئى وجزاكم الله ذ

مجهول : منذ 5 ساعات

السلام عليكم

عاوز أحكى حاجه قل أو صعب جدا
تلاقيها فى زماننا دا فى يوم وأثناء م
أنا فى الشغل جالى رجل ملتقى وزوجت
وأولاده المهم عملت الشغل دا والراج
جه علشان يحاسبنى وأراد الله إنى
وقتها أكون بقراء قرآن وبستخدم
السواك فهو بإبتسامة بتقرأ سورة إيا
وبدأنا حوار بيدوا بسيط بعدين الكلام
إتطور تدريجيا للكلام فى العقيدة وأمو
الدين فهو ظن ولله الحمد أنى على خ
فعرض على أن أختار إحدى إبنتيه
فيزوجها لى زواجا شرعيا ولإبنى كنت
مصدوم وقتها معرفتش أرد أبدا وكان
أغبى شئ عملته هو إنى حاولت الإعتذ
يتبع...

اللي حصل للأخ دا خير من الله ساقه الله إليه فعلاً

عاوز الشباب ينتبهوا للكلام اللي هقوله

بدأ الوعي عند الآباء بتشكل دلوقتي إن عرضه لبنته على شاب يراه صالحاً فيه خير كبير
جداً يُقدمه لابنته

الشاب اللي يحصل معاه ده لا يتردد أبداً في قبول طلب الأب إن كان بحاجة للزواج
(أحسن بيت ممكن تاخذ منه هو بيت يبحث لابنته عن شاب صالح بغض النظر عن
الماديات)

وأنا ورب الكعبة لن أتردد في هذا وأراه تدينًا لو كنت في نفس مكان الأب وأنصح
إخواني بنفس هذا الفعل

لو عندك (بنت _ أخت _ بنت أخ _ بنت أخت _ حفيدة)
متردد ليه؟

والشباب يبقوا مدردحين شوية بالله عليكموا ويشغلوا دماغهم 🤔

[#تصحيح مفاهيم الزواج](#)



٢١٨ / عاوزينكو زيبهم

مجهول : منذ 4 ايام

السلام عليكم، ليه كل المستشارات
الاسرية والالقاء دي بتكون مطلقة؟
ليه دايمًا المطلقة بتحاول تمثل انها
ملاك وطيبة وغلبلانة رغم ان اغلبهم
سارقين ازواجهم ومدمرين اطفالهم
وسمعة والداهم وهما كانوا سبب الخراب
ودخلوا المحاكم كمان، ليه!

أظهار

حذف



كنت قاعد في مجلس صلح ، كانت الزوجة
مُصرة على الطلاق
سألته السؤال ده: (انتي سألتني حد عن حياة
المطلقة ما بعد الطلاق؟)

قالتلي: (آه)

قلتله: (سألتني مُطلقة مرت بنفس التجربة؟)

قالتلي: (حقيقي ، وقالتي حياة كويسة)

قلتله: (لما بندخل مشروع تجاري بنروح

نستشير واحد ناجح في التجارة وللا واحد

مشروعه فشل؟)

قالتلي: (لأ.. بس دي صاحبة تجربة)

قلتله: (ربنا بيقول عن حال فصيل من الكفار [وَدُّوا لَوْ تَكْفُرُونَ كَمَا كَفَرُوا فَتَكُونُونَ
سَوَاءً]...يعني حتى الكافر عاوز الباقيين يكفروا زيه وهكذا.. كل واحد عاوز يمرر
تجربته ويزين فيها علشان يلاقي حد معاه (فتكونون سواءً)...شايغه نفسك واخده

النصيحة الصّح وللا اختارتي نصيحة من واحدة عاوزة الكل يمر بنفس تجربتها لأنها مجربتش تجربة ناجحة أساساً ومشافتش بديل؟)

(الحمد لله.. بعد الكلمتين دول الشيطان حرق نفسه🔥)

👉عرفتوا ليه غالب المطلقات الفاشلات بيشتغلوا في الإستشارات الأسرية؟

[#تصحيح_مفاهيم_الزواج](#)



٢١٩/ عاوزين نساعد الشباب ونتزوج

👉عندي حكاية كدا حابب أفرحكم بيها معايا😊

👉من حوالي شهر نشرت رسالة عن تبرع أختين من الأخوات بمبلغ من المال بغرض مساعدة شاب في تجهيز نفسه

الأخوات تركوا المبلغ وطلبوا مني مفتحش الظرف غير لما يمشوا

👉بعد الموقف دا بـ ١٠ أيام لقيت نفس الأختين جايين بنظير هذا المبلغ معاه ورقة بيطلبوا مني فيها الدعاء لهن بزوجين صالحين😊

(أنا بصراحة فهمت ساعتها إنهم بيتخذوا أسباباً شرعية لتحصيل زوج صالح...وده فهم عالي جداً بدأت بواده تظهر في مجتمعنا..اللهم بارك)

👉تقريباً كانوا عاوزين ياخدوا فكرة عن أسباب تانيه ومش عارفين يتواصلوا معايا إزاي ، والحياء كان بيمنعهم من السؤال ..لحد ما إمبارح لقيتهم جايين فعلاً وواحدة منهن معاه ورقة كدا فيها شوية أسئلة وبتتلجلج في الكلام وبتقوللي: (بعد إذنك ياشيخ..عاوزه أسألك شوية أسئلة لو وقتك يسمح)

قلتلهما: (اتفضلي)

قالتلي: (ما هي الأسباب المشروعة التي من الممكن أن تسلكها المسلمة لتحصيل زوج صالح؟)

في لحظتها قتلها: (إنها تسبب رقم الولي بتاعها وتنجز نفسها هي وصاحبتهها 🤔)
[أنا مبضيعش فرصة أبدًا] 🤔🤔🤔

واستدركت بعدها كلامي وقتلتهم: (انتوا في قلوبكم حرج من شئ في شرع الله؟.. أنا قَسَمًا بالله لو لقيت لبنتي زوج صالح ما هسيبه.. انتوا صَح ✓)
طبعًا استدركت الإحراج اللي البنات كانوا فيه بالكلمتين دول فواحدة منهن قالتلي: (إحنا ياشيخ متابعين صفحتك ، والحمد لله غَرَبْنَا كل فكرة غلط في دماغنا أخذناها من المجتمع ، بس نفسنا فعلاً نتزوج برجال صالحين وبنحاول نعمل ده ، ياشيخ.. إزاي أعرف إني بقيت مسلمة بجد معنديش أي فكرة نسوية؟)
قتلتها: (لو لقيتني في قلبك حرج من شئ في الشرع أنزله الله في الكتاب والسنة فاعلمي أن فتنة النسوية عالقة بقلبك)
وقتلها: (بصي بقي علشان متضيعيش وقت وتنجز عمرك ، خدي اكتي رقم الولي بتاعك هنا 😊)

👉 أنا عارف إني هلاقي الصفحة كلها بتقوللي: (ابعت ياشيخنا 🤔🤔🤔)
بس حابب أوصل لكم نقطة طالما تكلمت عنها أنا لا أرتضيها لأحد الشباب
متدخلش تتزوج من بيت أعلى منك ماديًا نهائيًا... (الكفاءة في الجانب دا مطلوبة)
أنا لما لقيت البنيتين جابين بسيارات كدا سألتهم عن الوَسْط اللي هما فيه [ما هو الواحد لَمَّاح برضو] فقالولي: إحنا في جامعات خاصة [أعلى جامعة خاصة في مصر]... عايشه في فيلا كبيرة ، مستواهم المادي عالي أووووثر
الوَسْط دا إحنا طبعًا بنتعامل معاه وعارفين طبيعة حياتهم
إن وَسْط زي ده يطلع منه بنات بيحاولوا يتطهروا من النسوية وخايفين على نفسهم بعد ما اتعلموا دين ربنا واسمعها بتقوللي: (فاضللي حاجة بسيطة في الجامعة ، وكدا كدا مبخرجش غير بعريتي) [علشان يعني فكرة القرار في البيت]
👉 فعلاً شئ مُبشر والله العظيم ونجاح هائل لدعوتنا
👈 أنا قتلهم: (ياذن الله لو حد اتقدملكم وعاوزينه يكلم الوالد في الزواج الشرعي هتلاقوني جاي معاه 🤔)

#الشرع_جميل_بس_إحنا_اللي_بعيد

#ربنا_يرزقهن_بأزواج_صالحين

#تصحيح_مفاهيم_الزواج



٢٢٠ / أزواجهم وصلوا وعملنا الواجب

اليومين دول واقع معايا شوية حوارات لبنات غضبوا وسابوا بيت الزوج وانكشفت حقيقتهم قبل ما يخلفوا

الشباب اللي بيتابعوني نصحوا أصحابهم بالصفحة وغالبيتهم قعدوا معايا وأهالي البنات دلوقتي قاعدين يلطموا

اجمد يا ابني إنت وهو وضعك حلو

(الشئ الملحوظ في كل حوار)

١/ إن كل أمارات البيت الغلط كانت واضحة في فترة الخطوبة والشباب مكنوش يعرفوا إن دي علامة من علامات فساد البيت.. (اهتموا بالدراسة)

٢/ الشباب شايفين أهالي البنات بيتحايلوا عليهم إزاي دلوقتي بعد وضع خطة تناسب كل واحد علشان بناتهم يرجعوا.. علشان هما للأسف خططوا غلط وغضبوا البنت قبل ما تخلف

٣/ واحد سمعني مكالمة لبنت منهارة من العياط علشان مش عاوز يرجعها

البنت بتشتمه وبتقول له: (تعالى خدني يا ابن ال****)

صياحها طرب والله... جمدوا قلبكوا السهوكة مش هتجيلك حقك

٤/ بعض الشباب كان الحل بتاعه إنه ياخذ صورة معايا وينزلها على صفحته وميتكلمش بيقوللي: (عيلتها كلها قاعده تكلمني)

٥/ واحد إمبراح اتنصب عليه واكتشف النصباية بدري ، قعدت مع والده خليته طلع من عندي عالمحامي علشان ينجز عُمر ابنه... (بيحاولوا التصالح بس للأسف في الوقت الغلط)

٦/ الأم العقربة مهما خططت فهي مغيبة تمامًا عن التخطيط السليم .. المشكلة بس إن تخطيطها بيتعبك علشان إنت مش عارف تحسبها صح لإنك داخل الأزمة نفسها ومش عارف تفكر

٧/ التأخر في تأمين وضعك القانوني وتغييرك بالمكالمات من كل أطراف عيلة الناشز في الوقت اللي قاعدين يخططوا ويتحركوا لخراب بيتك أكبر غلطة هتعملها (أمن نفسك مهما سمعت من كلام معسول)

٨/ عُمرَك هو أكبر حاجة هتكسبها بتحركك بدري بدري.. هتلق تصلح غلطتك وتقفل مشروعك الفاشل اللي دخلته من غير دراسة

٩/ أنا متشدد جدًّا في الطلاق ، لا أنصح به إلا بعد استفراغ كل السبل الممكنة للإصلاح ، ولكن فيه وضع بكون شايف نتيجته من بعيد فمينفعش فيه غيره

١٠/ مفيش شئ مبیطهرش في فترة الخطوبة.. الشاب بس هو اللي بيستعجل أنا لقيت شاب بيتعجب مني لما شرحته كل أطراف البيت من خلال إستمارة بنت 🌈 (كله ظاهر زي الشمس بس إنت اللي خبرتك ضعيفة)

👈ياشباب....متستعجلوش ومتخلوش حد يغييكم

👈نصيحة شيخك لك تكمل في موضوع مينفعش تكمل فيه عواقبها وخيمة جدًّا عليك ومحدث هينفعك

👈نصيحته لك تكتب قايمة تعيش بسببها تحت ضغط برضو محدش هينفعك فيها..هو عايش برضو تحت ضغط ومش عارف ولا مستوعب يعني إيه كرامة..(وفاقد الشئ لا يعطيه)

[#استرجل_علشان_لسه_بدري](#)

[#تصحيح_مفاهيم_الزواج](#)



٢٢١/ كله بيظهر في الخطوبة

مفيش مشكلة زوجية مبتظهرش في الخطوبة... كل شئ بيكون ظاهر بس الشاب
للأسف قاعد مركز في جانب واحد بس 🙄
← قاعد بيحكلي مشكلته لقاني بقول له: (المشكلة دي أكيد ظهر في الخطوبة منها
موقف كذا)

قاللي: (فعلاً حصل)

طب وأمها مقلتش كذا كذا؟

قاللي: (فعلاً قالت)

طب ما كل حاجة كانت واضحة أهيه؟.. كنت فين؟ 😞

← الغشومية مش توكل خالص يا شباب.. التوكل دا أخذ بالأسباب وصدق اعتماد على
الله مش دروشة أبداً

✓ لقيت شاب بيقوللي: (هو أنا علشان أفهم الكلام ده لازم أقعد اقرأ السلاسل؟)

ياابني السلاسل دلوقتي أحسن من قراءة المحاضر اللي هتتعمل فيك ، والقانون اللي
هتقعد تدرسه علشان تخرج نفسك من اللي هيحصلك بسبب الكسل ده

👉 كنت قاعد مع شاب في مشكلته.. كل شئ في البيت الثاني ظاهر وواضح زي
الشمس... قتلته: (كملت في البيت دا إزاي؟.. دا كل شئ باين خالص)

قاللي: (والله ياشيخ أنا بضرب نفسي ١٠٠ جزمة كل يوم الصبح.. مش عارف عقلي كان
فين؟)

← واحد بعثني في مشكلة مع نساياه.. أول ما سمعت حماته بتتكلم خرجت من القعدة
وقتلته: (هو إنت آمنت للست دي إزاي؟)

قاللي: (دي حماتي دي كويسة جداً ياشيخ)

وبعد أيام اكتشف إنها سبب خراب بيته فعلاً زي ما شرحته

(لسه لحد دلوقتي مش فاهمني عرفت إزاي 🙄)

#ركزوا_علشان_التغفيل_بقي_كثير

#تصحيح_مفاهيم_الزواج



٢٢٢ / الهوان العقدي

👉 حالة الهوان العقدي اللي كتير من الشباب عايشين فيها دي معناها الوحيد إن الشباب

دول ميعرفوش يعني إيه تكون ماشي في معة الله وحفظه 🙄

👉 ترديدهم المستمر لعبارة (صفات النساء مستترة يا شيخ) كل ما أكلهم عن حتمية

دراسة اللي هتزوجها وفهم طبيعة أهلها بتوضح إنهم شباب مش فاهمين يعني إيه إستعانة

بالذي لا تخفى عليه السرائر ولا تخفى عليه خافية

👉 الشباب اللي جه قعد معايا وحكالي نية دخوله بيت ، ولما قتلته البيت دا مينفعكش

قاللي: (معلش حاول معايا)

طلبت منه يعمل ورد صلاة على النبي ﷺ واستغفار وتخير أوقات الإجابة لمدة ٣ أيام

وبعد كدا يروح ويكلمني قدام أبوها

في أثناء المكالمة والدها قفل السكة في وشي وقال له حاجة خلته طلع من البيت وقاعد

يشكرني بسببها...والدها قال له: (اللي بيقوله الشيخ دا معناه إن بنتي لو خلعتك مش

هتاخذ منك حاجة 🙄)

من الذي أنطقه يا مُغيّب العقيدة واليقين؟

بتسمع (أنا عند ظن عبدي بي) زي ما أنا بسمعها كده؟

بتشوف (فإني قريب) زي ما إحنا شايفينها كده؟

← أنت لو لسه مش عارف يعني إيه ربنا يبقى لازم تتعلم عن الله قبل ما تدخل أي مشروع في حياتك

#تصحيح مفاهيم الزواج



٢٢٣ / حكاية أحمد چامیکا

👉 في عام ١٩٩٠ تَغَيَّب أحمد عن أهله وكان عنده وقتها ٣ سنوات... (وهو يلعب تقريباً قفز في سيارة من أسبوط نزلته في المطرية)

وقتها مكنش فيه وسائل تواصل زي دلوقتي يبحثوا من خلالها عن الطفل ، وراح دار أيتام واتربى هناك 😊

👉 بعد حوالي ٢٤ سنة أحمد عمل بوست على الفيس يحكي قصته ويتكلم عن رغبته في إنه يلاقي أهله ، البوست انتشر وربنا سبحانه وتعالى جمعه بأهله بعد ما بقى عنده حوالي ٢٧ سنة 😊

← لقيت أحمد معدي عليا إمبراح يسلم عليا ويقوللي إنه بيتابعني ومعجب جداً بموضوع الزواج الشرعي ، والأجمل من دا كله إنه مبسوط جداً إني بكلم الشباب عن العبادات القلبية من حسن الظن بالله والتوكل واليقين وقعد يكلمني عن فضل الإستغفار والصلاة على النبي ﷺ ويقوللي: (ياشيخ أحمد.. أنا مرجعتش علشان بوست كتبه عالفيس زي ما كل الناس فاهمين.. أنا اشتغلت على نفسي كثير أوي في الدعاء والذكر والإستغفار علشان ربنا يجمعني بأهلي)

عُمري ما حسيت إني اتظلمت أو حظي أقل من غيري.. بالعكس أنا ربنا اختار ليا الأفضل واتربيت في أماكن مكنتش عمري هشوفها لما اشتغلت من صغري في القاهرة

👉 أحمد (الشهير بـ أحمد جامايكا) صاحب أشهر عربية WAFFLES في العاشر من رمضان شاب مكافح ويحاول يجتهد في العبادة ويكون نفسه علشان يتزوج شرعي (بعد ما عرف شرع ربنا في الزواج إيه)

أحمد جامايكا [Ahmed Jamaika](#) مثال لشاب فهم يعني إيه يشتغل على نفسه علشان يلاقي أهله واليأس معرفش لقلبه طريق ، هو دلوقتي اللي كان بيبيلغني إمبراح إنه شغال على نفس الشئ علشان يتزوج شرعي ربنا يوفقك يا أبو حميد ويكثر في الأمة من أمثالك 🌟

[#تصحيح مفاهيم الزواج](#)



٢٢٤ / طيب بيطري ومش راضي عن وضعه

👉 قاللي محتاج أتكلم معاك شوية ، وبالفعل طلبت منه يسبب رقمه خاص واتصلت عليه أول ما لقيت عندي وقت.. ودار بيننا الحوار الآتي 🌟
-ياشيخ مشكلتي إني بقرأ لحضرتك دايماً وشغال على كل الكلام اللي بتقوله بس مفيش نتيجة

=طب وإيه هي النتيجة اللي إنت منتظرها ومجتش ؟

-من ساعة ما كنت طالب في ثانوي وأنا قاعد أدعي ربنا أدخل طب بشري ، ولما ظهرت النتيجة دخلت طب بيطري... 🤔 مش قادر أحب الكلية خالص ولا قادر أرضى بالوضع اللي أنا فيه

=إنت كنت بتدعي ربنا علشان يختار لك الأصلح وللا علشان بتشترط على ربك في الدعاء؟

-لا طبعاً.. علشان يختارلي الأصلح.. بس فين الأصلح ده؟

=عُمْرِكَ سمعت عن طبيب بيطري عالِج جاموسة وفشل ، والجاموسة اتكلمت عنه قدام
أختها أو جارتها في الزريبة وقالت عنه دا دكتور ميفهمش؟

-لا طبعا ياشيخ 🤔🤔🤔

=عُمْرِكَ في حياتك قرأت أو سمعت عن كلام للفقهاء في كشف عورة الجاموسة أمام
طبيب ذكّر زي ما بتقرأ فتاوى ليل ونهار عن ده في حياة البشر؟
-لأ برضو 🤔

=لما ربنا يختار لك المجال الأصلح لدينك ولابتعادك عن الشبهات ومحدث فيه من
المرضى هيقعد يجيب سيرتك وينكد عليك بالنميمة ويحرق في دمك علشان يعلم إنك
كائن صعب يتحمل هجوم تيجي إنت وتشغل مخك وتقول له مش عاوز الرزق اللي
جبتاهولي؟

-امممم...ممكن برضو 🤔

=ياابني إنت عامل زي اللي مقرر يتزوج بنت معينة ويقوللي (هروح أصلي صلاة وأقول
دعاء الإستخارة).. إنت كدا كدا واخد قرار..بتستخير ربك في إيه وإنت مقرر؟

-بس ياشيخ أنا لاقى نفسي في البشري أحسن

=ياحبيبي أنا كنت زيكَ في ثانوي..الناس يقولولي يادكتور..وللأسف مجبتش مجموع
ودخلت حقوق ، وأهَلت نفسي إني أحبها ، وفي الفرقة الثانية عرفت كل المصايب بتاعة
القوانين الوضعية فقررت آخذ الشهادة ومشتغلش بيها ، وبقيت أشتغل أي حاجة بعيد
عن مجال دراستي ، لحد ما بدأت أحذر الشباب من أخطاء الزواج الشرعية زي أي
داعية بعد ما درست علم شرعي وأضفت عليها الأخطاء القانونية اللي هي مجال دراستي
وبقيت زي ما إنت شايف دلوقتي..دلوقتي لو قلتلي تحب تبقى إيه هقولك: (مش حاب
أكون أكثر من اللي ربنا كتبه ليا).. خلي قلبك متعلق بمقادير الله ، حابب لقضاءه ،
مستمتع بكل اللي بيسير حياتك عليه ، واللي تفتكره شر لك دلوقتي ممكن يكون هو
عين المصلحة ، والدعاء دا عبادة إنت كدا كدا بتؤجر عليها ، ولازم تفهم إن محدش
هيجبك أكثر من اللي خلقتك ، فمتشغلش نفسك بتدييره لك علشان هتتعب ، بل علق
قلبك بحب كل اللي اختاره لك...(المهم تكون ماشي بالطريق الصح ✓)

#متقاش_نظرتك_قاصرة

#تصحيح_مفاهيم_الزواج



٢٢٥/ فيديو رضوى الشربيني عن القائمة

<https://www.facebook.com/ahmad.elahwany/videos/>

/85886665230799



٢٢٦/ اعملوا خطة واتزوجوا



مجهول : منذ 23 ساعة

تفتكر يامولانا الشيطان ممكن يكون
السبب في أن الواحد يشيل فكرة الجواز
من دماغه ويقعد يقول لنفسه اعمل
مشروع احسن وبعد كام سنه ابقى افكر
في الجواز بس للاسف بلاقي نفسي
بعمل معاصي اكبر واكثر وعلاجها فعليا
الجواز بس بقعد اقول لا امن مستقبلك
الاول و..و اى حاجه تلغي فكرة الجواز
من دماغي نصيحتك لنا كشباب ايه
يامولانا ..نتجوز ولا نعمل مشروع

حذف

أظهر



0 |

اللي وضعه كدا يأثم بتأجيل الزواج
لازم نفستهم ياشباب إن الزواج تجري
عليه الأحكام التكليفية الخمسة... (الوجوب_

الإستحباب_ الحُرمة_ الكراهة_ الإباحة)

لو كان تأخر الزواج أو تركه يصل بك للوقوع في

ذنوب بهذا الشكل فهو واجب في حقه تأثم بتركه

قعدت مع شاب قاعد يشتكيلي من وقوعه في

الزنا ، ولما لقيته قانط جداً من رحمة الله بدأت

أفتح قدامه باب الرجاء فقلتله: (يا عم قاتل المائة

قتل ١٠٠ نفس.. إنت زنت ١٠٠ مرة يعني؟)

بصلي كدا بحسرة وقاللي: (أكثر والله يا شيخ 😞)

← الشيطان بيفرح بكده أكيد ، ويفتح قدامك الأبواب علشان تقع بعدين فيما هو أشد من ذلك

(اعمل لنفسك خطة واتزوج... ادخل بدراسة مُحكّمة وسيبك من اللي يقعد يقولك أمن نفسك مادياً لإنك كدا كدا في ظل الظروف دي لو قعدت سنين مش هتقدر تعمل التأمين اللي إنت حاطه في دماغك)

[#استعن_بالله_ولا_تعجز](#)

[#تصحيح_مفاهيم_الزواج](#)



٢٢٧/ رُقية وتيسير الزواج

👉 تعليق الأخت رُقية (رضي الله عنها)
بيوضح لإخواننا وأخواتنا إزاي إن البدعة لما اتعملت والناس اتعودوا عليها تَوَلَّد عندهم بعد ذلك منهج إستحقاقية أكل أموال الناس ببدعتهم ولا حول ولا قوة إلا بالله

← رُقية بتتكلم عن قائمة المنقولات على إنها حفظ لحقوق الزوجة... رُقية تقصد الزوجة اللي المجتمع أجبرها على تجهيز نفسها ساعة الزواج (بس الشرع لم يجبرها)

Rokaia
مبدئياً حضرتك المفروض تعبر عن رأيك بدون الإساءة لشخص آخر حتي وإن كان يخالف حضرتك ف الرأي وفكره قائمه المنقولات ما هي الا حفظ لحقوق الزوجه بسبب الكوارث اللي بنسمعها حضرتك مذكرتش إن بسبب تيسير الزواج أصبح فيه رجال نظرتهم للموضوع انها ما صدقت ف ابتدي احليها تتنازل اكثر ف اكثر ومتكتبش قائمه منقولات وعادي لما يزهد يشوف غيرها وف الاول والاخر طالما فيه / تعامل بما يرضي الله بين أهل الطرفين والطرفين مش هتكون مشكله ليه أو عبء بل هي مجرد حفظ حق مش أكثر

رقية عاوزه تتعهد للمجتمع بالسمع والطاعة وبعدين تضحك على الشباب المغفل بتسجيل كل ممتلكاتهم تحت ذريعة (حفظ حقي)

← رقية منسيتش كمان تلعب معانا على وتر (تيسير الزواج)

التيسير اللي هو كان أيام سيدنا النبي ﷺ عبارة عن تيسير المهر وعدم المشقة على الشباب في طلبه ، بقى دلوقتي في دين أبو رقية (رضي الله عنه) عبارة عن [هنجبر نفسنا نجهز معاك علشان ناخد اللي وراك واللي قدامك بالجهاز ده]

← طبعاً رقية منسيتش تمارس عبادة (المُحَن) وتقول (طالما فيه تعامل بما يرضي الله مش هتكون مشكلة)

اللي ابتعد عن الشرع ومشى بدين المجتمع هو اللي بيتكلم عن رضا الله.. شوف إزاي ياجدع 😊

#وعجبي 😊

#تصحيح مفاهيم الزواج



٢٢٨ / هينزلنا من السفر علشان ظروفه

✋ عاوزين نقف مع الرسالة دي عدة وقفات

١/ واضح جداً من الرسالة إن الأب بيحاول يربي أولاده ومهتم بتربيتهم (لما نزلهم من بلد من بلاد الكفر ورفض يعيشوا هناك)

٢/ الوضع ده لو هو كان وجد غيره كان تركه.. (واضح إن ظروف عمله هي اللي أجبرته على كده)

٣/ بيحاول ميغيبش كثير عن أهله (بينزل تقريبا كل ٣ أو ٤ شهور)

٤/ الأم أرهقت نفسها من الوضع ده ، لأنها مطلوب منها تتصرف في كل شئ

← أنا طبعاً عارف ومقدر وضع الزوجة ، ومقدر وضع الزوج



مجهول : منذ 1 يوم

متزوجة من 12 سنة وتعلمت من صفحة
حضرتك الكثير
جزاك الله خيرا كان ليا سؤال زوجي سافر
للعمل في بلد أوروبي وبعث لنا لم شمل
انا والأولاد لكن بعد ما الأولاد دخلوا
مدارس وجد انهم ممكن او اكيد
هيتأثروا بالبيئة التعليمية فرجعني بيهم
تاني على مصر المشكلة ملوش شغل
في مصر ولازم يفضل هناك عشان عقده
ويينزل لنا ثلاث مرات او اربعه في السنه
كل مرة اسبوع او عشر أيام انا عارفه انه
تعبان من الوضع دا ومش بإيده حاجه
وانا بتصرف هنا في معظم الأمور
الخاصة بالأولاد من مدارس ودروس بقيت
بحتك اكثر بالشارع تعبت جدا

حذف

أظهار



0

حبيب أدكر الزوج بأن التقوى يعقبها
المخرج ، والنبي ﷺ حذرنا من الإقامة
في بلاد الكفار فقال: (أنا بريء من كل
مسلم يقيم بين أظهر المشركين)...
فلتنبه أخي الحبيب

الوضع اللي قدامنا ده هتكون من
نتيجته بعد فترة من الوقت الآتي
أ / دخول الزوجة في حالة نفسية وصراع
بين مهامها الفطرية والمهام التي وكلت
إليها

ب/ هتخرج من الحالة النفسية دي
بحالة إستغناء عن الزوج وضياع فطرتها
التي فطرها الله عليها (عمل الداخلة لا
عمل الخارج)

ج/ إرهاق الزوجة بالحسابات المادية المستمرة الذي ينافي طبيعتها سيجعلها دوماً في
حالة توتر ، أنا متأكد أنها تتشاجر مع زوجها حتى وهو في غربته من غير سبب
د/ فقد الأولاد لعنصر الأب في التربية (لغيابه غالب الوقت) ستكون من نتيجته
✓ أولاً _ أبناء ذكور ضعيفي الشخصية [تربية أم تعيش بغير رجل فعلياً].. لغياب دور
الأب

✓ ثانياً _ بنات سيعانون بعد الزواج من ظهور زوج حاضر في البيت وقد تعودوا أن يكون
زمام القيادة بأيديهن

(في منزل الوالد لا يستطيع الصغير أن يفرق بين الأب الغائب المتحكم في كل الأمور
أمام ظهور نموذج الأم في كل التفاصيل الحياتية)
كل هذا مضافاً إليه عنصر الفتنة للطرفين... (نسأل الله لهما السلامة)

بعد ذلك ليس عليك إلا الصبر وحسن التبعل للزوج والدعاء له بالتيسير لعل الله يستجيب لك ويرفع عنك ما قد يحل بك

#تصحيح_مفاهيم_الزواج



٢٢٩/تنميق الخطاب الديني

قعد معايا يتكلم عن ضرورة تنميق خطابي الدعوي
يقوللي: (ياشيخ أنا بحبك ومقتنع بكل كلامك بس لازم شوية سياسة كدا مع الناس ،
إنت برضو فيه ناس كثير بيتابعوك وعاوزين يستفيدوا من كلامك)
قلتله: (طيب تنصحنى بإيه؟)

قاللي: (بوست زي تارك الصلاة اللي مينفعش نروجه من بناتنا ده ، يعني لو جه واحد
مبصيلش بس محترم وعنده أخلاق وصادق والناس بيشهدوا بأمانته..دي كلها مش
مميزات ممكن تغطي موضوع الصلاة؟)

قلتله: (خلينا نتفق قبل كل حاجة إن فيه مواصفات معينة لازم تتوافر في الشاب علشان
يدخل بيتك..معايا في كده؟)
قاللي: (طبعًا...بس زي إيه؟)

قلتله: (زي إنه يكون مسلم مثلاً ، هو إنت ينفع تفتح بيتك لجرجس أو شنودة يتقدموا
لبنتك وبعدين تقوللي هنشوفهم ونسأل عليهم؟)
قاللي: (لأ طبعًا)

قلتله: (بالضبط كدا...نشوف ترك الصلاة دا بيعمل في صاحبه إيه؟..غالب العلماء
بيحكموا عليه بالكفر ، وغالب نصوص الشريعة بتتكلم في كفره ، حتى لما بيتهاونوا
شوية بيكلموك في إنه كافر بس مش هيخرج من الملة..هي دي طموحاتك في اللي
هتخلي بنتك تحت ولايته؟)

قاللي: (بس فيه مميزات تانيه ياشيخ أحمد وممكن ييجي حد بيصلي بس سمعته مش كويسة)

قلته: (ما هو إنت مش مجبر تزوج بنتك برضو لحد إنت مش راضي عنه..انتظر لما تيجي الفرصة المناسبة)

قاللي: (ومين مننا مفيش عنده عيوب)

قلته: (يبقى لازم نتفاوض في العيوب دي ، نقسمها لعيوب بسيطة ممكن التأقلم معاها وعيوب مينفعش معاها حياة ، إنت بتكلمني دلوقتي عن عيب مينفعش بسببه يدخل البيت أساسًا)

قاللي: (بس أنا حاسس ياشيخ إن خطابك مُنفر لناس كتير..معلش يعني متزعلش مني)
قلته: (خطابي ده دخل قلبك وأثر فيك وللا نَفَرَك من الدين؟)
قاللي: (لا بالعكس...أنا إلتزمت من يوم ما تابعتك)

قلته: (كويس جدًا...الدعاة مطلوب منهم يبلغوا الناس الحق بكل وضوح من غير تنازلات لأن الدين مش ملكنا علشان نتنازل فيه ، قال تعالى: {وَقُلِ الْحَقُّ مِنْ رَبِّكُمْ فَمَنْ شَاءَ فَلْيُؤْمِنْ وَمَنْ شَاءَ فَلْيُكْفُرْ}...يعني مطلوب فقط نبلغ الحق ولا علينا من النتيجة)
قاللي: (بس لو زَوَقْنَا الخطاب شوية هيجمع ناس أكثر)

قلته: (تجميع الناس مش غاية إحنا بنسعى لها ، دي نتيجة لو موصلناش ليها مش هنسأل عنها)

قال النبي ﷺ: {عُرِضَتْ عَلَيَّ الْأُمَمُ، فَرَأَيْتُ النَّبِيَّ وَمَعَهُ الرُّهَيْطُ، وَالنَّبِيَّ وَمَعَهُ الرَّجُلُ وَالرَّجُلَانِ، وَالنَّبِيَّ لَيْسَ مَعَهُ أَحَدٌ}...

يعني فيه أنبياء جايين يوم القيامة مفيش معاها حد..ومع ذلك مفيش عندهم مشكلة طالما بلغوا الدعوة لأقوامهم)

قاللي: (طيب ليه فيه كتير من الدعاة دعوتهم حلوة وكويسة ومع ذلك مبيكلموش الناس في اللي بتكلم فيه ده؟)

قلته: (أنا مش مُطالب أقيس دعوتي على غيري من الدعاة ، أنا مُطالب فقط أعرضها على الكتاب والسنة... مشكلة بعض الدعاة إنهم ساييين الأصل ده وقاعدين يقيسوا دعوتهم على دعوة بعض)

قاللي: (بس الخطاب الدعوي هياثر أكثر لو يعني تركنا بعض التفاصيل اللي بتتكلم فيها دي)

قلته: (لو بعد العمر دا كله لسه واصلك من خطابي الدعوي إن تارك الصلاة مينفعش يتزوج مسلمة ولسه معاني نشوز الزوجات واصلك من حواراتك معايا وبالفعل بدأت تقرب من ربنا فده معناه إن كل الخطاب الدعوي اللي كنت بتستمع له طوال سنوات عمرك كان خطاب مُنمّق باهت مش هيقربك من ربنا ، وملتزمتش غير لما سميت لك كل شئ بمسمياته ووضحته لك)

قاللي: (أنا كدا فهمت.. جزاك الله خيرًا)

[#تصحيح مفاهيم الزواج](#)



٢٣٠/ بدل ما تعددوا زوجوا الشباب

دي رسالة واضح إنها من أخت بتنصح

إخواتها الرجالة اللي بيعددوا ، وبتقوللهم

يعني بدل ما تعددوا ممكن تكتفوا بواحدة

وتزوجوا شباب مش لاقى يتزوج ♥

علشان نفهم الرسالة دي لازم نسأل

نفسنا السؤال ده....(ياترى الراجل بيعدد

ليه؟) 🙄

١/ (ممكن يكون بيعدد علشان زوجة واحدة لا تكفيه)



في الحالة دي لو علم من نفسه الوقوع في الفتنة يبقى وَجَبَ عليه وجوبًا التعدد... ويأثم بتركه

لو قلنا للراجل اللي واجب في حقه التعدد سيب نفسك تقع في الفتنة والتفت لغيرك وزوجه زي ما إنت تزوجت ،بقى زي اللي سايب شئ واجب عليه علشان يخلي غيره يعمله

صحيح هو ممكن يكون أنقذ غيره من الوقوع في الحرام بس هو اللي وقع فيه في النهاية..(ومحدث هينفعك)

✓على فكرة....زوجة واحدة لا تكفيه دي معناها إنه ممكن يكون من الذين لا يكتمل إعفافهم بغير امرأة واحدة

(واحدة لا تكفيه لتفريغ شهوة الكلام _ واحدة لا تكفيه لتفريغ شهوة الجماع - واحدة لا تكفيه لتفريغ شهوة حب النساء _ واحدة لا تكفيه لتفريغ شهوة النظر _ واحدة لا تكفيه لتفريغ شهوة التلامس)

ولو تزوج باثنتين ولم يستعف وَجَبَ عليه الإتيان بثلاثة ورابعة وهكذا ثم يلجأ بعد ذلك للتغيير إن لم يكتف بال(٤)

غاية الزواج ومقصوده إعفاف النفس 🙌

٢/(ممكن يكون التعدد في حقه مستحب)معاه فلوس ووقت وواحدة تكفيه...بس عاوز يعف أخرى ويتزوجها...(مفيش مشاكل برضو)

يأخذ أجرًا بنيته...لو قلنا للصنف ده زوج غيرك بهذا المال فله الخيار يعمل موازنة بالأجر اللي هيجي من زواجه أمام ما سيأتيه من تزويج غيره (يعني الأمر راجع له في هذه الحالة أيضًا)

٣/(لو التعدد في حقه مباح)

نفس موضوع المستحب ، لأنه سيؤجر جراء عقد النية والنية أسبق من العمل

٤/(أما بقى لو التعدد في حقه مكروه أو حرام)

الصنف ده أنا أوافقك الرأي إنه يزوج شباب المسلمين بماله فعلاً

#خلاصة المسألة : كلامك ونصيحتك فقط مقبولة للصنف اللي التعدد في حقه
(مكروه أو حرام)

والمكروه والحرام ده الست اللي تحدده لزوجها في حالة ما إذا كانت الست دي ذكر
كدا وعارفه رغبات الرجال ، تقعد تفهمه بقى إمتى يعدد وإمتى ميعددش)
والست اللي كل ما زوجها يتزوج معاها بأخرى تحمد الله أنها واحدة فقط...وتشتغل على
تظييط نفسها علشان تحبيه في الزواج ويكمل ال(٤) الباقيين 😊
(وربنا يجعل كلامنا خفيف عليكموا)

#تصحيح مفاهيم الزواج



٢٣١ / طيبة جدًا بس نكدية

👉 كان عنده مشكلة عجيبة مع زوجته مش قادر يفهمها ، وأول ما اتعرف على صفحتي
راسلني وجه قعد معايا ودار الحوار ده 👉

- طيبة جدًا يا شيخ وكويسة بس مش عارف ولا قادر أحدد بقت نكدية معايا ليه؟
= طيب احكي لي كدا بشويش شوية حاجات بتشوفها منها
- بتتخاف معايا على أتفه سبب ، وكل ما اسألها عن سبب ملاقيش منها رد ، هي نفسها
مش عارفه

= إنت متزوج من إمتى؟

- متزوج من سنتين وخلفت منها طفل

= شغلك عبارة عن إيه؟

- لا متقلقش خالص من الناحية دي ، أنا مش مسافر ولا حاجة ولا ببعد عنها ، أنا دايماً
في البيت

بس اليومين دول بس بسافر كل أسبوع ٣ أيام في شغل خاص كدا

=بتسافر وترجع البيت وللا بتفضل هناك؟

-لأ..بقعد هناك الـ ٣ أيام ، بس دي فترة بسيطة (كام شهر كدا)

=طيب...زوجتك دي مطيعة؟..حنينة عليك؟..وللا متعودة أصلاً على الخروج من البيت

ومش بتديك حقوقك الشرعية؟

-لا أبداً..دي كويسة جداً مبتخرجش من البيت

=زوجتك دي تعبانة من غيابك عنها الـ ٣ أيام دول ومش قادرة تعبر عن حالتها اللي مش

متعودة عليها

-يعني أسيب شغل مهم ياشيخ علشانها؟..وهل دي كدا فترة غياب كافيه تخليها تتضايق

ويحصلها ده؟

=مقدرش أقولك إن دي فترة غياب أصلاً خاصة إنها شئ عارض في حياتك ، بس

زوجتك دي من نوعية النساء اللي فطرتهن مش هتقبل تبيت وحدها في البيت وهتتحس

الوضع كدا مش طبيعي ومرهق نفسياً

-طب وهي لما يكون حاجة زي دي مضايقاها ياشيخ مبتقولش ليه؟

=ياابني النوعية دي متعرفش تقول ، النوعية دي مبتكونش عارفه تحدد هي زعلانة من

إيه أساساً ، محصلش مرة زعلت ورجعت تترمي في حضنك وتقولك سامحني مكنتش

عارفه بعمل كدا ليه؟

-حصل ياشيخ...حصل

=تماما...النوعية دي بقى لازم تستعمل معاه (ثُقب حلة الضغط)

-إيه ثُقب حلة الضغط دا ياشيخ؟ 😊

=النوعية دي كل ما تتكبت علشان حاجة مش منطقية لازم تشغل مخك جامد جداً في

تحليل التغير الحاصل في حياتك ، وبعدين تبدأ تصارحها بزعلها

-أنا اللي أحدد لها الزعل من إيه؟

=أيوا طبعاً...أمال إنت راجل إزاي؟

-يعني أنا علشان أكون راجل لازم أحدد مراتي زعلانة من إيه؟

=ياابني النوعية دي كنز ربنا إداهولك ، لازم تشغل مخك علشان تحافظ عليه ، إنت معاك القوامه علشان مخك كبير ، والنوعية دي مخها على أده جدًا مش زي غيرها من النسويات بيشغلوا دماغهم في الكلام الفاضي

-طيب ولما أحدد لها الزعل جاي مين هستفيد إيه؟

=هتستفيد إنك فهمتها هي زعلانة من إيه ، وساعتها هتطبطب عليها وتراضيه وتقوللها: (حقك عليا ، أنا فعلاً ممكن أكون بعيد عنك شوية اليومين دول بس غصب عني ، فترة كدا وهتعدي)

-هي ساعتها هتعمل إيه؟

=كلامك ده هو بمثابة الثقب الصغير اللي هينفس لها الضغط الحاصل جواها ، واللي مش هيعمل كدا للأسف زوجته هتنفجر وهو مش حاسس -طيب..هل هي هتقبل؟

=دي هتشجعك جامد جدًا وهتلاقى بتقولك معلش متزعليش مني تقريبًا دا اللي كان مزعلني..👩 وهتلاقى قايمة تجهزلك شنط السفر وهي مبسوفة المهم إنك كدا فعلاً حددت لها سبب زعلها اللي هي كانت مكتئبة أساسًا علشان مش عارفاه 😊

وربنا يباركلك فيها

[#تصحيح_مفاهيم_الزواج](#)



تصحيح مفاهيم الزواج

أحمد الأهواني
الجزء الثالث

٢٣٢/الحاج محمد المنياوي

👉كنت قاعد إمبراح مع مجموعة من حبايينا الصعايدة (من المنيا) ... كانوا في العاشر وعاملين قعدة عندي في المطحن

كان معاهم الحاج محمد اللي طالع في الصورة معايا ده..الحاج محمد كان بيحكيلي



عن خطوبتين لبنته اتفسخوا قبل ما يتقدم

لها الشاب اللي كان معنا في القعدة

👉يقوللي: (كان متقدم لها ٢ شباب زي

الفل ، الأول رفضته بسبب هدية

جابهالها خلتنى قفلت منه خالص)

قلتله: (إيه هي الهدية دي؟) 📱

قاللي: (لقيته جاييلها موبايل)

قلتله: (رفضته علشان جاييلها موبايل؟

🙄)

قاللي: (طبعًا..معنديش بنت تمسك موبايل.. إنت عارف الموبايل في إيد بنت عندها

٢٠ سنة ممكن يغير أخلاقها ودينها إزاي وإيه خطورته؟)

قلتله: (ماشاء الله عليك..طب والثاني؟)

قاللي: (الثاني الدنيا كانت ماشيه معاه تمام لحد ما لقيته جاييلها موبايل برضو...مش

عارف الشباب جرالهم إيه اليومين دول..فيه حد يلاقي بنت مش معاها موبايل في بيت

أبوها ويفتح عليها باب الفتنة دا بنفسه)؟ 🙄

[#الله_يفتح_عليك_ياحاج](#)

[#تصحيح_مفاهيم_الزواج](#)



تصحيح مفاهيم الزواج

أحمد الأهواني

الجزء الثالث

٢٣٣/دخلت بيوت كثير ، هدخل بعد كدا فاضي

بعض الشباب من كثرة دخول البيوت بقى عندهم إرهاق مادي من الزيارات، فقرروا

حاليًا يدخلوا فاضيين

🔑 القرار ده بيعمل الآتي

١/ لو اتفقنا إن دخولك البيت ه يكون علشان تتزوج شرعي ، فمهم جدًا تفهم إنك داخل مشروع (دعوي) ، هتكلم الناس فيه عن شرع ربنا في الزواج علشان تتزوج بنتهم إنت متخيل الهدية البسيطة اللي كنت بتقدمها لشاب عاصي زمان مع بساطتها كانت بتعمل في دعوتنا إيه؟

فاكر زمان القلوب كانت بإزاة الريحة البلية ورشة المسك كان مفعولها مع الناس إيه؟... (تهادوا تحابوا)

٢/ لو اتخيلت إن البنت اللي إنت داخل البيت تتقدم لها منه ده بيتها مش ملتزم متخيلين هي بتجاهد ليل ونهار مع أهلها إزاي علشان تثبت لأهلها إن الشاب الملتزم دا أفضل من غيره؟

ساعدوها.... متخلوش حد يقارن بينك وبين الشباب الغير ملتزمين اللي هي كانت بترفضهم علشان مستنياك

(ساعدوهم ، وسهلوا المهمة عليهم)

٣/ عارف لما تدخل البيت أول زيارة فاضي وتاني زيارة دخلت معاك هدية أي حد هيشوف الموضوع إزاي؟

(علشان عجبتك جبتلها) 😊

وده أول مطب في حياتك إنك مبتعملش غير للمصلحة

٤/ قليل دائم خير من كثير منقطع

مترهقش نفسك بالهدايا في البداية علشان لما الموضوع يطول معاك هتلاقي نفسك مش جايلك نفس تجيب حاجة.. اقتصد في كل شئ

٥/ اللقطة اللي هتفضل متعلقة بدماغ زوجتك بعد الزواج ومش هتروح هو مشهدك وإنت داخل فاضي

👉 يا ابني (ما رأيت منك خيرًا قط) دي بتتقالك وإنت بتعمل فما بالك لو مبتعملش 🤪

٦/ إنت جايب الهدية ليه؟

علشان يوافقوا عليك؟... رشوة دي يعني وللا هدية؟

عجيب فعلاً الفكر ده 😊

حدد هدفك في الهدية اللي هتاخذها


#تصحيح_مفاهيم_الزواج



تصحيح مفاهيم الزواج

أحمد الأهواني
الجزء الثالث

٢٣٤/ عاوزاه ملتحي علشان يعفني



رسالة جميلة جدًا ، ومهمة في نفس الوقت
أخطر حاجة في الرسالة هي كلمة البنت (تبقى
بدرجة تعفك)

لو اللحية ياأختي متعلقة عندك بالإعفاف (ودي
هي الفطرة السليمة عند البنت) يبقى متقبليش
حد غير ملتحي مطلقاً

كل طرف يبحث عما يعفه في الطرف الآخر ،
لو مش موجود متقولش جوازة وخلاص وتعرض
نفسك للفتنة بعد كدا

#تصحيح_مفاهيم_الزواج



تصحيح مفاهيم الزواج

أحمد الأهواني
الجزء الثالث

٢٣٥/ فواتير تجهيز بنت ريفية

مصطفى مكرونة ريو مستشار	45.00	45.0	1
شماعة طرحة دوائر م 1526	50.00	50.0	1
علبة منقشيل بومبيية غزال - 0	18.00	18.0	1
مصطفى بلاستيك روما مدورة 33	60.00	60.0	1
شماعة دولا ب سنبل 1*10 م 1519	40.00	40.0	1
شماعة بلاستيك الوان 6	20.00	20.0	1
صنيعة ميلامين الشريف ماجيك م/3	75.00	75.0	1
صنيعة ميلامين الشريف لوكنس م/6	80.00	80.0	1
صنيعة ميلامين الشريف ماجيك الوان م/3	75.00	75.0	1
صنيعة ميلامين الشريف كلاسيك م/2	99.00	99.0	1
صنيعة بلاستيك رسومات مدورة وسط	50.00	50.0	1
صنيعة بلاستيك رسومات مدورة ص	45.00	45.0	1
صندوق قفصه بونفس 2 ايزر موم	145.00	145.0	1
صندوق قفصه مستطيل عوزو بالقواسية 10تر	330.00	165.0	2
طقم قفصه شهد الوطنية	60.00	30.0	2
صفيحة بسوز دائرية بصفحة محفل	175.00	175.0	1
مطبخ 80 سم G 3 مطبخية بسوز حرف موز	265.00	265.0	1
طربل صمغ اوكامينا مسنورة كين 1*3 موق	400.00	400.0	1
صنيعة ميلامين الشريف ماجيك م/3	75.00	75.0	1
صنيعة ميلامين الشريف لوكنس م/6	80.00	80.0	1
صنيعة ميلامين الشريف ماجيك الوان م/3	75.00	75.0	1
صنيعة ميلامين الشريف كلاسيك م/2	99.00	99.0	1
صنيعة بلاستيك رسومات مدورة وسط	50.00	50.0	1
صنيعة بلاستيك رسومات مدورة ص	45.00	45.0	1
صندوق قفصه بونفس 2 ايزر موم	145.00	145.0	1
صندوق قفصه مستطيل عوزو بالقواسية 10تر	330.00	165.0	2
طقم قفصه شهد الوطنية	60.00	30.0	2
صفيحة بسوز دائرية بصفحة محفل	175.00	175.0	1
مطبخ 80 سم G 3 مطبخية بسوز حرف موز	265.00	265.0	1
طربل صمغ اوكامينا مسنورة كين 1*3 موق	400.00	400.0	1
صنيعة ميلامين الشريف ماجيك م/3	75.00	75.0	1
صنيعة ميلامين الشريف لوكنس م/6	80.00	80.0	1
صنيعة ميلامين الشريف ماجيك الوان م/3	75.00	75.0	1
صنيعة ميلامين الشريف كلاسيك م/2	99.00	99.0	1
صنيعة بلاستيك رسومات مدورة وسط	50.00	50.0	1
صنيعة بلاستيك رسومات مدورة ص	45.00	45.0	1

👉 دي عبارة عن صور فواتير لتجهيز بنت (فقيرة) في الريف المصري

مجموع الفواتير حوالي ٢٠٠,٠٠٠ ج

يضاف عليهم ملابس بمبلغ ٤٠,٠٠٠ ج

وسجاد بمبلغ ٣٠,٠٠٠ ج

ومطبخ بمبلغ ٣٠,٠٠٠ ج

👈 البنت الفقيرة اللي بيتجمع لها في الريف بتتزوج بـ ٣٠٠,٠٠٠ ج [علشان الفشخرة]

✓ مسئولو الجمعيات الخيرية هناك بيضحكوا عالناس وياخدوا فلوسهم بحجة (الأجر الأخرى)

والناس بيدفعوا الفلوس بطيب نفس علشان (نيتهم سليمة)

بيتفاجئوا في الآخرة إن النية السليمة لا تصلح العمل الفاسد 😭

وفي الآخر كل دا بيتكتب في قايمه على زوج هيعيش مقهور بإيصال الأمانة ويمكن يتخلع بسهولة والعفش اللي بفلوسك يتباع عادي لصالح الأرملة السفينة اللي عاوزه تتفشخر

#وربنا يعفو_عنا 🌸

(اللهم لا تؤاخذنا بما فعل السفهاء منا)

#تصحيح_مفاهيم_الزواج



٢٣٦ / نقطة نظام

#نقطة_نظام 🌸

👉 عاوز بس أفهمكوا الموضوع ماشي إزاي

👉 علشان متتعقدوش

👉 لو الموقع عليه دلوقتي حوالي (٥٠٠

بنت)

(فيه منهن حوالي ٥٠ بنت تصلح أن تكون

مسلمة فحسب والباقي دورك معهن في

الإختبارات والدراسة)

مش كل المعروض صالح أبداً... بس

الصالح في المعروض صالح بزيادة الحقيقة

وفرصتك معاها متعوضش.. (بس تشغل

دماغك وتستعين بالله)

👉 لو الموقع فيه حوالي (٢٥٠٠ شاب)

أنا بقوللكوا نسبة الشباب الرجالة في العدد

ده أقل من الـ (٥٠٠) .. والباقي داخل

علشان يهرب من القايمه.. (لا دين بقى ولا بتنجان)

دورك لما يتقدملك حد منهم (تستعيني بالله وتشغلي دماغك برضو)



مجهول : منذ 5 ساعات



0 | 👍

السلام عليكم ورحمه الله الحقيقي
الواحد كل ما يشوف كومنتات الرجالة
اللي بتابع حضرتك يتخض أن في رجالة
بتفكر كدا اللي بيدعم الذكورية و اللي
قاعد يقولك اروح فاضي اصل البنات
شمال و بتقعد تاكل بعد ما ترفض و
واجب عليهم إكرام الضيف انما أنا اروح
فاضي عادي واللي قاعد بيشتم في
واحدة علشان قالت محتاجة أن زوجي
يكون ملتحي و يقولك يمكن مش ملتحي
وافضل من اللي ملتحي نفس فكر يمكن
اللي لابسة بنطلون احسن من المنتقبة
...حقيقي طلع في فئة محتاجة تعمل
ليهم تظبيط في الدماغ أتمني حضرتك
تعمل سلسلة تصحيح اساسيات



حذف



أظهر

أنا نفسي بقعد مع شباب (ما شاء الله ، الله أكبر على إلتزامهم وتدينهم)
بعض الأخوات كانوا يبيعوني رسالة من جروب الأخوات عن صفات معينة في الشباب
اللي بيتقدموا كنت بنصحهم يرفضوا بسببها ، وبعض الشباب برضو بنصحهم يخرجوا
من بيت معين علشان بعض التفاصيل

مفيش في التقديم في الموقع (إختبار نسبة تدين) ولا في الموقع (جهاز كشف رجولة)
مفيش قدامكوا غير البيانات ، ومفيش عندنا غير الخدمة اللي بنعملها دي علشان نسهل
عليكوا التواصل

#النتائج_مبهرة: مبهرة بس للي هيستعين بالله ويعلم إن الزوجة الصالحة رزق وهي
تعلم أيضاً إن الزوج الصالح رزق يمكن تحصيله بالقرب من الله لا بالعكس
#الخلاصة: لا تغتروا إن فلان بيتابعني _ممكن تكون متابعتة ليا علشان يخدعك بس
(👤)

لا تغتر إن فلانة بتتابع منهجنا... (ممكن تكون المتابعة لاصطيادك فحسب)
زي ما عملت للشباب (إزاي تدرس خطيبتك) عملت برضو للأخوات (إزاي تدرسي
خطيبك)

#تصحيح_مفاهيم_الزواج



تصحيح مفاهيم الزواج
أحمد الأهواني
الجزء الثالث

٢٣٧/مريض عشق

-ممكن آخذ من وقتك شوية ياشيخ؟

=اتفضل يا حبيبي تحت أمرك ❤️

-موضوع كدا تاعبني جدًا ومش عارف أتعايش بسببه

=خير ياذن الله

-اتعرفت على بنت في الكلية واتعلقت بيها جدًا ، وهي كمان كانت بتبادلني نفس الشعور وقالتلي أنا عمري ما متزوج بغيرك ، ولما خلاص جيت أتقدم لقيتها رفضاني وكل ما أحاول أفاتحها في الموضوع تعمللي بلوك وتقوللي متكلمنيش في الموضوع دا تاني =طيب وإنت بتعمل إيه؟

-للأسف..بشترى خطوط تانيه علشان أكلمها برضو وهي بتعمل ليا بلوك برضو 🙄
=إنت طبعًا بتعمل دا غصب عنك

-أنا نفسي مش قادر أفهم إيه اللي حصللي ياشيخ..أنا واحد كنت متفوق جدًا في الكلية بتاعتي ، أبويا وأمي حزنانيين على حالي دلوقتي جدًا ، لا عارف أركز في شغل ولا عارف أمارس حياتي زي الأول
=إنت فاهم إنك مريض؟

-نفسياً آه ، مش فاهم أخرج من حالي دي إزاي
=دا مرض العشق للأسف ، من أشد الأمراض اللي ممكن عقلك يستوعبها
-طب ومفيش علاج يعني ياشيخ؟

=العلاج بدايته إنت مش هتساعدني فيه
-لا هساعدك ، دلني ياشيخ أنا تعب
=لو إنت مريض أنفلونزا هل طبيعي كل شوية تفتح الشباك اللي هيجيبلك تيار الهواء كدا وتفضل قاعد قصاده؟
-لأ طبعًا

=يبقى مهم جدًا تقفل الشباك علشان العلاج يعمل مفعول
-بس ياشيخ دا مش علاج فعال لحالي
=شوف...إنت عامل زي اللي راح مطعم فيه أكل مُلَوَّث واشترى سندوتش من هناك ، وعلشان يتعالج كل شويه يروح نفس المطعم ويزود جرعة السندوتشات....(مش هيخف)

فاتح الشباك قدام نفسك ، وقاعد تاخذ جرعات من الداء اللي تاعبك... هتمشي باللي هقولك عليه؟

-ياذن الله

=تعرف تضيع رقمها من موبايلك؟

-وبعدين؟ 😞

=وبعدين تعتقد في قلبك إن اللي تعرفك قبل الزواج بالطريقة دي مينفعش تكون زوجة

لك ، دي وباء ربنا أنقذك منه

-عارف كل دا ومفيش فايدة

=مفيش فايدة علشان إنت عارف بس فاتح سكة قدام نفسك ، لكن لو أضفت لمعرفتك

إن مفيش طريق يوصلك هتقدر توصل للعلاج

-هو أنا ممكن أتعالج من حالتي دي؟

=طبعا .. مفيش داء إلا وله دواء ، المهم تحط إيدك على العَرَض

-بس ياشيخ دي كانت بتحبني جدا ووعداني بالزواج

=الصنف دا للأسف بياخد الشخص ك(سلم) وقتي يوصل منه للي هو عاوزه...إنت كنت

متفوق في الدراسة؟

-جدا....دا أنا كنت بذاكرلها 😞

=شفت بقى....دورك انتهى

-يعني إيه؟

=يعني دورك في حياتها انتهى ، وهي للأسف اشتغلت على إنها تعلقك بيها علشان

مصلحة ، فيه غيرها ممكن يعلقك علشان تاخذ اللي عاوزاه (طلبات زيادة بقى _ زمام

قيادة _ وهكذا)

-طيب أعمل إيه دلوقتي؟

=أول حاجة هتستعين بالله على مرضك ده (دعاء وإلحاح وتعلق بالقرآن وكثرة نوافل)

بعد كل ده تقطع كل العلائق اللي تفكرك بيها (مفيش رقم لها معاك ، ولا مكان مشترك

تقابلها فيه ، حتى اسمها.. ترديد اسمها ممكن يرجعك الفكرة تاني)

بعد كده احشي مخك بفكرة حقيقية عنها إنت بتهرب منها (إنها متنفعكش _ إنها

متصلحش تكون زوجة _ إنها غير مؤمنة على عرضك)...مهم جدا ده

بعد كدا تشغل نفسك بشئ (واوعى تاخذ خطوة زواج دلوقتي علشان تخرج الفكرة من دماغك ، هتظلم اللي هتقدملها معاك)
-ياذن الله ياشيخ...ياذن الله هعمل كل اللي نصحتني بيه وهتابع معاك
=ربنا يصرف عنك ما أنت فيه ❤️

[#تصحيح مفاهيم الزواج](#)



👉إمبارح كان معايا مجموعة من الشباب جاينين ليا في مصيبة 🤔
👉واحدة من محارم أحدهم راسلت (أخصائي نفسي) وفي أثناء المحادثة حصل منه كلام مش مضبوط
الشاب دا عرف فراح اعتدى عالأخصائي ده وقدر ياخذ منه الموبايل....(علشان يكتشف الكارثة)
جايلي إمبارح كل شئ عن علاقات الأخصائي المشبوهة..مراسلات واتس وصور (إباحية) جدًا بينه وبين الضحايا
كنت متعجب جدًا إزاي قدر يستقطب كل العدد ده للحرام ويخليهم بيعتوله صور كدا وهما مبسوطين
👉المراسلات بتوضح إنه بيدخل لهم من الباب اللي افتقدته مع زوجها (فنان جدًا في ده)
بعد كدا الست بترتاح له وتقعده تتكلم معاه بكل أريحية ، وبيتبادلوا الكلام الجنسي الواضح والصور الفاضحة
👉طبعًا بعد ما أقربيتهم على كشف الحاجات دي (دون التعرض للناس اللي حالهم مستور) وبدأوا في التحرك لده بالفعل

ولكن استوقفني الفعل نفسه وعاوز آخذ منه وقفات

← مين اللي قالك إنك لما تروحي لواحد (مجهول عندك) وتحكيه مشاكلك مع زوجك

في غياب الزوج عيادًا بالله حالك هينصلح؟

الخلوة والإختلاط لا يكون من ورائهم خير أبدًا

← ظهور صنف ديوث عيادًا بالله في المراسلات وافق يعمل عملية جنسية قدام

الدكتور... (شئ مقزز جدًا وبشع والله)

بيعمل ده بحجة إن الدكتور بيعلمه وأكد الشيطان سول له حالات الضرورة اللي بنسمع

عنها ليل ونهار لما بنتكلم عن طبيب النسا الرجل

← الست اللي بتدخل في البداية المحادثة محترمة جدًا ومبتتكلمش غير في حدود

التخصص وبعدين بتلاقيها بتبعت صور !

الكلام دا مش بينهن لشيء؟... (يا جماعة باب الفتن بيتفتح قدامنا في لحظة شيطان

فمحدث يثق في نفسه بالله عليكم)

← لما يحصل مشكلة زوجية وكدا كدا هتطلع برا البيت ، فرنا سبحانه وتعالى (وإن خِفْتُمْ

شِقَاقَ بَيْنِهِمَا فَابْعَثُوا حَكَمًا مِّنْ أَهْلِهِ وَحَكَمًا مِّنْ أَهْلِهَا إِن يُرِيدَا إِصْلَاحًا يُوَفِّقِ اللَّهُ بَيْنَهُمَا

إِنَّ اللَّهَ كَانَ عَلِيمًا خَبِيرًا (٣٥)

هاتوا (حَكَمِينَ) من أهل العلم والحكمة ، يحكموا بالشرع ويفهموكوا

دينكم...الأخصائي النفسي واللايف كوتشينج دا مش هينفعكوا بشئ في حياتكم أبدًا

[#احفظوا_نسائكم](#)

[#بوتيكات_العلاقات_الأسرية](#)

[#تصحيح_مفاهيم_الزواج](#)



٢٣٩/ دخلت الأفكار في دماغ البنات إزاي ؟



مجهول : منذ 13 ساعة

السلام عليكم ورحمة الله وبركاته. حابة
بس أقول إن ربنا جعل حضرتك سبب في
اني ألبس النقاب وأقر في البيت. أنا
اتعلمت من حضرتك على مدار 4 شهور
اللي للأسف أبويا وأمي معلموه ليس
على مدار 20 سنة ومبسوطة اني أخيرا
لقيت حد أثق في دينه وبوجهني. ربنا
يجعله في ميزان حسناتك يا رب ويثبتك

أنا... من...



0

إمبارح كان فيه أخ بيسألني يقوللي:

(هو إنت دخلت الأفكار دي في

دماغ البنات اللي بيتابعوك إزاي؟)

قلتله: (أي أفكار؟) 😊

قاللي: (اتقدمت لبنت وفي الرؤية

الشرعية لقيتها بتقوللي إن والدها مش

فاهم حوار القايمه ، وبتطلب مني

أحاول أقنعه ولو معرفتش قالتلي دخل

الشيخ أحمد معاك ، وقالتلي لو مش هيقتنع اوعى تكمل وتمضي علشان تتزوج ، هتقل

في نظري جدًا وهحسك ضعيف الشخصية) 😊

👉 فريق كبير جدًا من الأخوات دلوقتي بقوا بيفضلوا (شاب معدد عنده دين) ويرفضوا

(الأعزب ضعيف الديانة)

👈 شاب في الرؤية الشرعية البنت بعد الموافقة قالتله: (إن فطرتها تقبل التعدد عادي ،

لإنها مش متخيلة إن المسلمة السوية تعيش تحت راجل عنده ميول لغيرها وبيقضي

الميول دا في الحرام حتمًا)

أنا نفسي قلتله: (كلمتها في التعدد ليه؟)

قاللي: (دا هي اللي كانت بتقنعي 😊)

الموضوع دا بقى منتشر جدًا دلوقتي في الموقع عندنا وفي حالات كثير تمت بالشكل

ده بفضل الله

(لا البنت معيوبة زي ما المجتمع يفترض ، ولا الأهل يبيعوا البنت)

الموضوع وما فيه زي ما رديت عالآخ إمبارح هو (خط الدعوة)

كل داعية بيحدد خط دعوته رايح فين ، اللي يبيلغ الدعوة كما أنزلها الله دي بتكون

نتيجة دعوته يا جماعة

👉 الدين دا مش بتاعنا علشان نلعب في تشريعاته وأحكامه علشان الناس يتقبلوه ،

بالعكس أي قلب نظيف هيتقبله ، وأي قلب فيه مرض هيرفضه

فهنبلع الدين كما أمرنا الله لا كما يطلبه المستمعون
(وربنا يثبت كل أخ وأخت ماشيين في طريق إصلاح أنفسهم وتطهير أفكارهم)

#تصحيح مفاهيم الزواج



تصحيح مفاهيم الزواج

أحمد الأهواني
الجزء الثالث

٢٤٠ / هتتطلق علشان هيعدد

مجهول : منذ 20 ساعة

ج3

والغريب في الأمر إن الجميع من حولي يلقي اللوم علي وعلى فكرة الزواج ب أخرى. والكل يريد يعرف اسبابه . وانا لن أتحدث بشئ سئ عن زوجتي لانني رأيت منها خيرا كثيرا وكل اللي بقوله إنني بحب النسوان .

وانا الان عايش وحيد وزوجتي تنتظر اني ارجع عن فكرة التعدد واردها ثاني وانا لن اردھا إلا بعد الزواج ب أخرى . فما رأيك ؟؟

ملحوظه (لن اتقدم ثاني لمن إشتترطت عليا الطلاق لزوجتي)

حذف اظهار

مجهول : منذ 20 ساعة

ج2

في 2021 حدثت مشكلة بيني وبين زوجتي ترتب عليها انفا خاصمتي 15 يوم ودي كانت العاده عندها وهذا كنت اكتره كثيرا وكان قرارى التعدد أو الفراق وبدأت العمل على التعدد إجتهدت في عملي حتى أحصل على مال زياده وقد كان بفضل ربي وتقدمت ل أكثر من ثيب في المجتمع اللي عايش فيه ووجودت بشروط تعجيزيه منهم وأخرها من أرملة إن ابنها يعيش معانا وإن أطلق زوجتي وطبعاً أنا رفضت الطلاق، أما بالنسبة ل ابنها أنا مريح جداً أنه يعيش معانا لكن طلاق زوجتي لا فهي رفضت وبعدھا زوجتي عرفت إنني هتزوج عليها فقامت بتأوره عليا انتهت بطلاقھا

مجهول : منذ 20 ساعة

السلام عليكم.

عمري 40 سنة متزوج ل 2016 كنت عيل بايظ كنت بفعل كل ما هو حرام .

رضيدي من السنه انتهى ف الوقت ده ووقع تحت ايد مراتي رسائل وصور وواجهتني بهذه الرسائل وكان رد فعلي إخطي راسك ف الحيط وهاعمل اللي أنا عابره ولمت عيلاني كلها وكان ردي واحد إن هعمل اللي أنا عابره واللي عابر يعيش معانيا بالوضع ده أهلا وسهلا وقد كان .

وكان نصائح الاعيله لها :عيشي وحسابيه علي نفسه .

وبعد فترة بفضل من الله بدأت اغير من نفسي حتى وصلت 2019 وكنت إبتعدت عن

لما كان ماشي في الحرام نصحوها تكمل عادي ، ولما بدأ يختار الطريق الحلال وقفوا جنبها علشان تتطلق

← مجتمع عجيب جداً بيختار أي طريق بعيد عن ربنا

#نصيحتي_لك : ابحث أولاً عن سبب رفضها (هل هو وجود طفل غريب معها في

البيت أم التعدد)

وأنا معتقد حتمًا أنه التعدد

✓ الزوجة التي تهجر هذه لا خير فيها ، انصحك بعدم ردها والزواج بأخرى تتقبل شرع

الله

عندما يكون الزواج بأخرى واجبًا في حقلك لا تلتفت

#تصحيح_مفاهيم_الزواج



٢٤١/سايبه بيتك ليه ؟

👉 في جلسة فيها حوالي ١٠ رجالة وزوجة عاوزه الطلاق حصل بيني وبين الزوجة الحوار

ده 🙋

-انتي خرجتي من بيتك ليه؟

=علشان ضربني وقاللي روحي لأبوكي

-بس انتي ما شاء الله عليكي يعني شخصيتك قوية وبتكلمي كويس ، أي حد يقولك

روحي لأبوكي تسيبي بيتك؟

=آه طبعًا.. هو أنا معنديش كرامة؟

-لو كنت عندكوا في البيت وحاولت أطرده أبوكي كان هيقوللي إيه؟...[أبوها قعد

يضحك] 🤣

انتي سايبه البيت علشان هوى في قلبك..عاوزه تاخدي موقف بالغلط

=أيوا...كان لازم أسيله البيت

-عارفه الحالة الوحيدة اللي تسيبي فيها البيت لما يخرجك منه إمتي؟

=لأ معرفش 🙄

-لما يمسكوكي مع راجل في الشقة?...حصل كدا فمشيتي؟
 (القعدة انتهت ومحصلش صلح نهائي بسبب تركها المستمر للبيت)
 الست اللي تسبب بيتها خسارة ترجعه ثاني
 لما يحصل بينك وبين زوجك شئ الحل يكون في بيتك مش عند أبوكي...(حدي المشكلة)
 شرعاً....(لما تتمسكي في بيتك زانية ابقى سيبه ، غير كدا هتجيبى لنفسك تهمة في نظر أي عاقل)


#اشترى_عُمرك

#تصحيح_مفاهيم_الزواج



٢٤٢/ لو أختك زوجها ضربها هتعمل إيه ؟

طالما بقى هتكوني خصيمتي يوم القيامة وكدا فأنا هصارحك بكل حاجة
 أنا ليا أخت ومتزوجة فعلاً ، في بداية زواجها طلبت من زوجها يشوفوا حد يحكم



بينهما لما تحصل مشكلة..هي اختارت والده ولكن هو رفض واختار أخوها...
 (اللي هو أنا) 😊

من يومها قتلها: (أي مشكلة هتحصل بينكم مهما كانت وتركتي البيت بغير إذن زوجك فكل اللي ه يكون عمله الزوج لا يساوي شيئاً أمام عصيان أمره بالخروج من غير إذنه ، قدامك تتصلي عليا وهتلاقيني عندكوا في نفس وقت الإتصال)

#هل فيه مشكلات بتحصل ؟

طبعاً...لا يوجد بيت يخلو من مشكلات ، ورحلتهم كذا مرة ومش بسببهم غير لما اتأكد من حل المشكلة وخضوعها التام لزوجها (مش فارق الغلط عند مين..كلنا بنغلط)

#تعالوا كدا نتخيل السيناريو الثاني

تعالوا نتخيل إن אחتي عملت زي الناس الجهال وكل ما تحصل مشكلة تتصل بحد ثاني غير اللي هيحل (أم _ خالة _ عمة _ صديقة) عندهم إيه من العلم الشرعي اللي ينصحوها بيه؟👤

تخيلوا لو قتلها زي الناس الأوباش اللي بناتهم مخرجوش من بيوت (لمي هدومك وهاجي آخدك)

تفتكروا لما تقعد كدا باليوم واليومين والشهر والشهرين وده يسخنها على زوجها وده يملأ دماغها بالنشوز..(كلما اتسعت الدائرة كان النصيب الأوفر للشيطان بوجود مخبيين حتى وإن كانوا أقرب الناس)

👤البيت هناك مستقر علشان ملهاش أخ مجنون قال لها من البداية بوجود حل خارج بيت الزوج

👤البيت هناك مستقر علشان زوج فاهم دينه وزوجة فاهمه شرع ربها قدروا يتفقوا ساعة النزاع يدخلوا مين

👤كل ما زوج يضرب زوجته أو يشتها دلوقتي تقولك (كان هيموتني وتسبب البيت) كل ما زوجة تغضب تقعد تجيب لك مبررات لغضبها (ناشر عاوزه تجيب أعذار) أم المؤمنين عائشة رضي الله عنها قالت في حوار بينها وبين النبي ﷺ (فلهدني في صدري لهداة أوجعتني)

ضربها بكف إيد..(ضربها لكمة في صدرها شديدة أوجعتها)

هل تركت البيت؟..مغضبتش وسابت البيت

👤زوجك ياللي غضبتي عمل فيكي إيه علشان تسيبي بيتك وتمشي؟..عمل فيكي إيه

ملحقتيش تتصلي براجل من عندكوا عندك عقل؟

وللا انتوا مفيش في عيلتكوا رجالة يسيبوا اللي وراهم وينصروكوا؟

وهل فيه راجل عاقل بيضرب كدا من غير سبب؟
المسلمة لا تُخرج من بيتها إلا لو وقعت في الفاحشة

#بس_خلاص

#تصحيح_مفاهيم_الزواج



٢٤٣/ حتى لو زوجها ضربها

اتكلمت إمبراح عن الست اللي بتخرج من بيتها غضبانة

قالولي: (حتى لو زوجها ضربها؟)

قلتلهم: (حتى لو ضربها ، تتصل بأهلها وتعملله قعدة علشان يحكموا بينهم وتاخذ حقها)

قالولي: (طب لو طردها؟)

قلتلهم: (متطلعش من بيتها ، محدش بينطرد من بيته)

تلاقي النسوان طالعنك في التعليقات يوصلوك إنهم بينضربوا بالنووي والقنابل الذرية



(هو كل ما زوجك يقولك بخ تسيبي البيت؟)

شرعاً.. مفيش راجل يخرج زوجة من بيتها إلا لو اتمسكت في فاحشة ، ست الكل

اللي قادره عالتحدي لو موضوع الغضوبات مش على هواها مكنتش خرجت ، طب ما

انتي قاعده تنكدي عليه ليل ونهار وعادي

وبعدين فيه راجل عاقل بيدخل البيت كدا يلاقيكي عامله اللي عليكى ومستقبلاه ويقعد

يضربك كدا من الهوا؟

[اختاروا لبناتكوا رجالة عندهم دين]

[ربوا بناتكم على فهم معاني الشرع]



٢٤٤ / عليّ ينام في المسجد

#بوست للمسلمين والمسلمات بس

سيدنا (علي بن أبي طالب) رضي الله عنه كانت له كُنيّة يحبها جداً... كانت كُنيته (أبو تراب)

حكاية الإسم دا إيه؟ 🤔

النبي ﷺ راح في يوم بيت بنته فاطمة (رضي الله عنها) وهي زوجة (علي بن أبي طالب) ولكن ملقاش (علي) في البيت

سأل فاطمة عنه فقالته: (كَانْ بَيْنِي وَبَيْنَهُ شَيْءٌ ، فَغَاضَبَنِي فَخَرَجَ فَلَمْ يَقُلْ عِنْدِي)
يعني كان فيه مشكلة بيني وبين زوجي (علي) وزعلنا مع بعض وترك البيت وراح نام القيلولة في مكان تاني (القيلولة دي هي النوم بعد الظهر)

النبي ﷺ طلب من واحد من الناس يبحث عنه ، الراجل بحث عنه لقاه نايم في المسجد فالنبي ﷺ راح له المسجد لقاه مضطجع وقد سقط رداؤه فأصابه تراب المسجد فقال له : (قُمْ أَبَا تُرَابٍ ، قُمْ أَبَا تُرَابٍ)... بيصحيه يعني ويقومه علشان يرجع بيته

#يامسلمين ويامسلمات

لما حصل خلاف زوجي بين (علي وفاطمة) علي مطردهاش من البيت ، علشان (علي) فاهم إن مينفعش ست تطلع من البيت غير لو اتمسكت بفاحشة ، وفاطمة مغضبتش وراحت لأبيها علشان فاهمة إن دا بيتها ومينفعش تخرج منه بغير إذن الزوج
النبي ﷺ راح لفاطمة بنته ملقاش (علي) وعرف إن فيه مشكلة بين بنته وزوجها (مخدهاش بيته والزوج مش موجود علشان علي مزعلها وهي مثلاً بنت نبي)

لا أبداً... النبي ﷺ [سيد الرجال] اهتم يشوف زوج بنته غضب وساب البيت وراح فين
وبعت بالفعل واحد يسأل عليه ، ولما عرف إنه نايم في المسجد راح يراضيه ويقومه
بلطف علشان يرجع البيت

← يا حاج عجة ياللي بتروح تاخذ بنتك من بيت زوجها لأتفه مشكلة... سيدك النبي ﷺ
مسألش عن المشكلة أساساً

← ياراجل ياناقص ياللي طردت زوجتك من بيت الزوجية... سيدك علي هو اللي ساب
البيت علشان مفيش ست بتطلع من بيتها

← ياناشز ياللي قاعده تهولي الدنيا وتخربها وتكبري الموضوع والشيطان فرحان
بيكي... ستك فاطمة مسابتش بيتها ولا حكت لأبيها حاجة علشان طالعة من بيت
رجالة... (طالعه من بيت سيد الرجال)

#شايفين_الرجالة_كانوا_عايشين_إزاي؟

#تصحيح_مفاهيم_الزواج



٢٤٥* نسوية متدثرة



0 |

👉 دي عينة واضحة جداً من النواشز المتدثرات

← دول عاملين كدا زي (الشيخ الحرامي) أو
(الملتحي النصاب)

شايفين نتيجة علمها الشرعي الغلط في معاهد

إعداد المطلقات وصلها لفين؟

علشان هي شايفه نفسها مطيعة بقي

فالمفترض زوجها ميتزوجش تاني... (طب وانتي

مالك؟)

★ مجهول : منذ ساعتان

معك انه الزوج حاجه كبيرة و الرسول
قال لو امرت أحدا ان يسجد لأحد لامت
الزوجه ان تسجد لزوجها لكن مبقاش انا
اصيله معاه واقفة معاه ف شدته و لما
رنا يعطيه يروح يتجوز ده الرسول صلى
الله عليه وسلم قالكم و رقفا بالقوارير
منكرش انه ف ستات ازواجها بسحق
تجوز عليها و فى ستات لا و انا كست
برفض و حقى مش من حقى ي حضرة
الشيخ لما ابقى بعمله كل اللى عايزة و
كل حاجه سمعا و طاعة و دكتور و
خاتمه لكتاب الله يبقى استحق انسان
كويس و يكون حقى لكن مش هعيش
عمرى ف قهر انا بجد رنا يكون ف
عونهم فعلا ده انا بغير عليه مو

حذف | أظهار

يعني حاجة الزوج للزواج ملهاش علاقة انتي جميلة وأمورة ومفيش منك وللا مطلعاه عينه



إيه اللي دخل التعدد في طاعتك وحسن تبعلك يا حيزبونة هانم؟

← العينة دي نتيجة دراسة العلم الشرعي مع وساخات ورواسب نشوز المجتمع

نسوية مترسخة في القلوب العلم الشرعي الغلط ميطلعهاش أبدًا

وبعدين إيه حكاية (ستات أزواجهم يستحقوا يتزوجوا عليهم دي؟)

هو التعدد الراجل بيعمله كعقوبة؟.. دي حاجة بشرية بتختلف من راجل للتاني يادكتور

ياللي شايفه نفسك

(رنا يعين كل راجل معاه النموذج الشاذ دا على مصييته)

[#تصحيح مفاهيم الزواج](#)



٢٤٦ / كثير من الرجال مش رجالة

👉 على فكرة كثير من الرجال على صفحتي مش رجالة ولا حاجة

بتكلم بجد والله

لا مقصدهش يعني نسوان وداخلين بأكونتات فيك

كثير أوي من اللي داخلين عاوزين الزواج الشرعي علشان مفيهوش قايمه.... (الدين دا

آخر حاجة بيفكروا فيها)

هتلاقهم بيهاجموني في بوستات النسوان الغضبانة لإن أخته لو غضبت بيستقبلها عادي

وياخد الموضوع كرامة ويساعدها في القضايا كمان.. (والله زي ما بقولك كدا)

👉 هتلاقه بيزوج بنته بقايمه ويسعى لابنه بزواج من غير قايمه وهيخلي ابنه يتابعني وبنته

تتابع رضوى الشربيني 🌈

#بس_متقلقوش : ريحة هرموناتهم بتتشم من على بُعد ، والأخوات الصالحات ممكن

يكتشفوا الصنف المنسون دا بسهولة جدًا

الشباب اللي فيهم خير بقوا كثير جدًا والله وهما دول سبب رئيسي في ثبات دعوتنا

نحاول نكتشف الشباب الصالح ونمسك فيه ونعمل فرز للباقيين

(أنا بسبب تعليقاتهم علشان زي ما بندرس المتدثرات نقدر ندرس المتدثرين)

#تصحيح_مفاهيم_الزواج



٢٤٧/ قعد يشتتمك ياشيخ

مجهول : منذ 7 ساعات

لسه النهارده كان عند ناس جيراننا شروط اتفاق بين عريس ووالد عروسته والعريس مش عايز يكتب قائمة منقولات وأبو العروسة مصمم وأنا كنت عرفت العريس على صفحتك والعريس شاب زين وملتزم قال لوالد العروس انا هخليك تكلم الشيخ احمد الاهواني راج والد العروسة قال يلعن [redacted] الشيخ احمد الاهواني على [redacted] الشيوخ كلهم دول خرابين بيوت ولاد حقيقى الطريق صعب وربنا يعينك يا شيخ احمد المهم هو كان عايز يكلمك بعدها ولما سألته ليه قال عشان اسب الدين للى جابوه وانا رفضت اديله رقمك وخليت الولد رفض وبعد عنهم

حذف | أظهار



0 |

شوف ياغالي... الطريقة اللي دخلت

بيها لوالد البنت اللي شتمني دي كانت

غلط ، وأنا ياما اتكلمت عن الفن في

دعوة الأهالي....(دا بصرف النظر عن

والد البنت دي طبعًا اللي واضح إنه

مينفعش أو الشاب العريس اتكلم معاه

بطريقة غلط 😊)

الترتيب للمكالمات مش بتكون كدا

خالص..بل إن الشباب أنا مفهمهم

يروحو عادي بعد الاتفاق بيننا وبين

بعض ويقولوا لوالد البنت: (شوف

ياحاج..أنا هتصل بواحد يقوللي إيه

الإلتزامات اللي عليا علشان خايف أظلم ببتكوا 😊)

طبعًا (خايف أظلم ببتكوا دي) بتخلي الوالد يسمحك بالمكالمة

قاللي: (لو دي هتكون التوبة معنديش مانع ، بس زوجها ممكن يبهدها ويعاملها كأنها مكسورة بقي ويدلها)

قلته: (متقلقش خالص من دي...أختك بمجرد رجوعها أنا هتصل على زوجها وهقابله بإذن الله وهفهمه يتعامل إزاي ولو فيه مشكلة هقعد معاهم وربنا يوفقني نوصل لحل...أختك دي ياأخي عاوزه تتوب وواجب علينا كلنا نساعدنا ونساعدك علشان ترجعوا للشرع)

← الحمد لله...النماذج الجميلة دي بقت موجودة بيننا ومتكررة ، ودورنا نحطهم بالطريق الصحيح

[#تصحيح مفاهيم الزواج](#)



٢٤٩/لو الست غضبت تعمل إيه ؟

90 % من حالات الزوجات اللي بيغضبوا ويسبوا بيوتهم بيكون الحل فيها عدم رجوعها مرة أخرى للبيت اللي تركته

👉 لو الفعل دا اتعمل قبل الإنجاب فإنت محتاج تعمل مع نفسك حسيبة مادية كدا للخسائر اللي هتخسرها علشان تشتري عُمرَك

👉 أما لو كان بعد الإنجاب فلازم تستوعب إن جزء كبير من الحل بيكون بنزع عاطفتك تجاه أبنائك [قدر المستطاع] أو عدم إظهارها للمخبين علشان دي هتكون ورقة الضغط اللي هيشغلوا عليها على طول

10 % من الحالات فقط ممكن يتوبوا ويرجعوا تاني وبنفتح لهم باب التوبة وبنساعدهم عليها

← بعض الأزواج لما بترجع بيفتكر الموضوع (مشكلة عندها) فبيقعد يتكلم معاها وبينسى الأوساط المخيبة... (أم _ أخت _ صديقة) ودا من جهله بالأبعاد

ترك العلاقة دي قائمة هيكون تهديد لحياتك بعد كذا ، فلو هترجعها وهي مش مستوعبة تقطع علاقتها باللي خلاها تعمل المصيبة دي فبقولك: (اشترى عمرك وخليها جنبهم) الحمد لله ، أحسب إني هقابل ربنا بعدد لا بأس به من شباب عملتلهم الحسبة دي بكل بساطة واتفاجئوا إن الموضوع بسيط خالص مش زي ما كانوا فاهمينه منهم كثير بدأوا حياة من جديد وعَمَّروا الأرض والمجربة الغضبانة محاولاتها في الرجوع منفعتش بعد ما عرف يعني إيه (زواج)

← ياعزيزي....(زواج لا تستطيع فيه أن تعرف حال زوجتك عند رجوعك للبيت أهى موجودة أم غضبانة زواج يضيع معه العمر)

#تصحيح مفاهيم الزواج



تصحيح مفاهيم الزواج

أحمد الأهواني
الجزء الثالث

٢٥٠ / المتدثرات بيغضبوا ليه ؟

سكينة ويج
وهي كما
ي وراه وتق
ن الضحك

هبة الله
أحمد الأهواني صح والله لازم يعمل
محضر ، الست الأصلية ملهاش أي ميرر
تسيب بيتها عشان مايتعملش فيها
محاضر ، المفروض لما ياخذ هدومها
ويجرحها من شعرها بره البيت بعد
علقة لم ترقى لمستوى النابالم تنتج في
وشه وتقوله مش طالعة ، هو يضرب
ويقولها اطلعي يابنت كذا وهي تضرب
وتقوله مش طالعة يابن كذا، تخيلوا كده
معايا يا حضرات المتظر هو يضرب وهي
تضرب وتقوله مش طالعة اقسم بالله
لتجيله جلطة فيها من النقطة وهيموت
بدرى بدرى وتخلص منه بدل القهر اللي
احنا فيه ده ، او هي اللي تموت من
الضرب وترتاح من الغم

طلب احنا نسمع عن ناس بيجروا ورا
مراتاتهم بالسكاكين وايد الهون وعصيان
المقشات وأي حاجة هتيجي في ايده
هيجري وراها بيها دي برضه لم ترقى
لمستوى النابالم ولا تستنى اما نشوف
صورتها في صفحة الاحداث ويتعملها
مسلسل ضحايا السفاحين والمرضى

👉 دا تعليق أختنا (هبة الله) رضي الله عنها واللي بيلخصلك كثير من أبعاد النشوز عند
النواشر المصريين

👉 النواشز بيحاولوا يوهموك إن سبب الغضب وترك بيت الزوج هو إستعمال الأسلحة البيضاء والآريجي في المشاجرات الزوجية
دائمًا عايشين في جو الأفلام الهندي علشان يبرروا لنفسهم النشوز والخروج والمرفعة
👈 كام واحدة اتجرجرت في الشوارع قدام عنيكوا يا إخوة؟ 🌈
أنا كل يوم بروح بيتي ألاقي زوجتي تقوللي: (هو النسوان المتخلفين دول بيقلوا إيه؟ 🌈)
👉 والله يا جماعة مش دول النسوان اللي بنتكلم عنهم أبدًا ، غاب الأخوات بيتأذوا نفسيًا
من تعليقات النواشز دول ، فمتخليش النموذج الشاذ يعقدك في الزواج

[#تصحيح مفاهيم الزواج](#)



٢٥١ / مرحلة الزخم في الزواج الشرعي

👉 الحمد لله دخلنا دلوقتي على (مرحلة الزخم)
👉 المرحلة دي هنلاقي فيها هدوء نسبي في الهجوم على الزواج الشرعي ، وبدايات موفقة من الفئة الصامته للحديث وجس النبض على صفحاتهم
👉 مشايخ أوقاف دلوقتي بيتصلوا عليا علشان يفهموا أبعاد الموضوع علشان يشتغلوا في مساجدهم
👉 عدد كيبيريير جدًا من الشباب بيعحوا يوميًا وبيتصلوا عليا علشان يقنعوا المشايخ اللي في بلدانهم
👉 الشيخ اللي بقى يتكلم عن القايمه دلوقتي زي زمان بيتفاجئ بسيل من المتابعين بيخربوا البوست بتاعه.. (محدث بقى بنضحك عليه)
👉 فيه هزة في المجتمع كله وغضب من الشباب حقيقي علشان كل الأوضاع دي تتغير
👈 يوميًا... شباب بيعيروا اتفاقاتهم في الزواج علشان يبدأوا صح ، محدش بقى مستعد بعد ما شاف نتيجة المخالفة في البيوت يخاطر ويكمل غلط

إمبارح شاب اتقدم لبنت واللي سهل عليه الموضوع شيخ المسجد اللي اتفاجئ بيه
بيقول لوالدها لما سأله عن كلامنا: (كلامهم صح يا حاج)
(✓ أن تأتي متأخرًا خير من ألا تأتي)

#تصحيح مفاهيم الزواج



٢٥٢ / مشكلات التعدد



مجهول : منذ 1 يوم

الادخ معدد وزوجته الاولى تمناع من اخذ
ابنه لبيت اختها (ضررتها)
فهل هذا من حقها وكيف يرد على ذلك
من الكتاب والسنة
وجزاكم الله خيرا وبارك الله فيكم



مشاكل التعدد مع النساء كثيرة جدًا ،
مشاكل قبله وهي تكمن في عدم تقبل
الزوجة لزوجة أخرى تشاركها في الرجل ..
(وهذا ليس من الفطرة ، بل هو من
الانتكاسة المجتمعية في عقول النساء)
فلو خلق الله المرأة على فطرة الإستحواذ
على رجل وحدها فكيف به سبحانه يشرع
له التعدد الذي سيحرمها من الإعفاف في
بعض الليالي ثم يطالبها بالعفة؟ 😞

أما المشكلات التي تعقبه فهذه واحدة منها ، وفيه أنها تتقبل التعدد من زوجها وتعيش
على ذلك ثم تخترع المنغصات حوله

الزوج هو صاحب الولاية على أبنائه ، المكلف بحفظ دينهم وتدريب أمور دنياهم ما
داموا تحت ولايته

✓ هذه الزوجة ليس لها أن تتحكم في تصرفات زوجها بخصوص أبنائه لأنه ببساطة هو
الذي سيتحمل عواقبها (الصواب فيها له فيه أجر والإثم يحمل فيه وحده الوزر)

قال النبي ﷺ: (وَالرَّجُلُ رَاعٍ فِي أَهْلِهِ، وَهُوَ مَسْئُولٌ عَنْ رَعِيَّتِهِ، وَالْمَرْأَةُ رَاعِيَةٌ فِي بَيْتِ زَوْجِهَا، وَمَسْئُولَةٌ عَنْ رَعِيَّتِهَا)

فالرجل هو المسئول عن رعيته (زوجته وأولاده)

قال الحافظ ابن حجر: (رِعَايَةُ الرَّجُلِ أَهْلَهُ سِيَاسَتُهُ لِأَمْرِهِمْ وَإِصَالَتُهُمْ حُقُوقَهُمْ، وَرِعَايَةُ الْمَرْأَةِ تَدْبِيرُ أَمْرِ الْبَيْتِ وَالْأَوْلَادِ)

⬅ حضرت مشكلة لزوجة مجرمة تمنع ابنتها الصغيرة من رؤية جدها وجدتها للأب
بتقولي: (شتموني في بداية زواجي وأنا مش هخلي بنتي تروح لحد مش كويس وتتعلم
السباب)

ونتيجة لذلك... (ستعلم ابنتها قطيعة الرحم الواجبة ولا حول ولا قوة إلا بالله)

كثير من النساء مجرمات ورب الكعبة في هذا الباب

👉 الحالة التي معنا لها صورتان

١/ أن تكون زوجة الأب امرأة صالحة : وهنا سيكون المنع من باب الغيرة
ولكن هذه الغيرة ستصطدم اصطدامًا مباشرًا مع تخويل حق الولاية للوالد... (فحرام عليها
المنع لرغبة الوالد في خلافه)

٢/ أن تكون زوجة الأب امرأة فاسدة فاسقة: وفي هذا نتفهم أن تنصح الزوجة زوجها
بعدم الاختلاط الزائد لأبنائها معها

وَجَبَ عَلَيْهَا نُصْحُ الزَّوْجِ وَمَحَاوَلَةُ إِرْشَادِهِ ، وَتَصْبِرُ عَلَى ذَلِكَ ، وَصَاحِبُ الْقَرَارِ الْأَخِيرِ
هو الزوج.. (هو الذي يحمل الإثم والفساد الذي قد يحدث)

قال النبي ﷺ: (إِنَّ أَطْيَبَ مَا أَكَلَ الرَّجُلُ مِنْ كَسْبِهِ، وَإِنَّ وَلَدَهُ مِنْ كَسْبِهِ)

فالولد كسب أبيه.. وكل خير وسوء كان من طريقه فهو المتحمل له

⬅ ننصح أختنا بالحفاظ على هذه العلاقة قدر المستطاع إن كانت زوجة الأب صالحة
والعمل على توطيدها لربط أبنائها بإخوتهم من الأم الأخرى ، وكذلك إن لم يكن عندها
أولاد أن يكون أولادها سندًا لها فهي زوجة أبيهم وأخت أمهم

وإن كانت غير ذلك فلتدعو لها بالإستقامة فهذا ينزع بعض ما في قلبها ، ولا توقع
نفسها في الإثم بمعارضة زوجها



٢٥٣/هنحسب حق بنتك

-عاوز أضمن حق بنتي زي ما أخويا ضمن حق بنته ياشيخ

=وأخوك ضمن حق بنته إزاي؟

-البنت أخذت مهر ٣٠,٠٠٠ ج ولها مؤخر ٣٠,٠٠٠ ج زيهم وقايمه

=وأخوك مجهز بكام معاه في القايمه؟

-والله دا جايب الجهاز بتاعها بأكثر من ٣٠٠,٠٠٠ ج

=يعني بنت أخوك معاه مهر ٦٠,٠٠٠ ج [مقدم + مؤخر] ومعاه عفش العريس +

العفش اللي اشتراه أخوك من فلوسه.. صح؟

-أيوا

=يعني بنت أخوك بعد سنة من الزواج هيكون معاه عفش مستعمل [اللي اشتراه أخوك

+ اللي اشتراه العريس] كله على بعضه ميكملش ١٠٠,٠٠٠ ج .. صح؟

-آه فعلاً ، هو المستعمل كدا

=يعني بعد سنة من زواج بنت أخوك هيكون معاه [٦٠,٠٠٠ ج مهر + ١٠٠,٠٠٠ ج

عزال] يعني كسبانه في الزواج ١٦٠,٠٠٠ ج...صح؟

=مضبوط

=نخصم بقى ١٦٠,٠٠٠ ج من ٣٠٠,٠٠٠ ج [الجهاز الأساسي اللي اشتراه

أخوك]...يعني بنت أخوك طالعه خسرانه ١٤٠,٠٠٠ ج

-هاه 🙄

=دلوقتي لو الشاب جه ليك إنت وهيجهز كل حاجة وبنتك هتاخذ مهر...هتكون بنتك

كسبانه المهر اللي قبضته...مش كده؟

-اممم...صحيح

=يعني لو اندفع لبتك مهر ١٠٠٠ ج بس..هتكون كسبانة ١٠٠٠ ج ، لكن بنت أخوك
بعد المهر دا كله طالعه خسرانة ١٤٠,٠٠٠ ج

أخوك لو عنده دكر بط مكنش هيفرط فيه بالشكل المهيّن دا يا حاج

#تصحيح_مفاهيم_الزواج



٢٥٤ /رجالة أسوان



إمبارح كان منورني في العاشر ٢ من
رجالة أسوان ، أخويا أحمد إبراهيم
اللي جنبني ده من (إدفو) وأخويا
حسين المصري من (كوم أمبو)
فهمت من أحمد إن (إدفو)
معندهم أي فكرة عن القايمه ...
بيقولولي (ميعرفوهاش..ومش مطروحة
مطلقًا على الطاولة)

ولكن حسين قاللي: (كوم أمبو الزواج فيها زي باقي مصر بقايمه ، ولكن محدش عندنا
بيتسجن فيها)

رد عليه أحمد وقال له: (لأ...اللي بيتسجنوا كثير بس إنت مش متابع 😊)

المهم..قتلهم: (من أسبوع كان معايا مكالمة لشاب من أسوان بقنع حماه بالقايمه ،
لقيت شباب كثير بيقولولي: (أسوان أساسًا مفيهاش قايمه)

قالولي: (الكلام دا مش مضبوط... أسوان نفسها كمحافظة زي أي بلد ، بعض القبائل
بس مفيش عندهم قايمه زي إدفو علشان بيعتبروها عيبة في حقهم)

ياريت رجالة أسوان يشاركوا معنا ويحددوا مراكزهم ويحكولنا الوضع

#تصحيح مفاهيم الزواج



٢٥٥ / رؤية عيالك

بعد سنوات من مشكلته مع زوجته اتعرف على صفحتي علشان يلاقي فيها حلول
مخطر على باله يعملها ، بيقوللي قعدت فترة أدرس كلامك ده وأحاول أفهم أبعاده
وبدأت في التطبيق فقررت أجيلك تفهمني أنا ماشي صح وللا غلط

-منعتني من رؤية عيالي ومع ذلك مقصرتش معاهم في أي مصاريف طوال سنوات ،
ولما لقيتك بتقول إن النفقة مرتبطة بولايتي عليهم ورؤيتهم منعت النفقة خالص من كام
شهر وحاولت أحل بس للأسف رفعوا قضايا

=رفعوا قضايا؟.. هو إنت بتحل معاهم بعد قطع النفقة؟

-آه فعلاً ، بحاول أحدد معاهم قعدات لحل الموضوع علشان عاوز أشوف العيال

=شوف...إنت أخذت جزء مهم من الحل بتاعك بس سايب باقي الأجزاء المهمة

-مش فاهم ، سايب إيه؟

=لما تقطع النفقة لازم طليقتك يوصلها إنك قطعت النفقة واستغنيت خالص ، محاولاتك

في إبداء الرغبة والتذلل في رؤية الأولاد هو اللي بيخليها تدوس عليك أكثر علشان

تضغط عليك لأنها فاهمه بتصرفك ده إنك بتعمل حل وقتي ومسيرك ترجع تاني..لا

تسعى للحل ولا ترد عالعيال لو زقتهم يتصلوا عليك علشان قلبك يحن

-يعني عاوزني لو العيال اتصلوا عليا مردش عليهم؟

=لأ...عاوزك لو هتمنع النفقة تعمللهم بلوك أساساً ، لازم المجرمة دي يوصلها منك

الإستغناء خالص

-بس الموضوع دا صعب جداً عليا ياشيخ 😞

=عارف إنه صعب ، ولكن الأصعب منه إنك تفضل عايش حياتك كلها بالمنظر ده
-طب ياشيخ والأولاد كدا أكون قصرت معاهم؟..يعني لما أقطع العلاقة بيهم كدا صح؟
=إنت عندك أولاد وللا بنات؟

-عندي ولد وبنيتين

=ما شاء الله ربنا يحفظهم ، الولد إنت محتاج تديه درس عملي في الرجولة ، هل تعتقد
إنه لما يعيش سنوات يشوف أبوه فيها بيتحايل على أمه علشان يشوفه هيطلع
راجل؟...بالعكس هيطلع خانع جبان وعمرك ما هتخليه راجل ، ولما هيكبر هتلاقيه
فاهم إن الزوجة هي صاحبة القرار والزوج هو المتدلل لها

أما البنت بقى فلو حالك فضل كده فإنت هتطلع للأمة ناشز ملهاش حل في النشوز ،
هتكون مقتنعة تمام الإقتناع إن النشوز هو اللي بيخلي الست تتحكم في كل شئ ،
تفتكر بعد ١٥ أو ٢٠ سنة لما زوج بنتك دا يقعد معاك ويحاسبك على نشوز بنتك معاه
لإنها شافت نموذج الراجل الضعيف فيك هتقولله إيه؟

-فعلاً...أنا مفكرتش في الأبعاد دي خالص 😞

=متقلقش ياأخي الفاضل...مش إحنا اللي بنربي عيالنا ، لكن ربنا اللي بيربيهم لنا فلو
متخيل إنك لما تفضل عايش طوال عمرك بدون أخذ قرارات حاسمة كدا هيكون صح
فإنت واهم ، اللي هتعمله دلوقتي ده جزء من التربية كان لازم تنتبه له من زمان ، المهم
النفقات اللي هيتحكم بيها هتكون كثير عليك؟

-لا أبداً... عمرها ما هتاخذ مني بالمحاكم أد اللي كنت بصرفه عليهم

=سييها...سييها تجرب الطريق ده وتدي العيال درس عملي إن الرجالة ميتحايلوش على
ناشز

-طب والعيال لما يكبروا هيشوفوني إزاي؟

=لا متقلقش خالص ، غالباً موضوعك هيتحل طالما بدأت تضغط وهتلاقيا بتزق عليك
ناس كثير علشان يحلوا ، والموضوع هيخلص ، واسوأ النتائج لما عيالك يكون عندهم
١٦ أو ١٧ سنة هيجولك وساعتها عاوزك تجهزلهم سيديهاية فيها كل إسكينة حصلت

في الفترة دي ، وكل شهادة من حد اتدخل ، وكل أوراق القضايا اللي أمهم بادرت برفعها عليك

-إيه السيديهاية؟..فايدتها إيه؟

=ياأخي الفاضل...الأولاد لما بيوصلوا للسن ده بيتمردوا على من هم تحت ولايته
ويسألوا وبيناقشوا مين اللي كان غلط ، في الفترة دي لازم تبرئ ساحتك قدامهم علشان
صورتك متبقاش مهزوزة وتكون أعذرت إلى الله

-ياذن الله ابدأ في الخطة دي ياشيخ وأتابع معاك ، فعلاً لازم العيال ياخدوا من الفترة
دي درس عملي مهما كانت الضغوط

[#تصحيح مفاهيم الزواج](#)



تصحيح مفاهيم الزواج
أحمد الأهواني
الجزء الثالث

٢٥٦ / الغضبانة

[#الغضبانة](#)



98% من النساء يقعن في هذه الجريمة
بعد الزواج ، ولتفصيل الأحكام المتعلقة

بالأمر كان لا بد من فهم هذا الحوار

-السلام عليكم ورحمة الله وبركاته ، كنت

محتاجك ياشيخ في موضوع مهم

=وعليكم السلام ورحمة الله وبركاته ،

اتفضل ياخبيي تحت أمرك

-دلوقتي ياشيخ أختي غضبانة وزوجها مش

عاوز يحل معانا ولا يبجي ياخذها ، بفكر

أرفع عليه قضايا علشان نخلص ، إحنا بنحاول نخلص الموضوع باحترام بس مفيش فايده

=هو أختك غضبانة ليه؟

- كل شوية يزعلها ياشيخ ويتخانق لأسباب تافهة ، وهي ياما اتكلمت معاه بس مفيش فايده

=طيب وهي سابت بيتها ليه؟

- ما هو كل شويه يزعلها

=هو دا سبب تركها لبيتها؟

-طبعا ، هي تقعدله في البيت ليه وهو بيعمل معاها كده !

=وهي كدا حلت المشكلة وللا المشكلة تطورت؟

-هو بصراحة الموضوع تطور جدا ومش عارفين إيه سبب كده

=السبب معروف طبعا ، مخالفة واحدة عملتها أختك هتكون سبب خراب البيت

-مخالفة عملتها أختي؟..أختي هي اللي عملت المخالفة بعد كل اللي سمعته ده؟

=طبعا..أختك تركت بيتها وخرجت بغير إذن زوجها ، عاوز إيه أكثر من كده علشان

تنتظر منها تخالف؟...خروج المرأة من بيتها بغير إذن زوجها معصية ، دا النبي ﷺ يقول:

(لَا تَمْنَعُوا نِسَاءَكُمْ الْمَسَاجِدَ)

يعني حتى في خروجها للمسجد محتاجه فيه إذن زوجها ، والفقهاء أجمعوا أنه لا يجوز

للمرأة سواءً كانت متزوجة أو غير متزوجة أن تخرج من بيتها بغير إذن وليها [والدها

مثلا قبل الزواج ، وزوجها بعده]

-ماشي ياشيخ أنا عارف طبعا كل الكلام ده ، بس يعني إيه حوار بيتها اللي إنت قاعد

تتكلم فيه ده؟...دا بيته ياشيخ وهو مزهقها خالص وكل شوية يفتعل المشاكل

=ياطيب...الله تعالى نسب منزل الزوجية للمرأة في أكثر من آية في كتابه.. كل ده

علشان النساء يتمسكن بيوتهن

قال تعالى { لَا تُخْرِجُوهُنَّ مِنْ بُيُوتِهِنَّ }..البيت للزوجة أهوه

وقال في سورة يوسف { وَرَأَوْنَهُ الَّتِي هُوَ فِي بَيْتِهَا عَنْ نَفْسِهِ }

يعني امرأة العزيز تراود يوسف عليه السلام وتهم بالمعصية في بيتها....(نسب بيت العزيز لها لأنها زوجته)

بل قال الله لأمهات المؤمنين { وَقَرْنَ فِي بُيُوتِكُنَّ وَلَا تَبَرَّجْنَ تَبَرُّجَ الْجَاهِلِيَّةِ الْأُولَى }
وقال لهن أيضاً { وَادْكُرْنَ مَا يُتْلَى فِي بُيُوتِكُنَّ مِنْ آيَاتِ اللَّهِ وَالْحِكْمَةِ }

مع العلم أنها بيوتات النبي ﷺ

-حلو جداً ياشيخ... بس ياشيخ بصرف النظر عن موضوع أختي يعني..فيه رجاله بيطردوا النساء من البيوت اللي بتتكلم عنها دي.. الست تنطرد يعني وتقعدله في البيت؟
=هو أنا لو كنت في بيتك وطردتك تطلع علشان طردتك منه؟
-هههه.. لا طبعاً

=النساء للأسف من تلاعب الشيطان بعقولهن جعل عندهن أشياء ممكن يقفوا فيها قدام أي حد علشان حقوق لهن ، ولكن الشئ اللي على أهوائهن بيعملوه عادي..مثلاً لو معاها حكم بالتمكين بتطرده وبتعتبره بيتها..أحكام القضاء عندهن تفوق على أحكام الله...عارف إمتى الزوج يخرج زوجته من بيتها؟

-أكد لو زعل منها وعملت في حقه حاجة كبيرة
=الزوج يخرج الزوجة من بيتها لما تقع في فاحشة... متخيل؟
-معقولة؟..فاحشة !

=شايف ربنا يقول إيه للنبي ﷺ { يَا أَيُّهَا النَّبِيُّ إِذَا طَلَّقْتُمُ النِّسَاءَ فَطَلِّقُوهُنَّ لِعَدَّتِهِنَّ وَأَحْصُوا الْعِدَّةَ وَاتَّقُوا اللَّهَ رَبَّكُمْ لَا تُخْرِجُوهُنَّ مِنْ بُيُوتِهِنَّ وَلَا يَخْرُجْنَ إِلَّا أَنْ يَأْتِيَنَّ بِفَاحِشَةٍ مُبَيَّنَةٍ □ وَتِلْكَ حُدُودُ اللَّهِ وَمَنْ يَتَعَدَّ حُدُودَ اللَّهِ فَقَدْ ظَلَمَ نَفْسَهُ لَا تَدْرِي لَعَلَّ اللَّهَ يُحْدِثُ بَعْدَ ذَلِكَ أَمْرًا □ }

-دا كمان في الطلاق وللا أنا فاهم غلط؟
=أيوا طبعاً...دا لو الراجل طلق زوجته طلاق رجعي...[يعني الطلقة الأولى أو الثانية]..الست متخرجش من بيتها خالص كمان غير لما تكون اتمسكت في فاحشة
-تقعد معاه في البيت؟

=أيوا...تقعد في البيت وتقضي عدتها كمان في بيتها متخرجش منه

-بس كدا هتكون عايشه معاه ياشيخ

=أيوا...ودي من الأشياء اللي بتبين لك عظمة وجمال الشريعة ، هتفضل في البيت لا يقربها في فترة العدة ، متخيل كام واحد من الأزواج يتحمل الحكم ده؟ ولو قرب منها تبقى رجعتله 😊

-دا لو دا حصل ياشيخ غالبًا كل الأزواج هيراجعوا زوجاتهم في العدة ومش هنلاقي طلاق 🤔

=طبعًا..الناس لما بعدوا عن تعاليم الشرع بقيت تلاقي الست اللي تغضب وتسبب بيتها وتدي مجال وفرصة للأهل يتدخلوا [الصالح منهم والطالح] ويفسدوا في البيوت...رب العالمين يعلم إن المشكلة لو فضلت جوا البيت موسعتش هتتحل ودا معنى قوله تعالى { لَا تَدْرِي لَعَلَّ اللَّهَ يُحْدِثُ بَعْدَ ذَٰلِكَ أَمْرًا }...يعني مراجعتها -دا كدا الستات بيثبتوا بقى تهمة على أنفسهم لما بيسيوا البيوت 🤔

=أكيد...ودا اللي بنحذر منه شايف ربنا في الآية اللي بعدها قال إيه: { فَإِذَا بَلَغَ الْأَجَلُ فَأَمْسِكُوهُمْ بِمَعْرُوفٍ أَوْ فَارِقُوهُمْ بِمَعْرُوفٍ } يعني لما تبلغ الأجل (فترة العدة) له أن يُمسكها [يعني ترجع لعصمته] أو يفارقها] يستمر على طلاقها]

-بس فيه حالات ياشيخ بنسمع عنها الست بتنضرب وتتهان وتتجرجر في الشارع بالعافية...تفضل قاعده في البيت يعني لحد ما يموتها؟

=والحالات دي كام في المائة؟..يعني كام حالة شفتها بعينك من ضمن اللي غضبوا حصل لهن ذلك؟

-لا ياشيخ يعني مقصدش..أكيد مش كثير

=الحالات دي نادرة جدًا جدًا..ومش هي دي الحالات اللي الحكم الشرعي يتغير علشانها..(النادر لا حُكم له)

ولكن لما واحدة يحصللها حالة نفسها فيها سْتُزْهَق فعليًا فلها ترك البيت والفرار بنفسها..لأن حفظ النفس من الضروريات التي ينبغي المحافظة عليها...إحنا بنشوف

واحدة غضبت وسابت بيت زوجها علشان شتمها أو ضربها بإيده أو أي شئ... هي دي أسباب تستحق إنها تترك بيتها ونقول إن حياتها اتعرضت للخطر؟
- معاك ياشيخ... طيب اللي حياتها متعرضتش للخطر لسه دي... تعمل إيه؟
= تتصل بأهلها ويروحوا يحلوا مشكلتها في بيت الزوج أو في أي مكان عادي.. إيه المشكلة؟

- فيه أزواج صعبين ياشيخ ميكبروش لحد.. الست تعمل إيه؟
= لو استحالت العشرة تطلب الطلاق منه وتَقَعُد ناس يطلقوها بعد ما يحكموا بينهم... معقولة مفيش في عائلات النساء دول راجل؟.. آمال اتزوجوا إزاي؟
- والله ياشيخ أنا شايف إن الشريعة جعلت للطلاق قيود كبيرة جدًا لحفظ البيوت
= أكيد... الشيطان يهمله زعزعة إستقرار البيوت المسلمة... هاااا ناوي تعمل إيه دلوقتي؟
- ناوي أصلح غلطتي وأرجع أختي لبيت زوجها ، ومتأكد إن زوجها بعد كده مهما عمل مش هيكون أد الذنب اللي أختي عملته... وناوي أتوب من مخالفة كل الأحكام الواضحة دي وربنا يقبل توبتي دا أنا كنت ههدم البيت كله 😞
= ربنا يتوب عليكوا ، ولو محتاجني آجي معاك لزوجها معنديش مانع
- شكرًا ياشيخ ، ربنا يحفظك

[#تصحيح مفاهيم الزواج](#)



👉 جه ليا العاشر وكان واضح عليه إنه مهموم جامد ، ولما قعدنا نتكلم سوا حكالي قصته
👉 شاب من الشباب راح يتزوج من بيت الظاهر فيه الإلتزام (الأم معلمة قرآن والأب ماشي عالسنة الظاهرية) والبنات صغيرة في السن منتقبة

لما لقتنى مش باجي اخدها ولا عبرتهم خالص
عرفت غلطها وعرفت أن مكنش ينفع
تمشي ورا امها وتروح معاها
امها قعدتها مع كبار النواشز والمتدثرات
في محافظة كنها
والبنت ربنا هداها ونجاها منهم
انا والله دعيت ربنا واستخرت كذا مرة لو
فيها خير ترجع
مفيش خير ربنا يصرفنى عنها ويعوضنى
واهي رجعت وربنا يجعل فيها الخير

عارف يا مولانا
لما قعدت مع المتدثرات دول عارف
بيقولوا لها هو مش عايز يكتب لك
قايمه ليه
قالت لهم عشان مش من الشرع وكمان هو
مجهز البيت
راحوا قالوا لها لأ طبعا القايمه من الشرع
وربنا هو إلى قال : " يأيتها الذين آمنوا إذا
تداينتم بدين إلى أجل مسمى فاكتبوه "
تخيل دليلهم ايه
دول بيعبدوا ربنا دول ولا بيعبدوا عجل بنى
إسرائيل ؟

الشاب يقوللي لما دخل البيت كان
فاهم موضوع الزواج الشرعي وتزوج
بالفعل كذا ومكتبش قايمه ، البيت اللي
دخله اكتشف إنه بيت الحاج عجة والأم
هي المتحكمة في كل شئ (طبعا
أمارات كتير ظهرت له في فترة الخطوبة
بس هو مخدش باله)

بدأت الأم تندخل ولكن الشاب مكنش
متربي هو كمان في بيت عجة (كان
واضح ده من كلامه في المشكلة) ورفض
تحويل بيته علشان يكون نسخة من بيت
عجة

طلبوا منه بعد سنة من الزواج يمضي قايمه (بالرغم إنه جهز كل شئ) ولكنه قال لهم
(أبوكوا في العش وللا طار)

الأم محفظة القرآن راحت البيت عنده وعملتله فضيحة قدام الناس في الشارع وأخذت
زوجته معاها

بعد يومين لقيته عندي... قعدت أفهم منه التفاصيل وسألته البنت عامله إيه معاك؟
قاللي: (البنت بتتحايل عليا أروح آخدها من عندهم ، وبتقوللي غلطة ومش هكررها)
قلتله: (اقفل كل السكك معاها تمامًا ، دول بس مخططوش صح ، لو كانوا انتظروا لما
تخلف يمكن كان الضغط هيكون أشد بس عادي في كل الأحوال خليك راجل ، وتعالى
ناخد صورة مع بعض تحطها عندك عالفيس ومتكلمش)

بالفعل... اتصورت معاها وهو مكنش فاهم معنى الصورة وبعد ما نزل الصورة على طول
فوجئ بسيل من المكالمات تتحايل عليه يرجعها
(دخلوا طبعا يشوفوا مين صاحب الجديد اللي ظهرله ده)

بعد ١٠ أيام الشاب جه ليا يسمعي بعض التسجيلات اللي زوجته باعتها له عالواتس (بتبكي ومنهاره ودخلت في حالة نفسية علشان مراحش أخذها)

قلته يقول لها: (طالما معاكي حذاء تخرجي بيه من البيت ده وتيجي لوحداك مفيش عذر)

لكن إنت مينفعش تروح مطلقاً

بعد ٢٠ يوم الشاب بدأ يفكر في طلاقها... أنا اللي فرملته بصراحة ، قلته لو البنت دي مرجعتش لوحدها زي ما خرجت ومقطعتش علاقتها بأمها مساعداك تطلق فعلاً... مفيش شئ اسمه تروح تجيبها.. (نديها فرصة تتوب ولما ترجع هعرفك تعمل إيه) الأم دي ناشز متدثرة ولازم نفهم بنتها إن النشوز مبيجيش شئ... (بس خيلنا نديها فرصة)

بعد ٤٠ يوم البنت رجعت لوحدها من ورا أهلها لزوجها زي ما انتوا شايفين .. ودي حالة من الحالات اللي وَجَبَ فيها على الزوج إنه يقطعها عن الأهل المخبيين دول تماماً... (ولا حرج شرعاً في هذا فلن ينفعه أمام الله أحد إن أفسدَ دين الزوجة وهو مسئول عنها)

[#تصحيح مفاهيم الزواج](#)



تصحيح مفاهيم الزواج
أحمد الأهواني
الجزء الثالث

٢٥٨/ليه الغضبانة ممكن نرجعها ؟

ناس بيسألوني ليه في المشكلة بتاعة الشاب اللي زوجته تركت البيت مع أمها رَسَمَت له خطة تسمح برجوعها ورفضت تخليه يطلقها خاصة إنها مكنتش لسه أنجبت ومفيش قايمه والموضوع حلو جداً لصالحه؟

[#شوفوا يا جماعة :](#)

الهدف الأساسي من دعوتنا هي إصلاح البيوت مش هدمها ، ولو كان الطلاق هو الطريق الوحيد لإصلاح حياة الطرفين فإحنا لا نتردد أبدًا إننا ننصح بيه

لما بدخل مشكلة زي دي لازم أفهم كويس شخصية الشاب صاحب المشكلة

لما بيظهر قدامي إنه شاب صلب ومش بيتهز ولا قابل يتنازل ولا هيعرفوا يعملوا معاه حاجة فده لازم نشتغل على عامل شخصيته شويه

بيتعرض معاه للضغوط وفي كل ده بشوف الضغوط دي جايه معاه وللا لأ

درجة إستسلامه هتكون إزاي

هل البنت عنيدة وللا أساسًا منهاره

مدى سيطرة الأهل على بنتهم

هل الشاب ده من النوع اللي بيهدد وساعة التنفيذ بيحجب ورا؟

بدرس بيت البنت بكل تفاصيله من خلال دخول الشاب فيه

بسأله عن صديقاتها والوسط المحيط بيها

👉 غالب العوامل دي بتفهمك (هل البنت دي تصلح تكون زوجة ودي غلطة مش هتكرر ثاني والحياة هتكون جميلة وللا أمها بعد كدا هيكون لها كلام ثاني والبنت هترجع للنشوز مرة ثانيه؟)

👈 فيه بعض المساكين اللي داخلين يقولولي: (هو إنت إزاي تسمح للزوج يوريك المراسلات ويسمّعك قويسات للبنت؟)

نفس دول لما البنت بتمشي مع محامي وتتحاكم للقضاء بيسمحوا لها تعمل كل شئ علشان توصل لحقها 🎯

طبعا دول مش فاهمين حاجة في الشرع فلا نلتفت إليهم

👉 يا جماعة إحنا مش شغالين علشان ننصر طرف ضد طرف ثاني.... المشكلة دي مثلاً لو بصيتوا لكل زواياها هتلاقوني أصلحت بيت البنت وكنت سبب في إستمرار حياتها... (الشاب فعلياً كان جاي لي يطلق وعاوز يفهم يتزوج إمتى ثاني بعد الطلاق)

👈 فيه مشاكل ثانيه بنفس الظروف بتأكد فيها إن الشاب لا يصلح يقود المسيرة.. حتى لو البنت كويسة ويبجي منها

وفيه مشاكل لما دخلتها بنصح أهالي البنات ينقدوا أنفسهم من شاب فاسد
(دي أمانة ملهاش علاقة بذكر أم أنثى)

#أخويا_الشاب : بيتك مش هيمشي غير لما يكون زمام القيادة في إيدك مش في إيد

حد تاني

#أختي_الفتاة : محدش هينفعك غير حسن تبعلك وطاعتك لزوجك..لو أبوكي أو أمك

هيحرضوكي عليه اقطعي العلاقة معاهم فورًا وحافظي على آخرتك

#تصحيح_مفاهيم_الزواج



٢٥٩/القول المتين في أحكام النفقة على الناشز والعيال المخطوفين

👉(القول المتين في أحكام النفقة على الناشز والعيال المخطوفين 🙄🙄🙄)

👉لما الزوجة الغضبانة كانت واخده العيال وقاعده عند والدها حاولنا نتدخل فلقيناه

بيطالبنا بالمصاريف ، وده كان سبب الحوار ده 🙄

-يدفع اللى صرفناه عليها في ال ٣ شهور دول ياشيخ ويبجي ياخدها

=بس أنا سمعت إنها قاعده عندك على خلاف رغبته يا حاج ، وهو قاللي إنها تركت

البيت وهو مش موجود ومشيت

-أيوا طبعًا...هي تقعدله فيه بعد ما شتمها؟

=طيب يا حاج ، بصرف النظر عن كل الكلام ده ، بس منين هي خرجت من غير إذنه

ومنين بتلزمه يدفع المصاريف بتاعتها اللي صرفتها وهي تحت ولايتك إنت ؟

-هي مش مراته ياشيخ وللا إيه؟

=أيوا يا حاج..مراته..بس هي في الوقت ده مكنتش تحت ولايته..دي خرجت من غير

إذنه فبقى لها أحكام تانيه خالص

-أحكام تانيه؟..يعني بقت طليقتة مثلاً؟

= لا يا حاج.. هو الزوجة ملهاش أحكام في الزواج تانيه غير بعد ما تتطلق؟

-مش فاهم 😞

=يا حاج...بنتك بعد ما خرجت من بيته بغير إذنه ومشيت بمزاجها بقت زوجة (ناشر)...

يعني زوجته صحيح بس لها أحكام تانيه في الشرع

-بنتي ناشر ؟ ناشر ليه إن شاء الله؟..وهو النفقة على الزوجة مش واجبة؟

=النفقة على الزوجة واجبة طبعًا يا حاج محدش يقدر يتكلم بغير ده

قال تعالى: (لِيُنْفِقْ ذُو سَعَةٍ مِنْ سَعَتِهِ وَمَنْ قُدِرَ عَلَيْهِ رِزْقُهُ فَلْيُنْفِقْ مِمَّا آتَاهُ اللَّهُ لَا يُكَلِّفُ اللَّهُ نَفْسًا إِلَّا مَا آتَاهَا)

وقال النبي ﷺ: (وَلَهُنَّ عَلَيْكُمْ رِزْقُهُنَّ وَكِسْوَتُهُنَّ بِالْمَعْرُوفِ)

دا كمان الإسلام أباح للزوجة اللي زوجها بخيل مبصرفش عليها في الأساسيات تاخذ من ماله بالمعروف بغير علمه ، والنبي ﷺ قال لـ (هند) زوج (أبي سفيان) لما اشتكت له أنه بخيل: (خُذِي مَا يَكْفِيكِ وَوَلَدَكِ بِالْمَعْرُوفِ)

دا كمان النفقة تجب بمجرد التمكين ، يعني بمجرد تمكينك للزوج من بنتك تجب عليه النفقة ، دا حتى لو عَقَدَ عليها وقعدت في بيتك وإنت معندكش مانع يتزوج في أي موعد والتأخير من عنده النفقة بتكون عليه وهي في بيتك

-الله ينور عليك..وهي في بيتي أهوه..جاي دلوقتي تقوللي ملهاش نفقة؟

=أيوا يا حاج عجة..قصدي أيوا يا حاج..بس الزوج بيكون مُمَكِّن منها...إنت بنتك كانت تحت طاعته؟

-لا طبعًا..بنتي في بيتي وتحت طاعتي أنا

=خلاص...النفقة تتبع التمكين...اللي بنتك منصاعة لأوامره عليه النفقة

بنتك ناشر يا حاج ملهاش نفقة على زوجها..هو مش ملزم يصرف عليها..حتى ملهاش في رقبته زكاة..يعني لو جه موعد زكاة الفطر وهي ناشر زكاتها هتكون عليك مش عليه -طيب مش هجادلك كثير..أصلًا دي بنتي وكدا كدا الحمد لله الخير موجود... طب

عياله اللي عندي دول وقعدت أصرف عليهم

=لا طبعًا..نفقة العيال واجبة على والدهم طالما العيال تحت أوامره ومُمَكِّن منهم

قال الله تعالى: (فَإِنْ أَرْضَعْنَ لَكُمْ فَآتُوهُنَّ أُجُورَهُنَّ)

يعني ينفق عليها كمان بسبب الطفل في الرضاعة ، وبعد كدا عليه النفقة في حياته لحد ما الولد يبلغ سن البلوغ والبنت لحد ما تتزوج وتنقل ولايتها لزوج ينفق عليها.. قال تعالى: (وَعَلَى الْمَوْلُودِ لَهُ رِزْقُهُنَّ وَكِسْوَتُهُنَّ بِالْمَعْرُوفِ)

-آه طبعًا... ما هو إحنا بنقول كده يقول لنا مكنش بشوفهم علشان أصرف عليهم

= لا استنى.. هو مكنش يشوف عياله؟

-يشوف عياله إزاي ياشيخ وهو مزعل أمهم..دا أنا كنت كمان مخلي العيال يعملوله بلوك ومكنش بيعرف يكلمهم

=يعني العيال مثلاً كانوا ممكن يخرجوا من بيتك بغير إذن والدهم ولما والدهم يطلبهم مكنش بيلاقيهم؟

-آه طبعًا..هي بنتي مش غضبانة؟

=طب وإيه اللي يخليك تمنع العيال؟

-ما هو العيال دول ورقة ضغط كويسة برضو علشان نخليه ينفذ طلباتنا

=طيب مش تقوللي... كدا نفقة العيال وهما عندك بالظروف دي عليك يا حاج مش على والدهم

-نعمممم..عليًا..طب أمهم وقلت ناشز...العيال نواشز هما كمان؟

= لا يا حاج..مش أنا قلتلك النفقة تتبع التمكين؟..هيصرف على عياله ليه وهو مش ممكن وممنوع عنهم؟..فين ولايته عليهم اللي أوجبت النفقة؟

-إزاي بس ياشيخ..العيال صرفوا عندي في ٣ شهور بتاع ٢٠,٠٠٠ ج

=ومين أجبرك تصرف عليهم يا حاج..إنت قلت لأبوهم يا خدهم وهو رفض؟

-لا طبعًا...بس الكلام دا غريب جدًا

=لا يا حاج...ولا غريب ولا حاجة...دا شيخ الإسلام ابن تيمية اتكلم في المسألة دي

من يبجي ٧٠٠ سنة

-قال إن العيال نفقتهم على جدهم؟

=قال شيخ الإسلام ابن تيمية رحمه الله في مختصر الفتاوى المصرية: (وإذا حُكِم بالولد للأُم، فغِيَّبَتْهُ عن الأب؛ لم يَكُنْ لها أن تطالِبَه بالنفقة المفروضة، ولا بما اتَّفَقا عليه) يعني حتى نفقة العيال وهما في حضانة أمهم ومحكوم لها بيهم معاها بتسقط لما الأم تغييهم عن والدهم

العلماء فاهمين من زمان إن النفقة تتبع التمكين ، مفيش تمكين مفيش نفقة ، مفيش ولاية مفيش نفقة 🙏

-يعني النفقة اللي أنا طالبها منه دي مش هاخذها؟

=طبعاً يا حاج..ملكش تلزمه بنفقة على ابتك الناشز ولا العيال المخطوفين

-ياشيخ دول مش مخطوفين دول قاعدين مع جدهم

=ياحاج إنت لو فعلاً مش خاطفهم مكنتش غيبتهم عن والدهم

-ما هو أنا سمعت من مشايخ كثير كلام غير ده ، وابني قرأ فتاوى عالنت في الموضوع ده يقول إن النفقة واجبة عليه

=الفتاوى اللي بتسمعها تتكلم عن وجوب النفقة على العيال المخطوفين وخارج نطاق التمكين من أبيهم دي كلها فتاوى مُستهلكة يا حاج...فتاوى المقصود منها عدم زيادة الفجوة علشان البيوت ترجع لمجاريها تاني ، ولكنها كلها بتخالف الأصل اللي العلماء رتبوا عليه سقوط النفقة عن الزوجة الناشز قبل ما يسقطوا النفقة عالعيال المخطوفين عندك ، العلماء دول بيتكلموا من باب الفضل مش من باب الإلزام ، وأنا مقدرش ألزم زوج سقطت نفقة زوجته الواجبة عليه بعدم التمكين منها علشان النفقة تتبع التمكين وأقول له أنفق على عيالك اللي نفقته برضو واجبة بس ممنوع من رؤيتهم أو التصرف في كل شئونهم كأب له الولاية الكاملة

=طب ما تنصحه يعمل دا من باب الفضل

-أنا لو هنصحه يا حاج عمري ما هنصحه غير بإذلالك زي ما حرمته من العيال ، الشريعة يا حاج مفيهاش أحكام مش منطقية علشان نلف وندور حوالياها ، ومفيهاش حكم يقول للمظلوم طايطي علشان تنتصر..خلي الزوجة والعيال عندك وسييني أنصح الزوج أنا بقي بباقي أحكام الشريعة اللي إنت ومشايحك بتخبوها عنهم

-بقولك إيه ياشيخ..ممكن تطلع من الحوار ده وتعتبرني مقلتكش حاجة؟

=مهههه..حاضر🤔🤔🤔

#عجة_فكرة_والأفكار_بأيدينا_هتَموت👉

#تصحيح_مفاهيم_الزواج



٢٦٠/عاوزيني أروح آخذها

مشكلتي مع خطيبى ❤️
مشارك مجهول الهوية · ١٠ س · ٩
السلام عليكم
متجوز من شهرين عملت مشكلة تافهة مع مراتي قبل ما
انزل الشغل
رجعت من الشغل لقيتها ف بيت ابوها وامها بتقولى تيجي
تأخذها وانا رافض وقلتها زى ما خرجت من غير اذن
ولوحدها ترجع لوحدها او اخوها يجيبها والموضوع بقى
معقد
المفروض اتصرف ازاى

➡ مشاركة

💬 تعليق

👍 أعجبنى

👍❤️👍 ٩٨

أبرز التعليقات ▼

أحمد الأهواني
لو رحت جبتها فتأكد إنك هتروح تجيبها تاني



👉 في مشكلة (تافهة) تركت البيت ، مطلوب منه
دلوقتي يروح يسترضيها ويطبطب عليها ويحتويها
في بيت عجة اللي قبل بالوضع ده والعجاية مراته
هي اللي ظهرت في الصورة دلوقتي
👉 كل اللي فرطت في دراسته في الخطوبة هيظهر
في المشكلة دي...عجاية هي اللي بتقرر دلوقتي..
(خلاص اتزوجت واتدبست فمفيش داعي تقعد ورا
الستارة)

مش هتلاقي أخ لها في الوقت ده لو منتظر أخوها
يجيبها لك..(هو كمان مغلوب على أمره ومحتاج

أمه في جوازته والبيت ملوش غير ولي أمر واحد بس)... الست عجاية

👉 المشكلة مش عند زوجتك..المشكلة في تربية البيت اللي هيتقبل الوضع دا كل

شوية...بكره تخرج من بيتك متبقاش عارف هترجع تلاقي زوجتك فيه وللا لأ

👉 المشايخ العجج دلوقتي مش هتلاقي عندهم رابط...هتلاقيه بيهلفط بالكلام ويقولك:

(الست تخرج عند تحقق الضرر)

طب ياعم الشيخ بعد ما فترة حيضك كدا ما تنتهي حددلنا الضرر بالله عليك علشان نشوف السنيورة إمتى تخرج من بيت زوجها بغير إذنه ونعرف نتعامل
الوضع ده ملوش غير حلين بس 🙌

١/ إما تروح تجيها وفي الحالة دي عمرك ما هيكون لك قرار ولا قوامة على زوجتك نهائياً مهما قعدت تفهمها وتنصحها... (خلاص هي تربية البيت كدا ويا ما زوجتك حضرت مواقف مع والدها)... ولو سلمت المفاتيح علشان شخصيتك ضعيفة عادي على فكرة هي دي إمكانياتك

٢/ تسيبها لحد ما تعرف غلطها حتى لو وصل الأمر للطلاق.. (احسب الخسارة المادية قدام خسارة عيالك بعد كدا اللي هيتربوا مش هيشوفوا أم ولا هيتعلموا قوامة لأب)
عملية تحويلك لـ (عجة) في المستقبل لازم تنتبه لها 🙌

[#الغضبانة](#)

[#تصحيح مفاهيم الزواج](#)



٢٦١/ هل بنقول الست مترواحش لأهلها؟

— هل إحنا بنقول الست مينفعش تروح بيت أهلها؟

= لأ محدش قال كده

— أmaal إيه اللي بنقله؟

= بنقول لست الكل متخرجيش من بيتك

— طب لو زوجها مش راضي يخرجها

لبيت أهلها في وقت معين وهي عاوزه

تروح؟

= يبقى تسمع كلامه علشان هو عارف

مجهول : منذ 51 دقيقة

يعني الست لما تزعل وتروح بيت أهلها ترتاح هناك شويه إيه المشكلة اللي فيها؟؟؟

ايه حوار تاخذ اذن زوجها ده وهي زعلانة منه

هو دا الدين يعني انها تكلمه وهي مش عاوزه؟

حذف أظهار

مصلحتها ومصلحة بيته أكثر منها

-طب لو هي مش قادره تكمل معاه؟

=تتصل بأهلها أو أي حد تبعها وتخليهم يتدخلوا

-ولو حكموا بالطلاق؟

=تقضي عدتها في بيتها متخرجش منه علشان هي مش جايه من الشارع ومعملتش

فاحشة تستحق عليها تخرج منه

-طب لو عندها عيال؟

=لو لسه صغيرين فهتكمل في بيتها أو في أي مكان يأجره أو يشتريه لعياله ويصرف

عليهم

-طب لو معندهاش رجالة يعرفوا يحلوا؟

=تشوف حد من أهل العلم يتدخل ويحل مشكلتها

-طب لو هي عملت كل ده ومفيش حل؟

=تقصد يعني اتقت ربنا وملقتش مخرج؟

-آه

=يبقى يا إما الإسلام فيه حاجة غلط ، أو هي عندها مشكلة مع ربنا تحاول تراجع دينها



(إحنا مش هنكذب ربنا علشان نصدقوا)

[#تصحيح مفاهيم الزواج](#)



تصحيح مفاهيم الزواج

أحمد الأهواني

الجزء الثالث

٢٦٢/بعدركوا

👉فيه أخوات متابعات لنا عالصفحة متأذيين جدًا من كلامنا عن النواشر وإفراد مساحة

كبيرة لفضح الخطط بتاعتهم

أنا عارف والله إنكم مش مصدقين البشاعة والفجاجة اللي بتقرأوها ، وفاهم إن النماذج دي بعيدة كل البعد عن خواطر أي واحدة فيكم
بس معلش...لازم نفهم الشباب والفتيات اللي طالعين وممكن ياخدوا من أفكارهم ويتأثروا بفساد منهجهم ويكون ده وبال عليهم في الآخرة أمام الله 🔥
👉غالبية الشباب دلوقتي بقى قادر يميز الفكر النسوي من فكر المسلمة صحيحة الإسلام ، وبقوا فاهمين إن مش كله كذا زي ما كان بيروج له عند ناس منزلوش ساحات الدعوة ولا خرجوا من بيوت فيها رجالة
👈ياجماعة...اللي بيخلي الدنيا سواد في وشك خارج من بيت (عجة) مشفش نموذج صالح قصاده ، ولأن عجة ميعرفش يربي ويفهم معروفش يختاروا صح فاتخزوقوا في نواشز فالصورة اسودت في عنينهم
(ربنا يحفظ أخواتنا اللي نفسهم يعلقوا ويردوا على النماذج الشاذة دي ولكن يمنعهن الحياء)

أنا بتابع كل الرسائل على صراحة...فجزاكن الله خيرًا

[#تصحيح مفاهيم الزواج](#)



٢٦٣/ اتسجن ومحدث يبجي على كرامتي

👉كان جاي إمبراح يحكي لي تفاصيل
٥ سنوات من هجر زوجته له واستخدام
الأطفال كسلاح ضده ، وإنه حاول
يتواصل معايا بس معرفش فقلالي: (قلت
أجيلك على طول 😊)

➡ الشق الجنائي في قضية القايمه سقط بعد مرور ٣ سنوات ولما لقت إنها مش عارفه تسرقه خالص اتفاجئت بيه عامل محضر من ساعة خروجها من بيتها غضبانه [دائماً بننصح الشباب يعملوا المحضر ده]

طبعاً نتيجة المحضر سقوط الذهب اللي خرجت بيه وكان ممكن تاخده ثاني بالنصب من ضمن القايمه

➡ لما مشيت وهي حامل اتصل عليهم بعد الولادة علشان يسجل الطفل فرفضوا قاللهم: (عادي براحتكم ، زي ما تحبوا)

اتصلوا عليه يومها بالليل لما لقوه مستغني 🤔

➡ المحامي بتاعها جاب عليه ٥٧,٠٠٠ ج متجمد نفقات ، قاللي قررت أتسجن بيهم شهر ولا إني أذل نفسي واصرف على ناشر وعيال مبشوفهمش 😊 دلوقتي وبعد ٥ سنوات عارضين عليه يرجعوا ، وشرطهم إنه يكتب قايمه جديدة بدل الأولى

قلتله: (وناوي تعمل إيه؟)

قاللي: (ياشيخ أنا اتسجنت شهر مع ناس اتعلمت منهم أعيش راجل ومسلمش نفسي ولا شقا عمري لناشر مهما هيحصل) .. قال قايمه قال 🤔

➡ دلوقتي سابت له الولد اللي عنده ٨ سنوات وبقي عايش معاه ، ويقوللي أما اللي عنده ٥ فده هيجيلي هو كمان هيروح فين يعني 🧑

➡ الجميل في الموضوع إنه مبيحرمهاش من رؤية الولد اللي معاه ، بل قعد يكلمني إزاي بيرسخ عند الولد بر أمه لأنها مهما كانت ناشر فهذا لا يجيز له عقوقها ، في مرة الولد غلط فيها فأجبره يروح يعتذر لها علشان يعلمه البر ، على الرغم إنه قعد فترة يعدل صورته قدام الولد من كلام الأم عنه وشحنه بكرهه

👉 هو ليه كتير من النساء مش عاوزين يدخلوا في دين مضبوط ؟

عاوزه ترجع ، وبيزقوا عليه ناس علشان يرجع ، ومع ذلك لازم ترجع تعيش معاه بإيصال أمانة علشان يكون عندها فرصة تانيه لإذلاله من جديد

👉 سبحان الله #....الحماقة_أَعَيْت_مَنْ_بداويها



تصحيح مفاهيم الزواج

أحمد الأهواني
الجزء الثالث

٢٦٤/٢ (CD)

#السي دي 🎧🗣️

👉 قعد معايا يحكي لي عن أولاده اللي مبيشوفهمش غير بالرؤية كام ساعة كل أسبوع
أد إيه الأم مفهامهم إنه مش عاوزهم ولا بيعتلم بيهم وفي كل مرة بيعجي متأكد بعد ما
يشوف عياله 😞

الأم دايماً بتحاول تستفزه قدامهم ، بتحاول تكسر شوكته في مكان عام علشان عارفه
إنه مش هيعرف يعمل مشاكل وشوشرة... (أخ هادئ جداً ومش بتاع مشاكل)
👉 بمرور الوقت بقى يحس إن أولاده الثلاثة بيتعاملوا معاه بطريقة مش كويسة.. طريقة
مفيهاش إحترام ولا توقير للأب

ممنوع يصطحبهم خارج حد معين الأم رسمته للعيال في مكان الرؤية
سمع الولد بيقول للبنتين: (خلوا بالكوا متطلعوش من الحاجز ده لحسن بابا هياخدكوا)



👉 قعد معايا يحكي لي كل المهازل دي فقلته 🗣️

اوعى تستمر في المهزلة دي ، لازم تربى عيالك على وجود قدوة ومهم جداً القدوة دي
يكون لها شخصية ، أولادك عمرهم ما هيطلعوا كويسين وإنت ملكش كلمة عليهم ،
البنين منهم عمرهم ما هيطلعوا رجالة ، هيتربوا على قهر الرجولة والضعف والخنوع ،
والبنات هيطلعوا نواشر ، هيكونوا متأكدين إن النشوز هو أقرب طريق لذل الأزواج
[ومثالك مع أمها واضح]

سألني... وإيه العمل؟

قلته: (ال) CD

مهم جدًا تحتفظ بـ CD معاك عليه كل مشكلتك وتحركاتك في سبيل الحفاظ عليهم



👉 احتفظ بـ CD عليه صور القضايا اللي أهمهم

رفعتها عليك

👉 احتفظ بـ CD عليه فويسات لكل محاولاتك

في إصلاح البيت

👉 احتفظ بـ CD عليه الفتاوى اللي أخذتها من

المشايخ في الفترة دي علشان ضميرك يرتاح

👉 احتفظ بـ CD عليه تسجيلات كاملة لكam

👉 جلسة رؤية بيوضحوا عيالك بقوا يعاملوك إزاي... (حتى ولو بالفيديو)

👉 احتفظ بـ CD عليه صورك معاهم لما كانوا في حُضنك

👉 لما عيالك هيوصلوا ١٦ أو ١٧ سنة هيسألوا عليك وهيحاولوا يشوفوا الحقيقة

ولما يجولك متكلمش خالص.... (إديهم الـ CD وإنت ساكت)

👉 قوللهم إنك لما خفت عليهم من الوقوع في العقوق فضّلت تعيش بعيد وتدعيلهم

بالهداية

👉 قوللهم إنك عملت اللي تقدر عليه علشان تحافظ عليهم بس نشوز أهمهم مكنش في

صالح علاقتك معاهم

👉 اوعى تعتقد إنك بتربي العيال.. لا أبدًا

ربنا هو اللي بيري عيالنا.. المهم منكونش قصرنا في حقهم ، ولو مُنعنا عنهم هنعاول

وهنعاول بس عمرنا أبدًا ما هنعمل شئ يوصل عيالنا يشوفوا في عينا الخنوع والذل

(كفاية جيل طالع مكسور)

[#تصحيح_مفاهيم_الزواج](#)





٢٦٥/ كل ده ربنا نجاك منه ؟

👉 كان كل ما يحكي لي تفصيلاً مرت بيه في مشوار زواجه أمسك قلبي وأقول: (الحمد لله ، عدت بسلام ، أكيد اتعلم الدرس)

لكن واضح إن بعض الإخوة يكونوا على فطرتهم أوي لدرجة مخيفة المشكلة مش في كده وبس... دا المشكلة إنه وقع مع نوعية من (المتدثرات المتمرسات لأعمال الشغب والبلطجة).. ودي نوعية شرسة جداً من صور التدثر
 👉 أول ما أخونا سمع عن بيت ملتزم فوجئ بالألم بتقابلته برا البيت.. بيقول لي استغربت بس لما سمعت الست وهي بتتكلم معايا وتسهللي الزواج حسيت إن دا كرم ربنا ليا ، انبهر بيها كمحفظة للقرآن وست ما شاء الله مش بتسيب السبحة وكل كلامها بالشرع (دا على حد وصفه)

اتفقت معاه ينجزوا الزواج في شهر.. طبعاً شاب بقى وكان فرحان باللي بيحصل اتفاجئ كمان بالبنت بتتصل بيه وعاوزة تقول له على حاجة قبل الزواج وهتقابله برا البيت

👉 البنت قالتله: (أنا عاوزة ألتزم ومش في دماغي أي شئ خالص ، بالله عليك خدني من البيت ده لأنني دائماً في مشاكل مع أهلي بسبب شدة التزامي ، فلو والدي قالك أي حاجة تزعلك اتحمل علشان تاخدني)

عارفين الكلمتين دول عملوا في الشاب إيه؟ 😊
 الشاب اتعهد قدامها ياخذها مهما حصل وقالها بتشيليش هم خالص.. أنا هحارب الدنيا علشانك

👉 بعد الزواج اتفاجئ بالبنت ملهاش أي علاقة لا من قريب ولا من بعيد بدين ربنا... الصلاة بيزقها عليها بالعافية ، القرآن مش لاقية في حياتها ، دا حتى شغل البيت..(معفنة جدًا ومهملة فيه)

قعد ينصحها ويبين لها كل ده ويقوللي استحضرت تعاملات النبي ﷺ مع زوجاته وكنت بحاول أكون صبور جدًا لعل فيها خير أقدر أطلعه منها في يوم البنت اللي كانت عاوزه تخرج من البيت من أمها هي اللي بتتواصل مع أمها ليل ونهار وبتحكي لها كل كبيرة وصغيرة في حياتهم.. يقوللي صحيت في يوم بالليل لقيتها بتحكيها أدق تفاصيل العلاقة..😂 كان هيتجنن وافتكرك دا قلة خبرة من الزوجة

👉 حماته قعدت تلح عليه يخلي عداد الكهرباء اللي في بيت والده باسمه.. قالتله علشان لما تحب تقدم في مدارس أو أي شئ هينفعك.. يقوللي كانت بتلح عليا جامد وأنا صدقتها واتحركت في الموضوع

لما راح إدارة الكهرباء الموظف هناك سأله: (ليه عاوز تغير العداد باسمك وإنت قاعد في بيت والدك؟)

قال له: (والله حماتي بتقوللي إن دا هينفعك بعدين في مصالح عيالك) الموظف قال له: (ياابني إنت شكلك غلبان ومش فاهم حاجة ، الوليه دي عاوزه تعمل تمكين لبنيتها من الشقة ويتأمن نفسها بعداد الكهرباء يكون باسمك علشان دا بيت أبوك ومش عاوزه تلاقي صعوبة فيها)

الشاب مكنش مستوعب اللي بيتقال بس الحمد لله أخذ بنصيحة الموظف ومعملش حاجة

👉 في بداية الحمل كان كل ما يكلم زوجته تتخافق معاه وتقولله: (أنا على فكرة حاضنة) يقوللي: (والله أنا مكنتش عارف يعني إيه حاضنة أساسًا وكل ما اسألها عن معناها متردش عليا لحد ما في يوم وقبل الولادة بشهرين قالتلي عاوزه أروح لبيت ماما) بالفعل وداها لبيت أمها وكانوا رايعين عادي جدًا..(زوجته هتولد ورايحه تقضي فترة الولادة عند أمها بس كان زعلان إنها رايحه بدري)

يقوللي: (أول ما دخلت ياشيخ لقيتها دخلت تجري على الأوضة زي ما أكون ضاربها وجايين متخانقين ، وأمها وأختها طلعا الصالة يصرخوا وأنا مش فاهم في إيه)
أمها قفلت الشقة عليهم وقعدت تصرخ وتصوت وحطت المفتاح في صدرها علشان عارفه إن دا المكان اللي مش هعرف أجيبه منه 😊

ضربت برواز فيه قرآن بكوباية ميه واترمت عاللأرض وزوجتي وأختها يصرخوا وأنا واقف مش عارف أتمالك أعصابي ويقول: (يارب أكون بحلم وكل دا مش حقيقي)
الجيران اتجمعوا وزوجتي قالتلهم كان هيقول ماما بالسكينة والأم بتمثل ببراعة جدًا وسط تهديدات إني إرهابي وهيودوني في داهية

يقوللي الجيران كانوا واقفين في حالة ذهول... شايفيني شاب محترم وعلى السنة وفي نفس الوقت مش متخيلين إن دول ممكن يكذبوا
الأم صممت تتصل بالبوليس... جارهم نصحه يمشي وهو مرضيش علشان ميحصلش ضرر له لو مشي

بالفعل...البوليس جه وقعد يقنعها متعملش محضر بس هي أصرت وراحوا القسم...الضابط أول ما شاف الست وبناتها أخذه على جنب وقال له: (يقولك إيه ياشيخ..إنت إيه اللي وقعك في الأشكال دي ، دا إنت شكلك محترم)
قاله: (والله ما عارف إيه اللي بيحصل دا يافندم ، أنا في حالة ذهول)

يقوللي الضابط نصحه يعمل محضر مضاد لهم علشان يجبرهم عالتنازل...وبعد ما قاوحو كثير في عمل المحضر ده لإنهم معمولوش له حاجة زعقله وقال له النسوان دول لو فضلت تتعامل معاهم بالسذاجة دي هيودوك في داهية ياشيخ

بعد عمل محضر مضاد هو وهما باتوا في الحجز في اليوم ده وأول ما دخل الحجز لقي تاجر سلاح يقول له: (تعالى جنبي هنا ياشيخ لحسن هتتهبدل من العيال اللي هنا ، ولما سمع قصته قعد ينصحه هو كمان ويعرض عليه المساعدة لحد ما اتعملله إخلاء سبيل بعد عرض النيابة)

👉 قعد قافل خالص من تصرفاتهم وساييها عند أمها لحد ما جه موعد الولادة واتصلوا عليه علشان يدفع فلوس المستشفى

سألته: (رحت دفعته؟)

قاللي: (ياشيخ أنا عارف إنك قاعد هتتجنن مني دلوقتي لأنني بعد ما تابعتك عرفت إن كل حياتي كانت غلط..بس اعذرني واسمعني للآخر)

قلتله: (كمل أنا معاك)

قاللي: (دا أنا مدفعتش فلوس المستشفى وبس...دول بدأوا يلعبوا على عاطفة حبي للأطفال علشان أرجعها وكمان أدفع فلوس إقامتها عندهم)

الأخ دفع وراح أخذها علشان البنت تعيش معاهم وفي يوم بيقوللي: (بدأت تتعامل معايا حلو أوي)

وطبعًا فرح جدًا بتغير المعاملة ، ولما رجع في يوم من شغله مبسوط جدًا وطاير من الفرح اتفاجئ بالشقة فاضيه 🌈

البنت سرقته وراحت لأمها واتصل هو بمحامي صديق له والمحامي راح يكشف على أي محاضر معموله فيه فلقاها عمالاه محضر سرقة للشقة والذهب

المحامي سألته: (هو إنت كاتب قايمه؟)

قال له: (مفيهاش غير حاجات بسيطة بتاعتهم وبس)

قال له: (دول هيخفوها وهيطلبوك بقايمة المثل) [ودا سر إننا بنقول للشباب يدونوا كل ده في القسيمة]

المحامي قال له: (إنت دلوقتي مطالب تدفع حوالي ٢٠٠,٠٠٠ ج ياإما هيسجنوك)

الأخ بيقوللي: الدنيا ضاقت عليا جدًا والتزمت الصلاة على النبي ﷺ..لحد ما المحامي

قال له: حاول تشوفلي أي كاميرات في الشارع كدا

بيقوللي أكدته إن مفيش ، لحد ما رجعت في يوم لقيت كاميرا عند جاري مشفتهاش

قبل كدا ، سألته عن موعد تركيبها فلقيه مركبها قبل الحادث بـ ٣ أيام والبنت مكنتش

تعرف عنها شئ

الكاميرات جايه عملية السرقة ، ولما المحامي قال له أنا ممكن أسجنهالك بالكاميرات

دي قال له: (لأ...مش ممكن أعمل كدا دي مهما كانت أم بنتي)

المحامي ساومهم باللي هيعمله نظير التنازل عن المحاضر وتأمينه قانونيًا

وبالفعل...قدر يجيله حقه بالكامل وهي دلوقتي اتطلقت من ٤ سنين والبنت معاها والشاب بيشوف بنته عادي ويصرف عليها

⬅️ بعد كل الحوار ده الشاب قاللي: (بعد ما تابعتك اتغيرت عندي حاجات كثير وعارف إن كل تفاصيل الموضوع كانت بسبب قلة خبرتي ، ويمكن نيتي الطيبة هي سبب نجاة ربنا ليا ، عاوزك تنشر حكايتي للشباب لعل واحد منهم يتعظ ، بس بالله عليك متخليش خد منهم يشتمني 😡)

ولما سألته عن حياته دلوقتي قاللي: (الحمد لله..اتعقدت من الزواج نهائياً لفترة طويلة لحد ما تابعتك ، حسيت إن فيه خير كبير بس إحنا اللي معندناش خبرة ، وبإذن الله ربنا هيعوضني خير في زوجة صالحة أسعدها وتسعدني)

👉العجيب بقى إن طليقته عاوزة ترجع ، وتكلمه كثير في ده لما بيشوف بنته أنا كنت هتجنن وقتله: (إنت جاي تاخذ رأيي ترجعها؟ 😊)

قاللي: (لا ياشيخ..أرجعها إيه بس دي غلطة وربنا نجاني منها ومش هتكرر تاني بإذن الله ، أنا بس عاوز آخذ رأيك في أي خطوة جديدة بعد كدا 🤔🤔🤔)

#ياشباب_اعتبروا_بمن_سبقكم

#تصحيح_مفاهيم_الزواج

#اتزوجوا_بشرع_الله_ففيه_النجاة👉



تصحيح مفاهيم الزواج

أحمد الأهواني
الجزء الثالث

٢٦٦/ربنا يصبر حماك عليك

👉بعد متابعته للصفحة بشهر زارني في العاشر علشان يحكي لي مشكلته يمكن يلاقي عندي الحل

أول ما بدأ يحكي عن تصرفات زوجته معاها وعصبيتها وصوتها العالي سألته: (بقالكوا أد إيه متزوجين؟)



قاللي: (تزوجتها من ٧ سنوات ، كان عندي ٢١ سنة وقتها)

طبعًا بعد ٧ سنوات وفي السن ده لازم نفهم إن فيه حاجة غلط

قلتله: (احكي لي أكثر عن حياتك)

بدأ الشاب يحكي لي عن حياته مع والده ، اللي كان متسلط جدًا وكان يطرده

من البيت هو وإخواته من وهما صغيرين ويحكي لي عن ضربه المبرح لوالدته اللي كانت صابره على أذاه لحد وقتنا الحالي ، ولما بلغ سنه ٢١ سنة قرر يتزوج علشان يهرب من سطوة الأب اللي فوق إن محدش عارف يتعامل معاه فهو كمان كان بخيل جدًا جدًا ومبصرفش نهائي

قلتله: (بصراحة...أخذت إيه من والدك؟)

قاللي: (لإني عشت حياة صعبة جدًا ماديًا فأنا كريم جدًا على زوجتي وأولادي الحمد لله ، مش عاوزهم يشوفوا اللي أنا شفته ، ولكن ياشيخ عندي مشكلة الآن مع زوجتي ، بصراحة بضربها لأتفه الأسباب والموضوع ده عملي مشاكل معاه كثير)

سألته: (أهلها بيعملوا معاك إيه؟)

قاللي: (والدها زمان كان يبجي ياخذها لحد ما ناس زمايله قالوله كدا غلط وكدا المشكلة تكبر فبقت كل ما أعمل مشكلة يقعد ينصحها بالصبر وينصحي أنا كمان معاه لدرجة إنه في مرة قاللي يا بني لو مش عاوز تكرم بنتي علشانها اكرمها علشاني دا أنا ياما وقفت جنبك)سألته: (هو بيعمل معاك إيه؟)

قاللي: (ساعدني ماديًا كثير أوي في بداية زواجي من غير أي مقابل وبصراحة بيعاملني أحسن معاملة حتى في المشكلات)

قلتله: (المشكلة الأخيرة كان سببها إيه؟)

قاللي: (أمي كانت زعلانة مني فلما رحت بزواجتي في العيد أمي مرضيتش تطلع لنا ، فزوجتي مش راضيه تروح معايا تاني لها علشان حاسه إنها مش مرغوب فيها هناك)

قلته: (هو علاقة زوجتك بأهلك كويسه؟)

قاللي: (أيوا جدًا ، بس البيت عندنا أساسًا دايماً فيه مشاكل بسبب والدي والعنف الزائد على أمي)

قلته: (خلصت حكايتك؟)

قاللي: (أيوا)

قلته: (يا أخي تصدق بالله... أنا أول مرة في حياتي أشوف واحد غلطان بنسبة ١٠٠% من غير ما أحاج أرجع للطرف الثاني)

اندهش جدًا وقاللي إزاي يا شيخ؟ 😊

قلته: (في الوقت اللي ربنا أكرمك وتزوجت وانت صغير علشان تهرب من بيتكوا بقيت شاييل همّ تظبط علاقة زوجتك بيت إنتوا أساسًا فيه مش عارفين تتفاهموا مع بعض ، أرهقتها ما بين رضاك ورضا أمك وفك كل التشابكات اللي أكيد بتشوفها من والدك مع والدتك وخلقتها عايشه في هاجس إنك أكيد زي أبوك ، ولما بتشوف معاملتك معاها بتشوفك نسخة من والدك في جانب (الضرب) بس مش واخذ منه (البخل).. إنت كنت فاكرها جايه من بيت واحد جعان هتصبر على كل التعديات دي علشان بتكرمها ماديًا؟
...ليه مشغلتش على نفسك في تربية نفسك قبل الزواج؟)

قاللي: (يعني هي صوتها لما بيكون عالي عليا دا مش غلط؟)

قلته: (لازم تقسم علو صوت زوجتك عليك لسبيين

١/ أصل فيها ٢/ عارض طراً عليها

هل هي أساسًا جايه من بيت والدها بالشكل ده؟

قاللي: (لا يا شيخ.. دي متربية جدًا ، الكلام دا بصراحة بسبب ضربتي لها الكثير)

قلته: (طيب آخر مشكلة بينكوا كان سببها إيه؟..وهي سابت بيتك وللا قاعده فيه؟)

قاللي: (حصلت مشكلة بيننا ولما والدها جه قلته روح معاه ، ودلوقتي أنا مش راضي أجيبها ، حتى والدها كلمني علشان أدفع للواد فلوس الحضانه وأنا طبعًا رفضت بعد ما قرأت يومية النفقة على الناشز)

قلته: (يعني إنت طردتها من بيتك وطالعه بإذنك ومع ذلك مش عاوز تصرف عليها؟..إنت فهمت من كلامي كده؟)

قاللي: (أمال إيه؟) 😊

قلته: (بقولك إيه ... أنا عاوز أشوف حماك دا وأشكره إنه متحمل منك كل دا والله)



قاللي: (ياشيخ أنا جاي أعرف منك الصبح ، أنا اتصلت بـ ٢ مشايخ كبار قالولي طلقها ، ودي هتكون الطلقة الثالثة)

قلته: (بعد ما حكيتلهم كل التفاصيل دي نصحوك تطلقها؟)

قاللي: (لأ..أنا اتصلت وقتلتهم إن زوجتي عصبية وصوتها عالي عليا فقالولي طلقها)
قلته: (ياابني زوجتك دي كنز وأهلها مينفعش حد يفرط فيهم وإنت لو مش هتتبط نفسك معاها هيكون موقفك أمام الله عظيم...أنا جاي لحماك أقعد معاه وياريت تبلغه بكده)

وبالفعل... جهزت نفسي إمبراح وكنت رايح فعلاً بس لقيته باعتلي الرسالة دي وكلمني وقاللي إنه كلم حماه وقال له عالي حصل ما بيننا والراجل باعتلي السلام جامد ومش مصدق إنني قدرت أفهمه كل التفاصيل دي بعد ما كان كل مرة يقول له المشايخ نصحوني أطلق بنتك ، وحماه نصحه يفضل معايا ويدخلني في كل مشكلاتهم والله المستعان 🙏

[#اتقوا_الله_في_النساء](#)

[#تصحيح_مفاهيم_الزواج](#)



تصحيح مفاهيم الزواج

أحمد الأهواني
الجزء الثالث

٢٦٧ / شت أفكارها

الموضوع كان واصل بينهم لطريق مسدود ، كان بيكلمني في فكرة الطلاق ومش قادر يخرج نفسه منها بسبب الزن الكثير من اللاشيء

👉يقوللي بتبعت ليا عالواتس رسايل عجيبة جداً ، إتهامات بالتقصير وإني مهمل وبائع الأولاد وشايف شوفه تانيه 😞

مش عارف أركز في شغلي ولا في حياتي بسببها
ولما سألته عملت إيه قاللي: (عملتلها بلوك 😞)

سألته: (الموضوع اتحل؟)

قاللي: (بالعكس زاد أكثر)

قلتله: (استنى متطلقش..عندي ليك حل)

ولما سألني قلتله: (افتح البلوك تاني ودايمًا سيب لها وسيلة تواصل تنفّس عنها ، وكل ما تبعتك رسالة من العبط ده ابعتلها رد مش منطقي)

قاللي: (إزاي؟)

قلتله: (أول ما تبعتك الصبح رسالة ابعتلها فتوى الشيخ ابن باز في حكم التعاملات البنكية ، هتقرأ الفتوى كلها علشان تفهم منها أي حاجة خاصة بالمشكلة ولما مش هتوصل لشي هتبعتك تسألك تقصد إيه فهتبعتلها درس الخائفين من رب العالمين مثلاً للشيخ سمير مصطفى ، هتسيبها ساعة ونصف تسمع درس مش لاقية فيه أي شيء خاص بمشكلاتها ، هتتجنن وتبعت تاني تسألك)

قاللي: (أقوللها إيه؟)قلتله: (مش هتقول حاجة...ابعت خطبة نهاية العالم للشيخ محمد حسان 😊)

قاللي: (طب ما أبعتلها دروس دعوية عن حسن التبعل ورقائق خاصة بالنساء)

قلتله: (مينفعش ، اعمل اللي بقولك عليه وإنت ساكت)

👉الأخ عمل كدا فعلاً وبعد كام يوم جاي يقوللي: (المشكلة انتهت خالص ومراتي بقت طبيعية مش فاهم إزاي..إنت عملت إيه؟ 😊)

قلتله: (شئت فكرتها ، وأتعبت شيطانها ، ولما تشئت فكرة واحدة ست تقدر ساعتها تخليها تسلم ليك ، عقل المرأة يأخى مش مُهياً يركز في أمرين متباعدين عن بعض ، إنت بقى دخلتها في حاجات أكبر من قدراتها وخليتها لساعات تدور على المغزى اللي إنت عاوزه وهي مش فهماه فعرفت قدرها واستسلمت ليك ، ولو هتبعتلها أشياء خاصة

بالزواج هتكبر المشكلة أكثر وهتاخذ اسوأ المحامل وهتحمل كلامك عليه وهتزود
(المشكلة)

والحمد لله بالفكرة البسيطة دي أنقذت الأخت المسكينة دي من الطلاق

وربنا يقويننا على فعل الخير 🌟

[#تصحيح_مفاهيم_الزواج](#)



٢٦٨/ضحك على البنت فعاقبه الله

فيه شباب لما بيدخلوا بيوت الناس بيسيروا البيت من غير ما يوضحوا أي سبب ، ولا حتى بيكلفوا أنفسهم بمكالمة تليفون يفهموهم إيه ردهم

وفيه اللي يسبب خطيئته ويكسرهما علشان حاجة مش مفهومة لها ويدخلها في حالة من الهم والحيرة من غير مراعاة لمشاعرها ولا نفسياتها

من أغرب الحكايات اللي عدت عليا حكاية شاب قابلته في المعتقل ، قعد يحكي لي حكاية غريبة جدًا عن بنت كان خاطبها

الشاب ده بعد ما خطبها فكر يرجع لخطيئته الأولى [كان خاطب بنت زمان والحب القديم اتجدد في قلبه تاني] بس كان واضح إن البنت الجديدة اتعلقت بيه ، وغالبًا كان واخدها سكة ينسى بيها البنت الأولى

في الفترة دي سافر السعودية يشتغل هناك وكانت منتظراه يرجع ويتزوجوا ، وفي يوم بعته رسالة عالواتس قال لها : (أنا عملت حادثة في السعودية وصاحب الشركة فصلني من الشغل..وراتبني انقطع من الشركة ومش لاقني أدفع السكن وهنام في الشارع.. واتخانقت مع الكفيل والكفيل بيهددني بالسجن)

قلت له: (والكلام ده حصل فعلاً؟)!

معملتش حادثه ولا حاجة)

قلتله: (والبنت عملت إيه؟)

من رسالتي دي...

مع المسكينة دي وللا لأ؟ ولو كانت عقوبتي دي كفارة.. ياترى هقعد هنا أد إيه؟ 😭

قلت له: (وخطيبتك اللى رجعت لها عمّلت إيه لما حصلك كده؟)!

البنت الثانية)

قلت له: (وناوي تعمل إيه لو خرجت؟)

قالی: (عاوز أسألك إنت السؤال ده)

قلت له: (تروح لأهلها وتطلب منهم يسامحوك.. واوعى تفكر ترجع لها ثاني... ومتزعزعلش مني.. إنت مش كويس وربنا نجاها منك.. وياريت الدرس ده يعلمك إن بيوت الناس مش لعبة أو مجرد تسلية.. وأديك شفت بنفسك)

الشاب ده طلع بعدي على طول وحاليًا بقى صديق ليا ، الموقف دا علمه معاني كثير أوي في الرجولة واحترام الناس وإنه يكون راجل في قراراته وفي دخول بيوت الناس والخروج منها ، وراح للبننت واعتذر لها وطلب منها تسامحه

[#اتقوا الله في بيوت المسلمين](#)

[#تصحيح مفاهيم الزواج](#)



٢٦٩/ المرأة في الخصام

الإخوة اللي بيسألوني عملت إيه مع الزوج ده

يا إخوة... عندما تسمع شيئًا خارج منطق ما يُحكي لك عن حال وتصرفات الزوج فاعلم أن المشكلة في نقل المرأة

حال المرأة عند الخصام ذكره الله تعالى في كتابه فقال: (أَوْمَنْ يُنْشَأُ فِي الْحِلْيَةِ وَهُوَ فِي الْخِصَامِ غَيْرُ مُبِينٍ)

قال ابن كثير رحمه الله في قوله: ﴿أَوْمَنْ يُنْشَأُ فِي الْحِلْيَةِ وَهُوَ فِي الْخِصَامِ غَيْرُ مُبِينٍ﴾ أي: الْمَرْأَةُ نَاقِصَةٌ يَكْمُلُ نَقْصُهَا بِلُبْسِ الْحِلْيَةِ مُنْذُ تَكُونُ طِفْلَةً، وَإِذَا خَاصَمَتْ فَلَا عِبَارَةَ لَهَا، بَلْ هِيَ عَاجِزَةٌ عَيَّيَّةٌ {

المرأة في الخلاف معذورة.. (لا تحملوها فوق وسعها وطاقتها)

لو عاوزه تتطلق هتقولك دا طلقني

طب قالك إيه؟.. قاللي روعي لأبوكي يعني طلقني أهوه 😊

لو عاوزه تكفره هتكفره عادي..سب الدين بقى ، بقى بيعبد بوذا ماشي ، جايب ذكر بط
وييسجدله

هتسمع من دا كتير

(خليك دايماً عاقل ومتكذبش بحثك عن أخلاق الزوج)

👉هل معنى كدا إن مفيش أزواج وحشين؟

دا في أزواج ولاد كلب والله العظيم ، ودا بيظهر لكل الناس برضو ويتقدر تكتشفه
بسهولة

👈قال النبي ﷺ: (ما رأيتُ من ناقصات عقلٍ ودينٍ أسلب لِلْبَّ الرَّجُلِ الحازِمِ منكن)

يعني تخلي الراجل الحازم دماغه تطير 🤪

👉فخليك عاقل وهات الحق لصاحبه مهما كان بس في نفس الوقت لا تتغافل عن
وصف الله ورسوله للعقلية التي تسمع منها في محل النزاع

[#تصحيح_مفاهيم_الزواج](#)



٢٧٠/الست متروخش لبيت أهلها ؟

—هل إحنا بنقول الست مينفعش تروح بيت أهلها؟

=لأ محدش قال كده

—أمال إيه اللي بنقله؟

=بنقول لست الكل متخرجيش من بيتك غير بإذن

زوجك علشان متبقيش ناشز

—طب لو زوجها مش راضي يخرجها لبيت أهلها في

وقت معين وهي عاوزه تروح؟

=يبقى تسمع كلامه علشان هو عارف مصلحتها



مجهول : منذ 51 دقيقة

يعني الست لما تزعل وتروح بيت اهله

ترتاح هناك شويه ايه المشكلة اللي

فيها؟؟؟

ايه حوار تاخذ اذن زوجها ده وهي زعلانة

منه

هو دا الدين يعني انها تكلمه وهي

مش عاوزه؟

حذف

أظهار

ومصلحة بيته أكثر منها

-طب لو هي مش قادره تكمل معاه؟

=تتصل بأهلها أو أي حد تبعها وتخليهم يتدخلوا

-ولو حكموا بالطلاق؟

=تقضي عدتها في بيتها متخرجش منه علشان هي مش جايه من الشارع ومعملتش

فاحشة تستحق عليها تخرج منه

-طب لو عندها عيال؟

=لو لسه صغيرين فهتكمل في بيتها أو في أي مكان يأجره أو يشتريه لعياله ويصرف

عليهم

-طب لو معندهاش رجالة يعرفوا يحلوا؟

=تشوف حد من أهل العلم يتدخل ويحل مشكلتها

-طب لو هي عملت كل ده ومفيش حل؟

=تقصد يعني اتقت ربنا وملقتش مخرج؟

-آه

=يبقى يا إما الإسلام فيه حاجة غلط ، أو هي عندها مشكلة مع ربنا تحاول تراجع دينها



(إحنا مش هنكذب ربنا علشان نصدقوا)

[#تصحيح مفاهيم الزواج](#)



٢٧١/ عذرًا للأخوات _ هؤلاء هن النواشز

👉 فيه أخوات متابعات لنا عالصفحة متأذيين جدًا من كلامنا عن النواشز وإفراد مساحة

كبيرة لفضح الخطط بتاعتهم

أنا عارف والله إنكم مش مصدقين البشاعة والفجاجة اللي بتقرأوها ، وفاهم إن النماذج دي بعيدة كل البعد عن خواطر أي واحدة فيكم
بس معلش...لازم نفهم الشباب والفتيات اللي طالعين وممكن ياخدوا من أفكارهم ويتأثروا بفساد منهجهم ويكون ده وبال عليهم في الآخرة أمام الله 🔥
👉غالبية الشباب دلوقتي بقى قادر يميز الفكر النسوي من فكر المسلمة صحيحة الإسلام ، وبقوا فاهمين إن مش كله كذا زي ما كان بيروج له عند ناس منزلوش ساحات الدعوة ولا خرجوا من بيوت فيها رجالة
👈ياجماعة...اللي بيخلي الدنيا سواد في وشك خارج من بيت (عجة) مشفش نموذج صالح قصاده ، ولأن عجة مبيعرفش يربي ويفهم معروفش يختاروا صح فاتخزوقوا في نواشز فالصورة اسودت في عنينهم
(ربنا يحفظ أخواتنا اللي نفسهم يعلقوا ويردوا على النماذج الشاذة دي ولكن يمنعهن الحياء)

أنا بتابع كل الرسائل على صراحة...فجزاكن الله خيرًا
[#تصحيح_مفاهيم_الزواج](#)



٢٧٢/سرقت شقيقته

👉كان بيكلمني إمبراح ومش قادر يصدق اللي حصلله في زواجه
اتقدم لبنت والدها متوفى واللي شجعه على دخول البيت منظر الوالدة الملتزمة بالسمت الظاهر اللي يخلي أي حد يتشجع على دخول البيت
👈بس قعد يحكي لي عن كمية المشكلات اللي حصلت معاه في فترة الخطبة من والدتها ، البنت قالتله: (معلش اتحمل علشانى ، والدتي كذا كذا مش عاوزة تزوجني وطفشت عرسان كثير ، لما آجي بيتك هكون تحت رجلك)

في آخر مشكلة سأل عن أعمامها فقالولہ: (مشي الموضوع وكدا كدا البنت هتكون في بيتك بعيداً عن أمها)

👉 تم الزواج بفضل الله ، وصاحبنا لقي البنت قاطعه العلاقة بأمها تمامًا ، وكل ما يكلمها عن صلة الرحم دي تقول له: (أنا ما صدقت خرجت من البيت ، أنا مشفتش منها شوية) راح لأعمامها علشان يحكيلهم عن قطيعة البنت لأمها فقالولہ: (سيب العلاقة كدا ، الست دي لو اتدخلت في حياتك هتخب زوجتك عليك)

صاحبنا للأسف مستوعبش ده ، وحاول يرجع العلاقة بينهم تاني وبالفعل العلاقة رجعت بعد زواج ٦ شهور من طاعة زوجته له قبل ما تعرف أمها الأخ يقوللي: (رجعت بيتي من سفر لقيت الشقة فاضيه 🏠)

👈 البنت سرقت الشقة وأخذت كل اللي فيها وقفلت الموبايل لدرجة إنه قعد يبحث عنها في أقسام الشرطة ، لحد ما اتفاجئ باعتراف أمها باللي حصل وطالبه منه طلبين



١/ يطلق البنت بالود والإحترام

٢/ أو البنت تخلعه في المحكمة لو مش هيسمع كلامها

👉 رجع لأعمامها فلقاها حاطين الغلط عليه وبيقولولہ: (ياما حذرناك من الست دي بس إنت اللي مكنتش مصدقنا)

ووعدوه إنهم يكونوا في صفه ومش هيسلموا القايمه لها (لأن القايمه معاهم)

سألته: (هل عملت محضر بالسرقة ؟)

قاللي: (عملت محضر فعلاً بالسرقة ، بس أنا مش بكلمك عن كده ياشيخ ، أنا بكلمك تفهمني الكلام دا حصل ليه؟)

👈 الحقيقة مقدرتش أمسك نفسي معاه وطلبت منه ميزعلش مني في الكلام اللي هقوله فقاللي: (قول اللي إنت عاوزه)

قلته: (إنت للأسف شاب مغفل ساذج ، وقعت في خطأ كبير لما حاولت ترجع العلاقة بين زوجتك وأمها ، العلاقة اللي مكنش ينفع ترجع أساساً في ظل إن زوجتك كمان وأعمامها كانوا أدري منك بحماتك ، نوعية المتدثرات اللي بتغترروا بيهم دول مبتشوفوش

منهم غير كل سوء علشان المظاهر ، محدش عاقل بيكذب المواقف قدامه ويغتر بالمظاهر)

كلمة الشاب لسه بترن في أذني وهو يقوللي: (دي محفظة قرآن ياشيخ ، الست منتقبة ياشيخ)

👉 لسه فيه شباب مش قادرين يستوعبوا يعني إيه نسوية ممتدة بجذورها في المجتمع اللي بيلتزم بيكون ظاهر عليه هدي ظاهر بس نفس الأفكار موجودة بفارق بسيط (إنها مستترة بغلاف خارجي خداع) وهما دول المتدثرات .. [أكبر وباء وقع على دعوتنا من قبل النساء]

👉 إديت للشباب ده رقم شاب تاني كان كلمني حصلت معاه نفس المشكلة علشان يشته شويه ويخليه يستوعب إن فيه كدا فعلاً وإحنا مش بنألف مواقف لأنه حرفياً مكنش مستوعب إمبارح ومش قادر يصدق إنه فعلاً اتغفل

👉 بعد زواجك إنت رَحِم زوجتك ، أي حد هيخبها عليك لازم تتعامل معاه بحزم وقوة وعمرك ما تسيب دماغها لحد يلعب فيها

👉 طلبت منه يوقف العلاقة خالص لإن الست دي غلطت غلطة عمرها لما أخذت البنت قبل ما تخلف عيل تاخذ عليه مكتسبات أكثر ، والحقيقة من المشاهد إن صنف المتدثرات النسويات بيكون غبي جداً (تحسهم كدا نفسهم يدخلوا في كفر وجحود النسوية بس عندهم عُشم 😊)

👉 أخوكم متابع دلوقتي ، ياريت لو عندك نصيحة له متبخلش عليه بطرحك أو بتجربتك

[#قاتل_الله_المتدثرات](#)

[#تصحيح_مفاهيم_الزواج](#)



٢٧٣/ لو رجعت الغضبانة

مجهول : منذ 11 ساعة

ثلاث سنوات يا عم الشيخ وزوجتي
مسلمة عقلها إلى أمها لحد ما خربت
البيت تسبب البيت على اتفة الأسباب
اروح ارجعها واقعد مع ابوها اتكلم معاة
يقول لى استنى استشير مراتى ياعم
أنت راجل البيت كلمة كلمتك يقول لى
أمها عرفة مشكلها أكثر ياعم انت الراجل
مفيش بيقول لى انا سايب كل امور
البيت إلى مراتى انا بصرف بس انت قابل
على نفسك كدا انا مش قابل دلوقتى انا
كنت نقلت محل السكن عشان شغلي
سابت البيت تانى بس المرة دى خلاص
بلا رجعة طول فترة الجواز اهمال فى
نظافة البيت كنت صابر عشان بنتى بس
خلاص الكيل فاض



01

لما زوجتك تسبب البيت وتمشي بغير إذنك

لازم تعرف إنك هتسجل تاريخك معها من
اللحظة دي

لو هتروح تجيبها فده إقرار ضمنى منك إنها

عملت الصبح اللي هيجيبك بعد كدا

(عمرها ما هتكون أول مرة... هتكررها تاني

وتالت ورابع في كل مشكلة)

الصبح إنك تسيبها خالص حتى لو الموضوع

هيقف عالطلاق

الأب اللي يستقبل بنته في بيته وهو عارف

إنها خارجه بغير إذن زوجها أب ميستاهلش تقعد تزودله في أحفاد هيكونوا نتاج تربية

ناشر مش مترييه

الخسارة اللي إنت شايفها دلوقتى مش هتكون أكبر من خسارة عمرك اللي هيضع

في المشاوير ما بين بيتك وبيت حماك ، مش هتكون أكبر من ضياعك لراحة بالك

وإنت كل يوم مش عارف هترجع بيتك تلاقي الزوجة موجودة وللا لأ

كفاية بقى نسل وخلفة بتجيب أمتنا ورا ، اكتفوا من النواشر باللي موجود وازرعوا في

أرض نظيفة علشان اللي بيعجرا لأمتنا من خلفه النواشر مش شويه

[#تصحيح مفاهيم الزواج](#)



٢٧٤ / محدث يقوللي برا

لقيت أحد أصدقائي المحامين يقوللي: (عندي موكل من الموكلين رايح يطلق زوجته بعد زواج ٢٠ سنة ، ورايحين دلوقتي نخلص الأوراق في مكتب المحامي اللي من طرف الزوجة ، ما تيجي معايا يمكن نقدر نعمل حاجة ونصلح ما بين الطرفين)

صديقي ده دايمًا يحاول يمشي في الإصلاح ، وبيأخذني معاه في القعدات دي لو لقي القضية فيها ثغرة نقدر نتكلم فيها بالشرع ونصلح البيت

بالفعل رحت معاه وقعدنا عند المحامي الثاني وكانت الزوجة موجودة مع أهلها قعدوا يتفقوا على إجراءات الطلاق وتخليص الأوراق وأنا قاعد أفهم الشخصيات الموجودة في القعدة وأبحث عن أي ثغرة أدخل منها

بعد ١/٤ ساعة لقيت عمها يقول: (الحمد لله ، إحنا خالصنا الموضوع ومش عاوزين غير تسريح يا حسان)

لحظتها تدخلت وقلت: (طيب انتوا خلصتوا مرحلة الإمساك بمعروف؟) كل الحضور انتبهوا وأعمامها قالولي: (إمساك بمعروف إيه يا شيخ ، إحنا في الموضوع دا بقالنا ٢٠ سنة)

[هي والدها متوفى ولذلك كان الكلام مع الأعمام]

قلت لهم: (كلام كويس ، أنا فهمت إن بنتكوا غضبانة عندكوا ، الكلام مضبوط؟) قالولي: (فعلاً...دي بقالها سنتين)

قلت لهم: (لا حول ولا قوة إلا بالله ، على كذا بقى الزوج دا غضبها كثير) عمها اتعدل وقاللي: (في ٢٠ سنة غضبت بيجي ١٠٠ مرة)

قلت لهم: (وعلى مدار ٢٠ سنة لسه مفهمتش سبب خراب بيت بنتكوا؟...انتوا عيلة لو فيها واحد بس فاهم في الشرع كان خالص كل حاجة من أول مرة ، الست متخرجش

من بيتها غير لما تتمسك في فاحشة ، بنتكوا ست محترمة زي ما هو واضح ، بس مشكلتها إن مفيش حد يقول لها اللي بتعمله دا غلط)

عمها اتعصب وقاللي: (يعني يضربها ويهدلها وعاوزها تقعدله؟)

قلتله: (إنت راجل كبير وعاقل عيب تقول الكلام ده بعد ٢٠ سنة زواج ، الزوج دا لو كان زي ما بتقول مكنتوش سبتوها عنده العمر دا كله ، تدخلاتكم الغلط هي اللي خربت بيت الست دي ، عارفين؟.. من أول مشكلة لو كان العيلة دي فيها راجل بجد كانت لفته واتصلت عليه وراح بيت الزوج وأنهى الموضوع)

المحامي بتاعها قاللي: (حضرتك مش واخد بالك ، هي كانت بتروح عندهم علشان نبعدهم عن بعض ساعة المشكلات)

قلتله: (غلط ، الشريعة من مقاصدها إننا نقربهم من بعض مش نبعدهم ، مسألتوش نفسكو ليه الزوج بيطلق زوجته ويتفضل قاعده معاه في نفس مسكن الزوجية طوال فترة العدة؟)

عمها اتعصب وقاللي: (تقعد معاه في فترة العدة؟ ويتعامل معاه كدا عادي؟ طب ما هو كدا هيراجعها)

قلتله: (وحضرتك زعلان ليه؟.. ما هو دا المطلوب)

قاللي: (يعني كل الناس اللي دخلوا دول مكنتوش فاهمين اللي بتقوله ده وجاي إنت تفهمهولنا دلوقتي؟)

قلتله: (عادي يا حاج ، ممكن يكون ربنا موفقني في الحجة دي وفاهم الشيطان بيدخل منين ، وبعدين مش عيب لما تتعلم في أي سن)

👉 فوجئت ساعتها بعمها بيعمل معايا أعلى الدرجات اللي ممكن تطلع أي حد من أي قعدة ويقوللي: (هو حضرتك جاي مع مين؟.. يعني مين اللي دخلك في الموضوع)

ساعتها ومن غير تردد اتعدلت وبصيت له وقلتله بصوت عالي: (مينفعش في موضوع طلاق أسمع كلمة زي دي ، أي هدم لبيت مسلم ينبغي على كل مسلم التدخل فوراً لإقامته من جديد👉)

ساعتها المحامي بتاعهم ابتسم وحط الورق وقاللي: (بص ياشيخ أحمد ، إحنا هنسب موضوع الطلاق وهنديك فرصة تصلح زي ما بتقول)

عمها قاللي: (وهتقعد مع الزوجة إزاي ياشيخ؟)

قلتله: (هو حضرتك مش واحد بالك إن زوجها مَحَرَم شرعي ينفع أقعد في وجوده؟..وللا طلعته من الحوار؟)

👉 الحمد لله...بعد حوالي ساعة قدرت أحيّد كل الأطراف والموضوع شبه بقي في أيدي ، بس العجيب إني في الساعة دي ربنا قدرني أفهم كل الشخصيات اللي قدامي وقررت أمشي معاهم في الطلاق عادي بعد ما فهمت التفاصيل اللي اتسببت في وصول البيت للمرحلة دي واللي تيقنت إنه مع وجودها واستفحالها في حياتهم مش هيبكون الأصلح مع تواجدها الرجوع 😊

👈 عارف إن دي مفاجأة كبيرة للقراء ، وكثير منكوا متعجبين إزاي بعد كل الوقت والجهد ده مشيت في طلاق بالرغم من وجود بصيص أمل للإصلاح ، ولذلك عاوزكوا تركزوا معايا في اللي هقوله ده علشان نخرج بشوية دروس مهمة 📌

١/ النية من عملنا هو إصلاح البيوت المسلمة ، ولازم الداعية يكون متفهم إن أحياناً الطلاق بيكون أول باب من أبواب الإصلاح

٢/ مينفعش علشان نفرح بالإصلاح أو نشوف له بواذر نتغافل عن أشياء تنبهنا إن الإصلاح الوقتي أو التلصيم في إقامة بيت مسلم هو عبارة عن بيت ملوش أساس..(إنهياره بيكون وشيك جداً)

٣/ الزوج أكيد مش ملاك ، وزى ما فهمت إنه كان بيضربها كثير ، والمرحلة دي غالباً عند الرجالة بتكون بسبب لي ذراع قوامته والتفاوض خارج حدود وإطار سلطاته طوال فترة الزواج..ونفس الوضع هيفضل موجود مش هيتغير في وجود الأطراف دي

٤/ الأعمام هيبكون عليهم دور كبير بعد كده واللي فهمته إنهم هياخدوا موضوع الرجوع بشكل شبه تحدي معايا ودي نية فاسدة بتكون سبب من أسباب التخبيب

٥/ جهل غالبية النساء بالحلول الشرعية ، الزوجة بالرغم إنها أخت نحسبها على خير كان ممكن أي واحدة مكانها تحافظ على البيت بس لما قالتلي: (لما يحصل بيننا مشكلة أقعد في البيت وأدخل مين؟)

قلتليها: (دخلي حد من أهل العلم ، أعمامك بيتدخلوا ليه؟)

قالتلي: (طب وأجيبهم منين؟)

قلتليها: (ياأختي أنا لو فتحتلك موبايلي هتلاقي رسائل كثير من أخوات زيك في مشكلتهم عملوا رسالة واتس معايا ودخلوا أزواجهم ، المسلمة تعمل اللي تقدر عليه لمحاولة فهم الشرع أو إيصال الشرع للزوج ، دا مش عيب علشان تمشي حياتها بالشرع ، وغالبية الرجال بيستجيبوا)

٦/ النساء مبيفهموش إن تدخل الأهل في المشكلات بيعمل حالة من عدم إستقرار العلاقة بين زوجك وأهلك ، وياما علاقات كانت مستقرة باظت بدخول أهل الزوجة كل شوية وهما مش من أهل العلم ولا شئ

٧/ حلوا جدًا إن المحامي يكون في صفك [هو أساسًا بيكون آخر ورقة للخصوم] ، غالب المحامين بيكون عندهم نزعة طيبة ولكن لاعتقد البعض منهم إن دا شغل فالموضوع يفسد بسبب الفكرة دي

غالبًا في القعدات بقدر ألعب على تفتيت الفكرة دي وتكون النتائج كويسة جدًا معاهم ٨/ أولاد في السن والمراحل دي لما هيشوفوا مشكلات تانيه بين الأهل هيتأثروا.. الولد هيطلع متعقد من الزواج ومش هيعرف يتعامل مع زوجته والبنت هتطلع عندها عقدة أكبر منه وهتفتكر إن كل كلمة هيقولها الزوج هي سبب للطلاق..(فالطلاق أفضل حل لتربيتهم بعيدًا عن هذا الجو)


يمكن لو الرجوع كان بدري شويه كان الوضع هيتغير

👉 صحيح النتيجة مش زي ما كنتوا متوقعينها وانتوا بتقرأوا التفاصيل ، ولكن حابب مع كل موقف نقعد نحلل ونفهم وندرس الأبعاد يمكن يكون حد واقع في مشكلة يتداركها

[#تصحيح_مفاهيم_الزواج](#)



٢٧٥ / الغضب مش عادي



01

رسائل الأخوات الي بقوا يصرحوا بالتوبة من كـبيرة زي (ترك بيت الزوج والغضب عند الأهل) بقت مُبشرة جداً.. [ربنا يثبت كل مسلمة عاوزه ترجع لربنا]

الواحد لما بيصطدم بالمشكلات بيتفاجئ إن بعض النساء فاهمين الموضوع دا عادي ، بل واحد قالهالي في مجلس صلح: (دا عُرف ا بتغضب في بيت أبيها)

لو كل أخت عرفت إنها لو ماتت على وضعها ده هتقابل ربنا بسوء خاتمة وإحتمالية إنها تكون من أهل النار إحتمالية لا يُستهان بها 🔥
لو كل أخت عرفت إن الشرع هو اللي بيعلي من شأنها وهو اللي هيحافظ على كرامتها ، وتخلصت من الاعتقاد الفاسد بأن السعادة في مخالفته ، والله سيكون ذلك من أكبر أسباب نجاتها بإذن الله في الآخرة

[#تصحيح_مفاهيم_الزواج](#)



٢٧٦ / الأنطاع

الرسالة دي مهمة جداً لأن فيها أكثر من موضوع



مجهول : منذ 10 ساعات

ظهر كذا حالة ورا بعضها و عايزين حضرتك ترد عليها و تفهمنا أي الصح أخوة كتير عايزين أبو العروسة يجهز معاهم و يمكن أكثر من تجهيزهم و ميكتبوش قائمة منقولات ؟ أو يطلب من العروسة تنازل عن القائمة بدون ما تعرف أهلها و بيستشهدوا بموقف زوجة حضرتك الكريمة! رجال كتير داخلين البيوت و عايزين يدفعوا مهر خمس الآلاف و مؤخر عشرين ألف ؟ ممكن حضرتك ترد علي المواقف دي و تفهم أهل العروسة يتصرفوا إزاي و العروسة نفسها تتعامل إزاي و العريس هل صح في طلباته و ده من باب التيسير ولا أي الصح ؟

حذف

أظهار



0 | 👍

بيظهر في مشروعنا صنف من الشباب أنا

نفسى بسميهم (الأنطاع)

النتع ده مش داخل مشروعنا علشان الدين

وحب الشريعة والكلام الكبير عليه ده

هو داخل فقط علشان يتزوج زي الناس

وميكتبش قايمة زينا

أي شاب يتشرط على أهاليكوا يجهزوا معاه

فده خير ليكم وده من علامات رفضك من

البداية..(لا داعي للقلق)...ربنا أظـهـره

لكم

وحوار إنه يستشهد بموقف زوجتي دا

عجيب جدًا بصراحة...زوجتي راحت قالت

لوالدها عاوزه القايمه لاننا عرفنا إنها مخالفة للشرع ، مغفلناش الراجل يعني ولا شيء 😊

وموضوع المهر يكون ٥٠٠٠ ج أو أكثر أو أقل فده ملوش علاقة أبدًا بالمشهد اللي

فوق 🙌

لو لقيتيه شاب محترم وهيجهز على أد إمكانياته وتيسر معاه حتى لو أقل من كده فربنا

يرزقكم بالخير بعد كده

(زيادة المهر مش ضمان ، الدين هو اللي تعولي عليه)

أنا نفسي ورب الكعبة لو لقيت لابنتي شاب صالح بمهر ١ جنيه لن أتردد أبدًا في ذلك

إحنا تعبنا من العلاقات الأسرية اللي اتبنت على الفلوس وأصحابها آخر حاجة فكروا

فيها كانت الدين

[#تصحيح_مفاهيم_الزواج](#)



٢٧٧/ مفهوم المهر



مجهول : منذ ٩ ساعات

هتأخذ لبنتك واحد جنیه فقط!!

ولما زوجها يطلقها بيقا لا حصلت زواجه
ولا حصلت مهر!!



طبعاً لما الناس قرأوا ليا إمبراح إني لو لقيت

شاب عنده دين وخلق أرتضيه لابنتي مش

هتكلّم في المهر معاه ويكفيني مهر ١ ج

(وده علشان لا بد من وجود مهر)

لقيت رسائل من العينة دي

مفهوم المهر عند الناس بقى مفهوم نفعي

(هناخد من الجوزة إيه؟ والبت هتطلع بإيه)

لذلك لما رنا قال: (وَأَتُوا النِّسَاءَ صَدُقَتِهِنَّ نِحْلَةً)

لقينا النبي ﷺ يزوج امرأة بخاتم من حديد ، ويزوج أخرى بما مع المتقدم من القرآن
الإمام ابن كثير في نفس الآية بعد سرد كلام أهل العلم يقول: (وَمَضْمُونُ كَلَامِهِمْ: أَنَّ
الرَّجُلَ يَجِبُ عَلَيْهِ دَفْعُ الصَّدَاقِ إِلَى الْمَرْأَةِ حَتْمًا، وَأَنْ يَكُونَ طَيِّبَ النَّفْسِ بِذَلِكَ، كَمَا
يَمْنَحُ الْمَنِيحَةَ وَيُعْطِي النَّحْلَةَ طَيِّبًا بِهَا، كَذَلِكَ يَجِبُ أَنْ يُعْطِيَ الْمَرْأَةَ صَدَاقَهَا طَيِّبًا بِذَلِكَ)

شافين تركيزه على طيب النفس بالمهر ؟

مين من الشباب بيدفع مهر بطيب نفس؟ 😊

هل دا يمنع المهر يكون كبير؟

لا أبداً...المهر ملوش سقف

قال تعالى: (وَإِنْ أَرَدْتُمْ اسْتِبْدَالَ زَوْجٍ مَّكَانَ زَوْجٍ وَآتَيْتُمْ إِحْدَاهُنَّ قِنطَارًا فَلَا تَأْخُذُوا مِنْهُ
شَيْئًا أَتَأْخُذُونَهُ بُهْتَانًا وَإِثْمًا مُّبِينًا (٢٠))

والقنطار كناية إن المهر ممكن يكون كبير (علشان الزوج مقتدر عليه عادي مفيش مانع
من ده أبداً)

#هل_المهر_غاية ؟

تفهم من النصوص دي إن المهر غاية ؟.. حد فهم منها إن المهر وسيلة لتأمين حياة بناتنا ؟

أنا أول ما بسمع عن بنت اتقدم لها شاب بتصل بوالدها وأقول له: (سألت عنه في المسجد ؟.. سألت عنه في المعاملات المادية ؟.. سألت عن تدينه وأخلاقه؟)

يا جماعة أقسم بالله التركيز على المهر والتغافل عن الدين هو اللي خرب بيوت المسلمين لإن الضمان الوحيد لاستقرار البيت هو التدين من الطرفين

👉 لما أب بيفرح إن الشاب كتّب على نفسه مؤخر كبير بس مش هيقدر يدفعه بتعجب من موقف الأب اللي وافق على واحد نصاب (التزم كتابيًا بما لا يقدر على سداذه)

دول أهالي بايعين بناتهم مش بيامنوهم أبدًا

👈 عجيب جدًا إفتراض الطلاق قبل الزواج.. الشاب يبقى لسه داخل البيت والأب بيتكلم في حقوق ما بعد الطلاق؟

انتوا ناس عاقلين بجد وعندكوا مخ زينا كده؟ 😊

وبعدين إيه موضوع هتاخذ إيه..؟ هو انتوا خايفين من رجوع ولاية بناتكوا ليكوا ليه؟..(ما تسترجلوا شويه)

#تصحيح_مفاهيم_الزواج



تصحيح مفاهيم الزواج

أحمد الأهواني
الجزء الثالث

٢٧٨/صوتي يعلو على زوجي

👉 دي رسالة من أخت تونسية تشتكي من تكرار علو صوتها على زوجها (في فترة العقد قبل الدخول)

تنخشی أن تهلك وتخسر آخرتها إن فعلت ذلك بعد الزواج

#ياأختي_المسلمة : لا بد أن تتعلمي حُسن التبعّل وكيف يكون.. لا بد أن تتدربي عليه كي لا يحدث هذا بعد الزواج أيضًا فيكون فيه الهَلَكَة والإبعاد عن الله كما نرى مع

النواشز ليل نهار

قال النبي ﷺ :

(لَوْ كُنْتُ أَمْرًا

أَحَدًا أَنْ يَسْجَدَ

لأَحَدٍ لَأَمَرْتُ

النِّسَاء أَنْ يَسْجُدْنَ

لأَزْوَاجِهِنَّ لِمَا جَعَلَ

اللَّهُ لَهُمْ عَلَيْهِنَّ مِنَ

الحَقِّ)

فأي طاعة هذه



بأختاه وصوتك يعلو على صوته ويجد الأذى من جانبك؟

👉 ثم اعلمي أن (الرجال أعلم بنظر الرجال) فلن تجد المسلمة أحرص عليها من زوج يغار حريص على عفتها

👈 اعلمي أن زوجك هو جنتك ونارك ، ومهما فعلت من طاعات فلن تكون شيئًا وهو

ساخط عليك يشعر منك بالندية جراء كبيرة النشوز والخروج عن الطاعة


👉 تعلمي قول (حاضر ونعم) ولا عليك من عواقب ذلك... (الراجل هو اللي هيشيل أخطاء قراراته)

متعمليش عليه مُراقب ومشرف ومصصح أخطاء

#تصحيح_مفاهيم_الزواج



٢٧٩/أخذ الإذن والخروج



01

الرسالة دي فيها مغالطة منطقية عجيبة جدًا ، صاحبة الرسالة مش قادره تفهم إن المشكلة في الخروج في حد ذاته مش موضوعنا في أخذ الإذن

عُمري ما شفت مشكلة طلعت برا حدود بيت الزوج والزوجة إلا والمشكلة كبرت حل أي مشكلة خرجت خارج حدود البيت(سواء

من الزوج أو الزوجة) بحتاج فيه وضع خطة لتفريق كل اللي دخلوا في البداية 😊

يعني بيتم الإصلاح على مراحل ودا بيزيد من الصعوبة

⬅️مشكلة ياأختي حدثت بينك وبين زوجك متاخذيش إذن تتركي البيت ، وتتركي البيت ليه...؟ إيه علاقة بيتك باللي حصل بينكما ، هو انتي قاعده في فندق أو لوكانده؟
👉اقعدي في بيتك متخرجيش واتصلي على حد فاهم يقعد بينكما يحل الموضوع بدل ما تروحي لأبوكي وأمك وعيال خالتك وعماتك يسمعوا ويتدخلوا يقعدوا يحلوا (وبيوتهم بايظه أساسًا)

اتقي الله في نفسك وفي زوجك وعيالك وافهمي إن البيوت أسرار ومش كل حد هيجب ليكي الخير

وخليكي على يقين إن سعادة وصلاح بيتك في طاعة الله والتزام أوامره مش في المخالفة ، ولو علم الله أن خروج المرأة من بيتها حال المشكلات يُقَدَّم حلاً لأمر به

👉ونصيحتي للرجال... اتقوا الله في النساء وعاشروهن بالمعروف ، ولو لقيتها سابت البيت ومشيت من غير إذنك حاول تصلح من نفسك الأول وبعدين اعمل لنفسك خطة

تنزوج من مسلمة ومتكرش الغلط تاني (اللي تخرج عن طاعتك مهما حصل وتفطر في بيتها متستاهلش تفكر فيها)

[#تصحيح مفاهيم الزواج](#)



٢٨٠ / نقل الولاية

كثير من الآباء مبيستوعبوش إن بنته اتزوجت وولايتها انتقلت لراجل تاني ، يقعد حاشر مناخيره في كل تفاصيل بيت وحية بنته لحد ما يخرب عليها حياتها لأنه غالباً بيصطدم بشاب يقف في وشه ويرفض الوضع الجديد

بعض الأمهات على الجانب الآخر مبتاخدش بالها إن ابنها اتفطم واتزوج ، تقعد تنغز في حياته وتحرضه على زوجته اللي بتعتبرها ضررتها وأخذت ابنها منها
عاوزين حياة سعيدة ومستقرة (اقفل على بيتك ، اقفلي على بيتك)

متسمحوش لحد يتدخل علشان مفيش حد هيحب لك الخير أد اللي هيكمل معاك متسيبش بيتك مهما حصل علشان مبتسيبش بيتها غير الشمال (لَا تُخْرِجُوهُنَّ مِنْ بُيُوتِهِنَّ وَلَا يَخْرُجْنَ إِلَّا أَنْ يَأْتِيَنَّ بِفَاحِشَةٍ مُبَيَّنَةٍ)

(هو دا دين ربنا يا جماعة اللي فيه خير للجميع)

[#تصحيح مفاهيم الزواج](#)



٢٨١ / شواذ عن القاعدة

-دي تقريبًا بتسمعلش كلام ، وكل كلمة ترد عليا فيها ودايمًا صوتها عالي ، نصحتها
كثير ومن فترة قعدنا ناس معانا ومفيش أي تغيير ، غالبًا متحمل علشان العيال
=بتغيب عنها كثير ؟

-لا خالص ، دايمًا بحافظ على وقت أقعد فيه معاهم ، بس هي مش هنا خالص ، تخيل
هجر شهرين مش جايب معاها أي نتيجة ؟
=شهرين ! وعادي ؟...مفكرتش تتزوج ؟

-الحمد لله ، من فترة كدا مشيت في مشروع زواج وعقدت فعلاً وهي متعرفش حاجة
ولا أهلها

=تمام ، بإذن الله الزواج الثاني دا ربنا هيعوضك خير فيه
-أنا جايلك علشان آخذ رأيك في الطلاق ، ناوي أطلقها
=اوعى تعمل كده

-ليه ؟..بعد كل اللي قلتها لك دا ياشيخ ؟
=ياابني الست دي صمام أمان لحياتك بعد كدا
-إزاي يعني مش فاهم 😞

=شوف ياأخي الفاضل ، لو طلقتها هتقرفك آخر قرف ، وهتحاربك بالعيال ونفقات
ومحاكم و.. و.. وإنت عاوز تستقر في بيت ثاني ومش عاوز وجع دماغ ، ولو
هتسيبها على ذمتك هتضمن تشوف عيالك بانتظام واعتبرها شغالة عند العيال ، الناشز
يعني متستحقش تكون شغالة ؟

-بس البيت الثاني لو أنا اتفرغت له أعتقد هيكون أفضل
=لا بالعكس ، الزوجة الثانية دي إنت لسه مجربتهاش ، ممكن لما تلاقي نفسها لوحدها
تعمل معاك زي الأولى ما بتعمل دلوقتي ، الأولى دي هتكون صمام أمان لاستقرار بيتك
الثاني

-بس الأولى ياشيخ بتكد عليا جامد ومقرفة
=لا عادي ، بعد ما تتزوج مش هتشوف كل ده وهتاخذ كل الأمور بأريحية جامدة وهي
غالبًا لما تشوف اللامبالاة دي هتتبط ، وساعتها هتقول الحمد لله إنك مطلقتهاش ،

دا غير دخولك وخروجك على عيالك ومراعاتهم ، وكدا كدا هتصرف بطلاق زي من غير طلاق

-بس أنا كلمت أهلها في الطلاق

=ارجع معاهم تاني وقول لهم: (عاوز أدى بنتكوا فرصة ثانية).. هما هيفرحوا جداً بس اوعى حد يعرف بزواجك ، خليها كدا بظروفها

-شكراً جداً يا شيخ 😊

(ومشي مبسوط من عندي جداً وبكدا حافظت على بيت الأخت واخترت لها وضع شغالة أفضل من وضع النشوز اللي كان بيخلي زوجها ساخط عليها كل يوم)

#تصحيح مفاهيم الزواج



٢٨٣ /ربنا يهدي أمك

و قالت ان الثانية احق انها تفضل على ذمتي من عدة نواحي

اولها طبعاً الولاد من الثانية

تاني حاجة الاولى يتيمه بس عندها شقة اهلها تقدر تفتحها وتقعدها فيها

انما الثانية اهلها ذات نفوذ و ممكن يعملولي مشاكل

الثانية داخله الشقة جاهزة بس اهلها عشان يضمنوا حقها خلوني كتبت ايصال بمبلغ 500 الف بديل للقايمه ف انا بصراحة محتار جدا وفي نفس الوقت مش قادر اخليهم على ذمتي الاثنين و كمان خايف اظلم الاولى عشان كويسة معايا او الثانية عشان الولاد

4

طلعت عليك بس انا مش عارف اعمل اي للعلم ان الثانية بيحصل بيني و بينها كل يومين مشكله مختلفه وزوجتي الاولى اللي بتحل بينا ف خايف اطلق الاولى و مبقاش طابق مشاكل مع الاخرى او اطلق الثانية و ابقي طلعت الصالح و كمان اهلها ميسونيش في حالي و يعدين يطالبوني بالايصال و انا مش

مجهول : حيا 4 ساعات

2

مكتش عندي القدرة اشترى شقة اخرى و بعد سنة ونصف من جوازتي الثانية دي مراتي خلعت توام و اصبحت هي الزوجه المحببة لاهلي و عشان كذا دايماً لما بنزور اهلي شايفين ان هي اللي لازم تقعد و الاولى تساعد في البيت عشان مفيش وراها حاجة و هي الشهادة لله مش بتقول حاجة بس انا افتتره دي متعسر جدا و مش قادر اشيل مصاريف الاثنين مع مصاريف الولاد مع مصروف

مجهول : حيا 4 ساعات

1

السلام عليكم يا شيخ في البداية خايف افوتك اني متابع كلامك ع الصفحه و ع الدروب الخاص حاسب قبل ما تناسب و في اغلب حياتي بتبع الخطوات بتاعت حضرتك بس انا خايف استفسر من حضرتك على موضوع مختلف انا يا شيخ متزوج من 10 سنين و بعد 4 سنين من الزواج و محصلش خلفه كلمت زوجتي اني محتاج اتجوز عشان اخلف و مكتش عندها اي اعتراض بالرغم من انها

الرسالة دي عصبتني جداً ، عمري ما اتعصبت في حياتي بالشكل ده 😞

❖ يا أخي بجد ربنا يهدي أمك ، لو كان الطلاق من دماغك يمكن كنت اتعاطفت معاك ، لسه في حد بي فكر كده؟.. الله يكون في عون زوجتك الأولى ، أنا بجد مشفق عليها

👉 الطلاق دا أمر مباح ، ولكن بالشكل ده وبالعلل دي ؟

❖ شئ سئ جدًا إننا نلاقي راجل (وِدني) عيب بجد والله ومش حلو في حق الرجالة رأيي تطلق المسكينة دي يمكن تلاقي نصيبها اللي تستحقه مع غيرك وربنا يصبرها على تفكيرك ده

👉 إلحق يا ابني صلح عقيدتك في الرزق لحسن إنت بالشكل دا هتقابل ربك بخلل كبير

[#تصحيح_مفاهيم_الزواج](#)



٢٨٤ / أبويا بيعاملني وحش ، تعاللي وسيب أبوك

👉 من فترة كذا كان فيه شاب بيتردد عليا من محافظة بعيدة يشتكيلي من سوء معاملة والده له بعد الإلتزام وعدم تقبل العائلة لالتزامه ، وأنا بصراحة من كثرة ما كان بيحكي لي كنت متعجب جدًا من قسوة وغلظة الأهل في التعامل مع شاب بدأ يمشي في طريق ربنا ويطلب العلم الشرعي زي ما كان بيحكي لي

الحقيقة أنا بحب أبحث في كل الظواهر دي جدًا لأن الموضوع كان شاذ جدًا عن المؤلف وقتله: (بقولك إيه.. إيه رأيك لو تيجي تشتغل معايا وتسبب بيت والدك وتسكن عندنا في العاشر ؟ وأهو هتعيش في بيئة ملتزمة هنا بعيدًا عن المشكلات وهتفرغ ذهنك خالص ، بس خُد إذن الوالد الأول)

الشاب مكش مصدق وراح أجّر مكان يعيش فيه هنا ومن تاني يوم راح استأذن والده وجهه يقوللي: (دا فرح جدًا إنه هيخلص مني) 🤔

❖ جه يشتغل معايا وفضلت مركز معاه علشان أدرس الظاهرة دي كويس

عادتي في اللي بيشتغل معايا إني أربيه ، يعني مش شغل وبس ، بعلمه كل حاجة ، وبشترط على اللي يشتغل يتعلم كل حاجة علشان يطلع من المطحن فاتح لنفسه مكان ينفعه بعدين

النبي ﷺ يقول: (لا يؤمن أحدكم حتى يحب لأخيه ما يحب لنفسه)
بعد مرور شهر ونصف من شغل الشاب دا معايا لقيته يقوللي: (أنا قعدت معاك أهوه فترة ياشيخ أحمد ، إيه رأيك فيا ؟)

قلتله: (أقولك رأيي ومتزعلش ؟)
قاللي: (لأ مش هزعل ، أنا مهتم جدًا أتعلم منك)
قلتله: (إنت عيل وسخ للأسف وعمرك ما هتكون راجل ، أنا قاعد طول المدة دي أدرس شخصيتك علشان أشوف ليه أهلك مش مقتنعين بالتزامك زي ما بتردد دايماً ، الله يكون في عونهم والله ، إنت كرهتهم في صورة المتبع للسنة)

الشاب قعد مذهول جدًا وقاللي إزاي يعني؟
قلتله: (أول صفة فيك إنك عيل كذاب ، وعلشان تحلل لنفسك الكذب كنت دايماً تستخدم التورية علشان تحلل الكذب ده ، تستخدم الكذب مع الزبائن ، الزبون مثلاً يسألك عن فنجان قهوة فترمي كنكة عالسخان وتشاور عليها وتحلف بالله إن الكنكة عالنار ، والمصيبة الكبيرة بقي إنك بدأت تستخدم التورية معايا أنا كمان ، تخيل!....
تحب ياابني أقولك على مدار شهر ونصف كذبت عليا في إيه وأنا مكنتش حابب أخرجك لحد ما أجيب آخرك ؟ ياابني السلف الصالح كانوا بيضطروا للتورية في الضروريات والمخاطر للحفاظ على الدين وإنت حياتك كلها ماشيه بالكذب والخداع في شوية قهوة ؟)

الواد ارتبك ومسك دماغه وقاللي: (بصراحة ياشيخ أنا بعد ما اشتغلت مكنتش لاقى وقت أطلب فيه علم شرعي زي الأول)

قلتله: (ياابني العلم الشرعي لا يُفتح لمثلك ، شرع ربنا مش هيروح لواحد منافق كذاب بيتكسب من الكذب ، عارف أحسن حاجة حصلتلك في حياتك إيه ؟)

قاللي: (إيه؟) قلته: (إنك بدأت معايا هنا علشان أديك السيرة الذاتية بدري بدري يمكن تفوق ، اللي زيك بيفشل في زواجه لإن مفيش ست هتحترم زوج كذاب ، هتفشل في تربية عيالك وهتطلع للأمة شوية نصابين كذايين ، حتى لو تاجرت بعد كذا محدش في السوق هيثق فيك ، أنا نفسي لو إنت حلفتلي ١٠٠ يمين في أي موضوع والله ما هصدقك لإني فهمت آخرك)

الحوار دا كان قدام ابني زياد ، واتعمدت يكون بالشكل ده لإن الواد كل شويه يقوللي: (ياأبي ، فلان بيعش في الميزان ، فلان بيقول كذا للزبون) ... [على الواد ده] زياد كان بيحصله صدمة من شكله الخارجي اللي هو عالسنة وبين تعاملاته مع البشر في وسط التعاليم اللي غرستها فيه .. وأول مرة يقابل شخص متدثر (طبعاً اديته حسابه ومشيته علشان الكذاب ملوش أمان بس كان مهم أديه درس يكون حجة عليه في كل حياته)

من يومها وأنا قاعد أفكر في حال البنت اللي شاب زي دا هيتقدملها ، هتكتشف كل دا إزاي؟

والحل الوحيد إنها تستعين بالله وتسأله نور البصيرة

صفات التدثر زي ما هي موجودة في البنات فهي موجودة في الشباب أيضاً ، فلازم نخلي بالنا

[#تصحيح مفاهيم الزواج](#)



تصحيح مفاهيم الزواج
أحمد الأهواني
الجزء الثالث

٢٨٥/ إنت مش لوحدة

[#إنت مش لوحدة 😞](#)

غالب الجيل دلوقتي لما بيتزوج بيكتشف ده ، لأنه أساساً البنت بتتربى في بيت والدها على الآتي

☆ مجهول : منذ يومان

سلام عليكم يا شيخ أحمد
عايز حل
أتجوزت واكتشفت بعد الزواج ان مراتي
متعرفش اي حاجة في شغل البيت لا
اكل ولا شرب ولا غيره
اخرها كوباية شاي.
ايه الحل من وجهة نظر حضرتك

حذف أظهار



١/ وهي طفلة: دي مرحلة الدلع علشان البنات

لسه صغيرة والكل لازم يدلعلها

٢/ البنات دخلت المرحلة الابتدائية: وفي

المرحلة دي هتلاحظها بدأت تدخل المطبخ

وتحرق شوية عيش عالنار وتعرض على

إخواتها تعمللهم شاي والأم للأسف بتحبطها

وبتطلعها برا علشان مش عاوزة وجع دماغ

لسان حال الأم (انتي هتخرجيني؟.. دا أنا

أساسًا بطلت أعمل الحاجات الغريبة دي من يوم ما خلفتكوا) 🤔

٣/ في المرحلة الإعدادية: البنات لازم تذاكر ، بتبدأ دروسها من شهر ٨ وكل دا علشان

تدخل ثانوية عامة (هي مش أقل من بنت خالتها)

٤/ في المرحلة الثانوية: ودي بقى المرحلة اللي بتكسر كل شئ باقي في فطرة البنات ،

كل التركيز عالذاكرة علشان تطلع دكتورة ، العيلة كلها عاوزة تحقق حلم دخول كلية

الطب اللي كانت جدتها بتحلم بيه ومعرفتش تدخلها على 1/2 درجة في عام ١٩٠٠

قبل الميلاد

٥/ البنات فعلاً دخلت الطب : قدامها دلوقتي ٧ سنوات مش مسموح لها التفكير في

حاجة اسمها المطبخ ، الأم هتقوم بالدور ده عن طيب نفس والبيت كله في حالة طوارئ

علشان البنات تتخرج وتحقق هدفها والعيلة تقدر تتفخر بيها

٦/ بعد الزواج زوجها هيتفاجئ إنها مبتعرفش حتى تعمل الشاي ، ويكون سؤال عجيب

جدًا لما يشتكي من ده ويلاقي والدها بيقول له: (إنت ناسي إنت متزوج مين؟.. بنتي

ضاكتورة يابيه إنت مش جايها جارية عندك)

٧/ البنات بتتطلق وتعيش بالمكتسبات اللي هتسرقها من المغفل زوجها وهتقرر تعيش

مطلقة ، والزوج هيكشف إنها متزوجتش غير علشان تخلص من سؤال الناس: (هو انتي

لسه مجاش ليكي العدل) 😞

الحمد لله دلوقتي وبعد الطلاق بقت ترد ببجاجة: (وخدنا إيه من الزواج بلا قرف 🤪)

#الغلط_عند_مين؟

الغلط عن العريس اللي دخل يختار شهادة وفاكرها خريجة إقتصاد منزلي 🎓
(دي حتى بتتخرج من هناك بتعمل أكل للدنيا كلها إلا زوجها علشان مفيش فلوس)
العريس المغفل اللي علشان يرضي غرور أمه وخالته ولما يقعدوا في دور الندوة النسائية
يقولوا: (ابننا متزوج فلانة الدكتورة ، انتوا ابنكوا متزوج مين؟)
عاوزها تطبخ وتعملك شاي إزاي يامغفل وهي مقضيه عمرها في المواصلات والمدرجات
والسكاشن؟

#تصحيح_مفاهيم_الزواج

#تعديل: الناس اللي يقولولي الحل مع الشاب إيه؟...دا مرض مزمن يا شباب ، المنتنة
هتفضل منتنة ، والمعفنة هتفضل معفنة ، والعنيدة هتفضل عنيدة ، دي طباع مبتغيشر
، إنت اللي لو اتدبست لازم تغير ، ولو لسه عالبر لازم تتعلم)



٢٨٦/البنت دي ناويه على مصيبة

👉دا كان تعليق الأخت (راوية بنت أحمد) إمبارح عالبوست اللي كنت بتكلم فيه إن
الأهل اللي مش واثقين من إن بنتهم تقدر تعيش وتفتح بيت ميبتنازلوش عن القايمه
👉طبعا كلنا شايفين فكر (بنت أحمد) عامل إزاي
أول شئ هتلاقي الناشز بيتكلموا فيه هو الطلاق
فعلاً....(ودا سر سؤال والد الناشز لك...لو بنتي اتطلقت هتاخذ إيه؟)...عملية نفعية
بحثة مش مشروع قائم على المودة والرحمة
👉ولان الناشز متربتش في بيت راجل فهتلاقيهم كلهم بيعتبروا نقل الولاية (شحاتة
وتسول) علشان مفيش أب بالمعنى الحرفي في البيت

والد الناشز قعد يعلف ونسي يربي عقل يفهم البنت يعني إيه تفضل طول عمرها تنتقل من ولاية رجل لرجل

← أمان البنت هو (تعليمها وشغلها) القايمه دي بقى علشان لما أهالينا يبيعونا للي هيضرنا ويقمعنا ويسيطر علينا.. {تخيلوا دا تفكير مسلمة؟!}.... (ليه يا أحمد تختار الزوج اللي زي دا لراوية ياجدع... دا إنت لو عندك جاموسة هتختار لها زبون رفيق عن كدا 🤔)

هو دا أبسط مثال لعقلية الناشز يا إخوة... عايشين في أفلام الأكشن بصورة غير مسبقة ولا حول ولا قوة إلا بالله

#أختاه_لا_تكوني_راوية 🙋

#تصحيح_مفاهيم_الزواج



تصحيح مفاهيم الزواج أحمد الأهواني الجزء الثالث

٢٨٧/نقل الولاية عند الناشز

👉 دا كان تعليق الأخت (راوية بنت أحمد) إمبارح عالبوست اللي كنت بتكلم فيه إن الأهل اللي مش واثقين من إن بنتهم تقدر تعيش وتفتح بيت مييتنازلوش عن القايمه

← طبعا كلنا شايفين فـ كـ ر (بنت

أحمد) عامل إزاي

أول شئ هتلاقي الناشز بيتكلموا فيه هو الطلاق

Rawiya Ahmed

تفتح بيت وتعيش ده على اساس انها مسيحية ومفيش طلاق؟ الطلاق حلال يا جاهل و من حق الرجل يطلق من غير اسباب ومن حق المراه تفكر مستقبلها مش هترجع وهي ام تشحت من ابوها او تشحت من طليقها امن البنت هو تعليمها وشغلها والقايمه نتيجة لدعم امثالك وخرفانك المتابعين للجهل ووقوفكم ضد عمل المراه وتعليمها عايزين وحده جاهله تعرف تخلف وتطبخ وتستلم للاهانه والضرب والقمع والسيطرة النماذج دي موجوده تجوزوها بلاش قرف.

فعلاً....(ودا سر سؤال والد الناشز لك...لو بنتي اتطلقت هتاخذ إيه؟)...عملية نفعية
بحثة مش مشروع قائم على المودة والرحمة

👉 ولأن الناشز متربتش في بيت راجل فهتلاقهم كلهم بيعتبروا نقل الولاية (شحاتة
وتسول) علشان مفيش أب بالمعنى الحرفي في البيت
والد الناشز قعد يعلف ونسي يربي عقل يفهم البنت يعني إيه تفضل طول عمرها تنتقل
من ولاية رجل لرجل

👈 أمان البنت هو (تعليمها وشغلها) القايمه دي بقى علشان لما أهالينا يبيعونا للي
هيضربنا ويقمعنا ويسيطر علينا..{تخيلوا دا تفكير مسلمة؟!}....(ليه ياأحمد تختار
الزوج اللي زي دا لراوية ياجدع...دا إنت لو عندك جاموسة هتختار لها زبون رفيق عن
كدا)😂

هو دا أبسط مثال لعقلية النواشز ياإخوة...عايشين في أفلام الأكشن بصورة غير مسبوقة
ولا حول ولا قوة إلا بالله

[#أختاه_لا_تكوني_راوية👉](#)

[#تصحيح_مفاهيم_الزواج](#)



٢٨٨/ عاوز أرجع أختي لبيت زوجها

👉نسبة رجوع الناس للشرع نسبة عظيمة جداً ، الصورة بس بتكون قاتمة قدامك علشان
إنت مش داخل في حياة الناس

👉نموذج لشاب محترم جه ليا يقوللي: (أختي غضبت وتركت بيت الزوج ، كنت لسه
بفكر أعمل إيه معاه بس البوست بتاع الغضبانة بتاعك ظهر قدامي ، استعذت بالله
وقررت أجيلك علشان أنا خايف أخالف شرع ربنا)

قلتله: (الحل الوحيد إنك ترجعها بيتها ثاني ، ولو فيه مشكلة حصلت دخلني فيها معنديش مانع)

بعد كام شهر جه نفس الشاب وقاللي: (أختي عندنا في البيت بس المرادي زوجها هو اللي طردها من البيت)

وبالفعل....ذهبت بنفسي لزوجها [طبعًا لازم نتحرك لأي حد عاوز يطبق الشرع] واستأذنته في التدخل وبالفعل وافق مشكورًا

حددنا مجلس وقعدنا نسمع الطرفين ، والحمد لله عرفنا أساس المشكلة

👉 الزوجة بالرغم من إلزامها إلا إنها متعرفش شئ اسمه (حاضر ونعم)

ولما سمعنا كلام الطرفين لقينا كل المشكلة في كده

(شتمني..... ضربيني..... بيزعق)

طب ياست الكل. زوجك مجنون مثلاً بيدخل البيت يعمل كدا من نفسه؟

لأ.... لما بيناقشني في شئ وأنا بقول لأ...لما يقوللي حاجة وأقعد أناقش

ياست الكل...الزوجة مطلوب منها الطاعة فقط لما الزوج يدي أي قرارات...القرار

الصح هتعود نتيجته عليكم كلكم ، والقرار الغلط هو وحده اللي هيشيل نتيجته علشان

هو المسئول عنكم

(ليه بقى تحطي نفسك مكانه ؟) الزوجة استجابت والحمد له بعد ما كلمتها عن أهمية

الطاعة وحسن التبعل في الإسلام وإن مفيش عمل سيعدل عند المسلمة في الميزان

حسن تبعلها وطاعتها لزوجها..... تابت واستغفرت ربها عما حدث منها سابقًا

👉 الزوج برضو لقينا عليه شوية حاجات في التعامل (لسه حديث عهد بالنساء ومش

فاهم الدماغ 😊)

الطرفين أعلنوا توبة صادقة واستسلموا لشرع الله ونبهت على الزوجة متسييش بيتها مهما

حدث ، والزوج برضو مينفعش بأي حال يخرجها من بيتها

#واخدين_بالكو_من_حاجة ؟

نموذج أخو الزوجة اللي لما عرف الشرع عمل شئ كثير من الناس في نفس الموقف يفتكروا كذا هيقولوا من أخواتهم ، محطش في دماغه كل ده بالعكس التزم بتطبيق الشرع حتى ولو خالف هواه وكان نتيجة ده صلاح بيت أخته

#ربنا_يصلح_أحوال_المسلمين

#تصحيح_مفاهيم_الزواج



٢٨٩/ لا تؤتمن على بيت

ربنا يتوب عليك

أنا لا زلت عند رأيي (ودا رأي شخصي مش حكم قطعي لا يمكن مخالفته ولا شيء) اللي عاوز من الشباب ياخذ بيه فدي نصيح ، أموره

البنات اللي هتسمح لك بالتجاوز معاها لا

تؤتمن على بيت

طب لو إنت عملت كده وبعدين ظهر لك

التوبة تعمل إيه؟

(رأيي متكاملش علشان الشيطان مش هيسيبك ، وهيفضل شغال معاك في حياتك معاها على المشهد ده ، وهيخليك تخونها في أنفه الأسباب ، ومفيش بيت بيقوم على التخوين)

في أقل خلاف هتذكر لها الماضي وده من إعانة الشيطان عليها هي كمان

لو هتسيبها عليك ذنب ؟

مجهول : منذ 16 ساعة

السلام عليكم

ارجوك لو سمحت فئه كبيره من الشباب بتقتنع بكلامك والايام دي انتشرت العلاقات الغير شرعيه بين الشباب والبنات فلو سمحت اتمني قبل اي رأي تكتبه تشوف بنتك قدامك فلو تكرمت اما حد يقول عمل علاقه غير شرعيه متقولش يتوب ومالوش علاقه بيها اه مش من شروط التوبه انه يتجوزها لكن الضمير والخوف من ربنا يتجوزها وخاصة لو بنت يعني اكيد معرفتها بيه حملت بزوج وبيت واسره ومكناش في بالها انها تعمل كده بالله عليك قولهم يتقوا ربنا فينا انا من ضمن البنات دول وللاسف اتخلي اتمني ترد عليا لكن بدون تجريح ساعدني

حذف | اظهار

الذنب أصلاً اتعمل وإنّ بتحاول تتوب منه ، وتركها لا شئ فيه سواءاً كنت السبب أو
بدا لك شئ آخر

هي لازم تتوب وتستغفر وتستعين بالله من تساهلها معاك في الحرام

← اللي بيقوللي طب ما هي مش هتتزوج بعد كدا!

الزواج دا رزق من عند الله يمكنها تحصيله بطاعة الله ، هي تستعين بالله وتصدق والرزق

سيأتيها ، لكن لو فضلت على وضعها فلن يأتيها غير خبيث مثلها

👉 عجيب جداً ياأختي تنصحي الشباب يتقوا ربنا فيكم ، هو حد ضربك على إيدك

علشان تعملي حرام؟ 😊

← متقلقيش مش هجرحك بكلام ولا شئ ، بس بلاش تشيلي غيرك ذنبك ، وحددي

الجهة اللي تروحي ليها بالتوبة

[#تصحيح مفاهيم الزواج](#)



تصحيح مفاهيم الزواج
أحمد الأهواني
الجزء الثالث

٢٩٠ / تركت البيت بعد ٤ أيام

👉 جه ليا إمبراح بعد ٥ شهور من غضب زوجته وتركها للبيت والمفاجأة بالقضايا التي
رفعتها عليه

← الشاب بيقوللي: (تزوجتها من ٥ شهور ، وأهلها كانوا مستعجلين جداً على الزواج ،

ولما قتلهم إني لسه بجهز عرضوا عليا سلفة ٥٠,٠٠٠ ج علشان أنجز بسرعة والحمد

لله دفعتها بعدها على طول ، وبعد ما دخلت بيها ب ٤ أيام تركت البيت ورفعت عليا

قضايا وقالتلي إنها حامل 😊)

قلتله: (وهي فين دلوقتي؟)

قاللي: (شغالة في مكان وماشييه مع واحد في الحرام بتقول إنها هتتوجه بعد ما تتطلق

مني ، أصل أنا كمان اكتشفت إنها اتزوجت قبلي واحد ٥ أيام واتطلقت منه)

قلته: (يعني الجنين اللي في بطنها دا بقى يبقى) 😞.....

قاللي: (مظبوط ياشيخ ، ١٠٠% مش ابني)

قلته: (بس المحكمة هتنسبهولك وهتفضل تدفع نفقة له)

الشاب أصّر يسمعني فويس لها عالواتس ولما سمعته اتصدمت..(الزوجة بتسب الدين

وبتشتمه شتايم مبقيناش نسمعها في موقف الميكروباصات)

👈دا مثال لشاب اتعمل عليه نصباية واتاخذ كوبري وهيفضل يدفع ثمن ده طوال حياته

للأسف

👈القائمة تفوق الـ ٣٠٠,٠٠٠ ج والذهب هي مش هتتعرف بيه ، حتى المحضر اللي

المفترض كان يعمل به بعد خروجها مباشرةً معملوش لإحسان الظن فيها

الشاب بيقوللي: (جيت لك بعد ما استوعبت الصدمة)

👈أكبر غلط بتقع فيه بعد غلطة إنك تتزوج بمخالفة الشرع إنك تحسن الظن في أهل

زوجة فتحوا الباب لها وهي رجعالهم غضبانة

لازم تأمن نفسك قانونيًا ومتقولش كنت بحسن الظن..(عجة وعياله ملهمش عهد ولا

دين)

👈طبعا قعدنا نتناقش في شوية حلول خارج الصندوق علشان نقذ ما يمكن إنقاذه وربنا

يعوض عليه

[#تمضيض_قايمة](#) واللي بيخونك من البداية مينفعش تأتمنه على شرفك 🙏)

[#تصحيح_مفاهيم_الزواج](#)



تصحيح مفاهيم الزواج

أحمد الأهواني
الجزء الثالث

٢٩١/ دخلت تراسلني أتزوجها

👈جه ليا من سفر وقعد يحكي لي مشكلته مع زوجته ودار بيننا هذا الحوار 🙏

=تَرَكَت البيت من فترة ومنعتني عن بنتي ورافعه عليا قضايا كثير ومش عارف أعمل إيه

-هو إنت اتزوجتها إزاي ؟

=كنت قاعد عالنت فلقيت واحدة بعثلي إنها عاوزة شاب متدين كدا زيي ، وقالتي لو مفيش عندك مانع ممكن تتقدملي

-وطبعًا إنت جريت على طول 🏃

=الحقيقة آه ، مشهد حجابها الشرعي وحفظها للقرآن وتدينها الظاهري عماني عن كل حاجة

-طب ومفكرتش في طريقة دخولها لك؟

=أنا قلت بقي إن الموضوع عادي وممكن يعدي خاصة إني كنت عاوز أتزوج

-طب لقيت الدين دا بعد الزواج؟

=أبدًا ياشيخ والله ، دي كانت بتتزوج سبوبة وبس ، وأول ما بقي معاها عيل تركت البيت ورفعت عليا قضايا

-بقولك إيه ؟هسألك عن حاجة وصارحني

=اتفصل ياشيخ

-علاقتك بربنا إيه ؟

(الشاب انكسر كدا وقاللي)

=مش أحسن حاجة 😞

-طيب..المشكلة معاك مش مع زوجتك ، إنت فيه مشكلة بينك وبين ربك لو قدرت

تحلها هتختصر على نفسك الطريق ، إنت الشيطان مبيدخلش لك من باب مراسلة

النساء بحجة الزواج؟

=امم.. آه

-عاوز ترجع لربنا ومش عارف ؟

=فعلاً ، تعبت ياشيخ

-طب طلع موبايلك

(الشاب طلع الموبايل واتفاجئت بكمية مراسلات لبنات ضخمة جدًا ، الشيطان بيسول

له إن دا بحجة البحث عن زوجة ، ومشى من عندي وهو بيعاهد ربنا ميرجعش للذنوب

تاني بعد ما خليته يحذفهم كلهم ، ولما سألني يعمل إيه دلوقتي قتلته إن مشكلته مع ربنا ولازم يصلح علاقته بيه ، ولما هيتوب هيتفاجئ بحاجات في حياته اتغيرت لوحدها ، ولما كان بيفكر في الزواج حذرتة يتزوج وهو في نفس الطين ده علشان هيتدبس تاني ، وميفكرش في زوجته خالص ولا بنته ويتغافل عنهم وعن مشكلاتهم لحد ما ربنا يقضي فيه أمره)


#بعد_مرور_شهر

الشاب اتصل عليا وقعد يدعيلي ، يقوللي إنت غيرت حياتي فعلاً ، بعد توبتي بأيام لقيت زوجتي بتواصل معايا وعاوزة ترجع وتوربني البنت قتلته: اقل السكة معاها تاني ، الزوجة دي لا تصلح لك مطلقاً ، كمل في طريقك لحد ما تلاقي نفسك مشيت مستقيم

زوجتك مرجعتش إلا علشان اتجاهلتها وكبرت دماغك عنها مش علشان عرفت غلطتها ، اوعى تكمل مع اللي بهدلتك في المحاكم لو ناوي تتوب دور على واحدة متعرفش غيرك 😊

#استقم_ثم_تزوج_بمن_شئت_من_النساء

#تصحيح_مفاهيم_الزواج



٢٩٢ / إحصائية بالطلاق في مصر

اللي قدامكوا دي آخر إحصائية لحالات الطلاق اللي نشرها (الجهاز المركزي للتعبئة العامة والإحصاء) لك أن تتخيل إن مجموع حالات الطلاق في عام واحد وصل

¼ مليون حالة طلاق

واخدين بالكوا من عدد مطلقات المحاكم بس؟ 😞

فيه أكثر من (١١ ألف) حالة طلاق محاكم منهم أكثر من ٩,٠٠٠ عن طريق الخلع

شايفين حالات الخلع بالنسبة للطلاق النهائي رايحه فين؟

الخلع اللي كان عارض في عهد النبوة وعصور الخلافة ويتم في أضيق الحدود بقي

دلوقتي في عهد قوانين النسوية هو الأصل في الطلاق

ربنا ينتقم من كل واحد بيخرب بيوت المسلمين

#تصحيح مفاهيم الزواج



٢٩٣ / إحصائية فارق الزواج عن الطلاق في مصر

نظير عدد حالات الطلاق ومعدل الطلاق خلال الفترة ٢٠٢١ - ٢٠٢٠					نظير عدد عقود الزواج ومعدل الزواج خلال الفترة ٢٠٢١ - ٢٠٢٠				
Growth in the number of divorce cases and rate of divorce during the period (2002 - 2021)					Growth in the number of marriage contracts and rate of marriage during the period (2002 - 2021)				
(Rate per thousand)		(معدل بالالف)			(Rate per thousand)		(معدل بالالف)		
معدل الطلاق	عدد حالات الطلاق	معدل الطلاق النهائي	عدد عقود الزواج	السنة	معدل الزواج	عدد عقود الزواج	معدل الزواج	عدد عقود الزواج	السنة
Rate of divorce	Number of divorce cases ***	Final divorce provisions	Number of divorce certificates	Year	Rate of marriages	Number of marriage contracts	Rate of marriages	Number of marriage contracts	Year
0.1	71190	0.123	50009	2002	7.7	510517			2002
0.0	70966	0.007	40001	2003	7.9	537092			2003
0.9	65780	884	44496	2004	7.9	550709			2004
0.9	65782	337	45047	2005	7.8	522751			2005
0.9	65677	238	45461	2006	7.3	522887			2006
0.0	78238	277	77878	2007	8.2	614848			2007*
0.1	85924	494	84430	2008	8.6	600159			2008
0.8	144282	2813	141467	2009*	9.7	759064			2009*
0.9	174426	5058	149376	2010*	10.8	864837			2010*
0.8	134939	2987	131933	2011*	10.9	957869			2011*
0.8	138775	3714	135261	2012*	10.9	922425			2012*
0.9	167378	4788	162583	2013*	10.9	909350			2013*
2.0	185263	4949	180344	2014*	10.8	953137			2014*
2.2	205992	6125	199867	2015*	10.7	968399			2015*
2.1	198384	6305	192079	2016*	10.1	938526			2016*
2.1	207633	9364	198289	2017*	9.6	912606			2017*
2.2	229096	8542	211056	2018*	9.3	887315			2018*

الكارثة اللي بعرضها لكو النهارده عبارة عن نتيجة لمجموعة من أسباب نشر البدع في

الزواج في مجتمعاتنا المسلمة

عبارة عن رد واقعي لعبارة (إحنا بنتدع في دين الله علشان نيسر على الشباب)

رد واقعي وعلمي على مشايخ النسوان اللي ركبوا سفينة مخالفة الشرع وموافقة البدع
ظناً أن الخير في البعد عن طريق الله

← دي إحصائيات لمعدلات الزواج والطلاق ما بين عامي (٢٠٠٢ حتى ٢٠٢١)

#الزواج : نسبة الزواج في عام ٢٠٠٢ كانت (٥١٠ ألف عقد زواج)

النسبة زادت بعد ٢٠ سنة وبقت (٨٨٠ ألف)

عقود الزواج زادت بحوالي ٣٧٠ ألف في ٢٠ سنة 😊

#الطلاق : الطلاق كان عبارة عن (٧١ ألف) حالة في عام ٢٠٠٢

النسبة بقي بعد ٢٠ سنة بقت ٢٥٤ ألف (يعني أكثر من 1/4 مليون حالة طلاق)

بمعنى إن البيوت اللي بتتخرب أكثر نسيباً من البيوت اللي ينصلح حالها وتبدأ صح

#واخدين بالكوا 😞

ولسه اللي جاي مرار طافح ، طول ما النسوية بتنقل القوامة للمرأة هتلاقوا النسبة بتزيد
أكثر من كده وبطريقة وحشية

لسه حد متأكد إن النظام الجاهلي لإقامة البيوت في مصر نظام شرعي ؟

لسه فيه عمم بتلبس عليك في دينك وتخلي الشيطان يسكن معاكوا ويخلق حالة من
حالات التوجس والتخوين عند الطرفين ؟

#يارب_نرجع_لديننا 🙏

#تصحيح_مفاهيم_الزواج



تصحيح مفاهيم الزواج

أحمد الأهواني
الجزء الثالث

٢٩٤ / فضل الزوج على الزوجة

إيه فضل الزوج على الزوجة وليه بنتزوج ؟

صاحبة الرسالة دي حصرت العلاقة الزوجية والحياة الزوجية كلها في (حمل المرأة
وتعبها)



مجهول : منذ 59 دقيقة

شيخنا إيه الرد على الشبهة دي
ايه هوا فضل الزوج على الزوجة ؟
المرأة هيا اللي بتحمل العيال وترضعهم
وربنا قدمها في البر وده سببه مفهوم
ليه بقى الزوجة اللي بتحمل وتتعب
منزلتها أقل من الرجل مع العلم إن هيا
لا كانت جعانة في بيت أبوها ولا محتاجة
لحد سهل في غالب الأحوال إنها تصرف
على نفسها يجي واحد ياخذها فتحمل
وتتعب وتخدمه وتكون مطيعة له وهيا
ايه العائد عليها ؟ الأطفال بس ولو
مخلفتش الزواج ملهوش لازمة بتستفاد
منه إيه غير واحد حقه عليها متقدرش
توفيه ؟
ممكن الرد يا شيخ لأن شكلها مقنع جدا!

حذف

أظهار



0

الموضوع لو كان كده هتلاقي رجالة
برضو بيردوا ويقولوا (والراجل اللي
بيشتغل علشان يصرف ويتعب
طوال العمر وضعه إيه ؟.. طب
الراجل اللي لو اتزوج واحدة
مبتخلفش مثلاً هيقعد يذل في زوجته
علشان مفيش عندها أعباء ؟)
النظرة دي للأسف نظرة دخيلة على
العلاقة اللي ربنا سبحانه وتعالى

كلمنا عنها

قال تعالى: {وَمِنْ آيَاتِهِ أَنْ خَلَقَ لَكُمْ مِنْ أَنْفُسِكُمْ أَزْوَاجًا لِتَسْكُنُوا إِلَيْهَا وَجَعَلَ بَيْنَكُمْ
مَوَدَّةً وَرَحْمَةً ۚ إِنَّ فِي ذَلِكَ لَآيَاتٍ لِقَوْمٍ يَتَفَكَّرُونَ (٢١) } [سُورَةُ الرُّومِ: ٢١]
واخدين بالكوا من قوله (لقوم يتفكرون 🤔)

الإطار اللي هيكون فيه كل فريق باصص للي على الثاني بيخرب العلاقة دي ، لازم كل
واحد يركز في اللي ربنا أمره بيه
أمر الزوج بالإحسان لزوجته والإنفاق عليها وحمايتها وإكرامها وأمرها بطاعته وحسن
التبعل له

(الموضوع ملوش علاقة خالص باللي عليهم لأنه مش مسموح له يظلمها لو مبتخلفش
وتشيل حمل ولا له علاقة بالزوج لو كان مريض غير قادر على الكسب طريح الفراش)
ركزوا في اللي مطلوب منكم وبس ومتنسوش إنكم عبيد لله بتطبقوا اللي أمركوا بيه
← أما شبهة ليه بنتزوج فدي مش شبهة أصلاً ، هي بس بقت شبهة في زمن الإختلاط
والبرود الجنسي لأجل الإحتكاك طوال فترات الدراسة في المواصلات والمدارس
والجامعات وخدش الحياء بما تسمعه المرأة في الشوارع مما أدى لضياع الفطر واكتساب
بعض صفات الرجال فتولد البرود الجنسي وعدم الرغبة للسكن الذي حل محله وسائل
الترفيه الشاذة

الست اللي مش لاقية عندها رغبة لانغماسها في كل هذه الملهيات وانحراف بوصلة
الرغبات الغريزية بنصحها متزوجش خالص وتسبب شباب المسلمين في حالهم
وكدا هنفهم إنها مش شبهة ولا حاجة... دا أمر متعلق بالإفساد اللي عملوه في أنفسهم
يعني لو سمعتي الشبهة دي بالذات من واحدة قوليلها: (انتي صح ياشادة)

[#تصحيح مفاهيم الزواج](#)



٢٩٥/ طردتني من البيت

قعد معايا يحكي لي عن زوجته اللي غضبت بالعيال وراحت لبيت أمها وإزاي إن ناس
كثير اتدخلوا بس مفيش فايدة ، وهو من ٥ شهور مبيتواصلش معاهم ولا راضي بيعت
لهم مصاريف بالوضع الجديد ده ، واتفاجئت إن زوجته غضبانة في مكان قريب مني
قلتلته: (هل ممكن نروح نقعد مع أهلها ونحاول معاهم؟)

قاللي: (ياريت ياشيخ)

قلتلته: (بكرة تجيلي ونروح سوا وربنا يعمل اللي فيه الخير)

ثاني يوم جه ومعه راجل محترم جدًا عرفني عليه بأنه صديق لوالده.. قلت خير علشان
يتكلم كلمتين طيبين معايا

سألوني هنروح إزاي؟... (الزوجة والدها متوفى وأمها هي اللي ماسكه البيت ولها أخ
مبيتكلمش معاه ، يعني مفيش تواصل خالص)

قلتلته: (تعالى نروح وانت تطلع تخبط وإحنا هنتظرك ، لو اذنوا لنا ندخل نادي علينا
وانت كدا كدا مَحْرَم داخل البيت)

الشاب كان متخوف من رد فعلهم فقلتلته: (متشيلش همنا إحنا بايعين نفسنا لله ومش
شايفين نفسنا أصلاً)

بالفعل....الشاب طلع ودخل للبيت فعلاً ووجد خال الزوجة اللي هو أخو أمها الشقيق قاعد بالداخل كان في زيارة لأخته...قال له علينا فالراجل رحب بينا وأذن لنا بالدخول دخلت واطعرت عليه وقال لنا: (أختي وبنيت أختي مش هنا...في مشوار ، بس انتوا عاوزين تتكلموا في إيه ؟ المواضيع خلصت وإحنا خلاص بتكلم في طلاق) قتلته: (مين اللي بيتكلم في طلاق ؟..صاحب الحق في الطلاق هو اللي جايني ، يا حاج البيت المسلم اللي كلمة الطلاق وقعت فيه فعلاً لنا نتدخل لآخر يوم في العدة علشان نقيمه من جديد، إنت جاي تحكم في بيت غيرك وكلمة الطلاق متعملتش أساساً ؟)(الراجل قاللي: (بس إحنا رحنا فعلاً نطلق عند محامي والموضوع متمش علشان البطاقات كانت منتهية)

قتلته: (ما شاء الله ، هي دي نتيجة الإستخارة ، شئ ربنا سبحانه وتعالى بيقدره علشان ممكن يكون فيه خير في خلافه ، اتصل بالناس خليفهم يحضروا يا حاج) الراجل اتصل بأم البنت اللي جت بعد ٥ دقائق مرهقة جداً من طلوع السلم وقاعده تاخذ في براشيم الضغط وأول ما قعدت وشافت زوج بنتها وشها اتقلب وبصت لنا وقالت للراجل الكبير اللي جاي معنا: (هو مين حضرتك ودخلت بيتي إزاي ؟) الراجل كان محترم جداً رد عليها بكل لطف وابتسامة وقال لها وهو بيتسم: (ياست الكل أنا قعدت معاكى قبل كدا ويا ما أكلنا عيش وملح سوا ، وقعد يحكيها شوية مواقف حصلت على مدار الـ ١٣ سنة زواج في حياة بنتها)

ولما جه الدور عليا علشان الست تحط عليا بقى وتخرجني يعني إزاي دخلنا البيت من غير ما تكون صاحبة البيت موجودة وقالتلي: (الشرع بيقولك تدخل بيوت الناس من غير إستئذان يا شيخ؟)[بصوت سيطرة اللي سمعته في المسلسل 😊]

قتلته: (هو انتي جايه تعلميني شرع ربنا بيقول إيه في الإستئذان ؟) اتوترت وقالتلي: (أيو.. يعني مش المفروض تتصل قبل ما تيجي البيت؟)

قتلته: (مين اللي قال بالمفروض ده ؟ الإستئذان ثلاثاً وإلا نرجع ، وأنا جيت مع الشاب ده وقتلته لو الناس أذنوا لنا نادي علينا ولو مفيش إذن هنرجع عادي إحنا معندناش أي

مشكلة ، وبالفعل الرجل ده [وأشرت لأخيها] أذن لنا ، عاوزك بس تعرفيني انتي شايفاه
رجل ينفع يدي إذن وللا ملوش كلمة عندكوا ؟) 🙄

الست اتفاجئت بالرد وسكتت خالص ومتكلمتش

👉 الزوجة جت وقعت وقلتلها: (زوجك جه ليا يحكيالي اللي حصل وأنا حابب أسمع
منك لو مفيش عندك مانع)

قالتلي: (إحنا اتفقنا بالطلاق ياشيخ ومفيش داعي نتكلم تاني علشان أنا مش هحكي
حاجة)

الزوج قال: (متفقناش على حاجة وبعدين أنا عاوز مراتي وعيالي)

قلتلها: (شوفي... مهما حصل أكيد كان فيه شئ وجيه تقدري تكلمينا ولو فيه شئ عند
الزوج نقدر نكلمه فيه)

أمها وشها اتقلب وقالت بكل قلة ذوق: (ما خلاص ياشيخ ما إحنا قررنا نطلق بنتنا
خلاص)

قلتلها: (انتوا مين ؟ صاحب الشأن في الطلاق لو مقرر يطلق مكش استدعاني ، وبعدين
إيه قررنا دي ؟ أنا وانتي وكل اللي قاعدين دول ملهمش يتدخلوا في بيت مش بتاعهم
غير في الخير ، غير كذا اسمك في الشرع يا حاجة (مخبية) عاوزه تدخل في وتخربي بيت
بنتك ليه ؟)

الرجل صديق والده اتكلم كلام طيب جدًا مع الزوجة وكنت قاعد طوال فترة كلامه
أدرس الناس اللي قاعدين وفهمت إن البنت دي مش هيخرب بيتها غير أمها ، ست
قليلة الذوق جدًا وكل ما نقرب خطوة تحسها كذا فاقت إن الصلح هيتم فتستدعي كل
قوى قلة الذوق والشر جواها علشان تهدم البيت تاني

الزوجة كانت بتتغير نبرتها كل ما الرجل يتكلم وتحسها بتستجيب بس أمها ترمي كلمة
من هنا على كلمة من خالها ملهاش لزمة ترجع الموضوع تاني

وفي الآخر البنت قالتلي السبب الوجيه اللي مش مخليها ترجع لبيتها وهو : (دا سايب
عياله ٥ شهور من غير مصاريف)

بصيت للزوج بغضب وقلتلها: (إنت مبتصرفش على عيالك في بيتك؟)

قاللي: (لا والله ياشيخ ، العيال مش في بيتي أصلاً دول قاعدين معاها هنا)
قلتلها: (إنت طردتها من البيت كمان ؟)

قاللي: (لا والله ياشيخ ، دا هي اللي سايه البيت ومش راضيه ترجع)
قلتلها: (انتي تركتي بيتك وخرجتي وعاوزاه يصرف عاليا في بيت نشوز ؟)
{ كان لازم مع العناد بتاع أمها ده نصدم الزوجة بالأحكام الشرعية علشان تفوق من
الغيوبة اللي هي عايشه فيها دلوقتي ، كدا كدا تيقنت إن البيت مفيهوش راجل وإن
الشاب دخل بيت غلط من البداية }
سألت الحاضرين على الفور: (حد عنده علم امتي الست تخرج من بيت الزوجية بعد
الطلاق قبل انتهاء العدة كمان ؟)

قالولي: (امتي ؟) قلتلهم: (لما تتمسك في فاحشة وتثبت عليها)
أهلها وشهم احمر وقالوا: (استغفر الله العظيم) 🙏

الزوجة اضطربت جداً خاصة بعد ما قلتلها
قال الله: { يَا أَيُّهَا النَّبِيُّ إِذَا طَلَّقْتُمُ النِّسَاءَ فَطَلِّقُوهُنَّ لِعَدَّتِهِنَّ وَأَحْصُوا الْعِدَّةَ وَاتَّقُوا اللَّهَ
رَبَّكُمْ لَا تَخْرِجُوهُنَّ مِنْ بُيُوتِهِنَّ وَلَا يَخْرُجْنَ إِلَّا أَنْ يَأْتِيَنَّ بِفَاحِشَةٍ مُبَيَّنَةٍ وَتِلْكَ حُدُودُ اللَّهِ
وَمَنْ يَتَعَدَّ حُدُودَ اللَّهِ فَقَدْ ظَلَمَ نَفْسَهُ لَا تَدْرِي لَعَلَّ اللَّهَ يُحْدِثُ بَعْدَ ذَلِكَ أَمْرًا } [سُورَةُ
الطَّلَاق: ١]

لما ربنا يحكم محدش له يتكلم كلام بعد كلامه
انتي بقى خرجتي من بيت زوجك وبقيتي ناشز وكل مشكلتك إنه مبيصرفش على عياله
في بيت بيربي العيال خارج سيطرة والدهم ، اتقي الله ياأختي في دينك ؟
ردي عليا عندك حجة إيه ؟

خالها اتدخل وقاللي: (ياشيخ دا شرع ربنا على عينا وفوق راسنا بس مين بيعمل دا
دلوقتي؟)

قلتلها: (أنا وزوجتي وأختي ، دا أنا بعلم عائشة بنتي الأحكام دي من دلوقتي علشان
متجلبيش العار لما تتزوج يا حاج)

الست اتهمت وقالتلي: (ياشيخ إحنا ملناش في الكلام ده إنا بنمشي زي ما الناس ماشيين ، دي مش أول مرة تيجي غضبانة)

قلت لها: (إيه ده ؟ هي خرجت كمان كذا مرة ؟ عايشه إزاي في كل الخطايا دي ياأختي...فوقي من اللي انتي فيه محدش هينفعك ، العلة الرئيسية من مكث الست في بيت زوجها متخرجش منه هو إبعادها عن الوَسط اللي زي ده إحنا قاعدين نصلح والكل متجمع على خراب بيتك ، انتي مش شايفه؟)

الأم حست إن البنت بدأت تسكت وتخاف {رأيي في الزوجة إنها كانت ممكن تكون صالحة لو بعدت عن المخبيين دول وعلشان كذا كان لازم انقل لها الشرع من غير موارد وتركت الكلام المعسول للراجل الثاني اللي كان معانا}

الست مقدرتش تتحمل فقالتلي: (ياشيخ بعد إذنك إحنا مش عاوزين نسمعلك ، وطردتني من البيت) 🙄🙄🙄

أه والله زي ما بقوللكوا كدا

الزوج طلع في وشها وزعق علشاني فقلتله قدامهم: (لا لا متزعلش منها ، أنا لما بمشي في الخير مش منتظر الناس يقابلوني بالورود ، إحنا ياابني قاعدين في بيت عاوز يعيش بعيدًا عن شرع الله ، دا مش بيت ياابني دي زريبة للأسف ، خليك قاعد وأنا همشي) وبالفعل مشيت وبعث للزوج رسالة واتس يكمل بهدوء ويحاول يستقطب زوجته ويني عالاحكام اللي وضعتها دي ، وبقي كلامي اللي لأول مرة يسمعه حجة عليهم أمام الله علشان كان واضح إن الزوجة اللي أجرت في حق نفسها وعيالها مش عارفه يعني إيه واحدة تخرج غضبانة تاركة بيت زوجها فاتحه المجال لكل الضلالية دول يعبثوا ببيت زوجها ، دي لو كانت مؤمنة عالبيت مكنتش تركت بيتها كدا مباح لكل المخبيين دول وتغضب أكثر من مرة

⬅️ بعد حوالي ٣ ساعات الزوج والراجل اللي معاه رجعوا ليا يحكولي اللي حصل وكانوا مبسوطين مني جدًا والراجل بيقوللي: (لو إنت مكنتش شديت معاهم كدا كانوا اتفرعنوا علينا أكثر ، بعد ما مشيت كانوا جابوا آخر خالص والست اتهدت كثير بس للأسف أنا بنصح الشاب ده إن البيت لا يصلح له)

← الشاب طلب نصيحتي فقلتله: (مشكلة زوجتك في أمها والواضح إن مفيش راجل مطلقاً تتكلم معاه ، وحتى لو زوجتك رجعت الست دي مش هتترتاح ، واخده الموضوع موضوع كرامة وعناد للأسف)

✋ كثير من نساء مصر لو الأهل تركوهم في المشكلات البيوت هتنصلح ، لو الدعاة كلموا الناس في الأحكام الشرعية بلا موازنات ومواربات الناس هيستجيبوا قبل حدوث المشكلات

يا شباب... متشيلوش هم عيالكووا اللي المخبيين ضيعوهم من إيديكووا ، ربنا اللي بيربيهم ، بس إنت اعمل اللي عليك واقفل أي مجال يبجي منه شر لبيتك ، قال النبي ﷺ: (إِذَا دَعَا الرَّجُلُ امْرَأَتَهُ إِلَى فِرَاشِهِ فَأَبَتْ فَبَاتَ غَضَبًا عَلَيْهَا لَعَنَتَهَا الْمَلَائِكَةُ حَتَّى تُصْبِحَ)

فما ظنكم بمن دعاها لترجع بيته اللي تركته بمحض إرادتها فأبَتْ ؟
المجتمع المصري عايش في ضلال العادات ويعتبر غضب الست وخروجها من بيت زوجها شئ عادي ومن العُرف ولا يعلمون أنه قد يكون سبيل هلاكهم في الآخرة 🔥

← المخيب أخطر كائن ممكن يدمر حياتك
قال النبي ﷺ: (لَيْسَ مِنَّا مَنْ خَبَبَ امْرَأَةً عَلَى زَوْجِهَا أَوْ عَبْدًا عَلَى سَيِّدِهِ)
ليس منا ✋

✋ الواحد بقى خايف على الأخوات الصالحات يقعوا في هذه الجريمة وتُحشَر يوم القيامة مع المجرمات النواشر

(ربنا يحفظ كل واحدة عاوزه الشرع ويهدي نساء المسلمين من المخبيين خرابي البيوت)

✋ قال شيخ الإسلام ابن تيمية رحمه الله: (المرأة إذا تزوجت، كان زوجها أملك بها من أبويها ، وطاعة زوجها عليها أوجب)

✋ ودا يا إخواني مثال لبيت بيتخرب بس علشان المخبيين عاوزين كدا ولا تلاقي سبب مقنع لخرابه 🏠

[#تصحيح_مفاهيم_الزواج](#)



٢٩٦ / فيديو حكاية قصة ناشز مجرمة

حصل وعلى إيدي أقسم بالله واللي لسه مش مستوعب بنقول له هتفوق إمتى ؟
ربنا يحفظ أخواتنا من الفجرة دول ويبعد كل أخت عن النواشز المجرمات خرابي البيوت
ادرس كويس ، ادرسي كويس ، محدش يستعجل

#تصحيح مفاهيم الزواج

رابط الفيديو

<https://www.facebook.com/ahmad.elahwany/videos/1791373861692197/>



٢٩٧ / بعضًا من مشكلات التعدد مع النساء

مشاكل التعدد مع النساء كثيرة جدًا ،
مشاكل قبله وهي تكمن في عدم تقبل
الزوجة لزوجة أخرى تشاركها في الرجل.
(وهذا ليس من الفطرة ، بل هو من
الإنتكاسة المجتمعية في عقول النساء)



مجهول : منذ 1 يوم

الاخ معدد وزوجته الاولى تمناع من اخذ
ابنه لبيت اختها (ضررتها)
فهل هذا من حقها وكيف يرد على ذلك
من الكتاب والسنة
وجزاكم الله خيرا وبارك الله فيكم

حذف

أظهار

فلو خلق الله المرأة على فطرة الإستحواذ على رجل وحدها حيف به سبحانه يسرح به
التعدد الذي سيحرمها من الإعفاف في بعض الليالي ثم يطالبها بالعفة؟ 🤔

← أما المشكلات التي تعقبه فهذه واحدة منها ، وفيه أنها تتقبل التعدد من زوجها وتعيش على ذلك ثم تخترع المنغصات حوله

← الزوج هو صاحب الولاية على أبنائه ، المكلف بحفظ دينهم وتدبير أمور دنياهم ما داموا تحت ولايته

✓ هذه الزوجة ليس لها أن تتحكم في تصرفات زوجها بخصوص أبنائه لأنه ببساطة هو الذي سيتحمل عواقبها (الصواب فيها له فيه أجر والإثم يحمل فيه وَحْدَهُ (الوزر) قال النبي ﷺ: (وَالرَّجُلُ رَاعٍ فِي أَهْلِهِ، وَهُوَ مَسْئُولٌ عَنْ رَعِيَّتِهِ، وَالْمَرْأَةُ رَاعِيَّةٌ فِي بَيْتِ زَوْجِهَا، وَمَسْئُولَةٌ عَنْ رَعِيَّتِهَا)

فالرجل هو المسئول عن رعيته (زوجته وأولاده) قال الحافظ ابن حجر: (رِعَايَةُ الرَّجُلِ أَهْلَهُ سِيَاسَتُهُ لِأَمْرِهِمْ وَإِصَالُهُمْ حُقُوقَهُمْ، وَرِعَايَةُ الْمَرْأَةِ تَدْبِيرُ أَمْرِ الْبَيْتِ وَالْأَوْلَادِ)

← حضرت مشكلة لزوجة مجرمة تمنع ابنتها الصغيرة من رؤية جدها وجدتها للأب بتقوللي: (شتموني في بداية زواجي وأنا مش هخلي بنتي تروح لحد مش كويس وتتعلم السباب)

ونتيجة لذلك... (سَتُعَلِّمُ ابْنَتَهَا قَطِيعَةَ الرَّحِمِ الْوَاجِبَةَ وَلَا حَوْلَ وَلَا قُوَّةَ إِلَّا بِاللَّهِ)

كثير من النساء مجرمات ورب الكعبة في هذا الباب

👉 الحالة التي معنا لها صورتان

١/ أن تكون زوجة الأب امرأة صالحة : وهنا سيكون المنع من باب الغيرة ولكن هذه الغيرة ستصطدم اصطدامًا مباشرًا مع تحويل حق الولاية للوالد... (فحرام عليها المنع لرغبة الوالد في خلافه)

٢/ أن تكون زوجة الأب امرأة فاسدة فاسقة: وفي هذا نتفهم أن تنصح الزوجة زوجها بعدم الإختلاط الزائد لأبنائها معها

وَجَبَ عَلَيْهَا نُصْحُ الزَّوْجِ وَمَحَاوَلَةُ إِرْشَادِهِ ، وَتَصْبِرُ عَلَى ذَلِكَ ، وَصَاحِبُ الْقَرَارِ الْآخِرِ هو الزوج.. (هو الذي يحمل الإثم والفساد الذي قد يحدث)

قال النبي ﷺ: (إِنَّ أَطْيَبَ مَا أَكَلَ الرَّجُلُ مِنْ كَسْبِهِ، وَإِنَّ وَلَدَهُ مِنْ كَسْبِهِ)

فالولد كسب أبيه.. وكل خير وسوء كان من طريقه فهو المتحمل له
 ننصح أختنا بالحفاظ على هذه العلاقة قدر المستطاع إن كانت زوجة الأب صالحة
 والعمل على توطيدها لربط أبنائها بإخوتهم من الأم الأخرى ، وكذلك إن لم يكن عندها
 أولاد أن يكون أولادها سندًا لها فهي زوجة أبيهم وأخت أمهم
 وإن كانت غير ذلك فلتدعو لها بالإستقامة فهذا ينزع بعض ما في قلبها ، ولا توقع
 نفسها في الإثم بمعارضة زوجها

[#تصحيح مفاهيم الزواج](#)



٢٩٨ /ليه اتزوجتي ؟

- ليه اتزوجتي وانتي ملكيش في الزواج؟
- =علشان أهرب من خنقة بيت والدي والتحكيمات اللي فيه وقرف خدمة إخواني
- طب ما انتي برضو هتروحي لخدمة زوجك
- =ياذن الله دا شئ مؤقت بس ، أول ما هخلف هستقل بنفسي
- طب ما تستقلي بنفسك من غير عيل ، انتي غاويه قرف ؟
- =من غير عيل هرجع بيت والدي تاني ومش هاخذ شقة بالتمكين ، العيل هيجيلي شقة ونفقات وفرش الشقة موجود كدا كدا في قايمتي
- بس هيكون اسمك مطلقة وانتي عارفه المجتمع نظرتة إيه للمطلقات
- =نظرة المجتمع للمطلقات مش أكثر من كلامهم وتقطيعهم ليا في العنوسة في الرايحة والجايه
- ودا مبرر يخليكي تغشي شاب وتضيعي عمره ؟
- =وهو أنا كنت ضربته على إيده ؟..أجبرته يكتبلي قايمة ويتنازل عن كل رجولته قدام أبويا ؟

- ما هو مكنش شايف النتيجة اللي حصلت دلوقتي
= لا بالعكس ، هو وضعه زي وضعي بالضبط ، هو اتسرع في الزواج علشان يفك زنقته
وأنا اتزوجت علشان أخلص من زنقتي في كلام الناس

#خلوا بالكوا

#تصحيح مفاهيم الزواج



٢٩٩ / مشيت في بداية الحمل

- زوجتي طلعت من البيت وأبوها بعد ٦ شهور لسه بيقوللي مش هنتكلم غير لما نفسيتها
ترتاح

= طب وسبب خروجها إيه ؟

- دخلت ناس كثير والله ياشيخ ومفيش عندها أي شئ بيوصلني ، كل مشكلتها إنها مش
مرتاحة نفسيًا

= زوجتك بتشتغل ؟

- مكنتش بتشتغل في بيتي ، بس دلوقتي بقت تشتغل لما راحت بيت والدها
= عندك أولاد ؟

- لأ لسه ، هي مشيت في بداية الحمل على طول
= في بداية الحمل 😊!

- أيوا ياشيخ ، مشيت في بداية الحمل

= بص ياأخي ، لو إنت قاعد منتظر زوجتك ترجع فتأكد إنها مش راجعالك ، زوجتك
عملت خطة نسوية النسويات شغالين عليها اليومين دول ولازم تكون منتبه لكده ،
متضيعش عمرك وتقعّد تجيب ناس وتبعّتهم

- بس ياشيخ دي كانت عاوزه تتزوجني وكانت في الخطوبة كويسة معايا جدًا

=هي مش كويسة علشان بنت لها رغبة في الزواج ولا شئ ، والدليل إني لو سألتك سؤال محرج شويه هتفهم لوحدهك

-سؤال إيه ياشيخ ؟

=زوجتك عندها رغبة في العلاقة ؟

-العلاقة ... 😊بتحایل عليها وكل فين وفين بصراحة وكنت بقول يمكن لسه محرجة مني
=متضيعش عمرك ياابني ، روح اعمل محضر في قسم الشرطة إنها تركت بيتك علشان هينفعك لما يرفعوا عليك القايمه ، متبقاش مغفل وتخليهم ياخدوا زمام المبادرة دا بقي تمرين مشهور الكل شغال عليه دلوقتي ، إنت اتزوجت بنت ناشز خارجه من بيت عجة ولو مش هتفوق بعد ما ربنا ابتلاك منها بعيل هترجعها تاني والبلوى اللي جايه ممكن تكون بعيلين أو ثلاثة

-والله ياشيخ الناس دلوني عليك من شهر ومكنتش مستوعب اللي بتقوله ده لحد ما شفتك في السلاسل بتشرح حاجات حصلت في خطوبتي مكنتش منتبه لأبعادها غير لما وقعت فيها

=اعتبره ابتلاء ، واستعن بالله عليه ، مصيبتك أهون من مصايب غيرك ، وربنا يوفقك

[#خلوا بالكوا](#)

[#تصحيح مفاهيم الزواج](#)



تصحيح مفاهيم الزواج

أحمد الأهواني
الجزء الثالث

٣٠٠ /نسبة الصالحات في المجتمع



0 | 👍



مجهول : منذ 19 ساعة

السلام عليكم ورحمة الله وبركاته بارك
الله في حضرتك يا شيخ أحمد وفي
جهدك انك تبين وتوعي الأفكار النسوية
الي انا كا بنت مصدومة اني في ناس
بتفكر بالخبث الي هو ازي بجد وحدة
تعمل كذا في جوزها لما تطلق لاء وقبل
ما تتجوز بتخطط ازي تعرف تمسكه
كويس عشان لو طلقها تجرجه في
المحاكم بجد اي القرف دا ايه الخبث دا
هو الجواز الي بيه ننشئ زرية تطيع الله
وتعمر الارض بقي صفقة وتخطيط
ومؤامرة ولا اكننا في مسلسل!!! هندي
دا ايه دا بجد ايه انتكاس الفطر الغريب
دا ومن مسلمات يا الله اضحك عليهم
وزين لهم الشيطان سوء عملهم.

👉نسبة البنات الصالحات اللي تفكيرهم
بالشكل ده حوالي ٥% من المجتمع
المصري (يعني موجودات بالفعل)
الـ ٥% دي نسبة مبالغ فيها كمان
النسبة دي بتزيد يوم عن يوم بعد حملات
الوعي اللي بنعملها لهم قبل ما نعملها
للشباب ، لإن خوفنا من وقوع أخت
مسلمة في النسوية أكبر بمراحل من

خوفنا على وقوع شاب تحت ضرر النسوية

لسبب بسيط...إن سقوط فتاة في النسوية معناه سقوطها في الكفر (لإن النسوية شئ
والإسلام شئ آخر)

وحرصنا على المسلمات وسلامة عقيدتهن في هذا الباب كبيرة

مصيبة الشاب المالية ممكن تتعوض ، لكن مصيبتك في ضياع دينك متعوضش لو
جيتي في الآخرة مع أم جميل حمالة الحطب 🔥

👉لو عاوزه عملي شئ ينفعك أمام الله لازم تهجري أي فتاة نسوية علشان الكفر والنفاق
ميدخلش قلبك وانتي مش حاسة ، واللي تعرفي تدعيه اشتغلي معاه ، غير كذا فري
بدينك

#تصحيح مفاهيم الزواج



تصحيح مفاهيم الزواج

أحمد الأهواني
الجزء الثالث

٣٠١ /النساء بين أحكام الله وأحكام المحكمة

-ليه مشيتي من بيتك غضبانة بالرغم إن رينا نَسَب البيت دا ليكي؟

=إنت كنت عاوزني أقعدله في البيت كمان ؟

-بس انتي رجعتي تاني لنفس البيت وانتي زعلانة برضو غصب عنه

=ما هو المحكمة نسبت ليا البيت بالتمكين 😊

👉 ما تخفيه الناشز من نفاق في قلبها تظهره لك المحكمة ، فلن تجد ناشزًا تُعظم حكم

الله فوق أحكام القضاء أبدًا

[#تصحيح_مفاهيم_الزواج](#)



٣٠٢ / الأخت الكبيرة عملت إيه

👉 الأخت الكبيرة كانت سبب في إن حياة إخواتها البنات مش مستقرة

دا كان ملخص حكاية زوج كان بيحكيلي إمبراح المهزلة اللي بقى عايش فيها

تحريض الأخت الكبيرة للأخت الوسطى على زوجها وصل معاها للطلاق الفعلي وخراب

بيتها

الشغل بدأ بعد كدا عالصغيرة (زوجة الأخ اللي كان معاها)

👉 بيقوللي ادتها رقم محامي علشان تقاضيني وبالفعل زوجتي رفعت عليا قضايا نفقات

زوجية وهي قاعده عندي في بيتي 😊

بيقوللي مستوعبتش إن زوجتي لأول مرة في حياتنا هتاكل حرام ، ولما سألتها إزاي

تاخدي نفقات وانتي عندي طوال الفترة دي في البيت ومش مقصر معاكي لقيتها مش

عارفه ترد وراحت تحاول تتنازل عن المحاضر

بس للأسف.... تقريبًا فتنة التحاكم للقوانين الوضعية لو أصابت حد مبتسيهوش بسهولة

كل ما نتكلم ونختلف مع بعض تهددني بالمحاكم

تقريبًا كدا أختها ادتها طرف الخيط اللي هيخرب بيتنا وسابتها تكمل بعد كدا المشوار

أختها الوسطى بعد ما اتطلقت بتنصحها متسمعش كلام الكبيرة وتخيب خيبتها

192

حاجة مع الوقت ، المهم تجهز ال CD اللي فيه كل التفاصيل دي بالقضايا بالتسجيلات
اللي تقدر عليها وتديها لهم هدية لما يبلغوا سن التمييز)

[#اللهم_انتقم_من_النواشز_المجرمات](#)

[#تصحيح_مفاهيم_الزواج](#)



٣٠٤ / جلسة تحكيم طلاق

👉 انتدبني إمبراح أحد الإخوة في جلسة تحكيم طلاق ، كان موجود اتنين من المشايخ

الأفاضل في الجلسة..(قاضي عرفي وشيخ أزهرى)

اتفقنا إننا نعمل اللي نقدر عليه علشان الصلح يتم

وبعد ما الزوج حضر هو وبعض أهله سألناه عن نيته في الموضوع وهل إنت جاي تصلح

فعلاً ، فقال من تحت الضرس كدا: (إن شاء الله) 😊

طلبنا الزوجة تحضر ولما حضرت قالت إنه بيكرّرها في عيشتها علشان هي اللي تطلب

الطلاق ، ويعاملها اسوأ معاملة ، وقالت إنه بيغيب في شغله طوال الشهر وبيجي أسبوع

واحد وبس بيقل على نفسه أوضته وبيطلب منها تنام مع الأطفال

ساعتها أنا اتجننت ، سألته: (بتعمل كدا ليه ؟)

قاللي: (هجر في المضاجع يا شيبسيخ)

قلتله: (هو هجر المضاجع بيكون بفصل الغرف ؟دي بتكون معاك في سرير واحد

يا ابني..[في] المضاجع ، ثم إيه سبب الهجر ؟)

الزوج قال: (تخيلوا لما حد يصحيك من النوم فتقوم مفزوع ومن فزعتك تخبط في

الحيطة ورجلك تنكسر)

الناس اللي كانوا قاعدين سكتوا (كانوا مؤدبين زيادة عن اللزوم 😊بس أنا قلتله: (هي

لما بتصحيك بتغزك بإيه؟ 🤔)

اتفاجئ وسكت خالص

قائلته: (لأ بجد ، هي بتصحيك إزاي ؟ مكبر صوت مثلاً وللا عمود خشب وللا شومة وللا إيه ؟)

الزوج سكت خالص وأهله قعدوا مكسوفين من اللي قاله

[قبيح جداً إنك تلاقي الكذب طالع من رجل]

👈 قعدنا مع الزوجة إحنا الثلاثة في حضور أحد محارمها حوالي 1/2 ساعة ، وربنا وفقنا نقنعها بالرجوع علشان عيالها وعلى أمل إننا نقدر نصلح أي شئ في الزوج على سبيل التجربة

(الزوجة كانت مطرودة من البيت بعد ضرب مبرح لها من زوجها بسبب كلام بيسمعه عنها عرفنا مصدره بعدين)

الزوجة بالفعل اقتنعت ترجع بشروط وعدناها بيها وساعتها طلبنا خروج المحرم ودخول الزوج

الزوج جه وقعدنا نتكلم معاه لقيناه متعنت بصورة عجيبة... (واحد عاوز يطلق بس عاوز الكلمة تطلع منه)

قلت في نفسي لو البنت دي فيها خير ربنا هيجعل لها مخرج

الزوج اتكلم وقال: (الزوجة دي بتطلع حاجات من بيتي وأنا مش موجود ، شوفوها بتطلع إيه ؟)

سألناها فاستغربت جداً وقالتله حاجات إيه ؟

قالها: (الشنط اللي بتطلع وأنا مش موجود لإخواتك دي إيه ، مش دا مصروف البيت اللي ميكفيش ؟)

قائلته: (مين اللي قالك الحوار ده ؟)

قاللي: (اللي قال قال ياشيخ بقى)

قائلها: (طب ردي عليه)

قالت: (إخواتي بيطلبوا مني أشترى لهم لبن كل فترة من البلد ، وعلشان إحنا في الريف اللبن والسعر كويسين لهم في المدينة ويبيعوا ليا فلوسهم ، إيه الغلط في ده ؟)

← أهل الزوجة تقريباً كانوا يخفضوا عاألزوج في كل بند من باب (ولا تنسوا الفضل بينكم)

#واخذين_بالكوا 🙄

١- أهل الزوجة الطيبين لما يخلصوا بينهم وبين ربنا الكل يوقف معاهم ، استسلموا للشرع يا جماعة وكفاية تجارة بيناتكم في المحاكم

٢- الزوجة اللي استسلمت لأحكام الله ورسوله ورفضت تلجأ للقانون الوضعي ربنا سبحانه وتعالى بيدبر لها أمورها ويكرمها

٣- قاضي عرفي واحد ماشي بشرع الله غير صورة القضاة العرفيين اللي بنشوفهم وبنصطدم بيهم ليل ونهار علشان يراضي ده ويراضي ده على حساب دينه
الراجل من البداية قال: (يا جماعة أنا مش هتكلم بشئ يكون على خلاف الدين والشرع يعرضني لعذاب الله علشان أي حد)

٤- شايفين إزاي أم الزوج اللي تنقل الكلام بتكون سبب في خراب البيت لما بتقابل شخصية زوج ضعيف الشخصية ميقدرش يفرق بين بر الأم مع حق الزوجة ؟

#يارب_الأمة_تفوق

#تصحيح_مفاهيم_الزواج



٣٠٥/ الشيخ مش جهة تنفيذية

بعد ما اختلف مع حماه من ٣ سنين في موضوع كتابة الذهب في القايمة استمع أخيراً
لثيديو الشيخ المشهور اللي يقول إن القايمه عبارة عن (ما اشتراه الزوج + ما اشترته
الزوجة + الذهب)

يقوللي على طول وافقتهم وكتبنا الذهب في القايمه من غير تفكير ثقةً في الشيخ

👉 بعد الزواج الزوجة راحت تبيع الذهب علشان تدفعه كمقدم شقة خاصة ليها فقال لها:

(كدا الذهب طلع من بيتي ، عاوز أغير القايمه وأشيل منها الذهب) 🏠

الدنيا اتقلبت عليه وأبوها قعد يتخانق وقال له: (تعالى نحتكم للشيخ فلان) [نفس

الشيخ اللي سمعه في الفيديو]

الشيخ حكم إن الزوج معاه حق بس معرفش يعمل لوالد البنت حاجة

#واخد بالك ؟

الشيخ مش جهة تنفيذية علشان تسمع كلامه في ورقة قانونية ، هيديك الفتوى وبعد ما

تمشي بيها هتاخذ على دماغك والشيخ لن يملك إلا إنه يقولك: (اصبر ، فقد ابتليت

في مالك)

لما تروح تسأل حد اذهب لأهل تخصص في المسألة اللي يفهموا إزاي يطلعوك بأمان

زي ما دخلوك

(العلم إنك تنصح المستفتي مش إنك تدبسه)

#تصحيح مفاهيم الزواج



٣٠٦ / مكسوفة من أهلي

👉 والله علشان البنت دي واللي زيها إحنا بنحاول ننتشلهم من الوسط اللي هما فيه



مجهول : منذ ساعتان



01

منشورك الأخير محزن أوي على كلام أب البنات وعلشان كده أنا أصلا مكسوفه أكمل في الموقع أجيّب ناس محترمة إزاي تقعد مع والدي ويقولهم كلام زي ده يعتبرني بيعه وشروه في بنات مش عارفين يدخلوا ناس محترمه البيت بسبب أهلهم والي شبه أهلنا مش هنتزوجهم ولو فضلنا من غير جواز مش هنزود البيوت دي ولا نكرر غلطهم ومن يتق الله يجعل له مخرجا أدعيلي ياشيخ ربنا يرزقني بالزوج الصالح الي مش عارفه إزاي ممكن يتقبل كلام أهلي



الأوساط دي ممكن يطلعنا منها بنات يساعدوك للوصول للجنة والله ، أحسن حاجة إنها قربت من ربنا في بيئة مفيش حد اثبتي يابنتي ربنا يحفظك ويسترك انتي واللي زيك ، فهمي الشاب اللي داخل كل الكلام ده مفيش شئ يعيبك أبداً انتي في اختيار أهلك مُسيرة مش مخيرة ، انتي مخيرة بس في موافقتهم عالغلط وطالما بتتبرأي لله منه ربنا بنيتك هيكرمك متنسش الدعاء ولا الإستعانة بالله ومتفقدش الأمل

خالص

والله يا شباب أنا رحت مع شاب لبنت محترمة جداً وعندها دين (صعب تلاقي زيتها في زماننا) أبوها وقف الجواز خالص ، سافرت معاه بنفسه والله وقعت مع الوالد ولا حول ولا قوة إلا بالله

الراجل كل كلامه سب دين وقرف لدرجة إني كنت قاعد طوال المجلس أفكر لما الشاب دا بيعي يكتب الراجل دا هيكون ولي للبننت إزاي 😞

الشاب زعلان علشان كل ما يقوللي يلاا نقوم يصعب عليا حال البننت اللي كان نفسها في شاب عنده دين فأقول له اصبر ملكش دعوة بيا ومتشيلش همي خالص

👉واقع مرير جداً ومأساوي البنات واقعين فيه إحنا بنلمسه ، وعلى النقيض تلاقي بنت اتربت في بيت فيه دين وطلعت نسوية منافقة فاجرة البعض بيعتر بيها ولا حول ولا قوة إلا بالله

👈البنات دول لو فاكرين إننا هنسيبهم تحت أي ضغط بقولهم متقلقوش والله ، اللي بندعو إليه هو دين الله الخالي من أي تحريف وربنا وعدنا بنصرة دينه

[#تصحيح_مفاهيم_الزواج](#)



٣٠٧/ مش رغبة في خراب البيوت

منصحتكش ترجعها خالص

كلامك صحيح الصحيح

بجد

اقسم بالله

مكالمة صوتية لم يتم الرد عليها
٩:١١ ص

إعادة الاتصال

انت راجل محترم جدا وعندك نظره
مستقبليه

لما بقدّم النصيحة لواحد يلحق نفسه وميرجعهاش
علشان أبعاد معينة لا يمكن التغافل عنها مش
بتكون نصيحتنا عبارة عن رغبة منّا في خراب
البيت وحب التفريق بين زوجين لا أبداً.... إحنا
مممكن ندور على الإصلاح ونوصله ولو من ثقب
بسيط جداً ميدخلش منه شعاع التخييب
دا واحد حاول يحافظ على بيته وبعد ما اديته
النصيحة ميرجعهاش حاول تاني (ودا شئ طيب

منه وبعد ما اتفق معاهم على موعد بعد إبداء الرغبة منها علشان ترجع اتفاجئ بيها قبل
الموعد بيوم شغالة زي ما هي في القضايا... (دا بعد تحديد موعد يقعد فيه مع أبوها)
بيسألها ليه كدا بتقول له: (مش عارفه)

النساء لما ييمشوا في سكة المحاكم بيكونوا مسلووي التفكير بس مش مسلووي الإرادة
مش فاهمين أبعاد هما بيعملوا إيه ، ودا مش معناه إننا بنعذرنا بالعكس (دي مجرمة
منافقة) (مفيش قضية من غير توكيل المجرمة دي لمحامي)

فيه منهم ياثبات حسن النوايا بعد كدا ممكن ننصح بمنح الفرصة وفيه نوع تاني لو
أقسمت لك بالأيمان المغلظة بتكون أكبر غلظة إنك تديها فرصة جديدة ترجع تعمل
عليك سيناريو جديد وتتفادى الحاجات اللي مخدتش بالها منها في الماضي

#انجز_عمرك

#يد_تفاوض_وأخرى_تلجأ_للقضاء

#تصحيح_مفاهيم_الزواج



تصحيح مفاهيم الزواج

أحمد الأهواني
الجزء الثالث

٣٠٨ / رسالة من زوجة تونسية

مجهول : منذ 16 ساعة

مع انو عامل العكس في حالته. يعني لا عاوز خطيبته تشتغل ولا تدرس ولا تجيب جهاز و عاوز يتجوز عالسريع بأقل التكاليف.

و من ناحيتي انا العكس. بالرغم اني ما طالبتش لا بجهاز ولا اي حاجة و هما مصريين.

انا عايزك تنصح اخويا الي بيتابعك انو يسبب ازدواجية المعايير و يحب لأخيه مثل ما يحب لنفسه عشان انا مش بيقبل

مجهول : منذ 16 ساعة

مع انو خطيبي انا شفتو و الي لفتني اول حاجة خلقه و دينه و على قدر يرضيني من الجمال (زوج اختي تكفل بالسؤال عليه في بلدته) .. و الي قريته عندك متوفر فيه الحمد لله.

عندنا مفيش قايمه و لا مهر بيتقدم فلوس ولا ذهب بالجرامات الي بشوفو عندكم. بس عندنا انو الراجل المفروض يكون عنده بيت ملك و في عدة محافظات البنت هي الي بتجهز البيت من

مجهول : منذ 16 ساعة

ابي لا بيدي اي اهتمام في هذا الموضوع. حتى انه في موعد الرؤية الشرعية لم يكن موجودا . و تكلم الشا مع اخي و زوج اختي .. و تكلمنا و استخرت و الحمد لله تمت الخطوبة. و ف كل هذا بابا لا بيدي اي اهتمام بيه او اصل. وحاول ان يجرنا في يوم الخطبة و صدقا انا بحس بمشاعر وحشه تجاهه احيانا . الله بهديه. و في نفس الوقت اخويا الوحيد ببتلكك عالشباب انو مش

مجهول : منذ 17 ساعة

امي على قدر من الصلاح و ضحت مع بابا بكل حاجة . و هو حقيقة و الي الان مش بيعاملها كويس. و مفتكرش انها راحت لاهلها.

انا و اخواتي 5. 3 بنات و ولدين و انا قبل الأخيرة و اخويا الكبير متوفى رحمة الله عليه. و اختي متزوجة و الحمد لله موفقة هي و زوجها و علاقتنا معاه كويسه اوي الحمد لله. و اخويا الثاني الي علاقتي معاه مش تمام اوي. بتلشاحن

مجهول : منذ 17 ساعة

السلام عليكم يا شيخ. انا بنت من تونس و عندي 21 سنة (هحاول اتكلم بالمصري عشان يكون الكلام مفهوم)

خلصت ثانوية و ما كملتش جامعة . عشان جاني احساس انو خلاص اخذت عرضي من الدراسة و مش عاوزة اتمرط اكثر في المواصلات و البعد و كل ده. ما كملتش 3 شهور و انقطعت و لقيت رفض قاطع من اهلي كلهم ابويا مش

دي رسالة أخت تونسية عندها مشكلات بين (الأهل وخطيبها)

الأخت ربنا يحفظها تركت الأهل جميعاً وركزت مع توجيه رسالة لأخيها لأنه بيتابعني

(بشوف ده من حسن التصرف إنها تجعل النصح في مكانه فعلاً)

الأخ على حسب قولها مقتنع بكل ما نقوله ولكن للأسف يعمل خلافه مع خطيب أخته

المشكلة دي بتقابلنا هنا في مصر كمان للأسف

تلاقي شاب يرغب إن الناس يعرضوا أخواتهم عليه (عادي) بس هو يكون عنده أخت

مبيعملش كدا في حقها لو شاف لها زوج صالح

تلاقيه عاوز يتزوج شرعي عادي ، لكن هو نفسه اللي بيزوج أخته بقايمه

← زي ما العادات الجاهلية في المجتمع لها تأثير على النساء فهي كمان طالت الشباب بشكل أو بآخر للأسف

#رسالتي_للأخ: محدش هيكون أحرص على أختك منك ، فياريت تكون صريح مع نفسك ولو عندك بعض غبار الجاهلية حاسس بسببه بتناقض حاول تنزعه عن قلبك علشان تقابل ربك بقلب سليم

اعلم أن الأهل لن ينفعوك إن وقفت في تفهم وكان الخاطب صالحًا صاحب دين قف معها ، يسر الأمر لها ، سد الخلل المتواجد في البيت قدر استطاعتك ، كن عونًا لأختك على العفة لا على الرجوع للخلف

ورينا يصلح حالكم 🌸

#تصحيح_مفاهيم_الزواج



٣٠٩ / بتخونة للأسف



دي شوية اسكرينيات من بعض المحادثات اللي الشاب قعد معايا إمبارح يفرجني عليهم

متزوج من أقل من سنة ، بنت ملتزمة جدًا في الظاهر ، معاها شهادة عالية جدًا ، بتشتغل وهو سمح لها تشتغل عادي بعد الزواج

البت حامل دلوقتي ولكن الشاب اكتشف المصيبة 😞

زوجته بتتواصل مع المناديب اللي بينزلوا بضاعة للشغل عندها 🧑

الزوج اكتشف المصيبة عالموبايل بتاعها وواجهها والزوجة انهارت ووعدته بالتوبة وبالفعل ستر عليها

بعد كام شهر البنت بقت حامل والشاب اكتشف تاني نفس المسخرة دي فجاب والدها وواجهه بالمصيبة والوالد مشكورًا قال للشباب: (ياعم وإيه يعني؟ هو إنت شفت البنت نايمه مع واحد في الحرام؟ 😞)

الشاب يقوللي: (أنا مكنتش متمالك أعصابي من الصدمة في البنت وأهلها وطردتها من البيت وأخذت الموبايل علشان اكتشف إنه مش واحد بس... دول ٥ ياشيخ... ٥ رجالة)

الناس اتدخلوا والبنت بقت تبجح والشاب دلوقتي اترفع عليه ٧ قضايا من البنت وأهلها
➡ يقوللي: (عرفت صفحتك من كام شهر ، شفت كل مواصفات بيت عجة اللي موجودة في منشوراتك في البيت اللي دخلته ، لو كنت عرفتك من بدري مكنتش اتدبست كدا بس قدر الله وما شاء فعل)

طبعا دليت الشاب دا على محامي ، وبدأت أفكر في طريقة لازم نوقف بيها نزيف ضياع الشباب مع البنات دول لأنها غالبًا هتتزوج بسهولة لو الشاب دا قعد ساكت من غير شوشرة

➡ الإسكرينيات دي كتييير جدًا مع الأخ ، دا غير القويسات اللي محتفظ بيها

وربنا يعوضه خير

[#تصحيح_مفاهيم_الزواج](#)



٣١٠/ عاوزه أتوب من الغضب

مجهول : منذ 11 ساعة

السلام عليكم. عاوزه اعرف رأيك في مشكله عندي انا غضبانه واول مرة اعرف حضرتك كان بالصدقه عن بوست الغضبانه وعرفت أنه غلط مهما كان اني اسبب بيتي ولازم احل المشكله في بيتي حتى لو وصلنا للطلاق يكون في بيتي لنهايه العده دلوقتى انا فكرت ارجع من نفسي لكن زوجي واهله هيفهمو تصرفي ان اهلى زهقو مني وهيجو عليا اكثر. واهلى نفسهم بعد اللي حكيته ليهم لما غضبت لو روحت من نفسي هيقطعونى العمر كله. اعمل ايه خاصه ان اهل زوجي بيخلقو مشاكل بيني انا وزوجي وهو بقى لما اعتب عليه ميردش أو يقول هو انا كده او ليه قاعده معايا.

حذف أظهار



دي رسالة أخت من أخواتنا غضبانه ومكنتش تعرف حكم الغضب وترك بيت الزوج... (ربنا يعافي كل أخواتنا من السقوط في هذا الأمر)

الأخت عاوزه ترجع بس خايفه من شماته أهل الزوج فيها وإنهم هيقولوا أهلها زهقوا منها وهكذا

#شوفي يا أختي : الله تعالى يقول: { قُلْ إِنْ صَلَّاتِي وَنُسُكِي وَمَحْيَايَ وَمَمَاتِي لِلَّهِ رَبِّ

أَعْلَمِينَ * لَا شَرِيكَ لَهُ وَبَدَلُكَ أَمْرٌ وَأَنَا أَوَّلُ الْمُسْلِمِينَ }

يعني المسلم في الأصل مأمور أن يكون كل عمله لله لا يراعي فيه نظر المخلوقين

لا يعمل العمل خوفاً من مخلوق ولا يعمل به إرضاءاً لمخلوق

لو قدرتي تفهمي الغاية دي هيترسخ في ذهنك إن ربنا سبحانه وتعالى هو الذي بيده

إرضاء الناس أو سخطهم عنك

متخليش الشيطان يفرح بمعصيتك ويجعل أمامك عوائق لحصول التوبة أبداً وربنا يتوب عليك

الأمر الثاني إنك لازم تتعلمي في حياتك إن العلاقة الزوجية تتكون من (زوج + زوجة)

يعني مش كل ما أهل الزوج يعملوا معاك حاجة تلحقها بالزوج

متستغريش إنه بيزهق منك في كده... (حددي العلاقة لإن أهله مش ملحقين بيه إلا في

حال إقرارهم بالغلط وبس)

لو عكسنا الموضوع وكل ما حد من أهلك يعمل حاجة ويقعد يقولك عليها أكيد هتضايقي

←ارجعي بيتك بسرعة قبل ملاقة الله بالنشوز (ربنا يعافيك)

ولو محتاجه أكلم الزوج معنديش مشكلة ، ابعتي أي خط له أكلمه وأشرحه الموضوع وربنا يتوب عليك

←{قُلْ يٰعِبَادِىَ الَّذِينَ أَسْرَفُوا عَلَىٰ أَنْفُسِهِمْ لَا تَقْنَطُوا مِن رَّحْمَةِ اللَّهِ إِنَّ اللَّهَ يَغْفِرُ الذُّنُوبَ جَمِيعًا إِنَّهُ هُوَ الْغَفُورُ الرَّحِيمُ }[سُورَةُ الزُّمَرِ: ٥٣]

#تصحيح_مفاهيم_الزواج



٣١١/صفة البخل في حمايا

👉 لا بالعكس... صفة البخل في حماك
مممكن تكون في صالحك... بس ركز
معايا 👉

١/إحتمالية نقل الصفة دي للمخطوبة
إحتمالية واردة جدًا ، وعلشان كذا لازم
تتأكد منها في الخطوبة من خلال تقديم
واجب الضيافة من الأم (إحتمال صفة
البخل تكون نابعة من الأم في الأساس
(هتلاحظ البنت راضيه أو مستاءة من
التصرفات دي ولو حتى بتعابير الوجه

٢/هتسأل أسئلة مباشرة للبنت : (لما حد ييجي يزورنا هنقدمله إيه ؟)

(طب لو مفيش عندنا شئ نضايغه بيه ؟)

مجهول : منذ 57 دقيقة

قرأت ازاي تدرس خطيبتك يا شيخ
وملقتش فيها ذكر للموضوع ده
فافتترضت أن مفهوش مشكلة بس حبيت
اسئلك .. هل لو والد البنت اتضح ليا أنه
بخيل جدا وده واضح في أمور كتير هل
ده سبب أن الواحد يهرب .. مش واضح ليا
إذا كانت البنت فيها نفس الصفة ولا لأ
انا احسبها على خير

أظهر



0 | 👍



(طب لو واحد زارنا من غير إستئذان [مفاجئ يعني] موقفك منه إيه؟)

هتفهم كل شئ من خلال الأسئلة دي

٣/ وجود صفة الكرم في بيتك هيخلي خطيبتك بعد الزواج تتمسك أكثر بالبيت (ملأاً من بيت والدها)

صفة الكرم بتعمل صدمة عند البنت اللي طالعه من بيت زي ده

٤/ بعض النساء بينسوا الوضع عند الوالد بعد الزواج ، ساعة المشكلات هتكلمك عن عيشتها اللي كانت في المالديف وخروجاتها والعز اللي كانت فيه..(اوعى تعايرها أو تبكتها...متاخذش على كلام النسوان خالص) علشان دا هيعمل لديها شعورا عكسياً تجاهك...(الرجل لا يتكلم بل تكفيه الأفعال)

٥/ ساعة الغضب لما الشيطان يهفها في عقلها الصفة دي هتكون عامل مساعد لك علشان ترجع

سببها خالص تعيش هناك واوعى تبعت مصروفات...(الحاج حريص والست حريصة هيعيطوا من مصاريف بنتهم).. سببها خالص تشوف الوضع اللي كانت فيه ونسيته
٦/ اوعى في يوم تقول لها لو اختلفتوا على مصروفات: (عيشي عيشة أهلك) أو (أنا معيشك في وضع مكنتيش تحلمي بيه)

عيب تتكلم في ده...ساعة المشكلات الكلام دا هيكوّن للوالد قدام رجالة مش للبنت أبداً [دا لو وصلنا للمرحلة دي أصلاً]

٧/ عياللك لما يروحوا لجدهم بلاش تحوجهم يطلبوا منه حاجة...دا راجل بخيل وهيكون له رد فعل مضاد وسئ...هيحاول يطلع من زنقته بكلام عيب ممكن يدخل دماغ البنت فتتهف في عقلها وتفكر العيب منك..(إنت بتعامل مع واحدة ست عقلها محدود فبلاش عاطفة تدينها تفكرك إن عقلها كبير)

٨/ اوعى تفرط عليها في الكرم علشان تعوضها فيوصل بيك الموضوع لإثبات وضع مش هو كل أحوالك .. (عوّدها إن يوم فيه ويوم مفيش عادي)

لو الرزق ضاق بيك وإنت معودها على وتيرة واحدة من الإنفاق البيت هيفسد منك ومش هتقدر ترجعه تاني

لو خليت بالك من دا كله البنت دي هتكون كويسة جدًا وربنا يحفظها لك

#تصحيح مفاهيم الزواج



٣١٢/ليه نصحته يقعدني من شغلي ؟

إمبارح لقيت أخت جايه ليا المطحن وبتقوللي

-حضرتك الشيخ أحمد ؟

=أيوا يا أختي.. اتفضللي

-أنا زوجي جه لك من فترة وسألك وقالك زوجتي عصبية ، فاكتر إنت قتلته إيه ؟

=انتي عارفه كام واحد بيجيلي كل يوم ؟ هفتكر زوجك منين طيب ، طب قوليلي كدا

ملايسات الموضوع يمكن أفكر

-زوجي قالك إن زوجته عصبية وحضرتك أول سؤال قتلته: (زوجتك موظفة ؟)

ولما عرفت إني بشتغل نصحته يقعدني من شغلي

=طيب يا أختي وفيين المشكلة ؟

-مش المفروض تطلب تسمعني يا شيخ ؟ وللا تقول له النصيحة من غير ما تسمعني ؟

=وهو أنا محتاج أسمعك في إيه ؟ هو لما أعالج شئ خاص برجولته لزمته إيه في

الموضوع ؟ هل لو قلتيلي مشكلة ولقيت المشكلة عندك ونصحتك محتاج أسمع

لزوجك ؟..طب ما الغلط مش عنده في الأساس

-مش فاهمه 😞!

=لو تتخيلي إني بعد يوم عمل طويل أرجع بيتي علشان ألاقي زوجتي سايبه الصحن

والغسيل ليا.. هل دا يكون صح ؟

-لأ طبعًا

=تمام...يبقى أنا ليا عمل الخارج وزوجتي لها عمل الداخل ، ولما زوجتي هتسيب ليا عمل الداخل مع عمل الخارج المنظومة أكيد هتبوظ ، حضرتك ياست الكل شايله (عمل داخل + عمل خارج) وكان طبعي تتعصبي وتبقى مش في حالتك الطبيعية علشان ربنا خلقك لشئ انتي خالفتي فيه فطرتك ..احترمي ضعفك واتعاملي معاه -بس زوجي حاطط عليا من ساعة ما قعد معاك وقاعد يقوللي الشيخ قاللي قعدها من الشغل

=طب ما تقعدي ياأختي وتسمعي كلام زوجك
-أصل زوجي بخيل ، مبصرفش عليا ولا عالعال
=اتزوجتي ليه من واحد بخيل ياأختي ؟ مظهرش معاكي في فترة الخطوبة ؟ مكنش باين نوعية الزيارة اللي بيدخل بيها عليكوا مع حالته المادية ؟ معرفتيش الصفة دي من الكلام ؟

-لا والله ياشيخ ، اكتشفت دا بعد الزواج
=طب ليه مكلمة معاه ؟ انتي شايفه دي حاجة كويسة إنك تعيشي مع واحد تصرفي انتي عليه ؟

-ما هو ياشيخ لو كل واحدة اتطلقت علشان حاجة زي دي كل البلد هتكون مطلقات
=طب وانتي دلوقتي وضعك إيه ؟ انتي كدا متزوجة ؟
-هو طلقني غيايبي أصلاً 😞

#واخدين بالكوا_من_حاجة!

١/بعض النساء عندهن هاجس بيقول: (لازم أسمع كل شئ من الطرفين)
في حالة زي دي مكنتش محتاج أسمع شئ من الزوجة علشان أحط على الزوج أيوا....(أحط على الزوج)
الراجل اللي يسمح لزوجته تشتغل علشان تكفي نفسها ومصاريفها مش راجل ، مش محتاج أسمع من الزوجة في شئ خاص برجولة واحد وحفاظه على بيته

٢/أخت زي دي أخت طيبة ، الخروج أرهقها جدًا ، مش مستوعبة سبب إرهاقها وعصبيتها...منظومة الست اللي بـ ١٠٠ راجل دي منظومة غلط في المجتمع (الست مينفعش تكون راجل والراجل مينفعش يكون ست)

٣/الأخ ييسأل عن العصبية وهو مش حاطط إيده عالمشكلة الرئيسية...المسكينة مكلفة بكل شئ (بتقوم بمهام الزوج ومطالبة في نفس الوقت تقوم بمهامها كزوجة)

احترموا أنوثتكم كنساء وقدروا الخصائص اللي ربنا خلقها فيكم

٤/بعض النساء يفتكروا إني لما أنصح الرجالة بشئ هما مش واخدين بالهم منه إني كدا منحاز للرجال ، بالعكس والله ، دا كل دا كان لمصلحة الأخت من البداية علشان أحافظ على بيتها

خروجها وإرهاقها يوميًا كان السبب الرئيسي في وصول وضعها لكده ، لو كانت لجأت لحل شرعي من البداية كانت لقت الحل حتى لو كان بالطلاق عادي (ما هو حل شرعي برضو لجأ الزوج له في النهاية واتحسب على الزوجة)

[#تصحيح مفاهيم الزواج](#)



٣١٣/أمك هي السبب

👉شاب محترم جه قعد معايا يحكي لي عن مشروع زواجه وياخد النصيحة في مواصفات

الزوجة المستقبلية ويخبرني عن توجهه بسبب زواج أخته فقال لي 👉

-بدأت أقلق من الزواج بعد اللي حصل لأختي ياشيخ

=وهي أختك حصلها إيه ؟

-بعد ٦ شهور من الزواج هتطلق أهيه ، تقريبًا مسألناش على زوجها كويس

=ربنا يعوضها خير ، عالموم مش مقياس والمفترض تتعلموا من أخطائكم

-الله المستعان ، ربنا يعوضها ويعوض أختي الثانية برضو خير

=هي أختك الثانية مالها هي كمان؟ 😞

-غضبانه مع زوجها وقاعده عندنا بقالها فترة كبيرة ، الواد طلع مش محترم ويعاملها وحش

=أبوك أخباره إيه ؟

-أبويا راجل طيب جدًا ربنا يصبره على الإبتلاءات دي

=أمك اللي ماسكه البيت ، صح ؟

[الشاب بصلي بدهشة كبيرة وهز راسه وابتسم ، فقلته]

=أمك ياابني بسبب طيابة أبوك هي اللي ماسكه البيت ، صح ؟

-الحقيقة آه ياشيخ

=إخواتك البنات ورثوا منها ال(سيطرة) ولما اتزوجوا كل واحدة عاوزة تطبق نموذج بيت والدك بس اتصدمت بشاب فاهم معنى القوامه ، إنت متخيل العيب في الأزواج ؟

-كلام سليم والله ياشيخنا ، طب أنا دوري إيه ؟

=دورك لو عاوز نصيحتي لما تتزوج تحاول تفصل زوجتك عن ال(٣) قدر المستطاع...[أمك + ٢ إخوات]

لو ربنا رزقك بزوجة مطيعة إخواتك مش هيخلوا حياتها معاك تستمر

-يعني أعمل إيه؟

=اوعى تقعد في بيت عيلة ، بيت العيلة عندك هيكون فيه ٢ مطلقات لو اتلموا على

زوجتك ونقلوا تجاربهم هيخبوها عليك ، ولو زوجتك عاشرتهم كثير وشافت تصرفات

والدك وقارنتها بيك وإنت عارف يعني إيه قوامه هتحسك شديد ، الست متعرفش تميز

الصح من الغلط ولازم لها من توجيه ، شايف التوجيه هيكون كام قصاد كام ؟

-والله عندك حق ياشيخ ، جزاك الله خيرًا

[#تصحيح_مفاهيم_الزواج](#)



تصحيح مفاهيم الزواج

أحمد الأهواني
الجزء الثالث

٣١٤ / قصة التدثر

#قصة_التدثر 🗨️



👉 تغلغت النسوية في كل مفاصل المجتمع ، واستترت نسوية البعض من النساء بلباس محتشم يُخفي ما وراءه من كارثة ، ولتوضيح كيف تدثرت النسوية تحت هذا اللباس كان لا بد من هذا اللقاء ✨
-السلام عليكم ورحمة الله وبركاته ،
إزيك ياشيخ أحمد

=وعليكم السلام ورحمة الله وبركاته ، الله يسلمك يامصطفى ، خير ياغالي كنت عاوزني في إيه ؟

-تابعت حوارات لك وإنت بتحذرنا من المتدثرات ياشيخ وبتقول محدش يتزوج منهن ، لحد دلوقتي مش فاهم إيه السبب في ده ، واتصدمت أكثر لما لقيت نفس الهيئة اللي كلنا بندور عليها موجودة هناك

=شوف يامصطفى ، النبي ﷺ لما دعا الناس للإسلام اهتم في البداية بزرع العقيدة الصحيحة في القلوب ، ودا كان لازم علشان ينتزع كل أثر من آثار الجاهلية اللي هيأثر بعد كدا على التسليم لأوامر الله وهيخلي الناس يقولوا سمعنا وعصينا بدلاً من سمعنا وأطعنا ، وكان في كل وقت ومع مرور الأحداث يوضح شبهات الكفر والجاهلية للناس علشان الصحابة ميقعوش فيها وتأثر على تسليمهم ، ولما قعد في مكة ١٣ سنة كل

همه يعلمهم ده ويغرس في قلوبهم العقيدة الصحيحة قدر يطلع جيل ميهتز بالشبهات دي ويكون كل اللي في قلوبهم الإسلام وفقط

-طب إيه علاقة دا بموضوعنا ؟

=ما هو دا أساس الموضوع يادرش ، لإن الجاهلية مترسخة في القلوب من زمان ففيه بعض الناس مقدروش ينظفوا رواسب جاهليتهم ، وبقت الأحداث في كل موقف محتاج الإسلام لأمر لله بنلاقيهم اتفضحوا واتعروا قدام نفسهم وظهرت طائفة المنافقين اللي القرآن ياما اتكلم عنهم ، شوف ربنا بيقول إيه : (فِي قُلُوبِهِمْ مَّرَضٌ) يعني أمراض الجاهلية لسه موجودة في القلوب للأسف ، النسوية بقى في مجتمعنا هي اللي بتقوم بدور الجاهلية دي واللي مش هتقدر تخلص نفسها من رواسبها هتعيش دور المنافقين اللي كانوا على عهد النبي ﷺ ، يصلوا مع الصحابة ويتصدقوا ويذكروا ربنا والهيئة هي هي ولكن رواسب الجاهلية ماله القلب ❤️

-يعني تقصد تقول إن المتدثرة دي هي اللي بتقوم بدور المنافقين اللي كانوا على عهد النبي ﷺ ياشيخ ؟

=شوف يامصطفى ، مفهوم ال[تَدَثَّر] أي المتخفي في ثوب يُعْمِي حقيقته عن الناس ، المتدثرات اللي بتكلم عنهم دول أخذوا المظهر الخارجي للإسلام ولكن القلوب مليئة بتعاليم النسوية ، ترتدي في الظاهر حجاباً شرعياً [نفس ما كان عليه المنافقين من حُسن سَمَت وهيئة] ولكن في الداخل خراب

-طب ياشيخ والنسوية دي هتيجي منين لقلب واحدة ملتزمة كدا بحجاب شرعي ؟

=النسوية متغلغلة في كل مفاصل المجتمع يامصطفى منذ الصغر ، النسوية متغلغلة في مناهج التعليم ، متغلغلة في أفكار الجيل المُربي ، متغلغلة في الأفلام والمسلسلات وكل شئ ، النسوية يامصطفى بقت دلوقتي بيتعمللها قوانين علشان تفرضها على المسلمين كأمر واقع لا مفر منه

-طب وتفتكر ياشيخ إيه اللي يخلي مسلمة ترفض تعليمات النسوية دي ومسلمة تانيه تقبلها ؟

=العقيدة يامصطفى ، فين دور العقيدة في حياة المسلمات ؟...فين تعلم الإسلام لأمر الله ورسوله دلوقتي في مناهج التعليم ؟...عمرك شفت منهج بيعلم المسلمات دورهم الرئيسي في الأمة وللاكل المناهج بتناقش إزاي يحققوا ذاتهم بالخروج والإختلاط وبيئة العمل ؟

المسلمة من وهي طفلة صغيرة بيعلموها تكون زي هدى شعراوي وصفية زغلول وبيكبروا في دماغها أفكار قاسم أمين ، عاوزها تطلع فاهمه غايتها اللي ربنا خلقها لها إزاي وتربي للأمة جيل ؟

-فعلاً ياشيخ ، دا إحنا كمان بقينا نلاقي مسلمة تجادل في نصوص الطاعة والقوامة ومتأثرات بالفكر النسوي في ده ، بس ياشيخ إزاي نعرف المتدثرات ؟..يعني إحنا نعرف إن النبي ﷺ كان بيعرف المنافقين من لحن قولهم (وَلَتَعْرِفَنَّهُمْ فِي لَحْنِ الْقَوْلِ) ودا شئ مش متوفر لأي حد

=رأس مال المتدثرة يامصطفى التشدق بالعلم الشرعي ، هتلاقي الطائفة دي دايمًا اتعلمت العلم علشان تكتب على صفحتها إجازاتها وشهاداتها والمتون اللي حفظتها ، هتلاقيها مهتمة جدًا بده مع حرص شديد على الدعوة لكده

-طب وفين المشكلة ياشيخ ؟ الموضوع دا مش شايف فيه أدنى شئ =أحد السلف يقول: (العلم ثلاثة أشبار ، مَنْ دَخَلَ فِي الشَّيْرِ الْأَوَّلِ تَكَبَّرَ، وَمَنْ دَخَلَ فِي الشَّيْرِ الثَّانِي تَوَاضَعَ، وَمَنْ دَخَلَ فِي الشَّيْرِ الثَّالِثِ عَلِمَ أَنَّهُ لَا يَعْلَمُ)

وعلشان كذا كان علمائنا يحذروننا من (أبا شبر) ، ودا اللي أخذ الشبر الأول من العلم وبدأ يتعالى به على الناس ، والسبب إنه جاهل ميعرفش إن العلم بحرّه عميق -جاهل إزاي ياشيخ دا كتير منهم بيكونوا حاصلات على إجازات كتير أوي

=دليل جهلهم يامصطفى إنهم إلى الآن مش عارفين غاية العلم الشرعي للمسلمة ، المرأة كل حياتها وتعليمها بيكون لأجل الوصول للجنة ، وعمرك ما هتلاقي واحدة هدفها الوصول للجنة تجادللك في قوامة راجل هو أساسًا (جنتها ونارها)

هو دا أساس القضية اللي غُيبت عن المتدثرات

-ولكن ياشيخنا هما بيتكلموا في الطاعة وبيحاربوا النسويات على طول الخط

=أكيد ، ولكن أفعالهم بتفضحهم وتكشفهم دائماً ، وفي كل موقف يصطدم مع أهوائهن
اللي النسوية ربتها جواهرم هتلاقيهم بيعترضوا ويبجادلوا بنصوص الدين
-تقصد مثلاً زي التعدد ؟

=مش التعدد بس ، إنت هتلاقيهم لما يتزوجوا ويلاقوا نفسهم ملهمش في شغل البيت
بسبب إنهم مشافوش بيوت أصلاً زي غالب الجيل بتاعهم اللي اترى في شارع الدروس
والسكاشن قبل ما يلتزموا قاعدين يكلموك في أحكام خدمة الزوجة لزوجها بين الوجوب
والإستحباب ، ولما تلاقيها مقصرة في حقوق الفراش بسبب ضياع عمرها في الإختلاط
اللي أورثها البرود وغياب الفطرة هتلاقيها بتكلمك عن مراعاة نفسية الزوجة وكيفية الرفق
بالقوارير وهتستمتع بكل القضايا الخلافية منها 🧑

والمصيبة الكبيرة لما تحب تعدد هتلاقيها راكبه جواد حزب النور وتكلمك عن
المصلحة المتحققة من زواجك والمفسدة المترتبة على نفسيته 🧑
وهتفاجئ بأجمل أغنية بيرددوها على ألحان النواشر وتقولك: (شرع الله ولكن لا أطيعه)
مهم جداً تلحق شرع الله بكل كفر تنطقه علشان التدثر بيتطلب كدا
-اممم... 🧑..دا الموضوع كبير

=والأكبر منه بقى مشهد المتدثرة ساعة المشكلات

-ماله ياشيخ ؟

=هتلاقي حقيقتها بتظهر على خلاف الفطرة الطبيعية اللي ربنا سبحانه وتعالى فطر النساء
عليها ، قال تعالى { أَوْ مَن يُنَشِّئُ فِي الْحِلْيَةِ وَهُوَ فِي الْخِصَامِ غَيْرُ مُبِينٍ □ } [سورة
الزُّخْرَفِ: ١٨]

يقول ابن كثير رحمه الله في تفسيره لهذه الآية: (الْمَرْأَةُ نَاقِصَةٌ يَكْمُلُ نَقْصُهَا بِلُبْسِ الْحُلِيِّ
مُنْذُ تَكُونُ طِفْلَةً، وَإِذَا خَاصَمَتْ فَلَا عِبَارَةَ لَهَا، بَلْ هِيَ عَاجِزَةٌ عِيَّةٌ)

لما تلاقي واحدة في المشكلات بقى قاعده مركزة كدا وتتكلم بنصوص الشريعة بكل
فصاحة ولا ابن تيمية في زمانه فدي متدثرة ، واخدة العلم الشرعي وسيلة فقط للظهور
والدفاع ، لكن من داخلها منعمة الفطرة زيها زي أي نسوية تاركة منهج الله

-طب ياشيخ مفيش كدا علامة ظاهرة نعرفهم بيها ؟

=فيه علامات كثير يامصطفى ، أول العلامات دي الجدل ، هتلاقيها كثيرة الجدل بنصوص الشرع ، ولإن النساء مهما وصلن من علم شرعي هيفضلوا في مرحلة (أبا شبر) للأسف هتلاقي جدالها عقيم ، جدال لأجل الجدل فحسب بسبب ضعف عقلها أمام تعلم أحكام الشرع من مَظَانَّه الرئيسية ، واللي هتنقذ نفسها من الجدل أو تستتر بستار ثاني هتلاقيها واحده قضية من القضايا الكبيرة (اللي في الغالب النساء مبيتكلموش فيها) وبتصدر لها

-زي إيه ياشيخنا ؟

=زي قضية الحاكمية مثلاً ، هتلاقي فرق من النساء قاعدين يتكلموا فيها ويقاطعوا بعض بسببها ، وهتلاقي لهن شيخات كل فريق متبع الشيخة بتاعته ، عارف يامصطفى ؟
-عارف إيه ياشيخنا ؟

=نفس اللي بتكلمك في القضايا الكبرى دي متعرفش تدخل المطبخ وهتلاقيها منتنة في بيتها

-أنا فاكرا ياشيخ لما قتلنا عن الست المتدثرة اللي رفضت زوجها يعدد علشان مينفعش تجتمع مع واحدة متعرفش الحاكمية مطبوط 🤖

=أي حجة وخلص تعترض بيها على شرع الله لما يصطدم بالنسوية ، المنهج واحد ولكن الاعتراضات مختلفة

-طيب ياشيخ ، هل التدثر دا برضو موجود في الرجال ؟

=أكيد ، تعاليم العلمنة والماسونية لم تترك فصيلاً إلا وتوغلت فيه ، دخلت للنساء بالنسوية وللرجال أيضاً ، عاوز إيه أكثر من واحد قاعد يدعي حب الشرع وعاوز يتزوج مثلاً على الشرع علشان فقط ميكتبش قايمة ؟!... وكل حياته بعيدة عن شرع الله أصلاً
قال تعالى: (يَا أَيُّهَا الَّذِينَ ءَامَنُوا اذْخُلُوا فِي السِّلْمِ كَآفَّةً)

أي ادخلوا في الإسلام جميعه ، فلما تلاقي واحد بياخد بعض النصوص ويترك بعضها دا برضو متدثر بزى الشرع

-يعني تنصح المسلمين برضو يعملوا إيه مع المتدثر ياشيخ ؟

=لو أخت مسلمة اكتشفت شابًا متدثرًا مينفعش تكمل كلام معاه أصلاً... لازم تفر بدينها
دا واحد هيتسلم القوامة عليها ، ولو واحد اكتشف نفسه عايش مع متدثرة يلحق يفر
بدينه بعد ما يدعوها إلى الإسلام الصحيح اللي هو الإسلام لأوامر الله بلا جدال ولا
مراء ، وربنا ينجي إخواننا وأخواتنا من النفاق ❀

#تصحيح مفاهيم الزواج



تصحيح مفاهيم الزواج أحمد الأهواني الجزء الثالث

٣١٥/ حكم رفض الزوجة للتعدد

❀ دا كان تعليق من أخت من أخواتنا (ربنا
يحفظهن)

غالبًا زي ما بتقول أرسلت على صراحة بس
ملقتش رد... (ودا من تقصيري فعلاً بسبب
كثرة الرسائل _ ربنا يعفو عني ويقدرني أرد
على الجميع)

الرسالة فيها عدة نقاط

١/ الأخت بتستفسر ما إذا كان رفض

الزوجة للتعدد يعد من الكفر ؟

أعرف أن تعليقات النساء ممنوعة، ولكنك لا
ترد على الصراحة على أية حال
أولاً: هل رفض المرأة التعدد كفر؟ ولا يقل لي
أحد إنه اعتراض على شرع الله إلخ.. فهناك
فرق بين كره التشريع نفسه أو كره الشيء
واستثقاله
وإن كانت الإجابة لا فإذا لماذا تقول "مهم جداً
تلحق شرع الله بكل كفر تنطقه، التدثر
بيطلب كده"
ثانياً: لماذا مهما وصلت النساء من علم
سببهم في مرحلة (أبا شير)؟ ولماذا أنت دائم
التسفيه في النساء والتحقيق منهن ونعتهم
بضعفاء العقل؟ ولا تقل لي حديث الرسول
ﷺ: (ما رأيت من ناقصات عقل ودين أغلب
للب الرجل الحازم من إحداهن فقليل: يا
رسول الله، ما نقصان عقلها؟ قال: أليست
شهادة المرأة بشهادة رجل؟) فالرسول قد
أوضح المعنى بعدها بالفعل فلا تستخدموه
في غير معناه

علشان نجيب على سؤال زي ده لابد نزل للواقع بس ونشوف الحاصل.. أنا لما بتكلم
عن النسويات والمنهج النسوي لا بد نضع الألفاظ اللي بستخدمها مع هؤلاء المجرمات
في نصابها... فالنسوية أصلاً بتعتقد عقيدة تنص على الكفر بكل وضوح... اللي بترفض
التعدد من النسويات مش بترفضه علشان عامل الـ [غيرة] المحمودة الموجودة عند أي
أنثى ، دول بيرفضوه لكونه تشريعاً ودليل كده إنها بتستخدم آليات لاحقه لرفضه كنتيجة

له زي الطلاق للضرر بمجرد سماع الخبر أو تشييع الموضوع وقد يصل البعض بالإعتراض على الشرع صراحة بقولهن: (ليه يارب عملت فينا كذا؟) وعلشان نفهم موقف المسلمة من التعدد نرجع لأمهات المؤمنين اللي كانوا بيغاروا على النبي صلى الله عليه وسلم بس مفيش واحدة منهن رفضت الشرع ولا قعدت تجادله فيه.. هل النسوية بتعمل ده؟... وهل اللي بتعمله ينفع ندخله في إطار الصغائر أو الكبائر؟

وهل الموضوع يقتصر على تعدد زوجها وللا الموضوع يبدأ معاها من الصغر أول ما تسمع الكلمة حتى لو كان لصويحباتها أو قريباتها؟

٢/ الملاحظة بتاعة (أبا شبر) محتاجه من الأخت تبعتلي على صراحة اسم عالمة من علماء عصرنا تخطت مرحلة أبا شبر موجودة ندل الأخوات عليها ، أو واحدة من المتدثرات اللي بتكلم عنهن تخطت هذه المرتبة (عاوزين الكلام يكون عملي)

٣/ لماذا نسفه من النساء؟

هل أنا أسفه من النساء؟ 😞

الإستدلال الدائم بحديث النبي صلى الله عليه وسلم اللي بيظهر واقع وضع له النبي سبباً ، دا معناه إن النساء مش كده في العموم؟

عاوز أفهم حاجة بس.. اللي ممكن تأخذينه عليا إني أردد كلام النبي صلى الله عليه وسلم وأنصح الشباب بظلم المرأة ، (العكس هو اللي بيحصل)

المرأة لما تعتقد إنها ناقصة عقل ودين فهذا يجعلنا نخفف عنها الأعباء وننصح غيرنا بالشفقة عليهن

هل تتخيلي ياأختي إني من ١٣ سنة زواج مسمعتش زوجتي بتسألني عن الحديث ده ..؟ مش شاغله بالها زيكوا كذا ، كل ما في الأمر إن لو حصل سوء تفاهم بيننا وابدأ

اتعصب تقوللي: (اصبر عليا ياأبو زياد وفهمني بالراحة إحنا ناقصات عقل) 🤦

شايفين الست لما بتنصاع لأمر الله وتوظف إمكانياتها في حدود ما أنزل الله بتوصل لرضا الزوج إزاي؟

ليه شاغلين نفسكوا بأزواجكم اللي هيعددوا وللا الحديث الي بيخبركوا بإمكانيات عقولكم ؟.. ما تعملوا الي عليكم وخلاص علشان تعيشوا سعداء 🌟

#تصحيح مفاهيم الزواج



٣١٦ / الزوجة لها إيه وعليها إيه ؟



الرسالة دي فيها كام تعليق مهم جدًا نعدي



عليهم 📌

١/ الزوجة : كويسة جدًا

٢/ الزوجة : مقصرة في حق أهل الزوج

(أوجه التقصير 📌)

أ/ زيارتها لأهل الزوج من الدرجة الأولى :

ساعة فقط في الأسبوع

ب/ زيارتها لأهل الزوج من الدرجة الثانية :

في المناسبات فقط

ج/ تواجدها في البيت حال زيارة الأقارب :

لا تتواجد لضيافتهم

د/ الإستئذان عند الخروج من البيت : من الزوج فقط

#تعالوا كدا_نحلل_الرسالة : الأخ ده تزوج من زوجة صالحة ومطبعة ، صلاحها أجبره

على حبها [غالبًا]

المشكلة كلها خارجية.. تتلخص في تعاملاتها مع الأهل

(صلوا على رسول الله وركزوا معا)

مجهول : منذ 1 يوم

ما العمل مع زوجة كويسة جدا معي وبحبها لكن مقصرة جدا في حق اهلي انا ما بطلبش منها عيشتها تبقى معاهم لكن فيه أصول يعني ما بتراضش تروح لابويا وامي غير ساعه فقط في الأسبوع وعماتي واخواتي وخالاتي لو فيه مناسبة فقط ولو حد جالنا منهم يقضي معانا يوم مثلا تسبب البيت وتقولي هروح اقضي اليوم مع اهلي لحد ما يمشوا لازم اللي يبجي يقعد ضيف نص ساعة أو ساعه ويمشي برضه لما تيجي خارجه بتبقى مستأذنه مني لكن بقولها وانتي نازلة قوليلهم فقط من باب الاحترام يا ماما انا خارجه عايزة حاجه تقولي لا مستحيل اعمل ايه معاهم

حذف أظهار

الزوج ده عايش حياة سعيدة سعادة وقتية ، السعادة دي مش هتدوم طول ما هو باصص
برا الصندوق

بيتك هو الصندوق اللي لازم تقفله على نفسك علشان تقدر تفهم دماغ زوجتك
زوجتك بكلامك قليلة الزيارات للأهل ودا في حد ذاته مش عيب ولا فيه
مشكلة... (عادي جدًا تكون من حابه الإختلاط بيهم)

مش بالضرورة برضو أهلك يكونوا بيتعاملوا معاها معاملة كويسة.. وحتى لو بيتعاملوا
معاملة كويسة وهي مش متقبلة معاملتهم فعادي... (اتنين مش متفقين مع بعض مش
بالضرورة يكونوا وحشين... ممكن يكونوا كويسين جدًا بس مبيرتاحوش مع بعض)
المهم تركز مع تربيتها لعيالك.. (متحببهم في أهلك وللا هتطلع مجرمة وتكرهم فيهم)
مشكلة الزوجة في عدم فهم واجب الضيافة

دي مشكلة خطيرة لازم تعلمهاها برضو... لما يبجي الضيف عندنا نستقبله حتى لو مش
مرتاحين معاها ، دا واجب خارج اللي بنتكلم فيه

👉 شوف بقى عزيزي الزوج: الزوجة لها طرف واحد بس تاخذ الإذن منه... (إنت وبس)
مش لازم كل ما واحد يتزوج يخلي زوجته علشان خارجه تقعد تلف على العيلة كلها ،
مش لازم الكل يعرف إنت بتروح فين ولا زوجتك بتخرج فين

احتفظوا بالخصوصية شوية يا جماعة وبلاش تلزموا الزوجات بالي مش هيقدرُوا يستوعبوه
إمكانيات عقل المرأة ضعيفة ، علشان تفهمك في بداية الزواج وتعود على طابعك لازم
تجبرها تركز معاك إنت لوحدهك متشتت تفكيرها بكل الأطراف دي

ومتنساش في كل ده... (النسوان مبيسلكوش لبعض) واللي إنت شايفها ملاك من أهلك
معاك مش بالضرورة تكون كدا مع زوجتك... (الأدوار تختلف ، وكيد النساء الرجالة
مبيأخدوش بالهم منه)

[#تصحيح_مفاهيم_الزواج](#)



٣١٧/ليه مش عاوزه أهله ؟

لما قعدنا في المجلس اللي كان بين الزوج وزوجته وبعد حوارات كتير قدرنا نفهم سبب حجب الزوجة نفسها عن أهله

بتحاول تتعامل بس بتجنبهم في مواقف كتير

الزوجة نحسبها على خير ، ذات دين ، مطيعة لزوجها جدًا ، الزوج مش قادر يمسك سبب ظاهر لحجب نفسها عنهم

بعد كلام وحوارات بفضل اللي الزوجة حكّلتلي بالتفصيل

أهل الزوج ناس ريفيين ، بالرغم من انتقال الزوج للمدينة إلا إن زيارات خالاته من الحين للآخر كانت بتقلب الدنيا في البيت

الزوج في شغله طوال النهار والزوجة مع حماتها عادي ، تيجي خالته [اللي مش مستوعبه إن ربنا يكرمه بعيدًا عن اختياراتها اللي كانت في البلد] وتقعّد بكل أريحية تقول قدام الزوجة: (عندنا في البلد ياأختي البنات بيعجيو ٣٠٠٠ طقم سرير و ٧٠٠٠ فوطه ، وعيب أوي بقى البنت متجيش حاجات لحماتها وهي داخله البيت 😊)

طبعا الزوجة اللي لسه داخله البيت جديد ممكن تكون مجبتش حاجة أساسًا لإنها متزوجة شرعي ، وللأسف الشديد تبدأ حماتها تعوم على عوم الخالة الحيزبونة اللي داخله تخرب البيت..(التخيب دلوقتي هيكون م نصيب الأم)

ناهيك عن مجالس الغيبة اللي لو زوجتك عاوزة تكمل معاهم لازم تسايرهم فيها دا غير خروجات الأم اللي عاوزة فيها زوجة ابنها تكون معاها علشان تتباهى باختيار المحروس ابنها وتقعق مرارة سلايفها..(الزوجة غالبًا في البيت ده أول الزواج هتكون أداة لتحقيق الرغبات النفسية المتطلعة لأم الزوج)

فيه زوجة بتقبل تعيش دور النفاق ده وتتنازل عن بعض ثوابتها..(ودي بتكون ركن رئيسي في البيت ، هتحتفظ بوش القفص في كل المشاهد)
وزوجة تانيه بترفض تكمل المهزلة دي وتعمل مشاكل.. (خاصة لو خارجه من بيت شبعان والماديات آخر حاجة تفكر فيها)
وزوجة ثالثة عمرها ما تسايرهم في الغلط برضو ويتاخذ جنب وتكون خايفه تبلغ زوجها بده علشان هيتهمها بشتى الاتهامات

👉أخذت الزوج على جنب وبدأت أنصحه بالآتي 👇

١/ كان المفترض قبل ما تتزوج تعرف إنك بتزوج لنفسك وبس مش لعلتك كلها
٢/ ربنا كلفك وقاية أهلك من النار ، لو سمحت لزوجتك بالخلطة دي هتكون حققت أمر ربك ده ؟

٣/ نصوص بر الأم دي نزلت في الأساس علشانك إنت ، لو مش عارف تحققها وهتاخذ من زوجتك كوبري لتحقيق الأوامر المنوطة بيك مش هتسلم من عقوبة ربنا لو زوجتك فسدت

٤/ وضعك حرج في كل الأوقات ، لو هتحافظ على تدين زوجتك وتحاول تحجبها عنهم هيقولوا عليك (بيمشي بكلام مراته) ، ولو هتسيب زوجتك معاهم كده هتتفاجئ بيها واحدة منافقة هتتعلم تمثل حتى عليك وهيكون وضعك حرج جداً قدام ربنا
الحل...متراعيش نظر الناس وانتبه لتأسيس بيتك واعزل زوجتك عن الوسط ده واحتفظ بالبر من غير ما تدخلها وسط المعادلة

👈الحمد لله قدرنا نحافظ عالييت والزوج قدر يستوعب الوضع ، وفهم إن من أهداف الزواج تحقيق السكينة بعيداً عن تطلعات وأفكار المجتمع اللي حواليه

👉بتعجب بقى لما أكون شايف شاب دخل بيت يتزوج شرعي وملقاش معارضة من أهل زوجته أد ما لقي معارضة من أهله نفسهم ، منتظر يعملوا إيه مع المسكينة!😭

[#خليك_راجل_وحافظ_على_بيتك](#)

[#متدخلش_حد_بينك_وبين_زوجتك](#)

[#تصحيح_مفاهيم_الزواج](#)



بمناسبة الشباب اللي حملات العلمانية قدرت تهزمهم وتوقف نسلهم ورفعوا شعار :
(مش متزوجين)

بل بدأوا ينصحوا غيرهم بنفس الخيبة الثقيلة دي
فيه شاب مقرب مني جدًا من حوالي سنة كان بيقراً اليوميات ومش مصدق كمية
المشكلات اللي بتكلم عنها في الزواج ، وبسبب كذا راح محكمة الأسرة يشوف الوضع
والحمد لله رجع من هناك متعقد 🤔

قعدت معاه وفهمته يتزوج إزاي ، وبعد ما كلمته في اللي بقوله دخل بيت أو بيتين
ومحصلش توفيق

فهمته إن دا عادي وإن ربنا سبحانه وتعالى كتب له رزقه في اللوح المحفوظ ومفيش
داعي لأي قلق

بدأ يسألني إزاي يتزوج في ظل المنظومة دي ، شرحته إنه هيتزوج خارج المنظومة بالنظام
اللي ربنا سبحانه وتعالى أعده للمؤمنين وصرف عنه غيرهم
مكنش فاهم حاجة ، بس قعدت أوريه أمثلة...ليه زوجتي الخاضعة للقوانين دي
مبتستعملهاش ؟

ليه زوجة فلان صديقنا مبتستعملهاش ؟
وقعدته مع كمية شباب كثير جدًا كانوا بيقعدوا معايا عملوا نفس الوضع وربنا أكرمهم
ووقفهم بما وعدهم بيوت خارج المنظومة
(المنظومة هتنطبق عليهم بس مستحيل يلجأوا لها...زي منظومات كثير حوالينا ...بنوك
، تأمينات ، خمور ، ونشوز)

فهمته يدخل البيوت إزاي ، إزاي يفهم طبيعة الناس ، فهمته إن الموضوع صدق مراقبة الله في الخلوات مع إستعانة قوية بالله وتقوى يأتي بعدها المَخرج لو حدث العارض من أسبوع بالضبط جه ليا يقوللي إنه دخل بيت ويقوللي تعالى معايا 🤔

رحت معاه فعلاً وقعدت مع الناس

الشاب بعد ما عمل ورد صلاة على النبي صلى الله عليه وسلم لمدة ٦ شهور أو أكثر ، مع ورد إستغفار واستعانة بالله وبدأ يلتزم أكثر من الأول بجد ، لعل الله رزقه بهذا البيت ناس لا اتكلموا معانا في مهر ولا مؤخر ولا قايمة ولا شئ مطلبوش منه شئ معين في تجهيزه

اتعاطفت معاهم شوية فألزمته ينزل يجيب أي شبكة كمهر فاتصلوا عليه بعد ما مشينا وقالوله: (إحنا مرضيناش نتكلم والشيخ قاعد ، كفاية أي دبله للبننت كدا وخلاص مش عاوزين حاجة)

أنا نفسي بدأت أنصحهم يدرسوا الشاب كويس من قلقي عليهم 🤔

[#ادخلوا_بيوت_مسلمين_باشباب](#)

الشاب اللي لسه يقول: (كل ده مش ضمان ليا متلجأش في يوم من الأيام للمحاكم وتخزوقي)

ابقى شيل السكاكين من مطبخك لحسن تلجأ لها وانت نايم ياعسل
ابقى امنع عنها إعلانات القروض الربوية لحسن تلجأ في يوم تقترض بالربا وتجيب الخراب لبيتك لو إيمانها قل

ابقى امنعها تتواصل مع أي حد واقعد راقبها طوال العمر ومتروحش شغلك لحسن قلبها
يميل لحد وتخونك وللا حاجة 🤔

[#جرالكوا_إيه ؟](#)

ما المجتمع ملئ بكل الموبقات ، حاطين عينكوا ليه على دي بس ؟..وللا علشان العلمانية ودعوات الزنادقة عاوزة توقف نسلك وتعيش أعزب ويسهل معاه تقع في الزنا صدقت دعوات الزنادقة ؟ 🤔

استرجلوا كذا وبلاش تفكير الإنهزامية ده ، أنا وغيري كثير لو تفكروا مع نفسكووا ليه ضامين ميحصلش اللي إنت خايف منه ؟

علشان عارفين المعادلة.. (التقوى يتبعها المخرج)

إنتوا بتفكروا في كل شئ إلا التقوى للأسف الشديد

👉 أنا مش بقولك عيش درويش ، بقولك أعمل كل ما في وسعك من تأمين لسد ثغرات الشياطين للدخول لحياتك بعد كذا وبعد كذا توكل على الله فالله كافيك

👉 كله كوم والشاب اللي يقولك هتزوج من برا مصر ، أنا بشجع دا على فكرة طالما

مسلمة صالحة ، بس عيب أوي عليك تكون راجل داخل على فتح بيت ولما اسألك

عن التفاصيل لتطبيق الآلية دي ألاقك لسه مش فاهم الإجراءات ولا عامل دراسة

لتحقيق ده ...طب ما إنت هتتخزوق هناك بس المرادي هيكون خازوق دولي 🌐

ما هي المعادلة واحدة ياابني 🙏

[#تصحيح_مفاهيم_الزواج](#)



٣١٩ / الشباب بين الزواج والإضراب

[#الشباب_بين_الزواج_والإضراب](#) 🤔❤️

👉 تعمل العلمانية في الخفاء لقطع التسل

المسلم ، استطاعوا بخبثهم جذب طائفة من

ضعاف النفوس انهزموا بما أسسوا له لهذه

الغاية ، فظهرت دعوى ترك الزواج بين

المسلمين ليحل وينتشر مكانها الزنا

والفجور ، وفي هذا الحوار نناقش هذه

الدعوى بين الحجّة والغاية والنوايا



المستترة

- كنت قرأت لك ياشيخ أحمد مجموعة من السلاسل بتكلمنا فيها عن الزواج من المصريات ، بصراحة كلامك جميل بس ليا تعليق عليك
=اتفضل ، بس أنا مش بتكلم عن الزواج من مصريات فحسب ، أنا بتكلم وبشجع الزواج بصفة عامة من أي مسلمة ، الجنسية مبتفرقش بيننا كمسلمين
-جميل ياشيخ ، ولكن إنت مش شايف إن الزواج من مصرية في الوقت الحالي في ظل قوانين الأحوال الشخصية وقوانين وتشريعات الخلع وإعطاء المرأة ما ليس لها مهلكة للمال من جانب ومهلكة بعد ذلك للنسل بعد تشريعات قوانين الحضانة من جانب آخر ؟

=فعلاً معاك حق ، الزواج من النواشر الفاجرات كدا بالفعل
-النواشر الفاجرات ؟

=طبعا يامصطفى ، هو فيه أخطر من إنك تتزوج ناشر تضيع عليها مالك ومتعرفش بعد كدا بسببها تربى عيالك ؟

-يعني ياشيخ إنت متفق معنا في دعوتنا لترك الزواج من مصريات ؟
=أنا متفق معاك في دعوتك لترك الزواج من النواشر يامصطفى ، لكن عمري ما أتفق معاك في دعوى لترك الزواج أبداً

-ياشيخ إحنا مش عاملين دعوى لترك الزواج خالص ، دا من المصريات بس
=طب وياه الآلية اللي معاك بتنصح الشباب بيها للزواج من غير المصريات ؟

-آلية ؟...!مش عارف ، بس هما يشوفوا بقى حظهم

=ركز معايا شويه يامصطفى ، كل نصوص الشرع تنص على الترغيب في الزواج وَقَدْ تَزَوَّجَ النَّبِيُّ بِأَكْثَرِ امْرَأَةٍ، وَقَالَ: (إِنِّي أَتَزَوَّجُ النِّسَاءَ، فَمَنْ رَغِبَ عَنْ سُنَّتِي فَلَيْسَ مِنِّي) وحث النبي ﷺ الشباب عليه فقال "يَا مَعْشَرَ الشَّبَابِ مَنِ اسْتَطَاعَ الْبَاءَةَ فَلْيَتَزَوَّجْ فَإِنَّهُ أَغْضُ لِلْبَصَرِ وَأَخْصَنُ لِلْفَرْجِ، وَمَنْ لَمْ يَسْتَطِعْ فَعَلَيْهِ بِالصَّوْمِ فَإِنَّهُ لَهُ وَجَاءٌ وَحْتُنَا أَيْضًا عَلَى تَكْثِيرِ النِّسْلِ وَالتَّرْكِيزِ عَلَيْهِ مِنْ بَدَايَةِ الْإِخْتِيَارِ فَقَالَ (تَزَوَّجُوا الْوُدُودَ الْوُلُودَ، فَإِنِّي مُكَاثِّرٌ بِكُمْ الْأُمَمَ)

بل رغب الخائفين من تكاليف الزواج فقال (ثَلَاثَةٌ حَقٌّ عَلَى اللَّهِ عَوْنُهُمْ: الْمُجَاهِدُ فِي سَبِيلِ اللَّهِ، وَالْمُكَاتِبُ الَّذِي يُرِيدُ الْأَدَاءَ، وَالنَّاكِحُ الَّذِي يُرِيدُ الْعَقْفَ) يعني اللي بيتزوج علشان يعف نفسه ميقلقش...حق على الله إعانته
دا كمان الزواج في حق غالبية الشباب واجب ، متخيل ربنا سبحانه وتعالى يوجب عليك شئ هيحاسبك في الآخرة على تضييعه لو أثر عليك تركه ويجعل طريق الوصول إليه مستحيلاً ؟

-ياشيخ أنا مش مختلف معاك في كل ده ، كلنا نفسنا المنظومة تتغير ونتزوج ، بس في ظل الظروف دي نتزوج ونضيع حياتنا إزاي في عملية غير محسوبة ولا مضمونة ، يبقى الدعوى دي إيه الغلط فيها ؟

=العلمانيين يامصطفى علشان ينشروا الزنا كان لازم يحدوا من الطريق الفطري الحلال اللي بيصعب وجوده في المجتمع ، بدأت الماسونية بزرع النسوية في المجتمع علشان تفسد النساء ، وبعدين بدأت تشريع قوانين علشان النسوية تكتسب قوة على الأرض لتحقيق هذا الهدف ، وبوجود شريحة كبيرة في المجتمع سترتد وتدين بدين النسوية حصل عملية إفساد لكثيييير من النساء للأسف وبقينا نلاقي المرأة الصالحة نادرة جداً في مجتمعنا

-الحمد لله ياشيخ إنك عارف أهوه ، يعني الصالحات نادرات في المجتمع
=الصالحات يامصطفى لا تتجاوز نسبتهم الـ ٥% ومعنى ده إنك علشان تُوفق لزوجة من الـ ٥% دول صحيح ممكن تتعب بس هتلاقي ، ميقاش البديل إنك تكون بوق للزنادقة لتمرير مخططاتهم بنشرها والدعوة إليها

-ياشيخ ما هو إحنا بنقول يتزوجوا من برا مصر
=العلمانية علشان تمرر مخططاتها هتفترض لضعاف النفوس فرضية بديلة (غير متاحة ولا متوفرة لجموع الشباب) اوعى تكون فاكراً إنهم هيقولولك (عاوزين نشر الزنا فبلاش تتزوجوا)

لا خالص.... دول هيقولولك بلاش تتزوج مصرية وتزوجها من برا مصر علشان عارفين إنك هتضيع عمرك في البحث عن زوجة من برا وبعدين مش هتلاقي... وأديك إنت نفسك بقالك ٣ سنوات بتتكلم ولسه بشوفك عالفيس كل ما حد يفتح الموضوع تدخل تسأله عن الطريق منين 🤔👤

قدروا يقطعوا نسلك ويخلوك تتبتل وتترك الزواج وإنت مش حاسس ، بالرغم إن النبي ﷺ نهى عن التَّبَتُّل (يعني ترك الزواج لأجل العبادة)

تخيل! لأجل العبادة ، فما بالك بقى باللي بيترك الزواج وعبادته صفر كمان 🙏
-طب ياشيخ الواحد يختار إزاي من النسبة البسيطة دي ؟...إنت بتقول ٥% ، حضرتك متعرفش عدد الشباب أد إيه ؟

=يامصطفى عدد الشباب الصالح أساسًا لا يتجاوزوا نفس النسبة ، أنا عاوز أقولك إن نسبة ٥% من البنات الصالحات دول عندهن نفس القلق اللي عندك لحسن تتدبس في شاب من اللي بنشوفهم ليل ونهار ... (رجالة ومش رجالة)
والبنات دول مفيش عندهن ضمانات المحاكم والكلام الفاضي ده [ميعرفوش الطريق أساسًا]

-فين دول ياشيخ ؟
=علشان تلاقي نصيبك من الطيبات دول لازم تكون على نفس الشاكلة ، ساعتها سترزق كما رزقنا ، محال أن يهديك الله لهن وأنت تروج لدعوة من دعوات الزنادقة محاربي الدين

-طيب ياشيخ لما نلاقي النوع ده نأمن نفسنا وللا ندخل كدا وخلاص ؟
=مفيش حد عاقل بيقولك تزوج من غير ما تأمن نفسك ، أنا بنصح الشباب يأمنوا أنفسهم علشان يقفلوا أي ثغرة ممكن الشيطان يدخل منها لعقول النساء بعد الزواج ، زي ما بنصح الأخوات يأمنوا أنفسهم برضو ولو لهن مهر يكون واضح مش وهمي علشان برضو يقفلوا أي ثغرة للشيطان عليك ويحافظوا على بيتهم
-طب ما هو كل التأمين له ثغرات ياشيخ ، يعني مهما عملنا هيلاقوا ثغرات

=وعلشان كدا ربنا سبحانه وتعالى لا يكلف نفساً إلا وسعها ، وتأمين نفسك من تمام التقوى لإنك بتقفل الثغرات قدام الشيطان اللي هيلعب في حياتك بعد كدا ، ولما هتحقق التقوى هتلاقي المخرج

قال تعالى: (لَا يُكَلِّفُ اللَّهُ نَفْسًا إِلَّا وُسْعَهَا)

وقال أيضاً: (وَمَنْ يَتَّقِ اللَّهَ يَجْعَلْ لَهُ مَخْرَجًا)

دي سنن لله لا تتغير ولا تبدل ولا تُحابي أحداً

-ياشيخ دا فيه أنبياء ابتلوا بزوجات غير صالحات ، (كانوا كفار ياشيخ)

=الأنبياء دول اتزوجوهم كفار وللا زوجاتهم لم يتقبلوا الرسالة لما نزلت عليهم ؟

-هاه...مش فاهم 😊

=يعني يامصطفى فيه فرق كبير بين إنك تستدل بوضع طارئ وتخليه مسار حياتك وديدن تفكيرك وبين إنك تفهم المعادلة من البداية ، دا زي لو اتزوجت زوجة مش ملتزمة وإنك كمان مكنتش ملتزم ، وبعد الزواج إلتزمت وهي رفضت الإلتزام ، إيه علاقة إستدلالك بحسن وسوء الاختيار من البداية ؟

اشتغل مع ربنا صح علشان ربنا يرزقك بالصالحة اللي لو كانت صالحة فعلاً لن يتليها الله بك لو كنت على غير الصلاح

إبتلاء الزواج دا إبتلاء دنيا وآخرة يامصطفى ، إنت نفسك موصلتش للدرجة اللي توصلك له 🤔

-يعني ياشيخ تنصحنى أتزوج من مصر ؟

=أنا أنصحك تتزوج من أي مسلمة مش فارق معايا ، بس متقعدش كدا من غير زواج لحد ما تقع في المحذور عياداً بالله ، ولو على دعوى تأمين نفسك فدي دعوى مطاوعة ، لو صحيت الصبح لقيت القوانين اتلغت هتلاقي الزنادقة بيقولولك بلاش تتزوج علشان فيه زوجة قتلت زوجها وهو نايم ، وهتلاقي الصحف كلها بتنشر عن قصة اللي زوجها مات بالبطي علشان بتحطله السم في الأكل ، وهتلاقيهم بينشروا حالات الخيانات الزوجية اللي هتخليك تعتقد إنك كدا كدا هتتدبس في واحدة من المومسات دول

ليه تفترض في ربك إنك تستقيم بمنهجه وهو يقدر لك الشر ؟

فين حسن ظنك بالله ؟

-والله ياشيخ معاك حق ، أنا شكلي هغير تفكيري

=أنا مش عاوزك تغير تفكيرك بس ، أنا عاوزك تبرأ إلى الله من كل فكرة علمانية ماسونية
اتعملت أساسًا لهدم شريعة محمد ﷺ وتكون فاهم مخططات أعدائك جت مينين ،
وتفهم طبيعة البيوت ومتستعجلش وتتزوج بالشرع علشان تشوف السعادة في أهلك
وذريتك

مفيش سعادة في البعد عن الدين

-شكرًا لك جدًا ياشيخ ، أنا رايح أخطب

=اصبر يامصطفى ، اوعى تاخذ القرار ده غير بعد ما تحس في نفسك إنك وصلت
للحد الأدنى المطلوب من المسلم تحقيقه في العبادة والقرب من الله

-حاضر ياشيخ ، سأفعل 🙏

[#تصحيح مفاهيم الزواج](#)




٣٢٠ / لحظة قبل دخول البيوت

[#لحظة قبل دخول البيوت 🙄](#)

👉 جه ليا مُحَبَط جدًا بسبب إنه دخل

بيوت كثير بس مفيش نصيب

مش عارف يتزوج ومن كثرة ما تم الرفض
كان على وشك إنه ميتزوجش خالص
قعدت سمعت منه إزاي بيدخل البيوت
خاصة إنه شاب محترم جدًا ومكانته



مرموقة وبعد ما سمعته دار بيننا الحوار ده 📌

- اتعقدت والله يا شيخ ، كل ما أدخل بيت علشان أتزوج شرعي طليبي بيترفض .. 😞 مش عارف أعمل إيه ؟

=طيب ما هو معنى إنك بتترفض إن لسه مفيش نصيب

-بس ياشيخ دي بيوت كويسة جدًا ، ليه لما بكلمهم بيرفضوا ؟

=فيه إحتمالين للرفض

١/ ممكن تكون البيوت دي شر لك وربنا بيصرف عنك أذاهم

٢/ ممكن تكون بتدخل البيوت غلط

-بدخل البيوت غلط ؟..إزاي ؟

=إنت لما بتدخل بتعمل إيه ؟

-بتصل بوالدها عادي خالص وأخليه يحددلي موعد وبروح الرؤية الشرعية وهناك علشان

أكون واضح معاه بقول له إني هتزوج بالشرع ومش هكتب قايمة

=وطبعًا بيرفض

-للأسف ياشيخ ، دا أنا حتى علشان أكون صريح معاه أحيانًا بعرفه في الموبايل ، بس

واضح إن الصراحة مبقتش تعجب الناس ياشيخ

=الصراحة برضو 🙄

-يعني إيه مش فاهم

=اللي إنت بتعمله دا مينفعش نسميه صراحة ياطيب ، دا اسمه الوحيد (سوء تصرف)

-سوء تصرف إزاي ياشيخ ؟

=الزواج الشرعي دا موضوع دعوي ، وأي موضوع دعوي محتاج يكون لك رصيد ولو

ضئيل عند الناس علشان يقبلوا دعوتك ويستجيبوا لكلامك ، متخيل بقى إنت بتعمل

إيه ؟

إنت بتكلم واحد ميعرفش عنك أي حاجة في موضوع بالنسبة له وللمجتمع [شائك]

وعاوزه يقبل الكلام منك

-يعني أعمل إيه ؟ أكلمه في الزواج الشرعي وإني مش هكتب قايمه بعد الدخلة ياشيخ؟



=لأ..بس ممكن تنتظر زيارتين أو ثلاثة وبعد كدا تفتاحه في موضوعك

-طب ولما أروح أول مرة أتكلم في إيه ؟

=أول زيارة دي رؤية شرعية ، هتشوف البنت بس وتتعرف عليهم

-طب ولو سألوني هتزوج إزاي أقول إيه ؟

=هتضحك وتقول لهم : (مستعجلين ليه يا جماعة ، مش يمكن الأخت يكون لها رأي

تاني؟ ادوها فرصتها)

وتقول لهم إنك هستخير وهتنصحها هي كمان بالإستخارة

-طب ولو كلموني فعلاً ووافقوا عليا وطلبوا أهلي يروحوا معايا ؟

=هتروح مع أهلك ومش هتتكلم برضو في حاجة ، أهلك غالباً في الموضوع ده نفس

عقليتهم ، غالبية المجتمع للأسف نفس العقلية

-وهنمشي كدا من غير ما نتكلم ؟

=فعلاً...ولو والدها فاتحك في أي شئ حاول تتهرب من الكلام ، ممكن يكون الناس

اقتنعوا بأهلك وارتاحوا لهم فمحتاجين كمان مشوار منك

-طب والزيارة الثالثة ، هكلمهم فيها إزاي ؟

=غالباً والدها هيسألك ، وساعتها هتقول له: (الحقيقة ياعمي أنا اللي شجعني لدخول

البيت ده إنكم ناس محترمين وأهل دين)

وتبدأ تكلمه في الزواج الشرعي وإنك هتجهز كل حاجة ، ولو حسيت إنك مش عارف

تشرح لهم اتصل عليا أدخل معاك في مكالمة

-وهتفق معاه طبعاً إن مفيش قايمه

=لا طبعاً ، أكبر غلط تتكلم فيها ، معنى إنك تكلم حد في الزواج الشرعي وتقول له

مفيش قايمه معناه إنك قلقان من شئ ، بالعكس هو اللي هيقولك والقايمه هنعمل فيها

إيه وإنك هتقول له: (قايمه إيه ياعمي؟ هو شرع ربنا فيه قايمه؟)

وسيبه بقى يفكر مع نفسه وهتشوف النتيجة

-طب وليه الف والدوران دا ياشيخ ؟..ما كنت قتلته في الموبايل على طول
=ياابني دلوقتي بقى لك رصيد كبير في البيت ، الناس ممكن يكونوا ارتاحوا لك ،
عرفوك ، شافوا شخصيتك اللي هتناسب مع بنتهم ، بقى فيه أطراف في البيت معاك لو
حد معترض ممكن يسندوا موقفك ، من غير ما يتعرفوا على كل ده وانت تكلمهم في
الماديات في بداية علاقتك بيهم يقلقوا ، ولهم حق يقلقوا
-خلاص ياشيخ ، بإذن الله هجرب مع أول بيت هعمل زي ما قلتلي
=لسه فاضل أهم شئ
-إيه تاني ؟

=تقرب من ربنا جدًا ، وتعمل أوراد إستغفار وصلاة على النبي ﷺ علشان ربنا يفتح لك
كل الأبواب المغلقة ، واولى تدخل البيوت غير وانت في أعلى درجاتك الإيمانية
علشان ربنا يوفقك ، وإياك ثم إياك إنك تعتمد عليا في شئ ، كلنا أسباب وبس وحسن
ظننا بننتظره من الله وحده
-والموضوع هيتقبل على طول ؟

=لو فيه خير ربك هيجعله من نصيبك ، ولو شر ربك هيصرفه عنك
(وبالفعل...الشباب دخل بعدها بيتين ، ولما مشي بنفس الأسلوب اتفاجئ إن الموضوع
كان بيمشي معاه كويس وهو كان متعجب من رد الفعل المغاير لكل اللي كان بيعمله
زمان ، والناس كانوا بيتقبلوا الزواج الشرعي بكل سهولة ، واتفاجئ إن ربنا كان بيظهر له
أشياء خفية جدًا كانوا ممكن يداروها عنه ، وفي البيت الثالث اتوفق مع ناس طيبين جدًا
وهو نفسه مكش مصدق اللي بيحصل وحصل الزواج)
كل دا كان في غضون ٦ شهور

👉ياشباب...استعينوا بالله واولوا دعوات الزنادقة تأثر فيكم وتتركوا الزواج
دول ميفهموش شئ عن كل اللي بنتكلم فيه ده..دول منافقين أبعد ما يكونوا عن الشرع
شرع ربكم جميل...ثقوا فيه واعلموا أن الخير كله في اتباع منهجه سبحانه وتعالى
#ملحوظة: بنفس الطريقة تم تزويج عد كبير من الشباب بفضل الله والناس كانت بتقبل
شرع ربنا)

#تصحيح مفاهيم الزواج

#الشباب بين الزواج والإضراب💔💩



👉(٣٢١) القول المتين في أحكام النفقة

على الناشز والعيال المخطوفين 🙄🙄🙄)

👉لما الزوجة الغضبانة كانت واخده العيال

وقاعده عند والدها حاولنا نتدخل فلقيناه

بيطالبنا بالمصاريف ، وده كان سبب الحوار

ده👉

-يدفع اللي صرفناه عليها في ال ٣ شهور

دول ياشيخ ويبجي ياخذها

=بس أنا سمعت إنها قاعده عندك على

خلاف رغبته يا حاج ، وهو قاللي إنها تركت البيت وهو مش موجود ومشيت

-أيوا طبعًا...هي تقعدله فيه بعد ما شتمها؟

=طيب يا حاج ، بصرف النظر عن كل الكلام ده ، بس منين هي خرجت من غير إذن

ومنين بتلزمه يدفع المصاريف بتاعتها اللي صرفتها وهي تحت ولايتك إنت ؟

-هي مش مراته ياشيخ وللا إيه؟

=أيوا يا حاج..مراته..بس هي في الوقت ده مكنتش تحت ولايته..دي خرجت من غير

إذن فبقى لها أحكام تانيه خالص

-أحكام تانيه؟..يعني بقت طليقتة مثلاً؟

=لا يا حاج..هو الزوجة ملهاش أحكام في الزواج تانيه غير بعد ما تتطلق؟

-مش فاهم 🙄

=ياحاج...بنتك بعد ما خرجت من بيته بغير إذنه ومشيت بمزاجها بقت زوجة (ناشر)...

يعني زوجته صحيح بس لها أحكام تانيه في الشرع

-بنتي ناشر؟ ناشر ليه إن شاء الله؟..وهو النفقة على الزوجة مش واجبة؟

=النفقة على الزوجة واجبة طبعًا ياحاج محدش يقدر يتكلم بغير ده

قال تعالى: (لِيُنْفِقْ ذُو سَعَةٍ مِنْ سَعَتِهِ وَمَنْ قُدِرَ عَلَيْهِ رِزْقُهُ فَلْيُنفِقْ مِمَّا آتَاهُ اللَّهُ لَا يُكَلِّفُ اللَّهُ نَفْسًا إِلَّا مَا آتَاهَا)

وقال النبي ﷺ: (وَلَهُنَّ عَلَيْكُمْ رِزْقُهُنَّ وَكِسْوَتُهُنَّ بِالْمَعْرُوفِ)

دا كمان الإسلام أباح للزوجة اللي زوجها بخيل مبصرفش عليها في الأساسيات تاخذ من ماله بالمعروف بغير علمه ، والنبي ﷺ قال لـ (هند) زوج (أبي سفيان) لما اشتكت له أنه بخيل: (خُذِي مَا يَكْفِيكِ وَوَلَدِكِ بِالْمَعْرُوفِ)

دا كمان النفقة تجب بمجرد التمكين ، يعني بمجرد تمكينك للزوج من بنتك تجب عليه النفقة ، دا حتى لو عَقَد عليها وقعدت في بيتك وإنت معندكش مانع يتزوج في أي موعد والتأخير من عنده النفقة بتكون عليه وهي في بيتك

-الله ينور عليك..وهي في بيتي أهوه..جاي دلوقتي تقوللي ملهاش نفقة؟

=أيوا ياحاج عجة..قصدي أيوا ياحاج..بس الزوج بيكون مُمَكِّن منها...إنت بنتك كانت تحت طاعته؟

-لا طبعًا..بنتي في بيتي وتحت طاعتي أنا

=خلاص...النفقة تتبع التمكين...اللي بنتك منصاعة لأوامره عليه النفقة

بنتك ناشر ياحاج ملهاش نفقة على زوجها..هو مش ملزم يصرف عليها..حتى ملهاش في رقبته زكاة..يعني لو جه موعد زكاة الفطر وهي ناشر زكاتها هتكون عليك مش عليه -طيب مش هجادلك كتير..أصلاً دي بنتي وكدا كدا الحمد لله الخير موجود... طب

عياله اللي عندي دول وقعدت أصرف عليهم

=لا طبعًا..نفقة العيال واجبة على والدهم طالما العيال تحت أوامره ومُمكن منهم

قال الله تعالى: (فَإِنْ أَرْضَعْنَ لَكُمْ فَآتُوهُنَّ أُجُورَهُنَّ)

يعني ينفق عليها كمان بسبب الطفل في الرضاعة ، وبعد كدا عليه النفقة في حياته لحد ما الولد يبلغ سن البلوغ والبنت لحد ما تتزوج وتنتقل ولايتها لزوج ينفق عليها.. قال تعالى: (وَعَلَى الْمَوْلُودِ لَهُ رِزْقُهُنَّ وَكِسْوَتُهُنَّ بِالْمَعْرُوفِ)

-آه طبعًا... ما هو إحنا بنقول كده يقول لنا مكنتش بشوفهم علشان أصرف عليهم
= لا استنى.. هو مكنتش يشوف عياله؟

-يشوف عياله إزاي ياشيخ وهو مزعل أمهم.. دا أنا كنت كمان مخلي العيال يعملوله بلوك ومكنتش بيعرف يكلمهم

=يعني العيال مثلاً كانوا ممكن يخرجوا من بيتك بغير إذن والدهم ولما والدهم يطلبهم مكنتش بيلاقيهم؟

-آه طبعًا.. هي بنتي مش غضبانة؟

=طب وإيه اللي يخليك تمنع العيال؟

-ما هو العيال دول ورقة ضغط كويسة برضو علشان نخليه ينفذ طلباتنا
=طيب مش تقوللي... كدا نفقة العيال وهما عندك بالظروف دي عليك يا حاج مش على والدهم

-نعمممم.. عليا.. طب أمهم وقلت ناشز... العيال نواشز هما كمان؟

= لا يا حاج.. مش أنا قتلتك النفقة تتبع التمكين؟.. هيصرف على عياله ليه وهو مش ممكن وممنوع عنهم؟.. فين ولايته عليهم اللي أوجبت النفقة؟

-إزاي بس ياشيخ.. العيال صرفوا عندي في ٣ شهور بتاع ٢٠,٠٠٠ ج

=ومين أجبرك تصرف عليهم يا حاج.. إنت قلت لأبوهم ياخداهم وهو رفض؟

-لا طبعًا... بس الكلام دا غريب جدًا

= لا يا حاج... ولا غريب ولا حاجة... دا شيخ الإسلام ابن تيمية اتكلم في المسألة دي من يبجي ٧٠٠ سنة

-قال إن العيال نفقتهم على جدهم؟

=قال شيخ الإسلام ابن تيمية رحمه الله في مختصر الفتاوى المصرية: (وإذا حُكِمَ بالولد للأُمِّ، فعَيْتُهُ عن الأب؛ لم يَكُنْ لها أن تطالبه بالنفقة المفروضة، ولا بما اتَّفَقا عليه)

يعني حتى نفقة العيال وهما في حضانة أمهم ومحكوم لها بيهم معاها بتسقط لما الأم
تغييهم عن والدهم

العلماء فاهمين من زمان إن النفقة تتبع التمكين ، مفيش تمكين مفيش نفقة ، مفيش
ولاية مفيش نفقة 🙏

-يعني النفقة اللي أنا طالبها منه دي مش هاخذها؟

=طبعاً يا حاج..ملكش تلزمه بنفقة على ابنتك الناشز ولا العيال المخطوفين

-ياشيخ دول مش مخطوفين دول قاعدين مع جدهم

=ياحاج إنت لو فعلاً مش خاطفهم مكنتش غيبتهم عن والدهم

-ما هو أنا سمعت من مشايخ كثير كلام غير ده ، وابني قرأ فتاوى عالنت في الموضوع
ده يقول إن النفقة واجبة عليه

=الفتاوى اللي بتسمعها تتكلم عن وجوب النفقة على العيال المخطوفين وخارج نطاق
التمكين من أبيهم دي كلها فتاوى مُستهلكة يا حاج...فتاوى المقصود منها عدم زيادة
الفجوة علشان البيوت ترجع لمجاريها ثاني ، ولكنها كلها بتخالف الأصل اللي العلماء
رتبوا عليه سقوط النفقة عن الزوجة الناشز قبل ما يسقطوا النفقة عالعيال المخطوفين
عندك ، العلماء دول بيتكلموا من باب الفضل مش من باب الإلزام ، وأنا مقدرش ألزم
زوج سقطت نفقة زوجته الواجبة عليه بعدم التمكين منها علشان النفقة تتبع التمكين
وأقول له أنفق على عيالك اللي نفقته برضو واجبة بس ممنوع من رؤيتهم أو التصرف
في كل شئونهم كأب له الولاية الكاملة

=طب ما تنصحه يعمل دا من باب الفضل

-أنا لو هنصحه يا حاج عمري ما هنصحه غير بإذلالك زي ما حرمة من العيال ، الشريعة
ياحاج مفيهاش أحكام مش منطقية علشان نلف وندور حواليتها ، ومفيهاش حكم يقول
للمظلوم طايطي علشان تنتصر..خلي الزوجة والعيال عندك وسيني أنصح الزوج أنا بقي
بباقي أحكام الشريعة اللي إنت ومشايحك بتخبوها عنهم

-بقولك إيه ياشيخ..ممكن تطلع من الحوار ده وتعتبرني مقلتلحكش حاجة؟

=ههههه..حاضر 😊😊😊

#عجة_فكرة_والأفكار_بأيدينا_هتَموت

#تصحيح_مفاهيم_الزواج



تصحيح مفاهيم الزواج

أحمد الأهواني

الجزء الثالث

٣٢٢ / الجعانة

البنـت دي معاها حق ، فعلاً في أماكن كتير بيحصل ده خاصة في الريف

بتكون البنـت ملتزمة وطيبة وأهلها مش فارق معاهم بس أم العريس (جعانة)

في الريف أحياناً البنـت مش بس بتتعاير بالحاجات اللي جابتها ، دي كمان بتتعاير إنها مجبتش معاها عشاء لأم العريس هي وأصدقائها علشان يطفحوه ليلة الدخلة

البنـت اللي تكتشف ده قدامها فرصة ذهبية لاختبار العريس ، (هتشوفيه راجل وللا مره)

هتشوفيه هيقف قدام جوع أهله ويبعدك عن الوسط القذر ده وللا الإلتزام عنده بيعجي عند أهواء وميول النفس ويقف مكبل الأيدي مش مطلوب منه يحارب أهله ولا حاجة ، المطلوب منه فقط يبعدهم بأذاهم عنك وعن أهلك



مجهول : منذ 11 ساعة



0

كل الرجال بتتكلم وتتريق على الأشياء الكثير اللي بتجيبها العروسة وفي نفس الوقت هما السبب أساساً أقسم بالله أي حد بتكلم معاه في موضوع ده بيكون السبب العريس وأهله بيتريقوا ويعيبوا على حاجاتها ويقللوا منها تخيل كل الحاجات دي ومش بيعجبهم، الشقة عند مين؟ الراجل وهو المتحكم مين يدخل شقته ويقدر يمنع الناس تدخل وتتفرج وتتكلم على شقته وحاجاته وتقلل منهم ده حتى لو زواج شرعي وهو اللي مجهز بنفسه أهله يتكلموا على زوجته! يبقى المشكلة في مين؟ مين اللي المفروض نخطبهم؟ بالله عليك باشخ تحار

لو مش هيقدر يحقق ده والإلتزام فعلاً مغيرش فيه شئ ، فحياتك هتكون معاه طين
ياأختي والله

استعيني بالله وارفضيه فوراً وربنا هيعوضك

#تصحيح_مفاهيم_الزواج



٣٢٣/دخلت معاه البيت

جـه وقعد معايا علشان ياخذ رأيي في القرار الجديد اللي أخذه في حياته ودار بيننا
هذا الحوار

-إنت كنت عارف ياشيخ إنني بدور على عروسة ، أنا خلاص صرفت نظر وقررت تأجيل
الموضوع دا دلوقتي
=طب أجلته ليه ؟

-إنت شايف ظروف البلد والغلاء ، مش مناسب دلوقتي أتزوج خالص
=معاك حق ، قرارك سليم
(الشاب بص باستغراب وقاللي)

-أمال إيه حكاية ثلاثة حق على الله عونهم والكلام اللي دايماً بتكلمنا فيه ياشيخ ؟
=لا... الكلام دا مش لك إنت ، الكلام دا لواحد عنده يقين في الله
-مش فاهم ياشيخ

=يعني اللي عنده يقين في الرزق ويقين في الله يعمل باللي ربنا وعده بيه ، اللي معندوش
ميعملش علشان ميشكش في قدرة ربنا
-ياشيخ أنا راتبي ٨٠٠٠ ج ، الراتب دا يكفيني لكل دا ياشيخ ؟
=لو قلتلك إن فلان [وذكرت له إسم صاحب مجموعة مصانع عندنا في العاشر]
هيتكفل بزواجك ، هتبص للـ ٨٠٠٠ ج اللي هما الراتب ؟

-بصراحة لأ-

=بس إنت بصيت لهم لما قلتك الحديث ده !

-فعلاً والله معاك حق

=يبقى لازم تقوي اليقين في قلبك الأول قبل ما تعمل حاجة تعتمد فيها عليه ، علشان مش هتلاقي أي نتيجة ، تعظيم واحد من الناس وصرف نظرك عن الماديات لما تسمع اسمه أكبر في قلبك من تعظيم ذات الله

-طب وأقوي اليقين دا إزاي ؟

=تطلع الورقة والقلم خالص من حساباتك ، وتمارس اليقين دا عملي بكل أشكاله (صدقات _ أعمال بر _ صلة رحم) وهكذا...لازم تزق نفسك جامد علشان تجبر

قلبك يتعلم وتخلي شيطانك يَخْنَس 🙄🙊

-شكراً جداً ياشيخ 🙏

#تصحيح_مفاهيم_الزواج



٣٢٤/ليه الزوجة ممكن أمنعها عن أهلي لكن الأطفال لأ ؟

👉الرسالة دي مهمة جداً ، والحقيقة دي رسالة توضح إن فيه ناس كتير بيسمعوا عنا من

غير ما يسمعوا منا



👍

👈فيه حاجات أنا بقولها فعلاً زي (لو لقيت

مشاكل بين زوجتك وأهلك افصل زوجتك

عن أهلك علشان تقدر تتعامل معاهم)

عيالك مينفعش ينفصلوا...بل لابد تعلمهم

صلة الرحم مع جدهم وجدتهم وأعمامهم

وعماتهم ولو لقيت زوجتك بتعرضها عليهم

مجهول : منذ 19 ساعة

السلام عليكم.لو سمحت يا شيخ احمد
ممكن تقولى ليه حضرتك لو فيه مشكله
بين مرات الابن وحمايتها بتنصح الزوج
الافضل مبيقاش فيه تعامل بينهم لكن
انت واطفالك تتعاملو امك واهلك عادى
علشان صلح الرحم وده صح طبعاً ..ليه
بقى لو أهل الزوجه مضايقين الزوج
بتقول عليهم مخبيين وتنصح الزوج أنه
يمنع زوجته أنها تتعامل مع اهلها
وأطفاله كمان .طيب مش كده بيمنع
صلح الرحم؟قصدى ليه مش بتنصح الزوج
والزوجه فى الحالتين أنهم ميسموحش
لحد يآثر على بيتهم بدون قطع صلح
الرحم يعنى يقنن التعامل لكن ميمنعوش
خالص؟ياريت تفهمنى الله يرضى عليك

حذف

أظهار

لازم تقف في وشها وتمنعها ولك تأديبها

بكل الوسائل كل الموضوع إني بحافظ

(على الزوجة وبس... اللي هي بتاعتي أنا مش عالمشاع)

لو لقيت تخيب من جهة أهل الزوجة لك تمنعها عنهم علشان ربنا هيسألك عن بيتك
اللي هيتخرب لو خليت الموضوع فيه تهاون....(سلامة فطرة زوجتك ربنا هيسألك
عنها)

العيال متمنعهمش عن جدهم وجدتهم وأخوالهم وخالاتهم ، بل لازم تغرس فيهم حب
صلة الرحم وتفهمهم ميتدخلوش في اللي بيحصل

(مش عارف فين أنا قلت تمنعوا العيال عن أهلهم من جانب زوجتك!... إنت بتمنع
زوجتك بس علشان ولايتها الأصيلة بقت معاك والرحم لاحق على صلاح بيتك)
هلاقي واحد يقوللي: (العيال بالنسبة لأجدادهم رَحِم لكن الزوجة لأبيها وأمها مش
رحم؟)

الزوجة بالنسبة لأبيها وأمها وإخوتها رَحِم بلا شك ، ولكن لو الرحم دا هيفسد عليك
القوامة فالقوامة مقدمة على ما عداها
طبعًا كل دا بيكون بعد استفراغ الوسع في محاولات التآلف ، لو مفيش تآلف كبر
مخك

[#تصحيح مفاهيم الزواج](#)



٣٢٥/زوجتي طلبت تدخلني في المشكلة

جه ليا المطحن يبلغني برسالة من زوجته ، مشكلة حدثت بينهما وهي طلبت منه
يلغني إنها عاوزاني أتدخل

سألته: (زوجتك عاوزاني أنا اللي أتدخل ؟)

قاللي: (بتقوللي هو اللي هيعرف يحل المشكلة)

وبالفعل حددت يوم وذهبت معاه ، علشان أعرف إن الزوجة متابعاني ومقتنعة بكل اللي بقوله وعاوزه حياتها تكمل بالشرع

الزوج أخبرني إنهم دخلوا ناس قبل كدا بس مفيش حل ، والزوجة قالتلي أنا عاوزه بس أوصل لزوجي شئ مش عارفه أوصلهوله وقلت إنت الوحيد اللي ممكن تفهم كلامي الزوجة محترمة جدًا ربنا يحفظها ، وواضح إنها من بيت متدين (فهمت ده من زوجها اللي حكالي أد إيه حماه وحماته بيكلموه وينصحوه ويفهموه أساسيات التعامل مع الزوجة)

👉 الزوجة أول ما اتكلمت قالت: (أنا واحدة عاوزه أعيش مسلمة ، مقتنعة بكل اللي بقرأه لك عن قرارنا في البيت وتربية الأطفال ، بحاول على أد ما أقدر أراعي زوجي وأقوم على خدمته علشان أكون زوجة صالحة ، الفترة اللي فاتت زوجي بدأ ينضغط في شغله بسبب ظروف السوق لأنه شغال في التجارة ، الضغط دا بدأ ينتقل لكل أفراد البيت ، بقى عصبي جدًا ، بيتخانق مع العملاء في الموبايل وهو معانا في البيت والأطفال بدأوا يتأثروا ، أنا نفسي لأنه مهموم دايماً والمشاكل دي كلها بقى ينقلها داخل البيت بدأت أتعصب وصوتي أحياناً يعلو عليه غضب عني... 🙄 حاسه إني مش بطبيعتي خالص) سألتها: (الضغط المادي عامل تأثير على حياتكم ؟)

قالتلي: (ياشيخ أنا واحدة ممكن أعيش مع زوجي على أي وضع ، لا فارق معايا ماديات ولا شئ ، ممكن أدبر شئون البيت بأقل تكلفة وأشيل هم البيت كله من عليه ، بس هو للأسف بيكلف نفسه فوق طاقته ويحاول يقصرش معانا في حاجة ودا من جُملة ضغوطه)

سألتها: (انتي عاوزه مصروف للبيت تشتري بيه طلباتك ؟)

قالتلي: (ياشيخ أنا واحدة مش عاوزه أخرج من بيتي أصلاً ، لا عاوزه أشوف شارع ولا عاوزه أتعامل مع ماركت وناس غريبة ، تعبت من كثرة همومه ودخول شغله اللي برا البيت جوا البيت)

أخذت الزوج على جنب واتكلمت معاه وقلتله

زوجتك دي عامله إيه معاك؟

قاللي: (والله ياشيخ أنا بقالي ٨ سنوات متزوج مشفتش منها حاجة وحشة ، نعم الزوجة وأهلها نعم الأهل)

سألته: (في ظل المشكلات دي بتأثر في حقلك؟)

قاللي: (لا أبداً ، أنا معترف إن المشكلة عندي بس مش فاهم المشكلة فين 🧑)

طب يعني ياابني مفيش أي حاجة نخط بيها عليها خالص؟ 😬

قاللي: (لأ خالص 😊)

اتكلمت مع الزوج وقلتله: (واضح إنك اتزوجت وإنك مش فاهم المهام اللي عليك خالص ، الست ياابني كائن ضعيف جداً ، ربنا سبحانه وتعالى أمر النساء بالقرار في البيت لأن مفيش ست هتعرف تعمل عمَل الداخل مع عمل الخارج ، صحيح إنت مبتشغلهاش ولكن إنت في نفس الوقت دخلت مشاكل وهموم شغلِك داخل البيت ، عاوز أسألك سؤال)

قاللي: (اتفضل ياشيخ)

قلتله: (إنت طبعاً جيت ليا شغلي وشفنتي هناك بعمل إيه ، بشتغل في التجارة زيكَ بالضبط ، تفتكر جُملة الضغوط اللي عليك زي الضغوط اللي عليا؟)

قاللي: (لأ طبعاً ، إنت جنب التجارة طوال اليوم عايش في مشكلات الناس)

قلتله: (ومع ذلك لما برجع بيتي بالليل تشوفني ولا كإني بادئ اليوم دلوقتي ، لا بدخل بمشاكل الشغل جوا البيت ، ولا بدخل بمشاكل الناس معايا ، زوجتي لها حق عليا أدخل طبعي زي ما أنا ليا حق عليها تستقبلني بابتسامة بالرغم من كل حاجة تسد النفس بتشوفها من العيال في تربيتهم ومشاكلهم طوال اليوم)

قاللي: (بس أنا مبعرفش أفصل زيكَ كذا ياشيخ)

قلتله: (اتعلم ، لازم تتعلم ، زي ما بتطالب زوجتك تنمي مهاراتها معاك في حسن التبعّل)

إنت كمان لازم تنمي مهاراتك في الحفاظ على فطرتها تفضل سوية)

قاللي: (طب أعمل إيه ؟ أنا فعلاً اقتنعت إن عندي مشكلة)

قلته: (اعمل التمرين العملي ده ، كل ما ترجع وتحس إنك طالع شقتك مهموم اقف شوية قدام الباب وحاول تضحك نفسك ، اقل موبايك لو قدرت علشان محدش يكلمك في حاجة ، ادخل استقبلها بحضن جميل هتلاقيها مبسوفة وهتنسيتها كل حاجة مرت بيها طوال اليوم ، طبط عليها عادي مش عيب دي برضو زوجتك 😊 ، وخلي بالك كويس إنك ممكن توصل لمرحلة تلاقي زوجتك قفلت منك خالص مش هتعرف ترجعها فيها لطبيعتها تاني)

قاللي: (بس أحياناً ممكن معرفش أعمل ده)

قلته: (لما هيكون دا النادر في حياتكوا هتلاقيها هي اللي بتطبط عليك ، نفس الموضوع زي ما تكون زوجتك بتستقبلك كل يوم بابتسامة وتدخل في يوم تلاقيها ضاربه بوز ، الحلو الكثير هيغفرلها الهفوات الصغيرة)

➡ في النهاية الزوج استوعب الدرس وأوصيته بأختنا اللي نفسي كل بنات المسلمين يتعلموا منها إزاي بتدور وتبحث عن حد يوصل لزوجها معلومة هي مش عارفه توصلها له علشان البيت يمشي والحياة تستمر

[#ربنا يصلح_أحوالنا_جميعاً 🌟](#)

[#تصحيح_مفاهيم_الزواج](#)



٣٢٦/ اعمل علاقة مع ربنا هتكتشف حماك

👉 الغشومية وعدم فهم الطرق الصحيحة للتعامل هي السبب الرئيسي في عدم توفيق

كثير من الشباب في مشوار زواجهم الشرعي

➡ شاب كان عندي بيحكلي عن مشوار خطوبته ، وهو بيحكلي حسيت بقلق من ناحية

حماته... (إحساس جه ليا كذا من كذا موقف هو نفسه شايفهم مواقف عادية)

طلبت منه يروح زيارة تانيه لهم ، وياخذ مهلة ٣ أيام يدعو فيها الله بكشف الأمور والإكثار من الصلاة على النبي صلى الله عليه وسلم بنية تفريج الكرب ، واديته سؤال معين يسأله لخطيئته ويتابع ردود أفعال كل أطراف الجلسة الشاب عمل زي ما قتلته وراح واتفاجئ بحماته جابت كل شئ من اللي في قلبها لدرجة إنه كان مذهول من الصراحة الموقف دا وغيره من عشرات المواقف حصلت سواء في خطوبة أو طلاق أو مشكلة زوجية

أنا نفسي لو رحت مجلس صلح أو تحكيم بقعد أصلي عالبي صلى الله عليه وسلم وكل شئ بينكشف في دقائق للجميع (أحياناً من غير ما أتكلم)
← كثير من الشباب عندهم غشومية في التعامل فعلاً ، بيدخل البيوت معتمداً على عضلاته 🦵

[هدخل وأقول هتزوج شرعي ولو وافقوا خير لو موافقوش يخطبوا دماغهم في الخيط]
الشاب اللي من النوعية دي ربنا سبحانه وتعالى يكله لنفسه...لازم تفهم إن لك كبير وأمر ناھي (هو الله عز وجل)

لما تستعين بالله صح وتدخل بيت لازم تعتمد عليه [وَحْدَهُ لَا شَرِيكَ لَهُ] 🙏
ثم تقوم بتسبيب الأسباب الشرعية علشان المنظومة تكمل معاك..(الدين مفيهوش دروشة)

👉 أقسم لكم بالله...مشفتش حد عمل الحاجتين دول واتدبس أبداً

[#عارفين_المشكلة_فين؟ 🤔](#)

مشكلتنا إن كثير من الشباب معندهم دين حقيقي
بيصلي وبيصوم وبيغض بصره (بس قلبه في علاقته مع ربنا خراب)
مفيش علاقة بينه وبين الله
مفيش أي وسيلة من وسائل التواصل
المجتمع بيدعه وموبقاته خلته ميشوفش غير المنكر وبس.. مش شايف إن فيه ربنا
مفيش شيخ مُربي

مفيش حد يعلمه يتعلق برينا إزاي

← علشان كذا بقول: (طول ما إنت بعيد عن رينا مش ممكن هتلاقي زوجة صالحة رينا

يبتليها بيك)

#تصحيح مفاهيم الزواج



٣٢٧/ صار لا يتساهل مع الشباب

👉 التعليق دا شفته إمبارح في إحدى الصفحات ، لقيت في التعليق الكثير

من الدروس والعبر اللي لازم نستوعبها

١/ الشخص دا زي ما بيقول لما زوج

أخته بمهر بسيط ولم يشق على الشاب

المتقدم ، فوجئ بعد ٥ أشهر من

الزواج أن زوج أخته يريد التعدد... (هو

بيقول إنه هيعدد من غير سبب)

ساعتها طالبه بالمهر والماديات

← الصنف المنافق دا صنف خبيث جداً

وللأسف هو منتشر بيننا بكثرة ،

الشخصية دي مبتعملش الشرع غير

علشان فيه مصلحة لها (ممكن يكون

تأخر زواج ، ممكن يكون لقاه شخصية حلوة وله مستقبل)

واللي يعرفك ده إنك تشوف باقي حياته في الشرع اللي مش هيبجي على هواه

أول ما اصطدم بالتعدد بدأ يهرتل بكلام النسويات الفاجرات.... (بيعدد من غير سبب !)

وهل يشترط للتعدد سبب ؟



شاب زوجته أختى ويسرت له الزواج ولم أشق عليه
مطلقاً وأعنته على الزواج وبعد الزواج بخمسة أشهر
ذهب ليتزوج بدون سبب بزعم أنه حقه الشرعى 🙄

فطالبته بحق الزوجة الشرعى من مهر مؤجل وسكن
ونفقة قال دا أنا بشوف هتعمل إيه 🙄

ثم علمت أنه يهددها بأن لا تتكلم ولا تعترض ولا تطلب
حقها ويريد منها أن تتنازل عن حقوقها بدون سبب

شاب آخر فقير ملتزم داعية أردت مساعدته بالزواج
بفتاة صالحة

وعرضت عليه الزواج وكنت أنوى مساعدته. فرد عليا
قائلاً أكيد فيها حاجة 🙄

فأصبحت لا أتساهل مطلقاً فى أمر الزواج وإل عايز
يطلع عين أهله علشان يحترم بنات الناس

بل بدأ يطالبه بالمؤخر والنفقات....ليه دلوقتي ؟

هل علشان دا حق أخته ومن باب خوفه على عدم إقامة الشرع لا والله

دا بس علشان يعضله عن طلب الحلال..(اللي هو نفسه شايفه في غير مصلحة أخته)

٢/الصف المنافق ده لا يؤخذ منه حكاية)

الشق الثاني من الرسالة يقول فيها: (إنه لقي واحد داعية فقير فكان حابب يساعده

بالزواج من فتاة صالحة ، فالشاب افكر إن البنت دي فيها حاجة علشان بيسروا عليه)

شايفين المنافق الكذاب ؟..(ما أقبح الكذب ياعباد الله)

بالرغم إن القصة حقيقية إلا إنك تتعلم إنك عمرك ما تاخذ حكاية من أفواه الكذابين إن

تبين لك كذبهم

يعني عمرك ما تاخذ حكاية من امرأة نسوية في جروبات النواشر الفاجرات

وتصدقها... (كل التفاصيل هتكون من هذه العينة القدرة)

ولا تاخذ حكاية وقصة من الذكور الحيضانة دي مطلقاً

٣/لما هتقرأ آخر سطرين هيطهر لك كثير من النوايا اللي بيثها المنافقين في المجتمعات

المسلمة

هو عاوز يرفض الشرع ويبرر لنفسه رفض الشرع ، بس علشان مش عارف يرفضه صراحة

هيقعد ينسج لك شوية قصص وفي الآخر هيطلع بالي داخل قلبه النجس

[#ربنا_يربحنا_من_الأشكال_دي 🌸](#)

[#تصحيح_مفاهيم_الزواج](#)





٣٢٨ / المحكم الشرعي الضعيف

👉 جه ليا أحد الأزواج من مدينة بعيدة عن العاشر وقعد يحكي لي مشكلته اللي واقفه على الطلاق

الزوجة أصرت على طلب الطلاق ودخلت هي وأهلها مُحكم شرعي اللي بدوره اتصل على الزوج وأقنعه يجلسوا للتحكيم الشرعي ، والزوج بالفعل وافق المُحكم الشرعي أخذ إيصالات أمانة بمبلغ كبير على الطرفين ، وكان من جُملة الأوراق اللي أخذها من الزوج بعض الأوراق والعقود المتعلقة بنوع من أنواع التجارة بين الزوج وبين أهلها علشان يحلوا الموضوع ودي .. [يخلصوا الحقوق الزوجية بين الزوج وزوجته والحقوق المادية بين الزوج وأهل الزوجة في وقت واحد]

👉 بمجرد تسليم الزوج كل ما طلبه منه المحكم الشرعي بدأت الزوجة في الآتي

- ١/ تغييب الأطفال عن والدهم
- ٢/ الذهاب للمصيف ولبعض الأماكن البعيدة بالأولاد بغير علم الزوج
- ٣/ إنقطاع الأولاد عن مدارسهم
- ٤/ دخول الأولاد في حلقة الصراع حالها كحال أي أم غير سوية في المشكلات ، وغيره من المخالفات

👉 القاضي العرفي لما شاف كل ده بدأ ينبههم للمخالفات دي بس مفيش فايده ومفيش أي إلزام من جانب الزوجة وأهلها ، كل ده والزوج قاعد يسلم كل ما بقي عنده من حقوق للزوجة وأهلها عن طريق المحكم الشرعي قلت للزوج يومها يستمر ما الشيخ لحد ما يظهر ليا بعض الأمور وبلاش ترمي كل ورقك غير لما يكون بالمزامنة معاهم (كنت حاسس بشئ بس مش متأكد منه)

👉 بمجرد ما المحكم الشرعي بدأ يلوح بإصدار الحكم العرفي بالملابسات دي الزوجة جمعت أهلها وراحوا لمكتبه وعملوله فضيحة (فضيحة نسوان كدا من اللي بتشوفوها في بعض الأحياء والحواري)

الشيخ الدكتور المحكم العرفي راجل مش متعود على هذا النوع من الصراعات ، اتهمز جامد لأنه مش عارف يتصرف في مثل هذه المواقف ، ولما الزوج أحس منه بالتراجع عرض عليه يدخلني اللجنة فالشيخ وافق مشكوراً

👈 الزوج جه ليا تاني يطلبني أتدخل ، وأنا بصراحة لما حسيت إن الموضوع كبير متأخرتش وسافرت معاه تاني يوم

👉 طلبت أقعد مع المحكم الشرعي لوحدا بدون الزوج وسألته عن اللي حصل ، الراجل قعد يحكي لي سوء أدب الزوجة وأهلها وإزاي اقتحموا عليه مكتبة وبهدلوه وفضحوه وببهدلوه يشوهوا سمعته عالفيس بوك

راحوا كمان لوكيل الوزارة اللي هو شغال فيها علشان يبجوا على أكل عيشه راجل دكتور في الشريعة محترم مش متعود على المواضيع دي قتلته: (لو عاوزني أدخل وتجبب كل حاجة فيا معنديش مشكلة ، أنا معنديش حاجة أخاف عليها)

الراجل ربح جداً بتدخلني وساعتها قتلته: (يافضيلة الشيخ ، في القضية دي أنا شايف إن الزوجة وأهلها ماشيين بمبدأ موجود اليومين دول اسمه [يَدُ تَفَاوُضْ وَأُخْرَى تَلْجَأُ لِلْقَضَاءِ] ولو هتقعدوا كل الشهر دي لحد ما تصدر حكم مختوم بالختم العرفي ينقذ الزوج المظلوم ده عند لجوءهم بعد ذلك للقضاء فإحنا كده شركاء في تضييع حقه)

الشيخ قاللي شوف إنت عاوز تعمل إيه وأنا معاك فوجئت بالزوج بيقوللي إن الزوجة لجأت لرفع دعوى تسوية الخلع قلت للشيخ: (هو انتوا مش مشترطين محدش من الطرفين يلجأ للتقاضي؟) قاللي: (فعلاً)

قتلته: (أنا لو إيصالات الأمانة معايا كنت سلمتهم فوراً للزوج لإخلال الطرف الثاني)

الزوجة وأهلها لما عرفوا إن المجلس العرفي رجع ثاني دخلوا حد من عندهم يتفاوض مع الشيخ علشان يطوحو الموضوع أكبر فترة ممكنة ، بس اتفاجئوا بيا بحط شروط لرجوعهم خلتهم يندموا وجعلت المحكم الشرعي شايف الأمر قاسي عليهم (غالبًا الشيخ مش قادر يستخدم الأوراق علشان خايف من فضيحة ثانية)

من الشروط دي التنازل عن كل الدعاوى المرفوعة وعدم حضور أي طرف لا ترغب اللجنة في حضوره.. [دي لجنة عرفية مش محل بقالة]

بدأوا طبعًا يملصوا من الموضوع ويقنعوا الشيخ إنهم يحلوا الموضوع بتاع الزواج بالود والتسامح وموضوع الماديات يتم حله وقتي 🤔

العجيب إن الشيخ دخلت عليه خطتهم للأسف

👉 الزوج اتصل عليا وأخبرني بكل ده فقلتله: (لو أنا كملت في اللجنة على المبدأ الجديد أبقى بضيع حقك ، الموضوع الزوجي مش هيتحل لو موضوع الماديات اللي بينك وبين أهلها المخبيين اللي دخلوا من البداية لتخبيها عليك اتحل)

الزوجة هتكمل في المحكمة وهتبهلك

بالرغم إن العيال حاليًا عند الزوج اللي مقدرش يتحمل عياله يحصل فيهم كدا مع أهمهم ، راح أخذهم بنفسه

(ونصحته يكمل معاهم محاكم)

الحلول الودية هنا مع النظر على تقاضي طرف من الأطراف على التقاضي الوضعي مضیعة للوقت

#خدوا_المفاجأة_بقي 📌

الزوجة اللي عملت كل ده (إستشارية أسرية لها فيديوهات بتتكلم كل يوم عن حقوق الأطفال وكيفية التعامل بين الأزواج)

كل يوم تدخل تصيح عالفيس وتفضح زوجها والنسوان يصيحوا معاها علشان محدش عارف كل الإجرام ده

لما سألت الزوج عن سبب زواجه من واحدة بتشتغل في المجال ده قاللي إنه اتزوجها وبعد الزواج اهتم بتحفيظها القرآن وبدأ يعلمها ويديها دورات لحد ما أخذت الماجستير ، وبيتجنن إن حالها بقى بالشكل ده

يقوللي: (كانت بتحفظ القرآن وتشتغل على الأخوات محدش ينقل صوتها لراجل غريب ، ودلوقتي بتعمل فيديوهات وهي منتقبة عالفيس عادي)

👉 طبعاً فهّمت الزوج يعمل إيه ، وأقنعتة إن لجنة تحكيم عرفي بالشكل ده ملهاش لزمة وتضييع وقت وعُمر ومجهود عالقاضي

بس حابب نستفيد بشوية نقاط 📌

١/ أكبر غلطة إنك تتزوج واحدة ملهاش في أي مجتمع خارجي وتسعى إنك تخالطها بالخارج بأي حجة (تعليم قرآن _ تعليم علم دنيوي قد ينفع المجتمع) وهكذا الست مينفعش تدخل في صراعات خارجية وتحملها عبء عمل الداخر مع عمل الخارج كمان.. ستفسد منك كما رأيت

٢/ حافظ على عيالك على أد ما تقدر ، بس لو جت مرحلة إنت فيها خلاص أعدّرت إلى الله ومُنعت عنهم أو غيّبت عنهم خلاص ، كمل حياتك عادي وخفف الأعباء من عليك وعيش الإبتلاء صح

٣/ من خطط النواشز اللي شفناها في القصة هي اليد التي تتفاوض واليد التي تلجأ للقضاء

هتلاقيا رافعه قضايا عادي ومن ناحيه تانيه بتدخل خالها أو عمها أو حتى صديق مقرب لك يحل ودي ، عينيها على المكتسبات اللي هتيجي بالودي أكثر وللا بالمحاكم ، وأكبر غلط يقع فيه الأزواج إنهم يفضلوا ساكتين والناحية الثانية بتاعة المحاكم شغالة ٤/ لو دخلت مجلس عرفي وشفّت القاضي العرفي قابل للتهديد أو خطط النواشز دي مش مطروحة عنده اطلع فوراً ، المجلس دا مش هينفعك بشئ ، والقاضي العرفي اللي مش معاه نفس وسائل ردع القاضي الوضعي ملوش لزمة في مشكلتك.. (النوعيات دي بتلعب على القاضي اللي بيشوفوه غالباً محترم ملوش في الألاعيب دي)

٥/ ساهمت في الكام يوم دول بتكملة أخطر محتويات ال (CD) اللي الزوج هيقدمه لعياله لما يكبروا ويعرفهم الموضوع كان ماشي إزاي ، وفرحت جداً لما الزوج أخبرني إنه شغال عليه من ساعة ما قرأ ليا وأنا بتكلم عنه وعن فكرته

#ورينا_يصلح_الأحوال

#تصحيح_مفاهيم_الزواج



مجهول : منذ 10 ساعات

السلام عليكم ورحمة الله وبركاته جزاك الله خيراً ي شيخ الحمد لله وبفضل الله ثم حضرتك والذي اقتنع بالزواج الشرعي وأنا مكنتش عارفة اقنعه ازاي ولما شوفت لحضرتك بوست عن الالتزام بالصلاة على النبي التزمت بيه وجه دلوقتي وقال لي أنه هيمشي ع الشريعة مع العلم ف شخص متقدم ف الوقت الحالي واحتمال يرفض الموضوع ده وخصوصاً أنه المنطقة اللي فيها محدش بيتزوج من غير قايمه خالص وديه هتبقى اول مرة تحصل حتى الشيوخ عندنا هنا بيكتبه قايمه والشخص اللي جاي ليه نحسبه ع خير ومن النادر الاقي شخص زيه ف منطقتي بس هلتزم بالشريعة

حذف

أظهار



0

٣٢٩/ التزمت بالورد ووالدي اقتنع

وعليكم السلام ورحمة الله وبركاته لما عملتي ورد صلاة على النبي صلى الله عليه وسلم شفني بنفسك كرم ربنا سبحانه وتعالى معاكي

الورد ده هتلتزمي بيه تاني مع الشاب المتقدم ، وهتكلميه في أمر الزواج الشرعي ، وهتفهمي منه سبب رفضه للزواج الشرعي ، وهيكون عندنا في الأمر دا إحتمالين

١/ إنه مش قادر يجهز كل حاجة : وغال

اللي هيعمله ، في الحالة دي لو أرسلتي ليا رقمه على صراحة هكلمه وأفهمه يجهز بنفسه إزاي بأقل تكلفه

٢/ إنه مش عارف يعني إيه قايمه : وفي الحالة دي هتصل بيه برضو وأفهمه المطب اللي هيعرضك له وهيعرض نفسه معاكي

#شوفي_بأختي : لا تعتقدي إنك هتستعيني بالله وربنا هيضيعك ، ومتخليش أي حاجة تدخل في حياتك تكون ثغرة الشيطان يدخل ليكي منها علشان تنشزي بعد كدا على زوجك

قفلي الثغرات المتاحة في إيدك يكفيكي الله ما عداها ، ولا يكلف الله نفسًا إلا وسعها متقلقوش... كل البلاد اللي دخلناها مع الشباب كان فيها نفس الوضع وربنا أكرمنا

#تصحيح_مفاهيم_الزواج



٣٣٠/لو عاوزه تقتنع دخلوها الجروب

إحنا بقى عندنا طفرة غير مسبوقة في الجروب ده 🙌😊

<https://t.me/+VaVpo3p4URhmZjdk>

★ مجهول : منذ ساعتان

من فضلك قول للاخ المعقد المقصود
في اخر منشور يدخل زوجته بينا في
الجروب هنخلي الدنيا تهون عليها ان
شاء الله وانا هفرغ نفسي مخصص
ليها انا وصديقاتي واضح ان ذكر التعدد
جديد عليها تقول بس انا زوجي هيعدد
علشان اعرفها

حذف أظهار

👉 دا جروب (أخوات لتسكنوا) على التليجرام
فكرة الجروب كانت إن الأخوات يشرحوا لبعض
كيفية التسجيل في الموقع
بعد كدا تقريبًا الأخوات دول بقوا يتابعوا مع بعض
اليوميات اللي بتنزل واللي بتكلم فيها بخطاب
دعوي شامل ومن بين خطابنا (هدم صنم تبشيع
ومتحلات زوجيه وعيره)

بتفاجئ كل فترة بأخت عندها ٢٠ سنة أو أقل بتقبل المعددين مع وجود فرص لها مناسبة
في شباب كثير وممكن تكون عامله مشاكل مع أهلها وفي إنتظار إني أقنعهم
(الموضوع في الجروب دا معكوس تمامًا)

الحقيقة قعدت أفكر في الظاهرة دي من عدة وجوه وقلت لنفسي وياريت الأخوات
يركزوا كويس

١/هل ده راجع إن الأخت اعتقدت إن الشرع بيلزمها بالزواج من مُعدد ؟

في الحالة دي بنقول لها مفيش إلزام نهائي ، الزواج إيجاب وقبول

٢/هل الأخت بتكون فاهمه إنها لو ردت مُعدد هتكون آثمة ؟

برضو لأ...مع نصحننا للأخوات بعدم رد الكفء صاحب الدين بعد أخذ النصيحة حسب

ملايسات الوضع ، بس متكونش كارهه أو رافضه شئ من شرع الله

٣/هل لإنها شايفه إن التعدد وسيلة كويسة لرفع ضغط عبء البيت والزوج لو عليها

لوحدها ثم بعد كدا أولاد ، فلما يكون الموضوع تم تقسيمه بينها وبين أختها هيكون

سهل ؟

بصراحة في الحالة دي فأنا بحبيها على الفكر العالي ده ، لإنها شايله هَم حسن التبع

وخايفه من التقصير

٤/لو زواجك من مُعدد هيكون سبب في تأخير زواجك بسبب عدم إمكانية إقناع الأهل

فالنصيحة إنك تتزوجي واحد متقدم عنده دين ومش ضروري يكون الموضوع تعدد

وتساعديه بعد كدا يعدد عادي

٥/هل الموضوع هيتغير عند كدا والأفكار هتتغير ؟

دا في حالة إنك تسلمي نفسك للمجتمع من تاني ودا للأسف بيحصل كثير ، فلازم

تسألِي ربك الثبات

❖ودي كانت رسالة من أخت من هناك لأختها اللي زوجها هيعدد ، لو الزوج شاف

الرسالة يدخل زوجته الجروب

وممنوع طبعاً أي شاب يدخل الجروب ده ، أنا نفسي لو سألوني سؤال من هناك بيتم

إرساله عن طريق مُحرم

[#تصحيح_مفاهيم_الزواج](#)



تصحيح مفاهيم الزواج

أحمد الأهواني
الجزء الثالث

٣٣١/ اشرحي لزوجك طباعك

قبل ما أجاب على الرسالة دي أحب أوجه رسالة للأزواج يتقوا الله في زوجاتهم
متعاملهاش زي صاحبك في الشغل ، دماغهم مش زي دماغك ولا فكرهم زي
فكرك.. السلسلة دي هتنتفع زوجك جدًا ياريت يقرأها 📖

[https://www.facebook.com/100006577268085/posts/3](https://www.facebook.com/100006577268085/posts/3261797027382841/)

مجهول : منذ ساعتان

عرفت من حضرتك ان ماينفعش نسيب
بيت الزوج بدون اذنه مهما حصل لان ده
نشوز وانا مش عايزه اعمل كذا بس
مبقتش لاقية حل تانى ممكن اعمله
لما جوزى يرمينى وقت تعبى ومايدخلش
ابدا يسأل عليا وصعبانه عليا نفسي اوى
لانى متجوزه بعيد عن اهلى فولا لاقية
جوزى جنبي ولا لاقية اهلى جنبي
عرفته كتير اوى ان ماينفعش كذا بس
بيكابر فطليبي ولو قولت لاهلى عن
السبب هايكرهوا زوجى لانه جاحد على
بنتهم وانا مش عايزاهم يكرهوا
ينفع اروح عند اهلى من غير ما احكى
السبب وهو وانا تكون عارفين السبب بس
وقتها ممكن يقدر انى ماحكتش
فيتغير؟؟

أظهر أظها



0

261797027382841/

بعد كذا عاوزك تفهمي إن حل

ترك البيت بغير إذن الزوج لا يُعد
حلًا أبدًا

فيه بعض النساء بيعتقدوا إنها

لو تركت بيتها الزوج هيتعلم

غلطه ، لا أبدًا والله دا الموضوع

بيتأزم أكثر

بدل ما هو مش عارف يتعامل

معاكي بتعملي فجوة بينه وبين

عيلتك كلها من غير داعي

(وعُمر العلاقة ما هترجع تاني زي الأول التعدد من دماغ المجتمع) بجانب مناقشة كل

قضايا الأسرة (زواج وطلاق وإنجاب ومشكلات زوجية وغيره)

متعتقدوش إن فيه حل يُصلح حياتك ربنا هيحرمه أبدًا

👉 اقعدي علمي زوجك واشرحيله طباعك كامرأة

والله كثير من الأزواج مش فاهمين دماغ الزوجات ، احترمي ضعفك لو سمحتي وادي
لزوجك مكانته هتفاجئي بالعكس

#تصحيح_مفاهيم_الزواج



مجهول : منذ 12 ساعة

والله ياشيخ ربنا يجازيك خير زوجات كثير
اهتدوا من خلال حضرتك خاصة ف
موضوع النشوز وان الواحدة تغضب انا
واحدة من الناس كنت بعمل كده وانا
معرفش أن ده ممكن يكون نشوز كثير
كنت اغضب لدرجة حسيت ان زوجي
كرهني بس ربنا هداني لصفحة حضرتك
وعرفت غلطى وتوبت توبة نصوح واتغيرت
وزوجى لاحظ التغيير ده وبقا يحبنى اكثر
من الأول كان متابع حضرتك قبلى وفضل
يبعتلى رسائل حضرتك وكنت مبرضاش
اقراها الصراحة بس اهتديت ووعدت
زوجى مسبش البيت مهمها حصل وبقيت
اتحمله وافوتله وحياتنا بفضل حضرتك
بعد ربنا بقت سعيدة وكسبت ثقة زوجى
وحبه



حذف



أظهر



٣٣٢/ربنا هداني وتبت من ترك بيت زوجي



بعض النساء كانوا بيعملوا ده من باب
الر عادي التعدد من دماغ المجتمع)
بجانب مناقشة كل قضايا الأسرة (زواج
وطلاق وإنجاب ومشكلات زوجية وغيره)



وكنت أحضر قعدات كثير والإخوة اللي
بيحلوا الموضوع يكلموك إنه عادي وبتاع
وكنت بتجنن من ده...هو إيه اللي
عادي؟ 😊

وتلاقي لسان حالهم يقولك: (إحنا بس
نرجعها وهي بعد كدا غالبًا حالها هينصلح

التعدد من دماغ المجتمع) بجانب مناقشة كل قضايا الأسرة (زواج وطلاق وإنجاب
ومشكلات زوجية وغيره)

التعدد من دماغ المجتمع) بجانب مناقشة كل قضايا الأسرة (زواج وطلاق وإنجاب
ومشكلات زوجية وغيره)

ويرجعوا يقعدوا بعد شهر في الغضبة الجديدة 🤔

(ما تنقلولهم الشرع كما أنزله الله على نبيه من غير موازنات وملكوش دعوة التعدد من دماغ المجتمع) بجانب مناقشة كل قضايا الأسرة (زواج وطلاق وإنجاب ومشكلات زوجية وغيره)



إحنا بدل ما نربي جيل ونعلمه كيفية التصرف في الرضا والغضب نقعد نقره عالباطل اللي هو واقع فيه!

الحمد لله...بقينا بنشوف آثار وثمرات الدعوة يوميًا من زوجات رجعوا لدينهم وحافظوا على بيوتهم

قَسَمًا بالله... لن تجد السعادة لو ابتعدت عن منهج الله سواءا كنت رجلًا أم امرأة

[#تصحيح مفاهيم الزواج](#)



٣٣٣/اديني والدك

قعد معايا يحكي لي عن والده اللي مش مقتنع بحوار الزواج الشرعي ومش عارف يقنعه

خالص ، وهو بيكلمني والده اتصل فجأة عليه ، قتلته اديني والدك ، ودار الحوار

-إزيك يا حاج ، أنا من كثرة ما ابنك كلمني عنك كنت مشتاق أسمع صوتك

=الله يسلمك ياابني ، إنت مين ؟

-أنا أحمد الأهواني يا حاج ، صديق ابنك ، كنت عاوز بس اسألك عن حاجة

=اتفضل ياابني

-إنت بتتحمل ابنك دا إزاي ؟...دا واد صعب جدًا

=ههههههه.. مش كدا برضو ياابني 😊

-طبعًا يا حاج ، كدا وأكثر كمان ، إنت علشان كدا عاوز تخلص منه وتزوجه بقاينه

علشان يتسجن ؟ 🤔

=هاه... سجن إيه بس يا بني ، ما أنا متزوج أمه من سنين السنين وعمري ما سمعتها
عاوزه تسجنني

-هو إنت هتقارن الست اللي إنت اخترتها من زمان كدا بنات اليومين دول يا حاج
...؟زوجتك في أي مشكلة كنا بنلاقي حد نرد عليه يا حاج ، دلوقتي الحّد دا نفسه
بيجري معاها عالمحاكم ، إحنا لا عاوزين نظلم البنت ولا عاوزين نظلم ابننا ، ولما تعرف
إن الموضوع بقى ماشي محاكم فلازم تأمن ابنك يا حاج ودا أقل شئ عمله معاه ، خد
نفسك كدا وانزل محكمة الأسرة في أي دايره جنبك وشوف الورقة دي عامله في
أصحاب ابنك إيه يا حاج

=ماشي يا بني ، ربنا يعجزيك خير ، أنا مكنتش أسمع ولا أتخيل كدا أبدًا

#وربنا يقويننا_على_فعل_الخير 🌟

#تصحيح_مفاهيم_الزواج



تصحيح مفاهيم الزواج
أحمد الأهواني
الجزء الثالث

٣٣٤/ أقاربك نواشر للأسف

#ركزوا_مع_الرسالة_كدا 📌

كانت مقتنعة بكلامي لحد ما حد قريبها زوج بناته الإثنين بدون قايمه

الإثنين دلوقتي قاعدين عنده في البيت مش عارفين ياخدوا حقوقهم

#أختي_الفاضلة : أقاربك نواشر 📌

من غير ما أدخل في المشكلة

أكاد أجزم بذلك

فكرة تواطؤ مجموعة من الرجال

على ظلم بنات بيت متعين دي

نفهمها إزاي ؟



مجهول : منذ 30 دقيقة

كنت مقتنعه بفكره عدم كتابه قايمه من
ساعه ما تابعت حضرتك لحد من كام يوم
واحد يقرب كانوا بناته الاتنين متزوجين
واحد ابن اخوه وواحد يقرب ليه هو
ومراته وقال احنا شاربيين ومرضيش يكتب
قايمه وفي نفس الوقت جهز بناته
عشان فرحتهم وقال احنا اهل النتيجة
بقا اي ان للأسف الاتنين عنده في البيت
مش طايلين حقوقهم ولا حتي ولادهم
بيشوفهم في الزمن ده ازاي تأمن للناس
وهما بالشكل ده



حذف



أظهار

التربية ياناس... الزواج الشرعي

مش قايمه خالص

الزواج الشرعي تربية من البداية

على الإسلام وانصياع لأوامر الله ورسوله وحسن اختيار (القايمه دي جزء صغير منه)
متخلوش حد يضحك عليكم ويفهمكوا إن الشاب اللي بيدفع دا كله هيخرب على
نفسه

👉 جه ليا شاب بيسألني عن مشكلة طلاق أخته وعدم توفيقها مع زوجها ، وإحنا بنتكلم
لقيته بيقوللي: (مش عاوز مصيرها يكون زي أختنا الكبيرة ، اتطلقت من فترة وقاعده
بعيل)

قلته: (أمك في البيت سيطرة ، صح ؟ التعدد من دماغ المجتمع)
بجانب مناقشة كل قضايا الأسرة (زواج وطلاق وإنجاب ومشكلات زوجية وغيره)
هز راسه وقاللي بصراحة آه ، أبويا طيب وغلبان 🧑

قلته: (مهما عملت مش هتعرف تغير دماغ إخوانك للأسف... التربية غلط من عندكوا
، روح يا بني اتكلم مع أزواج إخوانك علشان دول أكيد متبهدين)
👉 نصيحتي للأخوات: مش ذنبك إن أمك أخذت دور القوامة في البيت ، ذنبك الوحيد
إنك تكوني نسخة منها ومتخليش الإلتزام يغيرك

[#ابحثوا_عن_الأمهات](#)

[#تصحيح_مفاهيم_الزواج](#)





تصحيح مفاهيم الزواج

أحمد الأهواني
الجزء الثالث

٣٣٥/ حوار مع إحدى الأمهات في الزواج الشرعي

- يا شيخ عاوزه اكلمك عن ابني اللي عاوز يتزوج من غير قايمة ، البت مش هتجيب

حاجة خالص ، بيقوللي هتزوج شرعي ، هو أنا كنت متجوزه أبوه عرفي ياناس 🐘

= لا يا حاجة ولا عرفي ولا حاجة ، انتوا فوق دماغنا ، بس إيه مشكلتك إن ابنك يتزوج

زي ما الشرع قال

- وهو الشرع قال البت متجيبش حاجة لبيت زوجها وتساعد معاه ؟

= لا طبعًا ، هي لو عاوزه تجيب الشقة كلها محدش هيمنعها ياست الكل ، بس متجيبش

حاجة غصب عنها

- طب ما هي مش هتجيب غصب عنها

= طب لو مجبتش هتزعلي يا حاجة ؟

- آه طبعًا ، هو ينفع متجيبش ؟

= تمام ، يبقى مش بالتراضي يا حاجة ، هي كدا بتجيب علشان الناس ييلزموها بكده ،

الشرع اللي مفيهوش إلزام انتوا خليتوه فيه إلزام ، نصدق الشرع بتاعكوا وللا الشرع

بتاع ربنا ؟

- هاه ، بس يا ولدي البنات حدانا في البلد بيعجبوا ، نعمل إحنا شرع لوحدها ؟

= يعني اللي مبيعجبش بقى شرع ؟... طب إحنا لو اخترنا شرع ربنا هنختار أي حل فيهم

يا أمي ؟

- نختار شرع ربنا طبعًا يا شيخ

= تسلميلي ياست الكل ، وابنك اختار الشرع اللي مش بيلزم البنت تجيب حاجة غصب

عنها

-طب والقايمه ياشيخ ؟
 =القايمه دي بيكتبها الشاب اللي أَلزم البنت تجيب غصب عنها يا حاجة ، إحنا مش
 هنخليها تجيب حاجة
 -والشقة تبقى فاضيه ؟
 =لأ...الشقة هيكون فيها ابنك وبنته وبعدين هيملوها عيال ، مش فاضيه ولا حاجة ،
 انتي عاوزة تروحي تعيشي معاهم كمان ؟
 -لا يا ابني الله يسهلله هو وزوجته مليش دعوة ، طب والقايمه هتكتبك يايه ؟
 =زي ما النبي صلى الله عليه وسلم كتبها لبناته ياست الكل
 -صلى الله عليه وسلم ، طب هو كتب لبناته إيه ؟
 =مكتبش حاجة 😂، علشان محدش ألزمهم يجيبوا حاجة ، اللي عاوز يجيب يجيب
 واللي مش مآمن وهييجيب غصب عنه مييجيش ، هاه يأمي.هتقعدي تصلي عالنبى كدا
 وبس ؟مفيش أي تطبيق لأفعاله في حياتنا ؟
 -بس يا ابني ابني يقوللي إني ممكن اتسجن بالقايمه دي يأمي ، هو في واحدة ممكن
 تبيع جوزها وتسجنه ؟
 =انت يأمي كنتي ممكن زمان تلبسي بنطلون قصير وتمشي في الشارع ؟
 -ياللهوي ...دا جوزي كان يدبحني
 =كنتي ممكن تغضبي وتمشي من غير ما زوجك يعرف انتي راичه فين وجايه مين
 -إي اللي بتقوله دا ياشيخ ، دا أبويا كان يموتني
 =كان ممكن يكون ليكي فيس بوك تدخله تعلقي عند رجالة وتقولي لدا جزاك الله خيرا
 ولدا أثلجت صدري ؟
 -صدري ..عيب ياشيخ اللي بتقوله ده
 =ما هو ياست الكل دا اللي ماشي اليومين دول ، بنات اليومين دول يا حاجة فيهم بنات
 بايعين دينهم ، مستكتره عاللي بايعه دينها دي تبيع جوزها ؟
 -ياخبر إسود ، ربنا يرحمنا ياشيخ ، بقولك إيه يا ابني ، ما هو إنت زي ابني برضو
 =اتفضل يأمي

-متسييش محمد بالله عليك ، الواد دا طيب وغلبان وشكله هيتهدل 🌈

#تصحيح_مفاهيم_الزواج



٣٣٦/ الحمد لله تم الصلح

إمبارح لقيت أحد المشايخ هنا في العاشر باعتلي شاب في مشكلة ، الشاب لما جه حكى ليا مشكلته مع زوجته وأهلها وإنها تركت البيت من حوالي شهرين ونصف ومعها البنات ومش عارف يحل معاهم خالص

الشيخ اتدخل بواسطة أخو الزوجة واتصل بالشاب ده والشاب لقي إن دي فرصة إنه يرجع زوجته ثاني

لما جه وقت القعدة الشيخ حصل عنده ظرف وأعطاه عنواني وقال له ييجي ليا لقيت الشاب بيقوللي: (القعدة دلوقتي)

قلته: (دلوقتي إزاي؟)

قاللي: (بالله ياشيخ تيجي معايا يمكن الحل يكون على إيدك)

الحقيقة لما سمعت منه شوية تفاصيل حسيت إن دي مشكلة عاوزه تدخل فوري مينفعش تنتظر ، ومشيت فعلاً معاه

رحنا لبيت والد الزوجة اللي الزوجة قاعده فيه هي وبناتها ، اتفاجئت بوالدها رجل ملتحي والأم منتقبة والبيت ظاهر عليه الإلتزام

قعدت شوية كذا أسمع من الأطراف علشان العدد كان كبير (ناس من أهل الزوج ، وناس من أهل الزوجة ، لحد ما ترجمت التفاصيل)

سألت والدها: (هو بنتك غضبانة ليه يا حاج؟)

الراجل قاللي: (أنا بنتي مش غضبانة ولا حاجة ، دي نزلت معايا وهما سمينة على غسل ، ولما كلمته أقول له إن زوجتك عندي زعل جدًا إنها نزلت من غير إذنه ، طب ما أنا أبوها رحت أخذتها فين المشكلة؟)

قلتله: (ياحاج ، هو بنتك دي ينفع تخرج بغير إذن زوجها من البيت ؟..إيه علاقة إن فيه مشكلة أو مفيش ؟ وبعدين ليه متعلمش بنتك تستأذن زوجها قبل الخروج ؟) الحقيقة الراجل سكت خالص واتكلمت مع الزوجة نفسها اللي فهمت منها إنها متزوجة من قريب ويتدرس علم شرعي ، كلمتها بالشرع علشان تستوعب الجرم اللي عملته وهي كمان أقرت بغلطتها واعترفت بيها

👉 العلاقات بين الطرفين باظت خالص ، باظت بعد ما كان الزوج يقول عن حماه وحماته إنهم زي والده ووالدته

علاقة الزوج بإخوة الزوجة الذكور كانت فوق الممتازة ، فهمت ده من الروابط المادية فيما بينهم ، واللي اتفركشت كلها بعد غضب الزوجة وتركها بيته

👈 المشكلة عند الزوج هي إن الزوجة تركت بيته فالأهل أقروا بغلطتهم ، بدأت أطلب من الزوجة تتكلم وتفهمني إيه المشاكل اللي بتوصلها تعمل ده

بدأت الزوجة تتكلم وفي كل تفصييلة ألاقي حد من الحضور قام يمسك في الطرف اللي قصاده 🗨️

الحمد لله ، قمت وحكمت الموضوع وقتلتهم: (بقوللكوا إيه ، أنا لا أعرفكوا ولا أعرف الزوج ، الزوج دا من 1/2 ساعة بس دخلني في مشكلته ، ولما قاللي تعالى اركب معايا عربيتي رفضت وجيت بعربيتي ، عارفين ليه ؟)

قالولي: (ليه ؟)

قلتلهم: (علشان لما أقول كلام ميعجيهوش ألاقي مواصلي معايا وأحكم بينكم من غير ضغوط 🗨️)

طبعا المجلس كله قعد يضحك والزوجة اطمئنت ليا ، والحمد لله مكنتش تعرف أنا مين وإلا مكنتش قعدت خالص 🗨️

➡ الزوجة اتكلمت وقالت: (الزوج جاف معها جدًا في التعامل ، بدأت طريقة تعامله مع أهلها تتغير ، يضغط عليها في معاملته ببنته ويحاسبها على كل شيء ممكن يحصل لها بالرغم من فرط حركة البنت وإنها لسه بتتعلم تربيها إزاي ، دايمًا حاططني في أزمات مادية وبتزنق باستمرار في شراء طلبات البيت ، كل ما أكلمه مش فاضي يرد عليا ، ابعتله واتس بيرد عليا بعد وقت طويل ، كل دي مؤشرات مخلياني أفهم إنه مش حابيني مع إني بحبه جدًا بس ليه يتعامل معايا كذا ؟..بحاول أطلب منه كثير يخرجني ومفيش فايده ، لا عاوزه مصاريف زيادة ولا شيء أنا بس عاوزه اهتمام بيا زي ما بيهتم بالبنت كذا ، دا كل ما البنت تعمل حاجة يهدلني بسببها ليه الضغط دا ؟)

الزوج بدأ يتكلم فقلته: (بعد إذنك متكلمش ، أنا فهمت كل حاجة)
حسيت ببعضهم بيقاطعني قتلهم: (ياجماعة ، فيه واحد بي فهم النكتة قبل ما تنقل ، وواحد تاني بي فهمها بعد ٣ سنين ، أنا فهمت والله كل مشكلة بنتكوا)
قتلهم: (شوفوا....مشكلة بنتكوا مشكلة هايفه جدًا بتحصل في كل بيت ، بنتكوا ربنا يحفظها عندها دين حتى لو غلطت فاعترافها بالغلط بيكبرها في نظرنا ، الزوج لازم يفهم
مني الكلمتين دول 🏠

١/ مفيش حاجة اسمها زوجة بتنزل تشتري طلبات البيت ، البيت دا مسئوليتك إنت ، متخلش زوجتك تتعامل مع بقال ولا صيدلي ولا مكوجي وإنت موجود
٢/ موضوع مصروف البيت اللي إنت بتقول لازم يكون في إيدك [لأن الزوج اتكلم في ده] إنت فاهمه غلط ، الموضوع كله عبارة عن راتب خاص بيك ، عليك مسئولية التعامل فيه (تشتري منه احتياجات البيت وكل اللازم) بس مفيش مشكلة تكون سايب أي مبلغ ولو بسيط ٢٠٠ ج مثلاً لحدوث أي ظرف طارئ وإنت مش موجود ، والزوجة هتصرف فيه بمعرفتك طبعًا

٣/ليه متخرجش زوجتك ، هي طالبة تخرج معاك ، فين المشكلة ؟
(البنت وهي بتكلم قالت إنه حتى مش عاوز يخرجها ويروحوا المسجد ، يعني الموضوع مش موضوع فلوس ومصاريف)

٤/ طبعًا موضوع الإهتمام دا غالبًا مشكلته إنكم لسه متزوجين من ٤ سنوات ، عادي
تصبروا شوية لحد ما تتعلموا الحياة بتمشي إزاي

٥/ أكبر غلط في التربية إنكوا تتدخلوا في التصحيح لبعض قدام الأولاد ، مينفعش الطفل
يعرف إن فيه طرف من الأطراف بيعمل غلطة في تربيته وإلا هتسقطوا نفسكوا من عين
الطفل والطفل هيلجأ لطرف دون طرف وهتكون مشكلة

بعد ما قلت الكلمتين دول الزوج قاطعني وقاللي: (إهتمام إيه ياشيخ ، دي من يوم ما
تزوجتها وأنا مديون وعليها ضغوط لا يعلم بها إلا الله)

قلتله: (هو إنت فاهم إن الضغوط اللي عليك أكبر من الضغوط اللي كانت على سيدك
النبي ﷺ ، مع الجهاد والدعوة وتعليم الناس ونشر دين كامل عامل وقت لأم المؤمنين
عائشة قاعده فيه تحكيه قصة (أم زرع) لا كمان ومركز معاها ومديها إهتمام ، لو عندنا
مشكلة نعالجها مش نقعد نبرر لنفسنا لأن خير الهدي هدي النبي ﷺ

وبعدين يعني هي طالبه تخرجها كل يوم !

قاللي: (بس دي دايمًا متوترة ياشيخ ، مضغوطة بسبب دخولها في مشكلات صديقاتها
ومشكلات والدتها بتحكيها)

قلتله: (لو المشكلات اللي صديقاتك بيدخلوكي فيها بتعمل ضغط عليك وتؤثر بسببها
على فطرتك اوعي تسمعي مشكلة ولا تتدخل فيها)

الزوجة قالتلي: (طب ينفع ياشيخ أروح البيت ألاقي الكالون متغير ؟ غير الكالون بعد ما
مشيت)

قلتله: (ياأختي ، بعد ما تسيبي بيتك متكلميش مطلقًا في أي شئ فيه من أول الباب
لحد أوضة النوم، انتي اللي مشيتي ، لو حاسه إنه بيتك مكنتيش خرجتي منه)

الزوج والزوجة فهموا الموضوع وكانوا مرتاحين للكلام جدًّا فلقيت الأهل من الطرفين
بدأ كل واحد منهم يقف يصفى الحسابات مع الطرف اللي قصاده... 🤔 قلتهم:
(ياجماعة هو انتوا جايين مش مراجعين نيتكوا ؟.. إحنا مينفعش ننظر لحظوظ أنفسنا
مطلقًا ، كل همنا هو إصلاح البيت ده اللي غالبًا الشيطان كل ما ندحره يرجع تاني

ويوسوس لواحد منكوا ، أنا نفسي جاي ومستعد لأي حاجة في سبيل إن البيت يتم
(إصلاحه)

👉 الحمد لله ، ربنا وفقني إن البنت رجعت لبيتها ، وكان لها طلب أخير عندي قالتلي:
(لما يحصل مشكلة تاني نعمل إيه ؟)

قلتلهما: (اعملوا زي ما عملتوا دلوقتي ، دخلوا واحد يحل بالشرع في بيتكوا اللي هو
بيتك وربنا سبحانه وتعالى نسبه ليكي في القرآن ، حد يبجي يقعد معاكوا تصطلحوا عليه
، متخرجيش من بيتك نهائي ، شايفه خروجك عمل مشكلة كبيرة بين كل الأطراف إزاي
بعد ما كانوا بيعحبوا بعض ؟)

👈 الشرع جميل يا جماعة ، اتعلموه هترتاحوا وهتصلحوا بيوتكوا والله

[#تصحيح مفاهيم الزواج](#)



👉اليومين دول بيجيلي شباب كثير في مشكلة جديدة شويه
المشكلة إنهم خطبوا من الموقع بنات صغيرين في السن بس كلامهم عامل للشباب
قلق شويه

واحد منهم مثلاً يقوللي: (بلاقيها مش معترضة على التعدد ولا أي حاجة خاصة بيه ،
واستغربت أساساً لما لقيتها هي اللي بتفتاحني في الموضوع ، مش عاوزه تخرج من
البيت نهائي ومؤمنة جداً بالقرار في البيت ، كارهين النسويات بطريقة فجأة غير المعتاد
حتى لو من أهاليهم ، كلامهم في الطاعة جديد علينا كشباب ، إحنا عاوزين واحدة
مطبعة صحيح بس مكناش نتخيل إن الموضوع يكون بالشكل الشديد ده لدرجة إنها
بتسمع كلامي وإحنا لسه مخطوبين مع معرفتها إن دا مش إلزامي عليها ، بنسألهم بتعملوا
إيه دلوقتي فبنلاقيهم واخدين فترة عودة للفطرة قبل الزواج .. 🤔 هو دا بجد ياشيخ ؟) 🤔

#تحليل_الظاهرة_دي👉

بعض الشباب يفتكر إن دا صنف المتدثرات اللي بتتكلم عنه والشاب يكون جاي ليا أساسًا على أمل إني أنصحہ يلغي الخطوبة ، بس بيتفاجئ بكلام تاني خالص البنات دول نتيجة طبيعية لخط دعوة بيخاطب الفطرة ، خط دعوة جه في وقت ظهرت فيه النسوية بوجهها الحقيقي في كل عائلة بل في كل أسرة وشافوا بنفسهم خراب بيت بنات عمهم وخراب بيت صديقاتهم بل وجد البعض منهن خراب بيت الأم لما مشيت خلف النسوية

البنات دول وجدوا في الدعوة النسوية والخطاب السيمباوي اللي بيمارسه بعض الدعاة حاليًا أقرب وسيلة لدخول جهنم اللي هما ملتزموش إلا علشان يهربوا منها 🔥
👉 غالب سن الفتيات دول بيكون صغير نسبيًا [من ١٨ سنة لحد ٢٥]

#بنصح_الشباب_بياه؟🤔

الحقيقة بنصح دايمًا الشباب يتعلموا يتعاملوا مع الصنف دا إزاي الصنف دا يستاهل إنك تشتغل على نفسك علشان تعرف تتعايش معاہ البنت اللي تشربت الدعوة بالطريقة دي سهل جدًا الشيطان يسيطر عليها وتنتكس علشان مفيش علم لسه (الشئ الوحيد اللي بيحافظ على ثباتك على الدين هو العلم الشرعي)

العلم اللي هيكون بعد الزواج مسئوليتك إنت أيوا.....إنت

إنت اللي عليك تعليمها ، تعليم المعاهد بالشكل اللي بنشوفه دلوقتي مش هو العلم الصحيح اللي المطلوب من المسلمات يتعلموه ، غاية العلم الشرعي للنساء هو الوصول بالمرأة لحسن التبعل ومن ثم يوفقها الله لعباداتها بطاعتها لزوجها ودا مش موجود في المعاهد الشرعية للأسف أو مبيتمش التركيز عليه
👉 الصنف دا ممكن يفسد تمامًا لو هتعمل ده👉

١/ لما تتزوج مستهزئ فرصة إنها بتقول التعدد عادي وجميل فيحملك ده إنك تقعد تكلمها كل شوية عنه أو يوصل بيك الحال إنك تخليها تدور لك مثلاً (حتى لو من باب المزاح)

خليك واقعي ومتعيش الشيطان عليها وتخليه يدخل لقلبها من باب الغيرة فتكره التدين وتغير معاك... وقت ما تحب تعدد ابقى عرفها أول ما تلاقي أو حتى متعرفهاش... بس مش كل شوية تقعد تكلمها فيه

٢/ الصنف دا هيمر بأوقات فراغ كثير في حياته ، الفراغ دا ممكن يخليها تتطلع للي حوالها ، فبلاش بالله عليك تعمل نفسك مش فاضي وعندك مشغوليات الأمة فوق دماغك وتطنشها أو لما تحتاجك متلاقيكش جنبها ، اديها من وقتك واعمل زي سيدك النبي ﷺ ما كان بيعمل مع زوجاته

٣/ احذر الاختلاط ، مقصده الاختلاط مع الرجال إحنا أساساً مش هنوصل لده احذر الاختلاط مع نساء أهللك بالذات ، عيلتك فيها الصالحة والطالحة اللي هتشوف حياتك فهتفسدها عليك ، هتلاقي زوج أخت ممكن يكون بيقول لأختك خليك زي فلانة اللي بتحسن التبعل لأخوكي ، أو فلان اللي سمع عن زوجتك وشاف فيها مواصفات الزوجة القارة في بيتها وقارنها بزوجته وقعد يكلمها عنها ، أبوك نفسه ممكن يقارنها بأملك ويعمل عداوة بين زوجتك وحماتها
الغيرة بين النساء من أصعب ما يمكن ، والنفسة في البيئات دي ممكن توصل للأعمال السحرية (ربنا يبعد عنكم الشر)

٤/ البنت دي مؤمنة تماماً بالقرار في البيت ، بلاش تخلي حبها للقرار ده يحرمها من الخروج معاك ، بلاش تهملها أو تشغل بعد ما تخلفوا عيال بعلاقة خاصة تكون بينك وبينها

٥/ اوعى تسافر وتسيبها ، هتندم ندم عمرك البنت اللي رجعت لفطرتها عمرها ما تستغنى عن راجل في حياتها (وافهمها بقى زي ما تفهمها) 😊

خلي لك مَسْكَن دايماً جنب شغلِكَ ، متسيبهاش علشان تفضل محافظ على الكنز اللي معاك

٦/سرك وسرها لازم يكون في بير ، الدنيا لو احتدمت بينك وبينها أوي دخلوا حد غريب عنكم تماماً يكون فاهم في الشرع

متديش فرصة للقريب يكون هو الثغرة اللي الشيطان يدخل لحياتكوا منها مهما كانت ثقتك فيه..(معلش....خد بنصيحة أخوك إحنا كاشفين كل حاجة من فوق)

👉البنات دول كانوا فاهمين دعوتنا غلط لما كانوا يسمعوا عنا ، لما سمعوا منا اكتشفوا إننا خايفين عليهم بجد

إحنا مش بس خايفين على فطرتهم من مجرد الدخول في تعليقات الرجال ، لاأبداً..
دا إحنا بنخاف عليهم من الدخول في التعليقات مع النسويات حتى لو يصدوا عن دعوتنا والله أهم حاجة سلامة قلوبهم من الإنتكاس

[#تصحيح مفاهيم الزواج](#)



٣٣٨/زوج لوالدتي ياشيخ

👉اللي بنشوفه اليومين دول عبارة عن طفرة في الوعي غير مسبوقه والله... (ربنا يديم//ها نعمة)



دا شاب محترم جتداً عاوزني أساعده في البحث عن زوج لوالدته اللي عندها ٥٢ سنة بعد وفاة والده وتربيتهم جميعاً قتلته:
(والدتك طلبت منك عريس ؟)



قاللي: (ياشيخ أحمد ، هو في ست ممكن تطلب الطلب ده ؟..فين البر لو أحوجتها تطلب ؟) 🏠

👉 الأسبوع اللي فات برضو لقيت شاب جاي يقوللي إن فيه راجل متقدم لوالدته الأرملة بس خاله معطل الموضوع

قلتله طب ما تزوجها إنت ، إنت تصلح ولي شرعي لوالدتك

👈 الشاب جاب الراجل وجه يعرفني عليه وياخد رأيي فيه 😊

👉 كسر التابوهات الجاهلية اللي المجتمع عملها في حق الأرامل إنها لازم تقعد تربي العيال لحد ما يبقوا رجالة وتكبت رغبتها الفطرية في الزواج أمر ليس من دين الله في شئ مطلقاً يا جماعة

بلاش تتبعوا دين غير دين ربنا سبحانه وتعالى علشان النتائج هتكون وحشة والله

[#تصحيح مفاهيم الزواج](#)



٣٣٩/بس دول ناس طيبين

[#بس دول طيبين ياشيخ](#) 🏠

👉 الكلمة دي بسمعها من كل شاب داخل يتزوج غلط

بقول له: (هل تعتقد إن اللي في المحاكم دول ناس دخلوا بيوت الأشرار ؟...وللا كانوا شايفين الناس طيبين زي ما إنت شايفهم ؟)

الفكرة في الزواج التقليدي اللي غالبية الناس ماشيين عليه في مصر مش في الغرم المالي أبداً (الفلوس دي آخر حاجة ممكن نفكر فيها ، بل اللي غيرك شايفه كثير إحتمال يكون ملايم بالنسبالك)

المشكلة في الزواج التقليدي إنه زواج بدأ بقولك للناس: (عاوز أتزوج زي ما الشرع قال فيقولولك لأ 🏠)

المشكلة إنك بتدخل بيت لناس مش منطقيين...بيجيوا معاك حاجات في الجهاز علشان يكتبوا قايمة مش علشان بيعجيوا هدية لبتهم ولا شئ زي الشرع ما يقول على سبيل الفضل مش الإلزام

علاقة بتبدأ بـ(إحنا بنشتري راجل) وبتنتهي بـ(هو عاوز يعمل راجل على بنتنا!)
الزواج اللي بتشوفوه في غالب البيوت في مصر عبارة عن كيان هَش ماشي بالفشخرة ملوش أي صلة بدين الله في شئ

← بعد ما تتزوج بالطريقة الفاشلة دي بتكتشف إن مفيش أي بركة في حياتك ، صحيح في بيوت هتشوفها من بعيد ماشيه بس هي ماشيه فعلاً علشان فيه إيصال أمانة بيمشيها بقوة القانون (مفيش قوامة فعلية في إيدك ولا وُضعت معاها موضع المَحَك)

👉 سعيد جداً بالصحة الموجودة دلوقتي لناس فهموا يعني إيه بيت مسلم ، يعني إيه بيت عاوز يبدأ بالشرع من لحظة التأسيس مش بيت فيه طرفين بيتفقوا هيصلاوا إزاي وهيحفظوا قرآن إزاي والشيطان قاعد في أساسيات العلاقة من البداية وهما مش واخدين بالهم ، وبيتفاجئوا بوجوده مع أول خلاف ولو بسيط ويسألوا هو جه منين!

← الزواج الشرعي عملية عودة لكتاب الله وسنة نبيه صلى الله عليه وسلم من جديد
فلو عاوز تبني بيت مسلم بجد مفيش قدامك غيره

[#تصحيح_مفاهيم_الزواج](#)



٣٤٠/ لا تُنكِحُ الأيمَ حتى تستأمر

👉 قال النبي ﷺ: (لا تُنكِحُ الأيمَ حتى تُستأمرَ ، ولا تُنكِحُ البكرَ حتى تُستأذَنَ . قالوا: يا رسولَ الله، وكيفَ إذْئُها؟ قال: أنْ تَسْأَلَ) [رواه البخاري ومسلم]

← الأيمُ: هي المرأةُ التي سبقَ لها الزَّواجُ

← البكرُ: هي المرأةُ التي لم يسبقَ له الزَّواجُ



مجهول : منذ 12 ساعة

السلام عليكم ورحمة الله وبركاته كنت عايزة أسأل حضرتك ي فضيلة الشيخ في سؤال اوريد توضيح جزاكم الله خيرا اي الخطأ مثلاً أن البنت ترفض شخص متزوج وهيا سنها صغير 23 مثلاً ولسة الحياة قدامها او مطلق معاه طفل هذه اسئلة للفهم لما أحد بيعت في الموقع كدا بسبب الطلب حتى ينتهي ال 24 ساعة ويختفي الطلب علشان محرجش أحدًا وكمان محدش من الأهل هيوافق بكدا وبصراحة أنا لا او ما هو الصح وارجوا من يعلق يكون تعليقات لا يكون في تريقة علينا ممكن نكون مش فاهمين صح جزاكم الله خيرا كثيرًا



حذف



أظهر



0

نهى النبي ﷺ عَنْ تَزْوِيجِ كُلِّ مِنْهُمَا بِغَيْرِ إِذْنِهَا
الاستئمار هو طلبُ أمرها ومَشورتها في الزَّوجِ

الَّذِي يُرِيدُ أَنْ يَتَزَوَّجَهَا

والاستئذانُ للبكر هو طلبُ إِذْنِهَا

البكر علشان عندها حياء زائد كان السكوت

علامة الرضا

يعني الرضا للمرأة مُعْتَبَر في الشرع (مفيش

زواج يكون بالغصب)

كل اللي فات دا الحكم الشرعي

[#تعالوا كدا نشوف الواقع بتاعنا](#)

لما يتقدم رجل للبنت (كفاء ومحترم وعنده دين)

بنكتشف في مجتمعنا إنه ممكن يتم رفضه بسبب إنه (مطلق) أو (معاه طفل) أو (معدد)

صحيح البنت لها حرية تامة في القبول أو الرفض ، ولكن اللي بنشوفه في مفهوم الحرية

محتاج منا وقفات

البنت ممكن تكون موافقة....(بس المجتمع بيقول لها لا)

المجتمع اللي كان سايبها تعاني الوحدة مجبلهاش زوج

ولما بترفض المجتمع ميعوضهاش وييسببها لصاحب النصيب اللي هيبجي ومش عارفين

إمتى 🙄

ممكن يضع عليها عشرات الفُرس بسبب تابوهات المجتمع للأسف

👈 بنشوف الموضوع دا بوضوح في التعداد ، الزوجة الأولى المجتمع بيطلبها تطلب

الطلاق علشان متبقاش زوجة أولى ومعاه حد ثاني ، وبعد الطلاق المجتمع يصفق لها

👉 عدة أيام ويتركها لتتزوج من زوج معدد وتبقى الثانية ، وتسمع بعدها الكلمة دي:

(اتجوزي وخلاص هي دي فرصك)

طب ما انتي كنتي متزوجة!

يبقى مینفعش یجول فی خاطرنا أن الله ضیع أحدًا من عبیده باتباعه للشرع... (الفکر دا فکر خاطئ تمامًا)

المجتمع اللى بیحاول یطمس کیفیة الزواج علشان نتبع الأعراف الضالة هو اللى بیضیع حق البنات... (مش ربنا أبدًا)

البت فی الشرع لها (مهر) حقیقی مش مهر علی الورق

البت فی الشرع معلیهاش تجهیز نفسها

➡ ضمان حق البنت بالمهر مفیہوش مشکلة ، تطلب المهر وتستلمه فی إیدها (فلوس

ماشى _ ذهب ماشى _ لابتوب مفیش مشاكل _ عاوزاه جاتوه ولا تشغلى بالك 😊)

➡ فکرة إنکوا تلزموا نفسکوا تجیبوا حاجات ، وتحطوها فی بیت شخص انتوا قلقانین

منه

(انتوا اللى بتضیعوا حق نفسکوا بالشکل ده)

وبعدين یعنى هى هتأخذ إیه بالقایمه غیر تدخل الشیطان فی حیاتها ونزع قوامة زوجها

علیها (القوامة اللى هى أكبر عامل معاکوا لاستقرار حیاة وبيت بنتکوا)

👉 أنا لو تخيلت إن زوج عائشة بنتی هيعیش مع البنت فقط علشان علیہ إیصال أمانة

وهو دا إستقرار بیته هحس بنفسى مش بنى آدم والله... (زى ما شايفین کثیر من البيوت

متلصمة للأسف)

➡ ویبقى السؤال: ما هو الحق الذى نسیه رب العالمین وتذکره أهلنا فی مصر ؟ 🤔

[#اتقوا_الله_فی_بناتکوا](#)

[#تصحیح_مفاهیم_الزواج](#)





٣٤٢ / زوجها عنده مرض نفسي

كنت رايح معاه إمبراح في مشكلة زوجية اتعرضت لها أخته مع زوجها لما رحت لقيت نفسي في بيت والده وأخته موجودة هناك وهي اللي طلبتني علشان تستشيرني في حكم طلب الطلاق من زوجها مكنتش قاعده هناك غضبانه ولا شئ ، عايشه مع الزوج عادي بس عاوزه تعرض حياتها وأفعالها على الشرع علشان تشوف هي ماشيه صح وللا غلط

← الأخدت دي اتزوجت من حوالي ٣ سنوات ، معاه دلوقتي طفلة (ربنا يحفظها) ، قبلت الزواج من الشاب ده لما عرفت إنه ملتزم وبيشتغل مُحفظ قرآن وأهله ناس ملتزمين جدًا

قبل الزواج قالولها إنه بيعاني من مرض عصبي (إكتئاب ثنائي القطب) وهي جزاها الله خيرًا تقبلت ده وقبلت بالزواج منه

بعد الزواج مباشرة اكتشفت إن الشاب اللي تزوجها مُدمن إباحية 😞 صدمة الأخدت وهي قاعده تحكي معايا معاناتها كانت بتعبر عن دهشتها ، وإنها إزاي مكنتش مستوعبة إنها ممكن تختار حد عنده دين ظاهري ثم تكتشف أمرًا كهذا المصيبة الأكبر إنها بتقوللي: (مكنتش أعرف حاجة خالص عن الموضوع لإني آخري موبايل بزرير إلى الآن ، هو اللي بدأ يعرض عليا الحاجات دي ويكلمني عنها 😊)

لما انهارت راحت لوالدته علشان تنهاه عن اللي بيعمله وعاوز يعمله معاها فاتفاجئت بوالدته بتقول لها: (عادي يابنتي ، أنا عارفه كل دا من وهو شاب صغير ، ثم الموضوع خاص بيه انتي مش هتتحاسبي عنه)

الرد بتاع والدته كان هيعمل للبت فتنة في دينها ، بتقوللي مش مستوعبة إني كنت أسمع التبرير ده من ست كبيرة ظاهرها الإلتزام

كل دا كوم وهمته في شغله كوم ثاني ، مش بيحب يشتغل ولا عاوز يتحرك من مكانه ،
بتقوللي إنها لو أهلها ساعدوها بشئ مادي بتحطه في البيت علشان هو بيكون مقصر
غالبًا في إحتياجاتنا المادية

وفي النهاية قالتلي: (أنا بصراحة ياشيخ طلبت من أخويا يدخلك تفهمني أعمل إيه ، أنا
بقيت أستخير في الطلاق كتير اليومين دول)

سألته عن وضعه دلوقتي وحاله مع ربنا قالتلي: (هو كل فترة يحاول يرجع ، آخر مرة
دخل دورة في واعي علشان يخرج من اللي هو فيه ، دلوقتي كل ما اسأله إنت لسه
بتعمل ده يزق ويقوللي: (انتي كل شوية تفكريني ؟ أنا خلاص مبقيتش أعمل كدا)



وبعدها بكتشف إنه رجع للإباحية ثاني
أنا بقيت في حيرة ياشيخ ، منين الشرع يطالبني أحسن له التبعل في الوقت اللي أنا مش
طايقاه ولا مستوعبة اللي بيعمله

بعد ما الأخت خلصت كلامها بدأت أتكلم معاها بهدوء شديد بعد ما سألته عن
موقع الزوج في عيلة والده ، وبعض التفاصيل عن حياته ، وقلتلها ركزي معايا في الكلام
ده 🙏

زواجك من الشاب دا وهو عنده مرض نفسي ولم يقم بإخفاء المرض عنك من البداية
توضح إنه موقعش معاكي في غش ولا شئ

طبيعة المرض اللي بتكلمي عنه كمان من أعراضه الدخول في حالات تغير مزاجية ومنها
الإكتئاب والعزلة ، وهو دا الوقت اللي الشيطان يسيطر عليه فيها

الإباحية نوع من أنواع الإدمان زي أي إدمان ، بيحتاج فترة تعافي ، وبيحتاج حد ياخذ
بأيده ويطلع منه ، لازم تكوني واخده بالك إنك مشيتي معاه مشوار كويس جدًا في
العلاج ربنا يأجرك عليه فبلاش بتضيعي اللي عملتيه

قالتلي: (هو فين المشوار ؟)

قلتلها: (المشوار بدأ من ساعة ما طلب منك حاجات تعملها من اللي بيشفها وانتي
رفضتي وأبديتي له بشاعة الموضوع ، بعدها الشاب بدأ يبحث عن التعافي والعلاج من

خلال واعي زي ما قلتلي ، دخوله في مرحلة العلاج يفهمك إنه ماشي صح ، فيه مراحل أكبر من كذا بكثير لنساء تمادوا مع الأزواج في الحرام)
اتعجبت وقالتلي: (مراحل أكبر من كده ؟)

قلت لها: (في زوج جه ليا قبل كذا يطلب مني أتدخل علشان أرجع له زوجته اللي تركت البيت ، ولما سألته عن السبب قاللي إنه مدمن إباحية وبقي يخلي زوجته تنفرج معاه فبقت تنفرج علشان ترضيه ، بعدها طلب منها تصوير فيلم لها وموقع من مواقع الإباحية قبضوه مبلغ مالي بالفعل ، والزوجة سلعة التنفيذ هربت من البيت)

الأخت صرخت وخبطت على دماغها وقالتلي: (إزاي الكلام دا ياستير يارب)
قلت لها: (دا موقف حصل معايا فعلاً وكنت مستغرب إزاي ممكن نفسه المريضة تسول له إني ممكن أساعد في رجوع زوجته له تاني بعد المصيبة دي)
الأخت حست إنها في ابتلاء ولما شافت السقف من فوق بدأت تهدأ وتقوللي: (ياشيخ بالله عليك انصحني)

قلت لها: (ياأختي محدش منا معصوم ، وزى ما بقول للشباب ميغتروش بلباس ظاهر للمتدثرات فأنا كمان خايف على الأخوات من أصحاب السمات الظاهر من المتدثرين ، وكل حالة ولها درجات ، بس تمشي في علاج زوجك صح)
سألتني عن حل أمثل لوضعها فقلت لها: (أكبر غلطة إنك كل شوية تستخيري في الطلاق منه ، بتستخيري تقولي إيه ؟!...! بتقولي اللهم إن كنت تعلم أن طلاقي من زوجي خير لي في ديني ومعاشي ؟!...! انتي ملكيش حق ولو ١ % في طلبك دا ياأختي ، ولو كل أخت اكتشفت شئ في زوجها [قابل للعلاج] وطلبت الطلاق الشيطان هيتمكن من البيوت المسلمة)

قالتلي طب اديني خطة للعلاج ، أنا بدأت أفهم

قلت لها اعملي اللي هقولك عليه دلوقتي 🙏

١/زيادتك في حسن تبعلك هو دليل قُربك من ربنا سبحانه وتعالى ، ولما هتقربي من ربنا دعائك لزوجك هيكون أكثر إستجابة وربنا هيصالحه ليكي (استعيني بربك في علاج زوجك علشان صلاحه هو صلاح بيتك وذريتك)

٢/ اوعي تجيبي سيرة الطلاق على لسانك ولا تخليه في خياراتك ، مش معقولة كل ما زوجك يحاول يتوب والشياطين تتفلت من البيت تسمعك تاني بتفتحي لهم باب الأمل في الطلاق فيرجعوا تاني للسيطرة عليكوا

٣/ علاج زوجك هو أكبر ضمانه لحياته مع بنته ، إنتكاسته ممكن تدخله في حالة مش هتأمني على بنتك معاه (زنا المحارم ميكونش بغير الإباحية)

٤/ اوعي تجيبي فلوس من بيت والدك وتحطيه في البيت ، لما تعرفي إن زوجك بيتواكل على ده متساعديهوش فيتواكل أكثر ، الزنقات هتعلمه يعتمد على نفسه ويحس بالمسئولية

٥/ زوجك مريض ، لازم تستوعي ده ، والمرض قد يكون هو الداعي لكل ده ، لازم تستعيني بالله وتاخدي بإيده ومش كل ما يجيله دور إكتئاب تفضلي تنغصي عليه وترعليه ، احتويه هو مش عاوز أكثر من كدا ، احتويه بدل ما الشياطين هي اللي تحتويه

٦/ لازم تفهمي إنك بتحسني التبعّل (الله).. لو فهمتي دا هتعلميه بنفس راضية وربنا هيرضيكي

٧/ انتوا لسه بادئين حياتكوا ، ٣ سنوات مش حاجة ، أساساً أول ٧ سنوات هي مرحلة إنكم بتفهموا طباع بعض ، فاتحملي شوية علشان ربنا يكرمك ويهديه
👉 في النهاية الأخت شكرتني جداً وقالتي أنا كنت منتظره والله أسمع كلمتين زي دول ، جزاك الله عني خيراً

[#تصحيح مفاهيم الزواج](#)



تصحيح مفاهيم الزواج
أحمد الأهواني
الجزء الثالث

٣٤٣/ هترجع بإيصال أمانة

بعد ٤ سنوات من القضايا اتصل عليا علشان ياخذ رأيي في الموضوع بتاعه ويشوف حياته ماشيه صح وللا غلط

-بعد ٥ شهور من زواجي ياشيخ زوجتي غضبت وتركت البيت وقعدت عند والدها ومن يومها مفيش بيننا غير القضايا
=وزوجتك كانت حامل ساعتها ؟
-أيوا .. 😞 ٣ سنوات ونصف دلوقتي بشوف ابني بالرؤية وحياتي بايظه خالص
=سبب ترك البيت كان إيه ؟
-نقاش عادي خالص بيني وبينها اتفاجئت بسببه إنها تركت البيت
=القضايا اللي عملتها إيه ؟
-نفقات وقايمه ، دي كمان عملت إستئناف على النفقة الزوجية علشان تزيد دا غير نفقة ابني اللي بدفعها لها بزيادة ومش عاجبها برضو
=حاولت تدخل حد من الطرفين ؟
-أبوها عجة ياشيخ ، الكلام مش معاه خالص
=طيب والوضع دلوقتي إيه ؟
-زوجتي أصيبت بمرض خطير جدًا [ربنا يشفيها] وتلمحلي إنها عاوزه ترجع بس عاوزاني أكتب قايمه جديدة
=وانت عاوز ترجع علشان ابنك طبعًا
-آه والله ياشيخ ، عندي دلوقتي ٣٥ سنة ومتزوجتش من ساعتها على أمل إن ابني يعيش بيننا ، ومن حيرتي فكرت أكلمك يمكن تنصحني بالصح وقلبي يرتاح
=شوف يا أخي ، لو فاكّر إن زوجتك عاوزه ترجعلك علشان تربوا الولد بينكم كدا والولد تطلع نفسيته سليمة فإنت واهم جدًا ، اللي تجبرك ترفع رؤية علشان تشوف ابنك دي مش في دماغها مصلحة الولد مطلقًا
-بس أنا اللي لازم يكون في دماغي مصلحته ياشيخ
=حقيقي ، وعلشان كدا لازم متظهرش قدام الولد بمظهر الضعيف اللي هتنكسر في نظرة ابنك بسببه كل مقومات الرجولة
-مش هظهر ضعيف ولا حاجة ياشيخنا

=إزاي مش هتظهر ضعيف ؟...هترجعلك بإيصال أمانة يلغي قوامتك اسمه القايمه !
وهترجعلك واحدة تانيه خالص عارفه القوانين ممكن تعمل فيك إيه ، ست مشيت في
المحاكم واختلطت بالوسط الوضعي ده

-مش يمكن ياشيخ تكون حنت للحياة الزوجية تاني ؟
=لا إطلاقاً ، الصنف اللي يبعد عنك ٤ سنوات ومتفكرش في الرجوع غير بعد تبدد
طموحها في نفقة عالية (بتعمل عليها إستئناف دلوقتي) ومرض جه لها مش عارفه مصيرها
بسببه ممكن يكون إيه ، وأكد اللي صفتها كدا بتشتغل دلوقتي
-آه فعلاً بتشتغل دلوقتي

=تمام ، يعني بتجمع كل مقومات الإستغناء عنك وانت بالنسبة لها عبارة عن صفقة
مادية بحتة مش أكثر ، مصلحة عيال إيه وحنين لزوجية إيه اللي بتكلمني فيه ؟..هو
الصفات دي موجودة في واحدة عندها أنوثة ومشاعر أصلاً ؟

-إزاي بس ياشيخ ؟..أي ست محتاجه لراجل في حياتها
=ياحبيبي كل المصطلحات اللي اتريت عليها دي تم تبديلها بالكامل ، دلوقتي الست
بقت محتاجة لمبلغ تعيش منه ووظيفة كويسة تأمين مستقبلها ، خط التربية ماشي على
كدا من سنوات طويلة ، فاكّر زمان لما كانت البنت تتعاكس على الزراعة وهي راجعه
من المدرسة الإعدادي على أطراف البلد أبوها كان بيعمل معاها إيه ؟
-كان ممكن يقعدا خالص من الدراسة

=دلوقتي ممكن تتركب وتتخطف يومين ثلاثة مع مجموعة من الشباب بمزاجها والأهل
يخلوها تكمل برضو علشان الشهادة وعفا الله عما سلف
-هههههههه ، حقيقي والله ياشيخ

=بس الدنيا مش ضايعه خالص ومش ضلّمة زي ما إنت ممكن تفتكر ، إنت متزوجتش
أساساً ولسه مشفتش الأصناف النظيفة اللي لو شافتك زعلان مش هيجيلها نوم غير لما
تراضيك !مش تسيبك ٤ سنين وتدور تتمرقع مع المحامين ، ولما تعوز ترجع تقولك
اكتبلي قايمه تاني علشان ترجع لنفس المواضيع من جديد ؟

روح ياعم اتزوج ومتضيعش عمرك ولا ترمي بذرتك تاني في أرض بور

-طب ياشيخ أنا بدفع للولد فلوس زيادة عن نفقته ، كدا صح ؟
=بص ، هو ابنك وإنت حر تصرف عليه إيه.. بس لازم تفهم اللي ليك واللي عليك قبل
ما تتعامل علشان تكون على دراية بوضعك

-مش فاهم ياشيخ
=شوف ، إنت غالبًا بتدفع فلوس أجبرت عليها من غير وجه حق ، لو عاوز تطلق ومش
معاك الفلوس اللي المحكمة هتلزملك بيها (متعة + مؤخر) ممكن تدبرهم من المبالغ دي
، الطلاق هيوسع دايرة بحثك عن زوجة في ظل مجتمع بيقلق من إحصائية رجوعك
للأولي وإنك ترمي بنتهم
-إيه هي ياشيخ ؟

=نفقة الزوجية دي مبالغ اتاخذت منك بغير وجه حق (الناشر ملهاش نفقة) ممكن توقفها
وتدخل بيها جمعية تسدد بيها نفقة المتعة وتبادر بالطلاق ، فلوس المحامين اللي أجبرتك
تدفعها دي مبالغ أجبرتك عليها بسبب نشوزها ، لو الحكم جه عليها وهترد لها بعض
الأموال في أي مسألة (وده مبيحصلش) تخصم منهم فلوس المحامين برضو ، الزيادات
اللي بتدفعها لابنك غير المبلغ اللي ابتليت بيه برضو متدفعهاش (مبلغ الإنفاق عليه
أساسًا وإنت مش مُمكن منه تمكيننا يصلح لك كآب) مال مش عليك من الأساس
أول ما تبدأ توفر الغُرم المادي دا حياتك هتستقر وهتلاقي مساحة تفكر تكسب عمرك
وتحافظ على ما تبقى من شخصية الرجال قدام ابنك
-والله ياشيخ أنا مش عارف أقولك إيه ، جزاك الله خيرًا

[#تصحيح مفاهيم الزواج](#)





٣٤٤ / اوعى تتدبس يا ابني

٢٤ مارس •

اتصل عليا من يومين ياخذ رأيي في مشروع زواجه فقاللي إنه مُعجَب ببنت معينة ، ولما راح بلدهم علشان يقابل والدها وبمجرد دخوله البلد بيسأل واحد عن اسم والدها بيته فين لقي الرجل انزعج جدًا وقال له: (عاوزه في إيه ؟.. اوعى تتدبس معاه في فلوس) يقوللي وعرفت البيت وكملت عادي وقدام البيت لقيت واحد يقوللي: (إنت داخل بيت فلان ؟.. لو رايح علشان نَسَب خلي بالك إنت شكلك محترم ومش زي الرجل ده)

اندهش وقال له: (هو فيه إيه بالضبط ؟.. مش أول واحد يقوللي كذا ؟.. هما هيعملوا فيا إيه بعد الجواز؟ 😊)

قال له: (الناس دول مش بتوع محاكم ولا بهدلة ، الرجل ده لسه طالع من قضية قتل ، بياخذ حقه بدراعه 🧊)

الأخ بعد ما دخل البيت اتمسك بالبنت أكثر ، ولما سألته إيه اللي شدك لها قاللي: (شكلها حلوة 😊)

من كلام الناس اتردد شويه وبدأ يدور في بيوت تانيه بس بعد ٣ شهور رجعلها تاني علشان مش قادر ينساها فلقاها اتخطبت

هو دلوقتي حاسس بالندم إنه تركها وضاعت منه ، ولما أخوه [اللي بيتابعني من برا مصر] طلب منه يتواصل معايا ويفهم مني قتلته في مكالمة هاتفية: (إنت ربنا أنقذك وأرسل لك ناس يحذروك ، الشكل مش معيار لواحده علشان تتزوج من بيئة زي دي أبدًا ، احمد ربنا إنه نجاك وأرسل لك ناس يحذروك)

اتفاجئت إمبراح بيه جايلي العاشر علشان مش قادر ينساها ، قَدَرًا كان عندي صديق مَر
بنفس التجربة دي (اتزوج واحدة كل مقوماتها إنه حبها ويس ، والحب استمر ٦ سنوات
وانتهى بالزواج ، الزواج اللي مكملش ٣ شهور _ حملت منه وسابت البيت _ ودلوقتي
بعد ١٤ سنة مش عارف يشوف ابنه)

الأخ قال له: (مش كل التجارب زي بعضها ، مش يمكن البنت دي تطلع كويسه ؟)
قال له: (أنا كمان اخترتها كويسة ، مش هتغش فيها يعني بعد ٦ سنين حُب ، أهلها هما
اللي خببوا عليا ، وطول ما الولد ابني في حضانتها هي مبهدلاني في المحاكم)
الأخ قاللي: (طب ياشيخ أنا كدا كدا مسافر بيها أساسًا مش هقعده في مصر)
قتله: (مسافر فين ؟)

قاللي على اسم بلد مسلمة
طلعت الموبايل من جيبي قدامه وجبت سجل الأسماء وكتبت نفس اسم البلد دي
فاتفاجئ بناس كتير جدًا أنا مسجلهم بأسمائهم وجنب الاسم نفس البلد مكتوبة
قاللي: (كل دول تعرفهم من هناك ؟)

قتله: (كل دول شباب من مصر في الغربية في نفس البلد اللي إنت مسافر لها قالوا
نفس كلامك وزوجاتهم مستحملوش الغربية ونكدوا عليهم هناك علشان مكنوش خارجين
من بيوت تؤهلهم يكونوا زوجات ، عاوزني أضيف اسمك لهم بعد الزواج وأقعد أحل في
مشاكلك زبهم وللا تكتفي بإن ربنا أكرمك وأرسلك رسائل كتير علشان تفوق ؟)

👉 الشاب في النهاية طلب مني طلب واحد

طلب أنزل القصة عالفيس وقاللي ياريت لو إخواني المتابعين لحضرتك يدوني رأيهم

علشان قلبي يرتاح ❤

#انصحوه_ياشباب👉

#تصحيح_مفاهيم_الزواج



٣٤٥ / مشكلاته مع أمه ضيقت علاقته بزوجته

كان عندي إمبراح بعد نصيحة أحد أصدقاءه له إنه يزورني ويتكلم معاي في موضوعه شاب محترم جدًا متزوج من ٩ سنوات الشاب دا كان عاوز يتزوج من بنت معينة ولكنه فوجئ باعتراض والده ووالدته عليها وإن رغبتهم يزوجه من بنت تانيه [بنت لأحد أصدقاء الأسرة] بيقوللي إن بعد حرب شديدة منهم عليه وافق يتزوجها علشان يفضل بار بوالده ووالدته وميخالفش أوامرهم

بعد الزواج فوجئ بتدخلات أمه في حياته وحياة زوجته بطريقة مريبة أول سنوات الزواج كانت الزوجة مجبرة تنزل تقضي مع الأم اليوم بتاعها علشان هما في بيت عيلة ، وفي الوقت دا مكش فيه في البيت غيرها (له ٢ من إخوانه لسه متزوجوش) كل يوم أمه تقعد تشتكي له من زوجته وهو علشان يرضي أمه كانت معاملته بتتغير مع زوجته للأسوأ

الغريب في الموضوع إن الزوجة كانت بتتحمل علشان ترضيه وترضي والدته دور والده كان دور سلبي جدًا في الموضوع ، ولما سألته عن بعض تفاصيل بيت والده عرفت إن القرار بيكون للوالد ولكنه لا يخرج عن إرادة الأم [طبعًا فهمت طبيعة وشخصية الأم من الكلمتين دول]

زوجه اللي واجب عليها تعمل كل شئ في البيت فوق وتحت ، واجب عليها تنظيف كامل البيت حتى لو مريضة (مفيش عذر مقبول أبدًا لزوجه اللي المفترض إن أمه بتعاملها كخادمة)

تسلط أمه عليه في حياته وصل لحياته الشخصية ، بيقوللي لو أذنت لزوجتي تروح لأهلها أمي تقوللي: (عاوزاك تعيش راجل زي أبوك ومش كل شوية تخرج بمزاجها)

لو خرجنا سوا نتمشى أو نروح أي مشوار فُسحة تنكد عليا وتقوللي: (مش كل ما زوجتك تديك أوامر تطاوعها)

بعد فترة من زواجي اتفاجئت إني عايش مع زوجتي علشان أرضي أمي وبس ، دايماً بظلمها وأبهدلها بسبب شحن أمي ليا ، والغريب في الموضوع إن زوجتي بتحاول تساعدني على ده وفي كل موقف يحصل مشكلة تنصاع لأوامري وتطيع أمي اللي مش بيعجبها أي حاجة

استوقفني جداً موقف الزوجة ، وسألته هل زوجته بتعمل معاه مشاكل ؟
قاللي: (أبدًا يا شيخ ، أنا متزوج واحدة لو لفيت الدنيا مش هلاقي زيها ، اتحملتني كثير جداً بس أنا اللي مقدرتش أكمل)
سألته: (يعني إيه ؟)

قاللي: (بعد ٧ سنوات من زواجنا ابني كان بدأ يكبر واتفاجئت في كل يوم مشكلة بسبب الولد أمي بتفتعلها ، الولد لو نزل بدري لأمي علشان بتحب تشوفه أمي تقعد تتخانق وتقول هي السنيورة عاوزة تريح دماغها ؟..ولو نزل متأخر تقوللي بتحرمننا من ابننا الوحيد!... أنا أصبت وقتها بحالة عصبية وبدأت أتعاطى مهدئات وصل الوضع بيا لإدمان المخدرات) 🤔

فعلاً كان واضح على الأخ إنه بيعاني من متلازمة عصبية عبارة عن تشنجات في أعصابه وحركاته وهو بيكلمني بتزيد كل ما يدخل في صُلب الموضوع
زوجته لما عرفت إنه مشي في سكة الإدمان نزلت تستنجد بأهله ولكنهم نهروها وقالولها متطلعيش سمعة وحشة على ابننا

ولما اتأكدوا من الخبر والده هددته بالطرد من البيت ، ودي كانت صدمته الكبيرة اللي وصلته دلوقتي لدخوله في مرحلة علاج القلب 🤔

سألته: (زوجتك عملت معاك إيه بعد ما وصلت للحالة دي وأهلك تخلوا عنك؟)
بيقوللي: (احتوتني جداً وقعدت تفكرني بالتزامي وإني كويس ، ومن كلامها وتشجيعها طلبت من شغلي أجازة شهر علشان أعالج نفسي)

يقوللي: (بفضل الله ثم بفضل زوجتي قدرت أتعافى تمامًا من الإدمان ، الحمد لله حالي رجعت طبيعية ، بس المفاجأة إني وأنا طالع لفوق في التعافي زوجتي كانت حالتها بتدهور وبتنزل لتحت خالص وبتموت كل يوم قدام عيني من الإكتئاب)

واحد صاحبي نصحني أجيلك علشان أشوف أنا ماشي صح وللا غلط ، اللي جعلني كمان أفكر أجيلك موقف أخويا اللي تزوج من ٣ شهور وبعد الزواج بشهر طلع بزوجته من البيت علشان مصيره مع زوجته ميكونش زي مصيري

كل السنين اللي فاتت كنت بعمل ده علشان أمني متغضبش عليا زي ما كانت دايمًا بتقوللي وتهددني وأنا مبتحملش زعلها ، حالة التشنجات اللي عندي بتزيد يوم عن يوم وحلها البعد عن المشكلات

إمبارح هددت زوجتي بالطلاق علشان مش قادر أكمل معاها وهي بقت عصبية وعلى أي سبب تتخانق معايا لدرجة إنها تركت البيت آخر خناقة وأخذت الولد ومشيت في الشوارع شويه ورجعت ثاني

سألته: (مغضببتش وراحت لأهلها ؟)

قاللي: (لا ياشيخ خالص ، زوجتي مش ممكن تعمل كدا)

بعد ما سمعت منه الحكاية قتلته: (ياأخي اتق الله في المسكينة اللي ربنا جعلك قَوَّام عليها ، ليه اتزوجت وإنت مش فاهم الشرع بيأمرك بإيه وبينهاك عن إيه قبل زواجك)
إنت قبل ما تُصاب بمتلازمة التشنجات دي كنت مصاب بمتلازمة خربت بيوت كثير من الشباب (متلازمة كلنا لازم نرضي بعض)

المتلازمة دي بتخلي في دماغ الشباب فكرة مفادها (إنه ملزم بير أمه بزوجته) ودا غلط مش صحيح

ممكن أمك بعد زواجك ميكونش في راحة بينها وبين زوجتك عادي ، الاتنين مش منسجمين مع بعض ، ولا يفرق معاك خالص

افصلهم واقعد افهم دماغ زوجتك بمعزل عن كل ده

أهلك خربوا حياتك ووصلوك لحالة مرضية زي اللي إنت فيها ، وبعد ما وصلت للحالة والدك بيطردك من البيت أهوه (علشان أمك عاوزه تذلل زوجتك كمان وكمان)

كل دا وإنت منصاع وفاكر دا من البر ؟

البر هو إنك تعيش تحت رجلين أمك وتسمع كلامها بس لازم تفصل بين علاقتك [إنت] بأملك وبين علاقة [زوجتك] بيها

الأتنين مش ملزمين ببعض

ضغطت على زوجتك وأسأت عشرتها بالباطل وكل دا علشان محترمة وبنيت ناس وعاوزه ترضيك ، ولما بقت مريضة هي كمان بسبب والدتك بتفكر تطلقها ؟

ياأخي اتق الله بجد

الشاب سمع مني الكلمتين دول وبدأ ينتبه (فعلاً واضح إنه لأول مرة يفهم طبيعة العلاقة) قاللي: (يعني أنا كدا لو أمي ماتت غضبانة عليا هعمل إيه ؟)

قلتله: (ياابني الأم لو ماتت غضبانة عليك وإنت عامل كل اللي تقدر عليه بالبر متفكرش إن ربنا حد ممكن يضحك عليه ، والد سيدنا إبراهيم كان راضي عنه يعني ؟..إنت مطالب بالبر حتى لو الأهل كفار بس مش مطالب تغير اللي في قلوبهم ، جواك شرك يعني ؟..عاوز تعامل ربنا وللا تعامل كلام أمك ؟..ما تشوفك مركوب أو ماشي ورا كلام مراتك وللا تشوفك بأي نظارة هي عاوزاها إيه اللي يشغلك ؟...هتعمل إيه دلوقتي لما ربنا يسألك عن المسكينة اللي ظلمتها كدا من غير وجه حق ؟..لو زوجتك دي وقفت قدامك يوم القيامة هتعمل معاها إيه ؟...ياأخي النبي ﷺ اللي قالك: (اتقوا الله في النساء) لو عرف إنك وأملك عملتوا كدا في حد من بناته هيعمل معاكوا إيه ؟

الشاب قام ياخدني بالحضن ويقوللي ياريتني قعدت معاك من ٩ سنين

قلتله: (حتى لو جاي متأخر حاول تعوض اللي فاتك ، سيب أمك تقول اللي هي عاوزاه ، بس متفكرش ولو مجرد تفكير في كلامها بعد ما عرفت حقيقتها ، حاول تحتوي زوجتك اللي شالتك كل الفترة دي وضغطت على نفسها علشان ترضي حد هي مش ملزمة بإرضائه وكل دا علشانك ، كان طبيعي كل الضغط النفسي ده يجيب لها الإكتئاب اللي بتتكلم عنه ، إذا كنت إنت راجل وحالتك وصلت لكده منتظر من امرأة ضعيفة إيه ؟..كتمت في نفسها علشان سر بيتكوا ميطلعش برا وكان بإمكانها تدخل أهلها من

البداية ، وقفت جنبك علشان تطلع من حالة الإدمان اللي دخلت فيها ، ياأخي لو واحد غيرك عنده عُشر زوجة زي اللي عندك كان شالها من عالأرض شيل)
الشاب قعد يشكرني جدًا ووعدني إنه هيرجع يصلح كل ما أفسده ويتعامل معاها بالشرع ويفصل أمه من حياته الشخصية نهائيًا

#الجهل_بالشرع_كان_هضيع_البيت 🙄

#اتقوا_الله_في_النساء

#تصحيح_مفاهيم_الزواج



٦٤٣/ أم تشتكي زوجة ابنها

2حتى والله الكلام بتستخسر الساء
اللي بتقعددها زي الكرسي اللي قاعد
عليه مستحيل تنطق الا لو حد سألها
على حاجه ترد على قد السؤال بالظبط
لو وجهتها في تربية الاولاد او في
حاجه في شغل البيت تقولي انا حرد
ولازم ترد عليا ماعندهاش ادب احفاد
ماينفعش ينزلوا غير لما يخلصوا مذاك
كأنهم في ثانوية ويشهد عليا ربنا ان
من اول الخطوبة يحاول اقربلهواوهيا
تلاجة هيه مش ست بيت شاطرة بس
دلوعة اوي وبتهتم بنفسها جدا عشا
كده واكله دماغ ابني ودايما في صف
ياريت يا شيخ تقولي هل يصح تعمل ك
في واحده زي امها اعمل اي

1ياريت الرد ضروري يا شيخ زوجة ابني
ماينفهمش في الاصول انا ما بطلبس
منها زي باقي الحموات تنزل من اول
اليوم لآخره وتعملي كل حاجه بس كند
مستنية انها حتى تساعد بناتي باللي
تقدر عليه في خدمتي عشان هما
متزوجات ووراهم بيوت بس هيه قالت
انا كفاية عليا شغل بيتي طب لما
تخلصي شغل بيتك انزلي اقعدي معايا
ونسيني وماتعمليش حاجه لا انا بحب
اقعد مع نفسي تخيل انها بتقولي كد
حتى مش بتتجج لا بتقولها صريحة كد
لو ماكلمتهاش مستحيل ترن عليا بتنزل
ساعة واحدة في الأسبوع مستحيل تش
قشاية من مكانها هكمل في رسالة
اخرى

دي رسالة من أم بتشتكي من زوجة ابنها ، الرسالة فيها كذا جزئية عاوزين نركز عليهم وأرجو إن الحاجة متزعّش

١/ (الإستحقاقية الموجودة عن كثير من الحموات (مبطلبش منها زي باقي الحموات تنزل من أول اليوم لآخره وتعمللي كل حاجة)

شعور عجيب بتملك الحموات لزوجته بنتهم وإنها مطالبة بالنزول [كفرض عين عليها]... والحماة الجميلة بقى هي اللي هتحدد أوقات بسيطة مش زي الوحشين اللي بينزلوهم طوال اليوم علشان يحسوا بالملكية الخاصة للبنت اللي ابنهم تزوجها الشرع بيطلب الزوجة بالقرار في بيت الزوج (وبس) مش بيطلب الزوجات يقعدوا ينشطوا في البيوت ويختلطوا بمحارم الزوج ويحصل اختلاط مشين في غالب الحالات (خاصة لو كان للزوج إخوة ذكور في نفس البيت) فالنزول يأمي مش فرض عليها ولا هو معيار للأصول على فكرة.. (ممكن تكون زوجة بتحب تقرر في بيتها مش بتاعة تنطيط)

٢/ (كنت مستنيه منها تساعد بناتي باللي تقدر عليه علشان هما متزوجات ووراهم بيوت) خدوها قاعده كدا... [عُمر الحماة ما هتعامل بنتها زي زوجة ابنها] لما بنتها بتتزوج بتشجع زوجها يستقل ببنتها عن حماتها.. لكن ابنها يتزوج معاها عادي ولو عمل غير كدا يبقى مغضوب عليه حمل بنتها صعب جداً ، لكن مرات ابنها ما شاء الله بتمسح السلالم قبل الولادة بيوم علشان الضيوف اللي هيباركوا

بنتها ياعيني عندها بيت وعيلة ومسئوليات لكن زوجة ابنها مفيش وراها حاجة (صايعه) هو بصراحة مستفز جداً اللي بنسمعه في المشكلات وبنلاقيه متكرر جداً بالصورة دي.. [بناتك وراهم بيوت وزوجة ابنك وراها فراغ؟ 😞]

٣/ (انزلي اقعدي معايا ونسيني)

تنسيكي إيه يا حاجة ؟ ، ما يمكن البنت مش مرتاحة معاكي ما هو الأرواح جنود مُجندة ، هي البنت المفروض تتزوج فتجتهد علشان تتلائم مع كل أفراد العيلة ؟

ما يمكن مش مرتاحة مع واحدة من بناتك؟ (الملايكه دول اللي بيعاملوها أحسن معاملة أنا عارف)

مش يمكن بتحس بتفرقة بين معاملتك معاها ومعاملتهم؟
عاوزه تقنعيني إن مفيش ولا كلمة من اللي في الرسالة دي وصلت لزوجة ابنك ياست الكل؟

طب راجعي المواقف كده بالله عليك وشوفي التجمع العائلي دا وراه إيه
دا بناتك نفسهم ممكن يشدوا شعور بعض في نقاش ، لما تدخل وسطهم بنت غريبة
هيسلكوا لها؟..إزاي بس ياشيخة !

٤/ (بتقعد زي الكرسي ومستحيل تنطق)

والله متأكد لو نطقت هتحدروا الكلام وتطينوا عيشة ابنكوا ، يا حاجة أنا أزعم إن زوجك
نفسه كان علشان يتناقش معاك في أول ١٠ سنين زواج كانت تدب بينكوا خناقة
(تقصد إيه وإنت عاوز تقل مني) لحد ما فهمتوا بعض

عاوزه زوجة ابنك مع كل التجمع ده تنطق وكل واحدة منكوا تاخذ كلمتها بفهمها الخاص
أنا رأيي متنطقش خالص غير لما تفهمكوا بعد ٢٠ سنة كدا
٥/ (لو وجهتها في تربية الأولاد)

أبوس إيد كل ست مصرية بلاش تعملي خبيرة تربية أسرية قدام زوجة ابنك ، ابنك نفسه
ضهره كله خبطات بخرطوم الغسالة والورم لسه معلم في وشه من شيشب حضرتك ، دا
لو ملقاش جيران ينقذوه منك وقت الزهق كان زمانه في عداد الأموات
يأامي الجيل غير الجيل والزمن غير الزمن ، لو عاوزه توجهي حد يكون ابنك مش زوجته
، ابنك هو المكلف الأول بالأولاد يا حاجة

٦/ (العيال مينفعش ينزلوا غير لما يخلصوا مذاكرة)

يا حاجة العيال لو نزلوا بدري بتشخطي فيها من شباك المطبخ وتقولي: (هي أمكوا عاوزه
تمام وسايكوا تقرفوني)

ولو هينزلوا كمان شوية علشان عندهم حاجة يبقى المجرمة حايشاهم وحرمانى من
أحفادي؟

يأمني خليكى منصفة العمر مبقاش فيه أد اللي راح

٧/ (هي مش ست بيت شاطرة)

أكيد طبعًا ، عمرك ما هتشوف فيها شاطرة بالمقارنة بحضرتك اللي كنتي بتتشقلبي عالحيط
وبتخدمي المحافظة كلها وعزوماتك في العصر الحديث معملهاش غير الشيف بورك ،
ياست الكل دي مش بتاعتك (شاطرة ومعفنة لزوجها مش ليكي)

اطلعي منها يا حاجة الله يكرمك

٨/ (بت دلوعة أوي وبتهم بنفسها علشان كدا واكله دماغ ابني)

أنا متأكد إنك هتجيبى البت دي الأرض ، ربنا يحفظها من عينيكى ☹️

هي الست مطلوب منها إيه ؟..يا بخت ابنك بيها والله

وفيه إيه لما تاكل دماغه بالسحر الحلال يعني

ولو قارفاه وبيشتكى منها مش هيعجب برضو

سبحان الله ، ما تسيبي البت في حالها 🙄

السؤال: (هل يصح تعمل كدا في واحدة زي أمها ؟)

هي عملت إيه يا حاجة ؟ 😞

اطلعي من حياة ابنك وزوجته بالله عليكى خليكى تكمل على خير

[#تصحيح_مفاهيم_الزواج](#)





تصحيح مفاهيم الزواج

أحمد الأهواني
الجزء الثالث

٣٤٧ / المخيبات

مجهول : منذ ساعتان

يا شيخ انا مخطوبه وبيتقالي نفس
محتوي آخر بوست عند حضرتك ، وظيف
عليهم انه بيتقالي لازم اشتغل وآمن
علي مستقبلتي لانه ممكن يرميني في
اي لحظه وان الرجاله ملهومش امان
فلازم ابينله ان عندي شخصيه قويه
ومقولش حاضر ونعم علي كل حاجه
واني لازم اناقشه وافهم منه ومفيش
حاجه اسمها اعديله لأجل الدنيا تمشي
وان كده هيتعود ان حقي دايم اضيع
ومش هيعملي حساب ، دا غير انهم
مش عاجبهم التزامي بضوابط الخطوبه
وقله الكلام والتواصل والخروج والخ
وشايفيني معقده ودقه قديمه
وبيهاجموني لدرجه اني مبيقتش واثقه
ف نفسي للأسف(ثبتني)



الرسالة دي إحدى دلائل نبوة النبي

محمد ﷺ

عَنْ عَبْدِ اللَّهِ بْنِ عَبَّاسٍ قَالَ قَالَ
رَسُولُ اللَّهِ ﷺ : (أُرِيتُ النَّارَ فَلَمْ أَرَ
مَنْظَرًا كَالْيَوْمِ قَطُّ أَفْطَعَ وَرَأَيْتُ أَكْثَرَ
أَهْلِهَا النِّسَاءَ) قَالُوا: بِمَ يَا رَسُولَ
اللَّهِ؟ قَالَ: (بِكُفْرِهِنَّ) قِيلَ: يَكْفُرْنَ
بِاللَّهِ، قَالَ: (يَكْفُرْنَ الْعَشِيرَ وَيَكْفُرْنَ
الْإِحْسَانَ لَوْ أَحْسَنْتَ إِلَى إِحْدَاهُنَّ

الدَّهْرَ كُلَّهُ ثُمَّ رَأَتْ مِنْكَ شَيْئًا قَالَتْ مَا رَأَيْتُ مِنْكَ خَيْرًا قَطُّ) [رواه البخاري]

عاوز كل أخت مسلم تركز في الحديث ده

لو الأخوات المسلمات المطيعات مشافوش الصنف اللي أختنا بتحكي عنه في رسالتها
دا كان الشك هيتسلل لقلوب كثير من المسلمات وهيسألوا: (فين الكافرات دول
...ويكفروا إزاي؟)

ظهور صنف من النساء [نواشز مرتفعات على أزواجهن] صنف أخبرنا عنه النبي ﷺ
وحذر النساء إن بظهوره هيكون سبب إن أكثر أهل النار يكونوا من النساء

معنى كدا إنهم هيكونوا كتييييير

هتلاقها (خالتك _ عمك _ صاحبك _ أختك _ أمك)

متركزيش...المهم تركزي في سبيل نجاتك من كفرها اللي النبي ﷺ وضح في الحديث
علشان تقابلي ربك مسلمة صحيحة الإسلام

👉 طاعة الزوج والإنصياح لأوامره مش شئ إختياري في دين الله... (دا فرض واجب على كل مسلمة تحت رَجُل)

#تعملي_ايه ؟

تقاطعي كل دول قدر المستطاع

النبي ﷺ يقول: (المرء على دين خليفه فليُنظر أحدكم من يُخالل)

متخلّش حاجة تأثر في دينك... (دي نار مش هزار)

لو متزوجة وزوجك أمرك تقاطعي أي واحدة من دول قولي سمعًا وطاعة حتى لو أمك

محدث هينفعك لو اتعرضتي على نار الآخرة عاصية لزوجك

#ربنا_يحفظ_أخواتنا 🌟

#تصحيح_مفاهيم_الزواج



تصحيح مفاهيم الزواج
أحمد الأهواني
الجزء الثالث

٣٤٨ / إزاي تتعامل مع أختك ؟

مجهول : منذ 12 ساعة

3 عشان الناس الي عندك علي الصفحه تاخذ بالها من اخواتهم البنات و بناتهم و يعرفوا أن النسوية و افكار النشور بتتزرع في البنات من هي صغيره و في كل مكان زي الدرس أو المدرسه او المجتمع بشكل عام و المشكله ان الجيل الصغير طالع كله من البنات علي فكرة ان هتتعلم عشان اشتغل و جوزي لا يكون عنده القدرة على التحكم في أي من افعالي عشان كده لازم نتكلم معاهم و نحاول نعدل القرف الي اتزرع جواهرهم

شكرا ❤️

أظهار حذف

مجهول : منذ 12 ساعة

2 يعني عايزه تعمل توازن بين البيت و الشغل و المشكله الاكبر ان والدتي هي الي بتزرع الكلام ده في دماغ اخوتي يعني هي كانت بتقول مره اداامي زاكري و انعلمي كويس عشان لما تكبري تستغلي و تقدري تدي جوزك بالجزمه يوم لما بتكلم معاك كده واحده تطلقي منه دي عينه صغيره من الكلام انا كنت عايز اعرف منك اخوتي اخوتي تقرأ ايه او افونتها ايه عشان انا اول اهمها ايه او اعرفها الطريق الصح عشان متكونش ناشر في المستقبل و لو حضرتك كانت حاجه ترفع بنت عندها 15 سنه تقرأها التمني تنزل الرسالة وتحل علي الصفحه عندك عشان

مجهول : منذ 12 ساعة

1 السلام عليكم يا شيخ احمد انا كنت عايز من حضرتك خدمه انا عندي اخت اصغر مني هي الاعداي انا كنت بتكلم معاه في موضوع النسوية و الفيمينست و حق الزوج علي الزوجه و العمل باع الست وجدت انها عندها بداية تأثير سلبي منهم حيث كنت بتكلم معاه عن ان الزوجه حقها ان يطلب من زوجها انهم تتوقف عن العمل فالتلي لا انا هراعي زوجي و هعمل كل المطلوب مني و هو كده مش هيبكون عنده ميراث عشان اتوقف عن الشغل و كمان انا هتعب كل التسنين دي في الدراسه عشان اكون ريق منزل بس في الآخر مش هكون دكتور

كمان يعني 1

👉 دي عينة من التربية الموجودة دلوقتي واللي بيتغرس لها في عقول البنات من وهما صغيرين للأسف

الموضوع ببدا من البيت [الأم بالذات] مروراً بالعلاقات الأسرية والصداقات وبعد كدا بيتم تسليم دماغ البنت لنظام تعليم ييري جواها ناشز مستقبلية على أعلى مستوى لما بتحاول كمان تلتزم بعد كدا بتلتحق بأخوات في دور تحفيظ القرآن ومعاهد العلم الشرعي خرجن من نفس البيئة برضو ، الأفكار الداخلية نسوية ولكنها مستترة بزي شرعي جميل 🙏

👈 الحل الوحيد للأخ ده مع أخته في السن ده هو (صداقة أخته)

ودي حاجة كتير من الشباب مفرطين فيها للأسف
ادخل عليها كل يومين بقطعة شيكولاتة (آه والله زي ما بقولك كدا)
دخلها في بعض خصوصياتك وكأنك بتاخذ رأيها
احكيلها على حاجة مهمة وقول لها (متقوليش لحد خلي السر دا بيني وبينك)
خليك مهتم بيها دائم الشاء عليها (دماغ البنات تافهة جداً سهل جداً التأثير عليها)
بعد شهرين من العلاقة دي هتلاقيها لوحدها بتقولك: (إنت بتسمع إيه ما تسمعني معاك)
ابدأ اديها مواد شرعية ، حاجات خفيفة كدا تحبها في الشيخ مش تنفرها ، وابدع عن الأوامر والنواهي خالص ، لازم تحبها فيك وتحسسها إنها أختك حبيبك
خليك دائماً في البيت في صفها (في الصبح طبعاً ، ولكن الغلط متعقبش عليه دلوقتي)
مش كل حاجة تسمع منك أوامر أوامر ، لأ بالعكس حسسها إنك بتحبها ومش عاوز ترهقها

بعد ٦ شهور تقريباً البنت دي هتلاقيها بتحكيك أسرار مقلتهاش لأمها
في اللحظة دي معاملات الإستقبال عندها هتكون اشتغلت ، هتحب كلامك عن كلام
أي حد تاني وهتقبل منك ، هتعمل منها كائن جديد شاف فيك حنية وقدوة في نفس الوقت

ابدأ ازرع بقى وخليها صاحبك

👉 بعد فترة هتلاقيها بتدور على نفس إهتماماتك ، هتلاقي عندها شغف باللي إنت بتعمله ، المجتمع مهما كان كثير بس عقل الست ييسير تجاه العاطفة مش بيركز مع كل المؤثرات اللي حواليك دي فمتشغلش بالك

ومتنسهاش دايماً من دعاءك

[#تصحيح مفاهيم الزواج](#)



مجهول : منذ 12 ساعة

بتقول في بوست عندك ان عمل المرأة حتي لو من البيت وبدون اختلاط يفتح باب للشيطان يوسوس لها بالاستغناء طب ماانا لو عايشة معاك بس عشان من غيرك مش هعرف اكفي نفسي ماديا دي متبقاش حياة دا عذاب ومعتقدش انك كراجل ترضي دا ع كرامتك حقيقي عندك افكار مغلوبة كثير ومحتاج تراجع نفسك لانها أمانه ستسأل عليها امام الله



حذف



أظهر



0 👍

٣٤٩/ عمل المرأة لتلبية احتياجاتها

👉 دي أخت عندها شبهة في كلامنا (غالباً دخلت الصفحة ولسه جديدة عندنا)

عمل المرأة مش بس مشكلته إختلاط زي ما بعض الناس بي فهم ده ، واللي بدورهم بيخليهم يفتحوا قدامهم باب شغل الأونلاين مثلاً ويتكسبن منه مال الطبيعي إن الست الأصلية جائز جداً

لما يكون معاها مال تقف جنب زوجها وتواسيه بمالها لو كان في حاجة له (وهي غير ملزمة بذلك)

الثغرة دي من ظهورها في أيامنا دي بقيت أول ما أسمع كلمة (وطلبت مني تشتغل) أتوقع سيناريو حياتهم بالكامل بعد ما الأخ يقوللي : (ولما لقيته مفيهوش إختلاط وافقت) آه والله زي ما بحكي معاكم كده

الداعية أو المصلح اللي مش متابع ثغرات الشياطين لعقول النساء أو الرجال من خلال المشكلات هتلاقى خلل كبير جدًا في طرحه الدعوي

← شبهة الأخت إنها تكون عايشه بس علشان هو بيصرف عليها دي مش راجعه للطرح بتاعي... دي راجعه إنها مش عارفه يعني إيه (امرأة مسلمة في ظل الإسلام)

المجتمع غيب عننا كل المفاهيم دي من دلوقتي

[#هديكوا_مثال](#) : من دلوقتي بشرح لزياد وعُمر أولادي كيفية حياة عائشة أختهم بعد

الزواج

مفهم زياد (١٣ سنة) وعمر (١٠ سنوات) إن عائشة (٨ سنوات) لما تتزوج ولايتها بتنتقل لزوجها ، ولو حصل للزوج وفاة أو طلقها ولايتها بترجع ليا تاني ، ولو أنا مش موجود متسيبوش أختكم من غير

١ / نفقات ٢ / زوج (آه والله ، دا أنا مفهمهم كمان إن أكبر قدح في رجولتهم ميعملوش التانيه)

المجتمع اللي بيقول للأرملة (عيب تطليبي تتزوجي) مجتمع مجرم بمجرد إنه أجبرها أصلاً تطلب

دي مصيبة مجتمع ، لو بالفهم اللي أنا بربي عليه عيالي ومن ثم بنصح بيه المجتمع أعتقد كون عائشة تشتغل (أون لاين) كمان وتفطر في زوجها وعيالها أو تعيش مع زوج بس علشان بيصرف عليها (لا محل له من الإعراب)

← فهمتي يا أختي؟...ارجعي للإسلام كما أنزله الله على رسوله من ١٤٠٠ سنة وانتي

هتفهمي إني بعالج إجرام وخلل كبير في أبحياتنا

[#بس_إحنا_نفهم](#)

[#تصحيح_مفاهيم_الزواج](#)





٣٥٠ / شغلك هيضيع فطرتك

أنا مستوعب جدًا اللي انتي بتقوليه ، علشان كذا هشرحلك الأبعاد اللي هتمري

بيها وانتي هتقرري بنفسك

مجهول : منذ 20 ساعة

هكمل~

أنتم ك رجال هتشوفوا دي حاجات
أو دلع أو رفاهية لكن بالنسبة لينا
النساء مهمة جدا
أنا ف حياتي مشتغلتش قبل كذا
عاوزه أصلا لكن ممكن اشتغل
واقعد ومش هيكون علطول
أنا دلوقتي مش عاوزه اشتغل اصلا
مش بعرف اتعامل مع رجال
أو اشتغل لانني محتاجه الحاجات

منتظرة رد حضرتك

أظهار حذف

مجهول : منذ 20 ساعة

السلام عليكم ورحمة الله وبركاته يعتبر
حضرتك والدي ومحتاجه نصيحة حضرتك
واللي هتقوله هنفذه
أنا عندي 19 سنه ودخلت كلية للأسف
لكن الحمد لله ملهاش شغل
بابا فاتحني في شغل في صيدلية وأنا
بعرف اقرا روشة لكن أنا كنت بقول اني
مش هشتغل ابدًا وهقر في بيتنا وقولت
لبابا لا مش هشتغل

لكن دلوقتي بفكر أحنا عددنا كتير (12) 8
بندرس وأنا شايفه نفسي محتاجه عشان
في حاجات مش هينفع ألزم بابا بيها
أنا بشرتي دهنية معرضة للحبوب وبقالى
فترة بعالج فيها وفي حاجات الدكتور
بتكررها وأنا بحوش من مصروفي ومش
بيكفي

هكمل~

أظهار حذف

١/ هتنزلي تشتغلي علشان الشغل هيلبي ضروريات بالنسبالك

٢/ فطرتك هتغير علشان الست ملهاش الشارع

٣/ هتتعودي عالإختلاط وهيكون عادي [كثرة المساس تزيل الإحساس]

٤/ هتقعدي فترة تعالجي فطرتك وهتدخل في صراع مع نفسك رهيب جدًا علشان مش
دي طبيعتك

٥/ الشيطان هيتملك منك في وقت من الأوقات وهيخلي كل دا عادي بالنسبالك

٦/هتوصلي لمرحلة كنتي مقررة فيها تقعدي بس الإنغماس بالفتن هينسيكي كل اللي في الرسالة دي

٧/هتتمر عليكي مرحلة هتلاقي نفسك بتقنعي واحدة في نفس حالتك بالشغل (هتتحسي إنك عادية خالص وكل اللي بتقوليه من شهور كان ترمت)

٨/لما تكبري وترجع لربنا في وقت من الأوقات مش هتعرفي ترجعي دينك تاني ، ولو رجع هيكون بصعوبة

← عارفه ياأختي....هيجي عليك في وقت تقولي فيه 🙋

[#فطرتي_كانت_أولى_من_بشرتي](#)

[#تصحيح_مفاهيم_الزواج](#)



تصحيح مفاهيم الزواج

أحمد الأهواني
الجزء الثالث

مجهول : منذ 1 ساعة

السلام عليكم انا اول مره اتبعك ولكن هنتظر رذك انا 36سنه متزوج ومعاي اربع اطفال وربنا كرميني بزوجه صالحه وبنت ناس ولكن المشكله تنقسم لي شقين الشق الاول اني مفيش وقت اقعد مع عيالي ونفرح ونخرج وابسطهم زاي اي وقت لني دائما بسعي لي لقمه العيش والحمدالله هقول ربنا ميسر الامور ولكننا مقصرعلي عيالي جدا الشق الثاني ان الحمل زايد جدا عليها لني اتحمل مسؤوليه ثلاث بيوت الولدين وبيت اختي وبيتي ودا اء الي ضغوط نفسيه وعصبيه جامده جدا وانا المشكله مبعرفش اقول لحد لا لو في ايدي اسعدو

حذف أظهار



٣٥١/اديهها من وقتك

👉 كان كل ما يعدي يسلم عليا بعد

الزواج اسأله عن حال زوجته

يقوللي: (الدنيا زي الفل الحمد لله)

أقول له: (بتديها من وقتك ؟..بتقعد

معاها ؟)

يقوللي: (مفيش وقت ، بطبق في

الشغل علشان المصاريف والحمل

والولادة في السكة)

قلته: (هيجي وقت الفلوس مش هتعوضك عن بيتك اللي هيتخرب)

دلوقتي...زوجته طلبت الطلاق وتركته الطفل وحاولت كتير معاها بلا فائدة 🙋

👈يا شباب... الزوجة اللي مش هتتأثر بغيابك ملهاش غير حاجة من اتنين 🙌

١/ياإما مش شايفاك ولا إنت فارق معاها وفطرتها منتكسة

٢/ياإما ماشيه شمال وبتعوض رغبتها مع حد ثاني

👈حوار التعويض المادي اللي هيعوض زوجتك الصالحة عنك دا مش مضبوط أبدًا

👉خلي عندك ياأخي يقين في رزق الله واستعن به واعتقد إنه الرزاق سبحانه وتعالى أكثر من كدا

#تصحيح_مفاهيم_الزواج



٣٥٢/الطلاق لأجل التعدد

👉التعدد هو قضية من القضايا التي نتحدث عنها دومًا لا لأنه شرع رب العالمين فحسب ولكن لأنه شرع قد شوهت كل معانيه بفعل المجتمع فترى الرجل يريد التعدد لا لشيء إلا لأنه رأي فلانا يفعلوه وفلانا يتحدث عنه

وترى المرأة تحارب التعدد لا لشيء إلا لأنها رأت فلانة تشنع عليه وفلانة تبغضه

وهذا من الجاهلية التي ترسخت في مجتمعنا ولا حول ولا قوة إلا بالله

👈أقول للرجال... التعدد تجري. عليه الأحكام التكليفية الخمسة... قد يكون واجبًا وقد

يكون حرامًا وقد يكون مندوبًا وقد يكون مباحًا وقد يكون مكروهًا

★ مجهول : منذ 32 دقيقة

انا احب زوجتي حبا كبيرا وهى زوجة صالحة لم تقصر بحقى يوما ولا بحق الاولاد فهى بشوشة مريحة جميلة نضيفة ولكن يا شيخ ارغب بالتعدد فرأيت زميلة لى احببتها أيضا والرجل له القدرة أن يحب أكثر من مره ولما صارحت زوجتي أصرت علي الطلاق وقالت لى سافندي نفسي ولا اريد منك شيئاً أخبرتها إن طلاقها بلا بأس حرام وهى قالت لا اطيعك زواجى منك ولن اقدر على اعطائك حقوقك وهذا يغضب الله أنصحها نصيحة عليها تهدي فلا اتخيل حياتي بدونها وهذا حقى الشرعي ستري ردى هي تحترمك وامتنعت عن العمل لما رأت نصائحك عينيها ورمت من البكاء

حذف أظهار

هو مسئولية وتكليف سيوضع على عاتقك يسألك ربك عن هذه الزوجة الجديدة بمقتضاه ، فلا يُسأل زوج عن سر تطبيق أحكامه لله فساعة الحساب سيكون فيها وحيداً بين يدي ربه فإن عزمت عليه أيها الرجل في ظل كل هذا فتوكل على الله

🔑 أقول لأخواتنا الصالحات : عند وصولك الخبر أن زوجك سيتزوج بأخرى فلا تجعل المسلمة من الشيطان مشرعاً لها ، فيفتيها بعيداً عن أحكام الله

الله الذي جعل التعدد على بعض الرجال واجباً.. (كيف تحتج مسلمة بأنها لا تقبل العيش في ظل رجل يطيع ربه فتكون عوناً للشيطان عليه) ؟

بل كيف تحول فكر بعض المسلمات من فكر المسلمة التي تعين زوجها على طاعة الله والانصياع لأوامره بفعل ما من شأنه تجنب زوجها الفتن لمسلمة تقف في وجه تشريع الله بقولها: (لو هتعمل الواجب عليك طلقني فأنا لا أطيق العيش معك وأنت تقوم بهذا الواجب!) (

👉 رسخ المجتمع في عقولهن هذه الشبهة الشيطانية: (هذا شرع ولكن لا أطيقه) الرجل هو الذي يُسأل عن طاقته في التعدد يا أخواتنا الصالحات... مش انتوا الي هتعددوا



#ثم_ماذا ؟

ماذا لو أطاعك زوجك وترك الأمر ؟

هل ستفرحين بالعيش مع زوج يعيش معك وقد تأكدت أنه في حاجة للزواج بأخرى ؟...حتمًا سيكون قريبًا جدًا من أي حرام يُعرضُ عليه

أنا أقبل لأختي وابنتي أن يعشن تحت رجل يجعلهن رابع أربعة ولا تكون ولايته عليهن وقد أطلق بصره للحرام ليستكمل ما في نفسه

👉 لترفع المسلمة رأسها بزواج اختار الطريق الحلال لإعفاف نفسه في زمان نرى الحرام سهلاً ميسوراً

🔑 لا يوجد شيء في دين الله اسمه (أريد الطلاق لأجل زواج زوجي بأخرى)... هذا من تلبس إبليس بعقول بعض النساء ليرفضن الشرع بطرق ملتوية

فلتلق المسلمة ربها ولتفعل ما في وسعها لإقامة بيت مسلم أساسه وأركانه شرع رب العالمين

[#تصحيح_مفاهيم_الزواج](#)



مجهول : منذ 5 ساعات

انت مش مع شغل الست مع انك المفروض بيقلو شيخ وعارف السيرة النبوية وكام ست كانت شغالة ايام النبي وعلى رأسهم زوجته السيدة خديجة، وفكرة الست ملهاش زمة مالية اصلا، طاب ربنا حط لها ورث لية؟ ولو ميتشغلش والست أما بتمسك فلوس بتبقى عايزة تطلق افرض وحدة دلوقتى ابوها غنى ومحوشة من مصروفها قبل الجواز وورثت ورث شديد اهي غنية من غير شغل، هل هتنزل بهشتاج لا للزواج من غنية وارثة ولا هتلقى شرع ربنا فى الميراث؟ انت الفكرة معاك مش شغل الفكرة إلغاء عمل الست مع أن ربنا محرموش، فكك من الشغل اللي معاها فلوس ميراث نرميها طيب؟



حذف



أظهار



0

٣٥٣/شبهة خديجة وعمل النساء

دي أخت غالبًا كانت ماشيه في شارع فسمعت بعض النسويات يقولوا (أحمد الأهواني يقول ويقول)

يعني لو دخلت الصفحة تقرأ أي حاجة هتكتشف إنها كانت مغيبة تمامًا عن منهجنا

[#حبيب_أوضح_بعض_الأُمور](#)

أم المؤمنين خديجة رضي الله عنها مكنتش بتشتغل زي ما بعض النساء بيزعم

أم المؤمنين خديجة كانت صاحبة تجارة (الفارق كبي)

يعني لو الشاب تزوج من بنت كان لها محل تجاري أو شركة مثلاً له أن يسمح لها تجيب ناس يديروها ويعملوا فيها

← أنا عمري ما قلت إن الست ملهاش ذمة مالية مستقلة

(عمري في حياتي ما قلت ده)

بالعكس دا أنا دايماً بكلم الشباب في المهر وبعلمهم إنه حق خالص للمرأة
دا المؤخر مشهور عني فيه إني بنصح الشباب ميكتبوش إلا اللي لو الزوجة طلبته في
أي وقت يدفعهولها... (طب ما دا فلوس أهوه) 😊

مش عارف منين النساء جابوا إني بقول الست ملهاش ذمة مالية ؟
ليه بتربطوا بين إني بنصح الرجال ميشغلوش نسائهم وبين إن الست ممكن يكون لها
ذمة مالية ؟... يعني لو زوجتي جالها إرث من الصبح هطلقها مثلاً ؟
شئ عجيب فعلاً 😊

← الحاصل إننا بنقول للرجال (متبقاش الذمة المالية دي جايه عن طريقك)
مثال: مصروف البيت يكون معاك إنت... مترهقش زوجتك بالحسابات والتعامل مع غيرك
من الرجال (بقال ومكوجي وصيدلي)
خليك راجل وامسك مصروف البيت وسيب المسكينة دي تركز في خدمتك إنت
وعيالك

الفلوس اللي هتوصلها من شغلها إنت في غنى عنها... إنت اللي لازم تكفيها نفسياً
ومادياً وعاطفياً وكل شئ
متخليش الست تتعرض لشغرة إنها لو مسكت فلوس (عن طريقك) يلعب بيها الشيطان
ويوهمها إنها ممكن تستغنى عنك
الكلام اللي بقوله دا واقعي ؟

انزلوا لكثير من المطلقات وشوفوا كانت مشكلاتهم فين يا إخوة
اللي استغنت عن زوجها ومعاملتها اتغيرت وبقت حاسه إنها مش في حاجة له لما بقى
لها دخل مادي وبعد كدا رجعت تندم وعاوزانا نرجعها تاني
عقل الست ضعيف ميستوعبش كل ده

👉 يعني.... لو الست لها دخل (إيجار أو تجارة أو إرث) معندناش في ده مشكلة

بلاش تكون إنت سبب فتح الثغرة اللي بدايتها إنها هتقصر وتخليها تشتغل وبعد كدا بعض الرجال يخلي الست تصرف معاه في البيت حوار الثغرات اللي بتكلم فيه دا حوار دقيق جدًا مش أي حد يفهمه ، ميفهموش غير اللي قاعد في الميدان وشايف الشيطان بيحدد إغوائه للناس إزاي

[#تصحيح مفاهيم الزواج](#)



مجهول : منذ 10 دقائق

فيه بنات امر التعدد بياثر عليها نفسيا وليس انسياقا وراء النسوية يعني بمجرد م جوزها يتجوز عليها تفقد ثقتها بنفسها وتبدأ تحس انها مش كفاية وان فيها عيوب ودي بتكون من البنات اللي عندهم جلد ذات لنفسهم شوية ف لو هي مش هتقدر. تتحمل ان زوجها يعدد عليها هل كدة. هي تأثم ما هو هيباثر عليها بالسلب برضوا

حذف أظهار



٣٥٤/ التي لا تطيق التعدد

في حالة زي دي هتلاقي ناس يجاوبوا الإجابة دي: (طالما الست مش هتتحمل فيحق لها طلب الطلاق) ودي نوعية من مشايخ النسوان موجودة ومتوفرة جدًا في المجتمع ، بل بشؤم فسقمهم

ظهرت تشريعات تجعل الزواج الثاني ضررًا شرعيًا لخراب البيوت بالقانون [الوضعي]

[#الشرع يقول إيه في الحالة دي ؟](#)

لازم علشان تتكلم بالشرع تشوف أساس المشكلة الست اللي تطلب الطلاق علشان شبهة زي دي لازم نفهمها بدايةً (الراجل بيعدد ليه ؟)

لازم نشرح للنساء كل المعاني دي يا إخوة مش بالضرورة الراجل يكون بيعدد علشان الزوجة مقصرة ولا شئ

لا أبدًا... كثير من اللي بيعددوا بيعددوا علشان لهم طاقة عاطفية ونفسية مينفعش لها زوجة واحدة

دا مش عيب في الست أبدًا... ممكن الست تكون عامله كل اللي عليها وزيادة كمان بدليل.... كثير من اللي بيعددوا بيرفضوا يطلقوا زوجاتهم لو طلبوا الطلاق ويقولك: (أطلقها ليه دا أنا بحبها)

أيوا... بيحبها ويحب معاها ٣ كمان

دي خلقة ربنا للرجالة... ربنا سبحانه وتعالى علشان الموضوع ده أحل للرجل يتزوج أكثر من امرأة لأنه لو فرغ الطاقة دي في الحرام هيتحاسب ويهدخل النار 🔥
👉 دلوقتي واجب علينا كدعاة نعمل إيه ؟

نفهم الأخوات كل المعاني دي ، نفهمهم إنهم بوقوفهم ضد زوج عاوز يعدد بيكلفوا أنفسهم عبء زائد مش هيقدرُوا يقوموا بيه (مش بالضرورة يكون جنسي بس... فيه رجالة عندهم شهوة الكلام.. هيكلموا نسوان في الحرام لو ملقاش واحدة تانية يرغب معاها ، فيه رجالة عندهم شهوة زيادة في حب اطمئنان زوجته ومواساتها له دومًا.. مرهقين جدًا في ده... وقوفك ضد تعدده هتتحاسبي عليه لما يجيلك فترات تغير مزاجية ومتقدرش توفيه باللي عاوزه ويعفه)

👉 شايفين ؟... ربنا سبحانه وتعالى علم ضعفكم وأراد سبحانه بهذا التشريع رفع الحرج عنكم وانتوا اللي عاوزين تشيلوا نفسكم فوق طاقتكم

👉 الخلاصة.... مفيش حاجة اسمها ست تطلب الطلاق من زوجها علشان هيتزوج لأنها مش هتقدر تعيش

👉 اللي بيقول كدا بيتكلم في الفاضي

بأختي.... ليه تبقي محافظة على صلاتك وصيامك وتيجي في الآخرة تدخلي مع زوجك النار علشان بيكلم أو بيمشي في حرام بسببك 😞

#أمركم_عجيب

#تصحيح_مفاهيم_الزواج



٣٥٥/مشكلتي في زيارتها لأهلها

صديق ليا قاللي إن له صديق عنده مشكلة مع زوجته وعاوز يبجي يقعد معايا وبالفعل...إمبارح جاب صديقه اللي لسه متابعتي جديد وقعد يحكي لي شوية حاجات بتحصل بينه وبين زوجته بعد زواج ٣ سنوات ووجود طفلة صغيرة بينهما يقوللي: (من يوم ما تزوجتها كنت متفق معاها تروح لأهلها يوم في الأسبوع ، وفي كل مرة أقعد أفهمها متحدثش اليوم دا بعينه ، يعني تعرفني قبلها وكل إسبوع نحدد يوم يتناسب معنا ، وكل مرة يحصل ما بيننا مشكلة بسبب الموضوع ده)

سألته: (المشكلة بسبب إنها عاوزة تروح مثلاً يوم الإثنين وإن مش مناسب معاك نفس اليوم كل مرة؟)

قاللي: (فعلاً..آخر مرة ضربتها واتصلت بوالدها اللي جه بيتنا يزعل ومصمم ياخذها معاها وقعد يحلف بالطلاق ياخذها)

قلتله: (وإن عملت إيه؟)

قاللي: (لقيت بنته مش عاوزة تروح معاها وعلشان والدي يحل المشكلة ويمينه ميقعش قاللي خد زوجتك تسلم كدا على أمها ورجعها تاني والمشكلة تتحل)

ساعتها كل الأطراف اقتنعوا وعملت كدا فعلاً ومحصلش جديد

بعدين لقيتها بتعمل مشاكل علشان أنا مش عاوز أروح أكلم والدها وقطعت علاقتي بأهلها ، وبقيت حاسس بسبب إنني قاطعتهم إن أمها بقت تحرضها عليا ومبقتش كويسة زي الأول

سألته عن علاقته بيهم زمان قاللي : (علاقتي بيهم كانت زي الفل مفيش أي مشاكل خالص ، الموضوع دا اللي عمل مشكلة ، ولكنها في يوم غلطت وسابت البيت وقعدت عند أهلها كام أسبوع)

قلتله: (غضبت وسابت البيت ؟)

قاللي: (أيوا..واتفاجئت بشيخ من المشايخ داخل يصلح تبع والدها ويبررلي إنها عادي مشيت علشان زعلانة وكدا)

قلتله: (طب ورجعت إزاي ؟)

قاللي: (مرحتش جبتها خالص ، بعد فترة اتصلت بصديقة لوالدتها تتدخل والست دي هي اللي سعت للصلح ، والحمد لله دلوقتي هي في بيتي بس لسه متغيرة معايا ياشيخ ، أنا متأكد إن والدتها هي اللي بتحرضها عليا ، ولسه كل أسبوع نتخانق في موضوع اليوم اللي بتروح فيه وعدد الساعات ، وآخر حاجة والدها جه زارنا في العيد وكأن الموضوع عادي)

تركت الأخ يحكي كل تفاصيل الموضوع وقاعد أسمع وبس ، غالبًا صديقه كان جايه علشان أسمع إن دي واحدة ناشز وأنصحها يلحق يتزوج زي ما هو نفسه فهم عني في الفترة اللي تابعني فيها ، ولكنه اتفاجئ بيا بقول له: (ياابني إنت زوجتك دي حد كويس جدًا وأهلها ناس طيبين ، ليه مش عارف تتعامل معاها مظبوط ؟)

الإثنين نظروا ليا نظرة إستغراب كدا ومش مستوعبين اللي بيحصل 😞

قلتله: (شوف ياأخي...والدها لما جالك البيت وقعد يتخانق وهي كبرت بيك ومسمعتش كلام والدها بالرغم إنه أقسم...دي حاجة تُحسب لزوجتك وللا تحسب عليها ؟)
قاللي: (تُحسب لها طبعًا)

قلتله: (بالرغم إنها عملت حاجة تحسب لها إلا إنك برضو لسه مصمم تشتغل عالثغرة اللي الشيطان حطها في دماغك علشان ييوظ العلاقة اللي بينك وبين زوجتك)
قاللي: (ثغرة إيه ؟)

قلتله: (ثغرة الزيارات ، إنت عامل مشكلة من الفراغ ، بتتكلم في حوار هايف وسامح للشيطان يدخل لحياتك منه)

قاللي: (هو أنا مش حقي زوجتي تستأذن مني ياشيخ ؟)

قلتله: (حقك طبعًا ، مينفعش تخرج من غير إذنك ، مش إنت اديتها إذن كل أسبوع تروح لأهلها ؟)

قاللي: (فعلاً)

قلته: (زوجتك اتعودت على يوم معين ، إنت بقى عملت كل مشكلتك في تحديد اليوم ، اليوم اللي هي أساساً بتكون عامله حسابها تقابل أختها فيه أو مواعده خالتها تقابلها هناك ، بتفاجئ بيك كل مرة بتلعب في شئ حددته من غير سبب مقنع ، هي بقت شايفاك متزمت معاها في استخدام الحق ، الموضوع مش مرة واحدة كل فترة بالعكس دا إنت بتحكي لي إنك بتعمل دا كل أسبوع!... إنت مش شايف إن دا شئ عجيب ؟)

قاللي: (بس هو يعني ينفع أبوها ييجي البيت ويعمل اللي عمله دا ياشيخ ؟)

قلته: (ومين اللي فتح الباب لوالدها يعمل كدا وإنت بتقول إن علاقتكم ببعض كانت فوق الممتازة؟... وإيه رد فعل زوجتك لما والدها عمل كده ؟... ما هي كبرت بيك وممشيتش معاهم بالرغم من يمين والدها)

قاللي: (طب ياشيخ ما هي تركت البيت بعدها ومشيت من غير إذن)

قلته: (طباً دا غلط ، ولكنك بتحكي لي إن دخول شيخ منسون في الموضوع هو اللي برر لها الجريمة دي ، ساعتها ملقيتش حد من أهلها معاك علشان إنت غالباً خسرتهم كلهم بسبب تزميتك في استخدام الحق ده ، الحق اللي زوجتك مش بتعارضك فيه ، يعني مش بتعمل مشكلة علشان تروح يومين مثلاً ، دا هي موافقة على يوم واحد ، يوم واحد بس كل أسبوع ، وبالرغم من ده سَعَت ترجع ودخلت واحدة تصلح بينكما)

الشاب بدأ يضحك ويتعجب ويقوللي: (بس إنت شايف أهلها إيه ؟)

قلته: (شايف أهلها ناس كويسين جداً ومش دول اللي ينفع تخسرهم ، إنت بنفسك بتقول إنه بالرغم من مقاطعتك لهم والدها جه وزارك في العيد ، لسه برضو بعد زيارته مقاطعه!... دا إنت عجيب ياأخي والله) 🌈

الشاب بدأ يرتاح للكلام ويضحك هو وصديقي اللي كان معاه

سألت صديقي: (إنت بتعمل كدا مع زوجتك ؟)

قاللي: (لأ خالص)

قلته: (ولا أنا ، ليه أعمل ثغرة في حياتي ملهاش لزمة تتعمل)

قاللي: (طب أنا بخليها تروح من الظهر وترجع على المغرب كل أسبوع)

قلته: (لما هتسييني دلوقتي هترجع لزوجتك وتقول لها: (ياذن الله كل أسبوع هتروحي لأهلك يوم كذا ، وتسييها ياعم تقضي اليوم كله هناك ، وتروح تاخذها في آخر السهرة بنفسك وتسلم على حماك وحمااتك ، وبإسلام بقي لو سمحتلها بيوم كذا كل شهر تببت هناك)

قاللي: (تقضي اليوم كله وتنام هناك كمان ؟)

قلته: (أيوا...بعد شهرين هتلاقيها جايه لك في نص الليل وهتشك إنك بتتزوج عليها...وشوية هتنشغل بالعيال ، وإنك بنفسك هتتحايل عليها تروح تهدي نفسها وعلاقتك بحمااتك هتتبط زي الأول ومش هتحس بأي تحريض عليك ، دا وضع طارئ ياابني أنت اللي عملته)

الشاب مشي من عندي بوجه غير اللي جه بيه وكان قاعد يضحك لما قلته: (خلي بالك ، أول ما هتقفل الثغرة دي قصاد الشيطان هيحاول يفتح لك ثغرة تانيه ، مهم جدًا تتعلم إن دي ثغرة علشان تقدر تحددتها وتقفلها ، إنت للأسف لإنك مش على دراية بثغرات الشيطان قاعد تقفل في حاجات ملهاش تتقفل)

ياشباب....لما ربنا يرزقكوا بزوجات طيبات بلاش تتفننوا في إفسادهم وتعينوا الشيطان عليهم...عقل الست مش بالذكاء والحرفية في الفهم اللي بتتعاملوا معاها بيه

#وربنا يوفقكوا_وبصلحكوا_أهلكوا🌻

#تصحيح مفاهيم_الزواج



تصحيح مفاهيم الزواج

أحمد الأهواني
الجزء الثالث

٣٥٦/ أم تشتكي من زوجة ابنها وما تفعله

إمبارح لقيت أم من أمهاتنا جايه تسأل عليا في المطبخ ، وأول ما شاوروا لها عليا
وقفت في ذهول كدا وقالتلي: (لا حول ولا قوة إلا بالله ، أنا كنت فاكركه إني هقابل شيخ
كبير في السن 😊)

ابتسمت كدا وقتلتها اتفضلي يأمي

قعدت معايا وقالتلي: (أنا ياابني من متضرري قانون الأسرة ، ابني اتزوج واحدة من اللي
إنت بتحذر الشباب منهم ، غضبت وسابت البيت في مشكلة هايغه بينهم ورفعت عليه
قضايا لدرجة إنه بقي داخل في حالة إكتئاب وحاولت أخرجه من الحالة دي بالعافية ،
أنا محرومة من أولاد ابني ياشيخ ، مش عارفه اتلم عليهم بسبب قوانين الحضانة وبشاعة
وظلم الرؤية)

قلتلتها: (ربنا يصبرك يأمي ، طب ما تخلي ابن حضرتك يجي يقعد معايا شوية)

قالتلي: (ياابني أنا مش جايه علشان كدا)

قلتلتها: (طب حضرتك بتكلمي في إيه ؟)

قالتلي: (أنا جايه أشجعك وأقولك ربنا يثبتك عالي بتعمله مع ابني واللي زيه ، أنا بدأت
أعمل تجميعه لكل متضرري قوانين النسوية وأنصحهم ، وأول ما عملت كدا لقيت غالبية
الشباب بيكلموني عنك ، دخلت تابعت صفحتك ومكنتش مصدقه إن فيه واحد بيبين
كل الباطل ده بالطريقة دي والشباب بيقتنعوا بكلامه ، بالله عليك ياابني أنا عاوزة أشتغل
معاك ، رقم موبايلي أهوه لو وقعت معاك مشكلة عاوز حد ينصح فيها زوجة من الزوجات
مش عارفه خطورة النشوز اديني رقمها وأنا أكلمها وأفهمها إن اللي بيحصل دا مش في
مصلحتكم كبنات 😊)

ربنا يحفظنا وبحفظ كل أمهاتنا اللي مش مستوعبين الوضع الجديد اللي البنات بيتربوا
عليه دلوقتي والله 🙏

الوضع اللي إحنا فيه عاوز فعلاً تكاتف من الجميع علشان نرمي أرضية مظلومة لأسرة
مسلمة بتتكون

[#تصحيح_مفاهيم_الزواج](#)



٣٥٧/ لو قللتي مهرك الزوج يسترخصك

مجهول : منذ 4 ساعات

..... سأكمل

وفي أخت كمان أعرها لما تقدر
واحد قالت له لا أريد منك شيئا
دينك وتقواك وأن تجعلني أميرة ف
هه والأخ هذا كمان رفضها بدون
وهي جميلة اللهم بارك

كانت تقول لي الرجال يستغربون
الأخت لا تشترط أي شيء كأنها
من نفسها ولا مش عارفة
فأنا عاوزة أفهم دا هل فعلا
الشعور موجود عند الرجالة ولا
تصادفنا مع ناس كده وبس.

أظهار

مجهول : منذ 4 ساعات

السلام عليكم شيخنا

لاحظت أن الأخت لما لا تشترط على
الخطيب شيء معين كأنها تهين من
نفسها أمامه ومش عارفة دا صح ولا
بس أنا شعرت بدا لما خطبني واحد
أشترط عليه شيء نهائيا لا خاتم ولا
دبلة وقلت له للي بتقدر عليه بس أعد
وخلت كمان أهلي يخفون من المهر
قدر المستطاع وكنت أكرر عليهم حذير
أعظم النساء بركة أيسرهن صداقا..
والحمد لله أهلي خفوا عليه وأخبروا
يعطي في المهر الذي يستطيع والباقي
يؤخره عادي.. لاحظت أن الأخ مستغرا
وأصر على الخاتم وكده

سأكمل لكم الرسالة

أظهار

بعض النساء عندهن ترويج لهذه الشبهة (لو قللتي في مهرك الزوج هيسرخصك)
والحقيقة الشبهة دي ترويجها جاي من النواشز اللي داخلين الزواج على طمع علشان
يبرروا طمعهم
صحيح المهر ملوش سقف ولكن التيسير في المهور هو الذي حثت عليه النصوص
الشرعية

#إتباع الشرع يعلي القدر أم يخفضه؟ 🤔

مهم جدًا نفهم الأصل ده

دا فيه شباب كثير جدًا لما بدخل لهم في مشكلات يقولولي: (إحنا عاوزين نطلق من بدري بس تيسيرها ليا في الزواج قاطم ضهري)

وبسمع كثير كلمة: (گرم أبوها ليا مخليني متغافل عن حاجات كثير بتعملها معايا)

👉مش بالضرورة البنات يفهموا إن الشاب مشي علشان يسرت له...أبدًا

بعض الشباب يلاقي البنت جميلة بس روحها مش حلوة

البعض بيرتاح لها جدًا أحيانًا بس ممكن يحصل مشاكل مع أهله وميحش يدخلها في الصراع ده

مين دخل في دماغكم إن اللي تقلل المهر الشاب بيزهد فيها؟

العكس هو الصحيح..أنا اللي بشوفه من الشباب إن الزيادة والمغالة في المهور بيقلقهم

[#تصحيح مفاهيم الزواج](#)



٣٥٨/ منع الزوجة نفسها عن الزوج في المشكلات



👉الشبهة دي من أكبر الشبهات اللي خربت



البيوت ، وغالبًا وكما أرى أن هذا من أكثر

ما يُدخل النساء النار في الآخرة ،

ويحملهن من أوزار زوج قد يسير في طريق

حرام بسببها [ولا نبر له ذلك]

👉جهل بعض النساء بالدين بيخليهم مش

فاهمين لماذا وَجَبَ على الزوجة تمكين

الزوج من نفسها



مجهول : منذ 35 دقيقة

ياالحبيب معلش هل للزوجه تمنع نفسها عن زوجها ف العلاقة لو كان ف مشاكل بينهم او نفسيتها مش قابله مثلا او زوجها ضربها وطلبها للعلاقة هل الشرع يديها الحق انها ترفض ولا مش من حقها ولو رفضت تكون مغضوب عليها من الله من برده ف دكتوراه اسمها هاله سمير يتقول من حقها تمنع نفسها لو مش قابله او نفسيتها وحشه هل الكلام ده ف الشرع جائز وهل للزوجه الحق ف استئذان زوجها للصيام ف النافله اذا كانت بره بيت الزوج يعني في زياره لاهلها مثلا او كده وربنا يجزيك خير علي سعيك ف اصلاح بيوت المسلمين يارب



حذف

أظهار

الزوج يُمكن من زوجته ويصير له الحق بتسليمه المهر المُعجل لها ، وتمكينه بعد ذلك من الوطاء مقابل نفقته عليها

الموضوع عبارة عن حقوق وواجبات

س/ لو الزوج غاضب من زوجته بنقول له متصرفش عليها وسيبها تموت من الجوع وهي في بيتك ؟

ج / لأ طبعًا

وكذلك غضب الزوجة اللي أساسًا مش معيار شرعي للإمتناع

هناك حالات يجوز للزوجة الإمتناع فيها وهي (الحيض والمرض الذي لا يمكنها من ذلك وصيام الفريضة)

غير كذا بنلاقي واحدة تقول لك حالتي النفسية ومعنوياتي وهرموناتي والكلام اللي خرب البيوت ده والرجالة بسببه بقوا ماشيين يكلموا نفسهم ومش فاهمين يتعاملوا إزاي

← لازم الست تفهم إنها مهما كانت زعلانة فالأمر دا من الأمور اللي بترضي الزوج عنها ، انتي ياست الكل لازم تفهمي إن رد فعل الزوج في التجاوب مع طلب أو رغبة عاوزاها قبل الموضوع دا يختلف تماما عن رد فعله بعده

كثير من الأخوات الصالحات اللي فهموا طبيعة ونفسية الرجل استوعبوا ده وحافظوا على بيوتهم

متخلوش النسويات يغرسوا في دماغكم أفكارهم النسوية ويخربوا البيوت

👉 بالنسبة لصيام المرأة تطوع وهي عند أهلها فلا يشترط لها إذن الزوج لقول النبي ﷺ :

(لَا تَصُومُ الْمَرْأَةُ وَبَعْلُهَا شَاهِدٌ إِلَّا بِإِذْنِهِ)

فالعلة على شهوده كي لا تمنعه حقًا من حقوقه بتطوعها

يعني حتى في الصيام التطوع المفترض مراعاة هذا الحق وهو شاهد

[#تصحيح_مفاهيم_الزواج](#)



تصحيح مفاهيم الزواج

أحمد الأهواني
الجزء الثالث

مجهول : منذ 6 ساعات

هو لما يبقي تفكير الراجل إنه مش عايز يكتب قايمه علشان شايف أنه ممكن يتحبس بيها مش من حق والد البنت برضو يفترض سوء النية فيه ويقول أنا ايه يضمناي أنه ميصونش بنتي ويرميها زي ما هو بالظبط مفترض سوء النية وفاكر أنه هيتحبس

وعايزه رأي حضرتك ف واحد مش عايز يجيب غير دبله ومش عايز حتي يكتب مؤخر غير 5000 ومش عايز يكتب قايمه ولا اي حاجه

ايه التصرف اللي يضمن حق البنت هنا معلش يعني مهو ممكن من اقل خناقه يطلقها

اتمني من حضرتك تشدد ع الرجال ف النقطة دي لان الاغلبية دلوقت بيستخدموا كلام حضرتك غلط

حذف اظهر



٣٥٩/ القايمه مش علشان الحبس

الرجالة ميكتبوش قايمه علشان خايفين من الحبس ، الرجالة ميكتبوش قايمه علشان مفيش في دين ربنا حاجة اسمها قايمه أساساً الشرع لو لقينا فيه إن الزواج يكون بقايمه قسمًا بالله ما كنت اتدخلت لزواج واحد ميكتبهاش



لما يجيلك عريس عاوز يكتب قايمه مهم جداً ترفضيه علشان مش فاهم ولا دريان عن دينه شئ

ثم والد البنت اللي يضمن حق بنته بإيصال أمانة دا ملته إيه ؟

ربنا نسي الحق ده وافتكروه هو يعني ؟

واللي داخل يتزوج بيقول على إمكانياته ، لو فيها كفاءة مع حالتكم الإجتماعية عادي ، لو مفيش توافق إجتماعي ممكن ترفضوا مفيش مشاكل

مش عيب يعني يكون واحد إمكانياته ضعيفة ، العيب بس عند والد البنت لما يتنازل عن حاجات كتير في الدين ويعوضها بالفلوس

الرجالة فعلاً لازم نشدد عليهم ، اوعوا تمضوا قايمه ، اوعوا تخالفوا دين ربنا علشان تنزوجوا واحدة من نساء الدنيا ، اوعوا تتنازلوا عن رجولتكم قصاد راجل زيكم ذمته ممكن هي كمان تفسد وساعتها هتكونوا بتتعاقبوا بمخالفتكم للشرع



تصحيح مفاهيم الزواج

أحمد الأهواني
الجزء الثالث



مجهول : منذ 1 ساعة

يا شيخ الله يباركك انا مقتنعه بكل الى حضرتك بتقوله على صفحتك وبدرج نفسي عليه وبحاول انصح بيه الى حواليا لكن لقطت شئ جوايا من بقايا الجاهلية الى كنت فيها ومخوفنى , كل شويه تيجى فى بالى خاطره ازاى لما زوجى يعمل حاجه تزعلنى انا الى هاروح اصلحه وارضيه عارفه ان دى صفات الزوجة الودود بس فى صوت ضعيف جوايا بيقولى ليه وازاى هتعملى ده وهو السبب فى حزنك ووجع قلبك وانتى كمان الى تروحيله! انا حاسه ان ده شئ من الكبر والشيطان بينفسه جوايا بس مش قادره القط جذور المشكله ولا عارفه اعالج الموضوع الى فيا ده ازاى؟



حذف



أظهر



0

٣٦٠/شرح العلاقة الفوقية من الأب للزوج

ياذن الله بالبوست دا أدى لكل أخواتنا

جذور المشكلة

#ركزوا معايا_كويس

زياد ابني لما أتصرف معاه تصرف شديد

[أشخط فيه أو أعاقبه بأي عقاب]

هل من المعقول إنه يزعل مني ويتقمص

ويغضب وميكلمنيش ؟ (طبعاً لا)

طب هل مقبول منه يبرر ده يايني أنا اللي

زعقت وزعلته ويطلب مني أروح

أسترضيه ؟ (طبعاً لا)

ممكن ساعات علشان أعلمه مبدأ الاعتذار أصلحه عادي (بس مش على سبيل الإلزام)

طب لو أنا مصالحتوش فواجب عليه هو اللي يتودد ليا علشان أرضى عنه حتى لو أنا

المخطئ (ودا بقى على سبيل الإلزام)

طب ليه اللوم دائماً ييجي على زياد مش عليا حتى لو كنت غلطان ؟

لإن العلاقة بيني وبينه مش (راس لراس).. علاقة فوقية [أنا اللي فوق وهو اللي تحت]

ومينفعش اللي تحت يحط راسه براس اللي فوق

الأخت قبل الزواج مطلوب منها تعمل كل دا مع والدها حال غضبه (مهما عمل

تسترضيه)

تعمل كذا برضو مع أمها (مهما عملت متحاسبهاش)

← بعد الزواج تنتقل ولاية الأب بالكامل ويصير رَحْم من جملة الأرحام (يحتفظ بمكانته

كوالد)..ولكن الولاية انتقلت للزوج فصار الزوج قوَامًا

لو أمر الزوج بأمر وخالفه الأب (لا يُلتَفَت للأب من الأساس)

#السؤال_بقي : ليه بتستوعبوا إنكم تعملوا كذا مع الأب قبل الزواج لكن مع الزوج

الأمر بيكون صعب ؟

← ليه في ظل نصوص بتقول (وللرجال عليهن درجة)

وبتقول (الرجال قوامون على النساء)

وبتقول (لو كنتُ أمراً أحداً أن يسجدَ لأحدٍ ، لأمرتُ المرأةَ أن تسجدَ لزوجها)

ليه في ظل كل النصوص دي عاملين راسكوا براس الزوج ؟

ما الجديد في الدين الذي وقعتم عليه غفلنا عنه حتى نجد امرأة يغضب عليها زوجها

وتنظر منه أن يبادر باسترضائها (مش خايفه يبيت غضبان عليكي) ؟

← ياأختي : الجنة مش ببلاش ، ولو مش هتخالفني كل الباطل اللي اتربيتي عليه وتنظفي

قلبك وتستقبلي الشرع كما أنزله الله على رسوله فمين هتدخلها!

← المشكلة مش كبر وبس...المشكلة جهل بمكانة الزوج من زوجته

#تصحيح_مفاهيم_الزواج



تصحيح مفاهيم الزواج

أحمد الأهواني
الجزء الثالث



مجهول : منذ 59 دقيقة

ياشيخ كيف ينظر الرجل للمرأة المطلقة
(الى بتبقا مظلومة او حتى محصلش
توافق بينها وبين زوجها) رغم أنها قد
تكون أصلح واجمل وأطيب من الفتاة
العزباء لماذا ينظر المجتمع لها بهذه
النظرة



0

٣٦١/التركيز مع نظرة المجتمع

👉المجتمع أساساً عنده (حَوْل) في

غالب نظراته 🌈

متركزوش مع نظرة المجتمع لأي فئة

المجتمع ينظر للجامعة اللي خرجت واختلطت بالرجال يبجي ١٥ سنة على إنها أفضل من اللي قرت في بيتها ومخرجتش

المجتمع ينظر للعاصي الغني على إنه أفضل من المتدين الفقير
المجتمع ياجماعة جعل قيمة البيت بمقدار العفش اللي فيه مش بالبركة وقلة التجهيزات
لو هتمشوا على نظرة المجتمع هتطلعوا من دينكم خالص

أنا عن نفسي بشجع الشباب على الزواج من الأرامل والمطلقات [بس المطلقات بضوابط معينة]

بشجعهم حتى لو لم يسبق لهم الزواج على فكرة

آه والله زي ما بقوللكوا كدا

[#تصحيح مفاهيم الزواج](#)



تصحيح مفاهيم الزواج
أحمد الأهواني
الجزء الثالث

٣٦٢/ العلاقات الغير ملزمة

مجهول : منذ 4 ساعات

انا عارف ان ربنا بيقول (ولا تقل لهما أف ولا تنهرهما) عشان كدة انا كنت بفكر اسيب البيت عشان ما اتفتنش في ديني لكن وضعي المادي حالياً مش أحسن حاجة لكنه عاجلا ام اجلاً هيتحسن بس المشكلة ان ترك البيت بدون زواج ممكن يتفسر انه عقوق خصوصاً انه مش هيغير حاجة فيهم لكنه هيبعدني عنهم فقط. انا عايز نصيحة يا شيخ احمد عشان خايف أكون مقصر وربنا بيتليني بزوجة معاندة بسبب توجهاتي اللي ذكرتها في البداية.(4)

أظهار حذف

مجهول : منذ 4 ساعات

3 ولحد دلوقتي انا مصر انه الموضوع مكانش يستاهل العصية دي كلها من ابويا لكنه كان عند وتكايه هي امي وخلاص و ده بيأثر عليا زي ما قلت. ابويا وامي كل واحد فيهم كويس بس اوحده مش مع بعض لكن انا اقدر أقول اني مينفعش الحوز واحدة زي امي ولا احوز بنتي لواحد زي ابويا بدون تفاصيل كثير (3)

مجهول : منذ 4 ساعات

2 عشان كدة بتحصل مواقف عند بينهم كثير بتخليني في وضع عصبي شكل مستمر اخرها مثلا قبل العيد بيومين لما كانت حاجة في البيت محتاجة تتصلح و امي بقاتها اسبوعين تقولني عليها و انا بدوري اروح لابويا أقوله عليها عشان عارف اني لو رحت من نفسي اخلصها هيعمل مشكلة و قد كان لما اتعملت ابويا بعد بزوق و يطلق القحط الفطسانة و اتلو بتصرفوا من دعاكم و

مجهول : منذ 4 ساعات

1 قرأت اليوست اللي كنت بتكلم فيه عن استرخاء الزوجة لزوجها وشيخه باسترخاء الابن لآبوه والحقبة التسيبه كان عيمري لكن الكلام جاء عالجرج بأنه اضطرر مع عيمري. أنا بقالي فترة طويلة مفزع ان الزوجة لازم تسمع كلام زوجها بدون شروط لكن كنت قبل ما ابص نفسي وعلاقتي مع ابويا وامي. التحفة ان قد ما تحاول ابرهم قد ما الموضوع صعب جدا و بتحصل ذلات كثير و

دي مشكلة من المشكلات اللي بيتعرض لها الشباب بكثرة

بتظهر قبل الزواج عبارة عن شاب بدأ يكبر ويشوف المشكلات اللي بين والده ووالدته
(ويبدأ يقيم الوضع ويتدخل ويشوف مين الصح ومين الغلط)

بتظهر برضو بعد الزواج في دخوله لمحاولات التوفيق بين الوالدين وبين الزوجة
الشاب دا لم يتزوج بعد ، بدأ يتابع المشكلات بين الطرفين ، بدأ يشوف طرف صح
وطرف غلط ، طبيعته البشرية هتخليه يتعاطف مع الطرف الصح ، وبالتالي غالبًا هيحصل
منه تقصير مع الطرف اللي هو شايفه غلط

علاقة الوالدين مع الأبناء هي نفسها علاقة الزوج مع زوجته (علاقة فوقية)
(ملكش تحاسبهم _ ملكش تاخذ جنب منهم _ عليك فريضة التودد لهم مهما عملوا)
تتعامل معاهم زي ما بتتعامل مع أي رحم واجبة (حتى ولو كانوا كفار) ملكش فيه
بعض الشباب بتلاقي والدته صعبانة عليه من قهر والده لها..صحيح وضع مؤسف
وبيعملك تشتت في كل شيء
ولكن....إنت مش حاكم على والدك ، ممكن تنصحه بكل أدب وفي نفس الوقت تدي
والدتك دور الحنان على قد ما تقدر وتعوضها عن جفائه معاها ومتدخلش في حوارات
(إنت مش حاكم على والدك)

لقيت والدتك ناشز واكتشفت ده ، ملكش فيه ، مُطالب ببرها ولو كانت كافرة مش
ناشر بس

(كُفرانها على والدك مش عليك)

أحد الإخوة بيحكيلي إنه راح لشيخ من مشايخنا ويقول له : (ياشيخ...لما بدخل
على والدي أبوس إيده ييشد إيده مني ، أعمل معاه إيه ياشيخنا ؟)
الأخ كان فاكّر الشيخ هينبسط منه ويفرح بيه ، بس اتفاجئ بالشيخ بينهره ويقول له:
(يامجرم...إنت طلعت لإيد أبوك ؟...إنت ياابني مكانك تحت رجله إيه اللي طلعتك
فوق أوي كدا 😞)

[#مستوعبين_الوضع؟ 😞](#)

الحمد لله كثير من الشباب قدرت أحل لهم المتلازمة دي (متلازمة الإجهاد في التوفيق
بين الوالدين والعمل الدؤوب على الإصلاح بينهما)

كبر مخك خالص وانتبه لحياتك لأن والديك إنت مسير فيهم مش مخير في إختيارهم... (فرغ خاطرك للهيم بما أمرت به)

فرغ خاطرك تعيش تحت رجليهم إزاي مهما عملوا

#طب_بعد_الزواج ؟

متجهدهش نفسك في العلاقات الغير مُلزمة لك... الوالدين مش متآلفين مع الزوجة...؟ (افصلها خالص وريح أهلك منها واتحمل نتيجة اختيارك)

طلعت حلوة لك... وحشة برضو عليك

علاقة والديك مع زوجتك علاقة غير مُلزمة للطرفين... افصلها خالص وحافظ على

العلاقة المُلزمة بينك وبينهما بحالة جيدة ومتضيعش آخرتك

اوعى تنقل سر زوجتك لأهلك (هما مش أطراف في معادلة قوامتك وخليك راجل أبوس إيدك)

#ربنا_يرزقنا_وياكم_البر

#تصحيح_مفاهيم_الزواج



تصحيح مفاهيم الزواج

أحمد الأهواني
الجزء الثالث

مجهول : منذ 5 ساعات

ياشيخ ليا طلب من حضرتك فضلا
مبدئيا انا مش بعرف اكويس
فحضرتك حاول تفهمني
حضرتك بتعلمنا نتعامل ازاى بالشكل
الصح ونطيع أزواجنا وبتعلمنا الضوابط
اللي بتساعد علي الحفاظ ع الاسره
ممكن حضرتك تشدد علي الاخوه ف
الضوابط
وتعمل بوسئات ليهم لكيفيه التعامل
وخصوصا الاخوه اللي معاهم سئات ف
الشغل وفيه اختلاط
طبعاً فيه البعض الي الان غير ملتزم
بالموضوع ده
بس مهم جداً نوعي الشباب لأن دي
برضو حاجات بتخرب البيوت
نبقي قاعدين ف بيتنا لا لبنا ولا علينا
ونلاقى حبابه بتشكيله من ضغط الشغل

حذف

أظهر



٣٦٣/ليه مش بتفهم الشباب

يتعاملوا معنا ؟

بعض الأخوات بيكونوا متابعين

الصفحة من قريب وميعرفوش

غالب منشورات الصفحة

أنا زي ما بقدّم النصيحة للأخوات

فالشباب لهم نصيب كبير جداً

من دعوتنا

بوست سلاسل الزواج الشرعي اللي هتلاقوه في أول [#أول_تعليق](#) هتلاقي فيه سلسلة (كيف تتعايش مع العفريت)

والسلسلة دي بتتكلم عن كيفية التعايش مع عفريت الزوجة المطيعة (علشان نفهم الشباب يتعاملوا مع الصنف دا إزاي ويقدرُوا يحتوا المشكلات)

سلسلة (كبر مخك) ودي من السلاسل اللي بتوضح للشباب إمتى ينفع نتغافل وإمتى مينفعش (الحياة لا تسير كلها على وتيرة واحدة)

دا أنا كمان عامل سلسلة (إزاي تدرسي خطيبك) خصيصًا لتحذير أخواتنا من بعض الأصناف اللي لازم يترفضوا عند دخول البيوت

👉 بالنسبة بقى للشباب اللي هتتزوجيه تلاقيه بيراسل زميلته في العمل ، فهذا بشؤم اختيارك الغلط ، وتستهلي اللي بيحصل معاكى بصراحة يا أخواتنا....(اختاروا صاحب الدين)

[#تصحيح_مفاهيم_الزواج](#)



مجهول : منذ 1 ساعة

السلام عليكم ورحمة الله وبركاته يا شيخ انا من وانا صغيره وانا امي والناس حوليا بيقتنعوني بفكره اني لازم اشتغل بعد ما اتجوز ويبقا ليا دخلي الخاص عشان محتجش حاجه من حد لو جوزي مات او طلع بخيل ودخلت عليه طيبه عشان ليها فرص عمل برغبه اهلي وانا من جوايا مش عاوزه اشتغل انا عاوزه اقعد في البيت اهتم ببيتي واربي ولادي بطريقه كويسه واهتم بيهم بس خايفه اصلا اقول لاهلي كده لان هما بيشترو علي اي الشخص الي بيتقدملي ان لازم اشتغل بعد الجواز وانا بردو خايفه مشتغليش واندم واتحبس في البيت مخرجش خالص



٣٦٤/خايفه لو مشتغلتش أتحبس في

البيت

👉دي إحدى نتائج التربة الغلط ، جذب بين الفطرة الطبيعية بداخل أي امرأة وبين جهل وديانة المجتمع

الزوج اللي يتقدملك ويقبل إنك تشتغلي بعد الزواج لازم تفهمي إنه زوج مرفوض

بالنسبالك... (دا مش راجل)

سهل جدًا تسيبي أهلك يقولوا اللي عاوزينه ، ولما يتقدملك حد تحسي فيه بالرجولة قوليله إنك مش عاوزه تعملي اللي أهلي بيطلبوه منك ده وخليه ينتشلك من المستنقع اللي انتي عايشه فيه

مهم جدًا يكون فيه رسالة تطمين منك للي متقدم يخطبك
ثم إيه مفهوم الحبس في البيت اللي كثير من البنات بيرددوه ده...ليه الصياغة في الشوارع بقت هي الأصل والقرار في البيت بقى فرع
بتعجب لواحد متقدرش تقعد في بيتها أسبوع على بعضه
تلاقي واحدة عاوزه تكون كل يوم عند أمها..تحسها لسه بترضع متفطمتش!
عاوزه كل شويه تنزل تشتري طلبات بدل ما زوجها اللي يكفي بيته
كل ما أختها تروح تجيب فردة شراب لعل من عيالها لازم تنزل معاها لحسن أختها
متاخذش بالها من الفردة الشمال من اليمين
هو في إيه يا أخواتنا...ما تكنوا في البيوت شوية العيال مبقوش لاقين أمهات يربوهم
ارحموا نفسكو واتقوا الله في أزواجكم

[#تصحيح مفاهيم الزواج](#)



كان قاعد يكلمني عن بعض مشكلاته مع زوجته وإنه بالفعل بيفكر في التعدد ، ولما قعدت أدردش معاه في بعض تفاصيل حياته لقيته بيسافر فترات ويرجع بيته تاني حاولت أسأله عن سفره: (ليه بتسافر ؟)
قاللي: (مش عارف أعمل أي فلوس في مصر)

قلته: (طب ما تحاول تشوف شغل هنا ، ممكن تكون المشكلة في سفرك وبُعدك عن زوجتك)

قاللي: (مينفعش.. مش هقدر أصرف عليهم كويس)

قلته: (طب لما تتزوج تاني هتاخدها معاك السفر ؟.. واحدة في القاهرة والثانية في الخارج ؟)

قاللي: (لأ... ياذن الله لما أتزوج تاني هرجع أعيش إقامة كاملة في مصر علشان أراعي البيتين)

قلته: (بتصرف على بيت واحد وبتسافر ولما هبقى معاك بيتين هترجع ؟.. المشكلة مش مصاريف بقى 😊)

الأخ بصلي كدا باستغراب وفكر في الكلمة 😞

قلته: (آخر مرة خرجت مع زوجتك كانت إمتى ؟)

قاللي: (لا بنخرج كتير ، كدا كدا بنخرج العيال)

قلته: (مش بسألك عن العيال ، قصدي زوجتك... لازم تكون فيه علاقة بينك وبين زوجتك لوحدكوا حتى لو معاك دسته عيال ، هي زوجتك دي متغيره معاك من بداية زواجكوا ؟)

قاللي: (لأ.. دي حد كويس أوي على فكرة ومش بعيب فيها)

قلته: (أنا من أشد مؤيدي التعدد لأنه تشريع حكيم من رب العالمين سبحانه ، ولكن لما يكون التعدد فكرة نابعة عندك من شيطانك علشان يوصل معاك لهدف معين لازم تخلي بالك)

الأخ قاللي: (شيطاني إيه بس)

قلته: (متقنعيش إن فيه واحد في حاجة للنساء للدرجادي بيقدر يسبب زوجته من غير حاجة ، إنت نفسك بتسافر ومش عارف بتسافر ليه ، لو المصاريف هي المشكلة فالمشكلة هتزيد بعد فتحك لبيت تاني ، الشيطان غالبًا بي طرح قدامك فكرة هتخليك تضع بيتين ، بيت إنت أساسا مقصر معاه ، وبيت تاني معملتش أي حساب له لما يتفتح هتصرف معاه إزاي)

الأخ قعد يفكر في الكلام ، خاصةً لما كلمته إن الشيطان ممكن يزين له التعدد علشان يوقعه في أكثر من محذور ، ولذلك علمائنا جعلوا أحكام التعدد هي نفس أحكام الزواج الأول اللي ممكن يكون مكروه أو حرام حسب الحالة

❌ في نهاية قعدتنا قعدنا نضحك لما قلته: (تخيل زوجتك بتفكر في إيه دلوقتي لو عرفت إنك جايلي 🤔🤔🤔)

[#تصحيح مفاهيم الزواج](#)



٣٦٦/ليه قلة الثقة والتخوين ؟



👉 بيوصلني أسئلة كتير من النوعية دي ، دا بدأ بعض الأخوات يقولولي دلوقتي: (هو إنت بتعمل كدا مع مراتك ؟ 🤔)

❌ هحاول أشرح الموضوع دا باستفاضة وسهولة 🙏

لما رحت أتزوج مكنش عندي شئ أخبيه أصلاً... 😊 يعني كدا كدا ودا العادي كنت متزوج في بيتنا (الشقة موجودة في بيت والدي والناس مسألوش عن أي حاجة خالص)

۳۲۲

قول لها خدي دي اتسفهى بيها.. [هتجيب لبان وشيكولاتة وبلالين وتفرقهم في الشقة].. دماغهم دماغ أطفال عاملوهم زي ما ربنا خلقهم بلاش تكلف

بعض الأخوات بيقيسوا بيت الزوج على بيت الوالد ، هو انتي عايشه مع والدك ووالدتك من أول لحظة ؟... ما يمكن الوضع دا جديد بعد استدامة الثقة بينهما !

شباب كثير لما بيسألوني إن حساب المصروف بيعمل توتر عند زوجاتهم.... بنهرهم جامد وبستحث فيهم الرجولة ويقول لهم: (اتقوا الله في عقل هذه الضعيفة واسحبوا منها المصروف ومتشيلهاش فوق قدراتها العقلية اللي ربنا خلقها بيها)

الأخوات ينشغلوا باللي يصلحهم.. متقعدوش تدوروا خلف أزواجكم علشان متزودوش مدة القلق عندهم بالله عليكم وطالما راجلك مكفي بيته متشغليش بالك بالرزق مطلقاً

#تصحيح مفاهيم الزواج



مجهول : منذ 10 ساعات

مولانا كان في خلافات وقضايا وبعد سنتين رجعت نادمه وتدخل اهل الخير للصلح والحقيقه شوفت شكل بناتي قلبي وجعني عليهم وعلى بهدلتهم ..

حاليا اخشى ارجعها ويحصل نشوز مرة أخرى
واخشى ان يضيع البنات وخصوصا اعمارهم صغيره لم يتجاوزن اعوامهم ال5 ف اعطني نصيحة ...
والاهم من ذلك ان كنت سأردها ف كيف ارودها واضمن عدم نشوزها مرة أخرى...

حذف أظهار



٣٦٧/ اللي دخلت محاكم ممكن تتوب ؟

الكلام في الباب دا كلام دقيق جداً ويختلف من حالة لأخرى بالرغم إن باب التوبة مفتوح وهذا بين العبد وربّه إلا إن المسلم لازم يكون فطن للتعامل مع التائبين

يعني الحرامي اللي كان بيشغل عندك

ومشيته وتاب محدش يلزمك ترجعه يشتغل تاني بحجة إنه تاب

(التوبة دي بين العبد وبين ربه إحنا مش ملزمين بتوابعها ، كل ما علينا إننا ندعو للتائب بالثبات ولا نذكره بذنبه فنعين الشيطان عليه)

← شفت قبل كدا حالة زي دي ، بعد ما عملت اللي عملته ثابت وأنايت فعلاً ، وبعد سنوات من رجوعها لزوجها وتربية عيالها بسأله عن حالها فقاللي: (عايشه معايا بتبكي دايماً من الندم على اللي عملته وقاطعت كل الناس اللي خبوها ساعتها وبقت مطيعة جداً لتدارك اللي فاتها)

← الأخ دا عنده بنات _ زوجته عاوزه ترجع وبتقول ثابت _ قدامه فرصة يرجعها مع الحذر ... [هنركز مع المعطيات دي]

بكل دا بنصحها يرجعها علشان يربي [بناته] في حضنه وميخلفش منها تاني نهائياً لحد ما يستوثق من صحة توبتها....(والأفضل عدم الإنجاب)

ترجع بضمانات فعلية يكتبها عند محامي ثقة مشهور بالأمانة والخبرة حالة رجوعها لسابق عهدا مش هيخسر حجة ولكن لا تأتمنها إلا بعدما تُختبر... (لا على فلوس ولا على سر)

👉 هتتعامل معاها بمودة ورحمة ولين لأن مفيش نص شرعي بيقول إننا نقعد نُبكت التائب لو هترجع بنفس العلاقات مع الناس اللي خبوها تبقى متابتش... (حط إيدك على كل الأطراف المخيبة واستئصلهم من حياتها حتى لو أبوها وأمها... متبكيش على حد) ودا حق شرعي تفرضه عليك قوامتك علشان تحافظ عليها من الشياطين دول

← مفيش وسائل تواصل إجتماعي مطلقاً..النوعية دي مينفعش تدخل على المجتمعات دي

← وبعدين نوصيك بيها خيراً ونسأل الله لنا ولها التوبة والثبات 🌸

[#تصحيح_مفاهيم_الزواج](#)





٣٦٨/ الزواج الشرعي VS الزواج العرفي

#الزواج_الشرعي_VS_الزواج_العرفي❤

لهم حقيقة المجريات في أمور الزواج في مصر ، ولإزالة الغبار عن وضع قائم قلّ

السلام عليكم ياعمي ، أنا يشرفني أتقدم لحضرتك علشان أطلب إيد بنتك (جوهرة💎)

=وعليكم السلام ياابني ، دا شئ يشرفني

ياحبيبي ، أنا مش هلاقي أعز منك يامصطفى ، إنت شاب طموح ومجتهد ومحدث يرفضك

الله يكرمك ياعمي دا بس من ذوقك ، الحاج سعيد بصراحة دلني عليك وقاللي مش هتلاقي أحسن من جوهرة بنت الحاج منصور ، طلباتك إيه ياعمي ؟

=ياابني ولا طلبات ولا حاجة ، هي بيعة وشروة ؟..أنا بشتري لبنتي راجل مش هنختلف في التفاصيل دي

الله يكرمك ياعمي ، بس اللي أوله شرط آخره نور وأنا عاوز أتزوج جوهرة على سنة الله ورسوله ، والإتفاق ميزعلش

=لا ياابني ولا أي حاجة ، هنعمل زي كل الناس ما بيعملوا ، هنتفق عالشبكة والقايمة والمؤخر ، زي ما الناس بيعملوا عادي ، وأوعدك هجهزها لك أحسن جهاز -بس ياعمي أنا عاوز أتزوج بنتك شرعي مش عُرفي ، إنت فهمتي غلط

=عرفي إيه يا ابني اللي بتتكلم فيه وإنت جاي تطلبها من أبوها؟... هو إنت بتشققتها من الميكروباص؟

- لا يا عمي حضرتك فاهم غلط ، أصل الشرع مفيهوش قايمه ، العُرف بس هو اللي فيه القايمه دي ، الشرع فيه مهر وبس وحضرتك مش مطلوب منك تجهيز خالص ، أنا اللي مطلوب مني أجهز كل حاجة ، ثم أنا بقول عُرفي مش سري 😊

=شرع إيه يا ابني وسر إيه وُعُرف إيه؟.. هو العرف إيه والشرع إيه يعني؟
- فرق كبير جدًا يا عمي.. العرف اللي بيعارض الشرع عمره ما يكون شرع في يوم من الأيام حتى لو كل الناس هتعمله

=وايه التعارض بقى يا حبيبي؟ 😊
- هو فيه شرع بيلزم بنتك تجهز غصب عنها يا حاج؟
=هاه..! لأ طبعًا بس الناس كلها بتعمل كذا

- هو فيه شرع بيدي للست إيصال أمانة على الزوج يا حاج؟... إنت تعرف تعيش مع الحاجة حسنية بوصل أمانة؟
=اممم.. أنا عايش بيه فعلاً 😊

- مش علشان إنت وغيرك عملتوا حاجة غلط فبالضرورة نعملها شرع يا عمي؟.. الزواج المعمول بيه في مصر يُعتبر زواج عُرفي مش شرعي أبدًا... الشرع مجاش بكل ده
دا زواج ماشي على أعراف الناس ملوش علاقة بدين وشرع ربنا
=طب يا ابني وإنت عاوز تتزوج إزاي مش فاهمك

- عاوز أتزوج بشرع ربنا يا حاج ، هدفك مهر على أد إمكانياتي وهجهز شقتي على أدي
=وهتدفع مهر كام؟

- بإذن الله يا حاج بعد ما أجهز شقتي هقدر أدفع لبنتك مهر ٢٠,٠٠٠ ج ، طبعًا بنتك تستاهل كنوز الدنيا يا عمي بس دي إمكانياتي

=يعني هتلغي القايمه والمهر اللي بيكون عندنا في البلد 1/2 مليون جنيه وتتزوج بـ ٢٠,٠٠٠ ج؟

- ما هو ياعمي المهر اللي حضرتك بتتكلم فيه دا محدش بيدفعه أصلاً ، أنا هطلع أحسن منهم وأدفع 🙏

=محدثش بيدفعه إزاي ؟...سميحة بنت الحاج عواد لسه متزوجه بقايمه ومؤخر كبير عاملين ييجي ٧٠٠,٠٠٠ ج ، وتيجي تقوللي محدش بيدفعه ؟

-ما هو أنا لما قعدت مع الواد محروس جوزها اكتشفت إنه بيزني فيها يا حاج متزوجهاش ولا حاجة

=بيزني فيها ؟..أعوذ بالله.. بيزني فيها إزاي يا بني دا البلد كلها حضرت فرحهم -يا حاج منصور ، محروس بنفسه لما سألته عن المؤخر الكبير اللي كتبه على نفسه مع القايمه قاللي هو فيه حد هيدفع حاجة ؟..ومش في نيته يدفعه أساساً

=وهو كدا بقى زاني ؟ 🤔

-يا حاج النبي ﷺ يقول: (أَيُّمَا رَجُلٍ تَزَوَّجَ امْرَأَةً عَلَى مَا قَلَّ مِنَ الْمَهْرِ أَوْ كَثُرَ ، لَيْسَ فِي نَفْسِهِ أَنْ يُؤَدِّيَ إِلَيْهَا حَقَّهَا ؛ خَدَعَهَا ، فَمَاتَ وَلَمْ يُؤَدِّ إِلَيْهَا حَقَّهَا ؛ لَقِيَ اللَّهَ يَوْمَ الْقِيَامَةِ وَهُوَ زَانٍ ، وَأَيُّمَا رَجُلٍ اسْتَدَانَ دَيْنًا لَا يُرِيدُ أَنْ يُؤَدِّيَ إِلَى صَاحِبِهِ حَقَّهُ ؛ خَدَعَهُ حَتَّى أَخَذَ مَالَهُ ، فَمَاتَ وَلَمْ يَرُدِّ إِلَيْهِ دَيْنَهُ ؛ لَقِيَ اللَّهَ وَهُوَ سَارِقٌ) [صححه الألباني]

=أنا مش فاهم حاجة يا بني

-يا حاج.. مفيش حاجة اسمها واحد يكتب على نفسه حاجة هو مش ناوي يلتزم بيها زي ما الناس بيعملوا ، دي حقوق يا حاج مش هزار

=يا بني إنت لخبطتي

-يا حاج ولا لخبطة ولا حاجة..الشرع بسيط بس الناس اللي صعبوها على أنفسهم ، وطالما مبقاش فيه تيسير يبقى مستحيل تقول إن دا شرع وإلا نبقي اتهمنا دين ربنا إنه قاصر عن حل كل المشكلات دي

=هو الكلام منطقي بصراحة ، يعني أنا مطلوب مني إيه علشان أزوج جواهر بنتي بالشرع ؟

-مطلوب منك تختار لها واحد عنده دين وتيسر عليه في المهر وتدعيه بالبركة وتوصي بنتك عليه

=أنا موافق يا ابني ومش هلاقي أحسن منك لبنتي ، قال زنا قال ، وأنا أعمل في بنتي مصيبة زي دي ليه ؟

#الحاج_منصور_كثير_ياشباب

#متستعجلوووووش

#تصحيح_مفاهيم_الزواج



٣٦٩ /ندمانه وعاوزه أرجع

جَهْوَل : منذ 13 ساعة

3 رساله

رقم جوزي عشان تقنعه

ورقم بابا

بني ماتعرف بابا وتقنع جوزي

شويه انا عارفه ان جوزي

أظهار

جَهْوَل : منذ 13 ساعة

رقم 2 ماما عاقله مشكله وحالفه نو رجعت ماضكلمنى تانى وبابا برده واخلى مرة بابا قاله تولد عند الدكتور لانى مرتاحه معاها وهو جوزي مايبجهاش ووافق جه قال لعمتو بابا رد وقاله لا لما تولد نبني نتكلم وجوزي زعل وبطل بيعت بابا عدي وعصبي بالله عليك اقتنعه يرجعنى ببقى بس مش عاوزه يعرف انى انا اللي بعثك وأنا اللي عاوزه لانو عصبي قوووى وهابضربنى ويقادعنى هو وماما استخلفك بالله كلمه هو وجوزي خلي جوزي يكلم تانى ويصر انا تعبانه هنا نفسيها جامد ومش بنام حرقيا هاكملم في رساله 3

جَهْوَل : منذ 13 ساعة

سلام عليكم اديك ياشيخ انا عارفه ان جوزي ماضكلمنى بس ويحب يسلمك انا سايبه البيت من اول رمضان وداكله التاسع واولد انا عارفه انى عصبيه وصوتى بيعلى غضب على وانه . بس انا سبيت البيت وجوزي فضل شهر رمضان كلخ والعيد مكلمش ولا حتر سئل وحاي بعد العيد بيعت ناس مرة خالي ومرة تيته لم مامما ومرة عمقو وبابا معاند ومش عاوز يرجعنى وكمل شويه بججه معاه انا ونفسي ارجع بينى ولما جوزي زهق بطل بيعت وانصل بتيته زعلها وقالها مراتى تولد في بيتى يا مخرجعش وبابا عند اكثر وانا مش عارفه انكلم هاكملم في رساله تانيه 1

من حوالي سنة تواصل معي أحد الشباب علشان يحكي لي مشكلة غضب زوجته وتركها بيته في أول سنة زواج ولما حكالي التفاصيل وإزاي والدها مُتعتت وهي للأسف ماشيه وراه في كل كلمة قتلته: (لو هتروح ترجعها وتتحايل عليهم هيكروا نفس الموضوع تاني)

٣/هتحاولي تزودي في النوافل والعبادات علشان تعوضي شهر رمضان اللي صيامه لم يُقبل ، وتعوضي الصلوات اللي كنتي بتصليها وهي غير مقبولة في حال النشوز ، وهطلب من زوجك يطلع عنك زكاة الفطر لو والدك مآخرجهاش علشان الزكاة لا تسقط

٤/ لو أهلك قاطعوكي ما عليكي منهم... بر أهلك لاحق على طاعتك لزوجك ، واللي يخيبك على زوجك ملوش بر شرعاً بغير رضا الزوج

٥/ سألت زوجك لو بيت والدك بعيد عن بيته فلقيت المسافة صغيرة ، يعني تيجي لوحدك عادي مش محتاجه زوجك ينتظرك في محطة أو موقف

٦/ لو الكلام اللي قلته مش عاجبك فلازم تفهمي إنك متبتيش ، وربنا يعوض عليكي مع زوج تاني يعيش تحت جناح والدك غير ده

#نصيحتي للزوج : استقبل زوجتك وحافظ على بيتك ولما يحصل مشاكل بينكم تاني متدخلوش حد غير لما يكون عاجز يصلح بالشرع ، ووعي تعاييرها باللي عملته

#وربنا يصلح الأحوال

#تصحيح مفاهيم الزواج



تصحيح مفاهيم الزواج

أحمد الأهواني
الجزء الثالث

Eman

حضرتك بالرغم من أنك بتواجه مشاكل كثير جدا بس واضح ان تركيزك اكثر على ان الزوجه هيا اللى تتحمل المسؤولية فى اصلاح طباع الزوج وزى ميكون حضرتك من بره المجتمع المصرى وادرى واحد بعصبيه الرجال ومهما كان طيبه ولين وتودد الزوجه لزوجها الا انه بيظل الطبع غالب جداااا والمقارنه هنا مش فى محلها خالص لان الحياه الزوجيه قائمه على الموده والرحمه والحقوق والواجبات للطرفين انما حياه الابناء مع الاباء قائمه على البر واحسان الابناء للاباء مفيش حقوق وواجبات متبادلله بين الابناء والاباء

اتمنى حضرتك بس اللى ترد على تعليقي واتمنى ميكونش فى اخلال بنظام التعليقات وارد اكون فاهمه غلط وتقدر حضرتك توضحل

٣٧٠/ليه تركيزك الأكثر على الزوجات

أختنا إيمان ربنا يحفظها لها تعليق

محترم جدًا وكان مهم جدًا نوضحه

بخصوص إن تركيزي الأكثر على

الزوجات فـهـذا حقيقي فعلاً

بالرغم إنني لما عملت (إزاي تدرس

خطيبتك)

عملت للأخوات (إزاي تدرسي خطيبك)

عملت (كبر مخك) وعملت (كبري مخك)

عملت (كيف تتعايش مع العفريت) وشغال في (كيف تتعايشين مع العفريت)

الخطاب الدعوي ماشي في خط متوازي ولكن... لازم نزود الخطاب على الأخوات

لسبيين 🙌

١/ شخصية الرجال واضحة ومشاكلهم بسيطة بخلاف النساء اللي التغيرات عندهن مش

مفهومة

بعض النساء مش فاهمين بعض أساسا

تقلباتهم كتير محتاجه حد دارس وفاهم علشان يتعامل بخلاف الرجال اللي كتالوجهم

سهل وبسيط

٢/ موجة النسوية بتأثر في النساء أكثر من الموجات الموجودة في مجتمع الرجال... دايماً

الشیطان يلعب بالأطروحات دي عالنساء علشان عقلهم ضعيف وبيتأثروا بشدة بأي

فكرة دخيلة على الدين

فطيعي جداً نركز عالنساء بزيادة 🙌

⬅️ لما تفهمي كذا في ظل فهم فوقية وقوامة الرجل على المرأة مبنفعش نشنع من كون

الكائن الضعيف هو اللي مطلوب منه غالباً يتودد.... (كل خطابات الشرع بتتكلم عن

زوجة ودود)

طيب والرجالة نسيبهم يعني من غير ما نفهمهم ؟

أبدًا.... بدليل كل السلاسل اللي عملتها بخاطب فيها الرجال كنت بوصيهم بالنساء

[#تصحیح_مفاهيم_الزواج](#)





تصحيح مفاهيم الزواج

أحمد الأهواني
الجزء الثالث

Marwa

ما المقصود بـ وللرجال عليهن درجة ؟
وللرجال عليهن درجة أي : في الفضيلة في
الخلق ، والمنزلة ، وطاعة الأمر ، والإنفاق ،
والقيام بالمصالح ... هل يجب على الزوجة
تحمل العصبية الغير مبررة ؟ هل هذا فرض
من الله تعالى ؟ هل تحمل العصبية يندرج
تحت طاعة الأمر ؟ أتمنى الرد يكون من
الكتاب والسنة وفي حال كانت لا تندرج تحت
الطاعة كيف تتصرف الزوجة بما لا يخالف
الشرع في حال عدم القدرة ع تحمل العصبية
المفرطة ؟

٣٧١/ الزوج العصبي عصبية غير مبررة

أختنا مروة ربنا يحفظها لها تعليق

مهم جدًا

بتكلم عن الزوج العصبي عصبية غير

مبررة

والنوع دا موجود بالفعل... (بنشوفه

ياأختي فعلاً)

إحدى الأخوات اشتكت ليا من

عصبية زوجها المفرطة ، طلبت منها

طلب واحد ويس وقتلتها: (تعرفي

لما يتعصب تسكتي ومتريش

ومتظهريش قدامه خالص ؟.. لو عاوزه

حاجة منه بعدين اطلبها بعد ما تحسي إنه خالص بقى هادئ تمامًا)

الأخت أخذت النصيحة وبدأت تطبقها ، اتفاجئت إن زوجها بقى هادئ جدًا والطبع

عنده بدأ يتغير

اكتشفت كمان إنه بقى يلبي طلباتها (بعض الطلبات كان زمان بيتعصب بسببها)

لما حاولت تفهم اللي حصل شرحتها إنه زمان كان بيتعصب بسبب وقوفها قصاده

ومناطحتها لقراراته ، ولما مبقتش تقف بمقاش فيه مجال ولا مبرر للعصبية خالص فبقى

يسكت ، ولما لقاها خاضعة له بقى ينفذ اللي هي عاوزاه بهدوء

#ملاحظتين_حاجة ؟

كثير من شكاوى العصبية المفرطة لها سبب متعلق بالمرأة وعدم فهمها لطبيعة الرجل ،
يعني مينفعش ست تتكلم عن عصبية زوجها الغير مبررة من غير ما تعمل الروشته دي
وتستمر فترة عليها علشان توصفها بإنها غير مبررة وللا لأ

← الأدلة من الكتاب والسنة ؟

دا كل نصوص الكتاب والسنة بتتكلم عن زوجة خاضعة هينة لينة مطيعة وبتتكلم عن
فوقية الرجل على المرأة وقوامته عليها

السلسلة اللي بكتبها دلوقتي فيها كثير من ده لو عاوزه مزيداً من الإفادة

[#تصحيح مفاهيم الزواج](#)



مجهول : منذ 1 ساعة

كلام حضرتك ف يومية الرجال لا يقرأوا
الفتجان فيه تحامل كبير على المرأة
ومشاعرها يعنى اى اوضح كل حاجه لما
بقولك كذا عايزة كذا وكأنى آله وليا
كتالوج لا كل موقف له فهمه على حدا
والرجل لازم يتناقش ويفهم ويحتوى لو
معملش كذا يبقى مقصر ومش عايز
يفهمها النبي صلى الله عليه وسلم كان
اكثر البشر انشغال بامر امه بحالها ووحى
مطالب بتبليغه وكان يفضل يسمع
السيدة عائشة ويرد عليها الرد المظبوط
للي يحتويها للى احنا كنساء لحد الان
بنسمع الرد ننبهر الرجال احياناً بتكسل
تفهم المراه ويتفه من مشاعرها ودا
تقصير ف حقها

حذف أظهار



٣٧٢/إزاي الست توضح لزوجها عاوزه إيه ؟



رسالة جميلة جداً من أخت من أخواتنا ربنا

يحفظها وبيبارك فيها

أختنا شايغه إني متحامل على النساء لما
يطلب منهن يوضحوا للأزواج اللي هما
عاوزينه ، وإن النبي ﷺ مع كثرة إنشغاله كان
بيلاقي وقت يجلس مع عائشة ويسمع منها
وهكذا

الحقيقة رسالة جميلة جداً ولكن كنت حاب

أوضح للأخت بعض الأمور

١/السلسلة اللي حضرتك بتقرأها دلوقتي

دي معموله لكم مش للرجال (كيف تتعايش[ين] مع العفريت)

يعني الكلام لكم علشان تقدروا تحافظوا عاليوت.. لو هترجعي لسلسلة (كيف تتعايش مع العفريت) اللي هي كانت للرجال هتلاقيني فيها بقول نفس الكلام اللي حضرتك بتحكي فيه ده بالضبط في أكثر من حلقة هناك.. دي للنساء واللي فاتت كانت للرجال فأكيد الخطاب هيكون مختلف 🙏

٢/مشكلات النساء زمان كانت بسيطة غير دلوقتي ، علشان اديكي نموذج من اللي بتدينا مثال عليه بين النبي ﷺ وعائشة حابب أفكرك 🙏

👈 النبي ﷺ لما قدر يعرف جزئية في كتالوج عائشة رضي الله عنها كان عبارة عن إيه؟ 😊

[#شوفي_الرواية_دي 🙏](#)

يقول النبي ﷺ لها: (إِنِّي لَأَعْرِفُ غَضَبَكَ وَرِضَاكَ قَالَتْ: قُلْتُ: وَكَيْفَ تَعْرِفُ ذَلِكَ يَا رَسُولَ اللَّهِ؟ قَالَ: إِنَّكَ إِذَا كُنْتَ رَاضِيَةً قُلْتُ: بَلَى وَرَبِّ مُحَمَّدٍ، وَإِذَا كُنْتَ سَاخِطَةً قُلْتُ: لَا وَرَبِّ إِبْرَاهِيمَ قَالَتْ: قُلْتُ: أَجَلْ، لَسْتُ أَهَاجِرُ إِلَّا اسْمَكَ)

الغضب والرضا عند أمنا عائشة كان له لغة تانيه خالص...مكنتش بتقولها باللسان... (تمام جدًا لحد هنا)

بس هو دا آخرها رضي الله عنها

هو دا اللي كان الرجال بيتعبوا فيه معاهم

فين دا من الحاصل دلوقتي ؟

كل حاجة عاوزة تحويل ولف ودوران

ياأختي دا أنا ساعات بستعين بواحدة من محارمي علشان تشرحلي اللي الست اللي

بنصلحها على زوجها عاوزه

وساعات والله بلاقيهم وهما ستات مع بعض مش عارفين يفهموها 🤔

كثرة الخروج والإختلاط والرحمة واستلام مهام مش من مهامها جعل عقلها المحدود

مُشتت مفيش تركيز

👈 الله يكون في عون فطرتكم 🙏

ومع ذلك.. بنوصي الرجال يأتسوا بنبيهم ﷺ علشان يفهموكوا

[#ساعدونا_أثابكم_الله 🙏](#)



تصحيح مفاهيم الزواج

أحمد الأهواني
الجزء الثالث

٣٧٣/ مشكلة بين زوجين وأهله اتدخلوا ينصروها !

سم بالله حصل بتصرف 🙄 لما تختاري ابن الاصول
بله الاصول كلها 🙄 مع انها غلطت برده و زعقت
جا وحصل خلاف بينهم و الخلاف اتطور و معروف
ما ان الستات مخهم صغير ولكن في لحظات الزعل
بيفرق حرفيا تربيه الزوجه و انها تبقي من بيت أص
جتي عليها هنزعله و المره دي بنتكلم بالبق المره ال
تهان بجد قدامها 🙄
وم مزعق لها و يهينها وهي تسكت بعد طبعها ما هي
ه زعقت بس راحت سابته ودخلت اوضه ثانيه و
كت تليفونها و بتفكر تتصل علي مين ينجدها 🙄
وم بتصرف يتكتب و يتدرس حرفيا تتصل ب ابوه و
ه الكبير و عمه و تقول لهم تعالوا عشان (...)
بعض و عايز يضربني وانتم اهلي واقرب لي من اهلا
يم امه تقع علي نفسها من الضحك و تقولها يا عبيد
هنام جنبك وخليه يومين بس يتربي 🙄
سم بالله يروح ابوه وعمه واخوه وخاله ويروحوا البيت
يكوه يبهدلوه يهدله محصلتش اقسام بالله ويقولوا له
يوم منها لمده اسبوع وانت يا بنتي ده بيتك واحنا
لا اهلك وانت لحمننا وانت اتفضل اطلع بره واقسم
ه تزعق لها تاني هنعمل فيك ونسوي ويحكموا عليه
سيها بخاتم ذهب و محروم برده منها اسبوع 🙄
تم تقييد من يمكنه التعليق على هذا المنشور

البوست دا انتشر النهارده وللأسف معرفتش أعلق عليه لإغلاق التعليقات عند الأخت

اللي كتبه وهي أخت فاضلة نحسبها على خير ، بس كان لازم ننبه على الأمر علشان

صوتي يوصل للزوجين أصحاب المشكلة

دي مشكلة بين زوجين ، الزوجين صوتهم عالي على بعض والزوجة بدل ما تتصل 🙄

بأهلها اتصلت بأهله اللي جه منهم [الأب + العم + الخال + الخالة]

(حصل فزعة للعيلة كلها تقريباً 🙄)

مسكوا الزوج بهدلوه وحرموه من زوجته لمدة أسبوع ، وتم فرض غرامة للزوج نظيرا لرجوعه عبارة عن خاتم ذهب

➡ أم الزوج كمان طلعت تجري على سرير ابنها وقالتلها: (هنام أنا جنبك مكانه يومين علشان يتربى)

تقريباً الوليه كان نفسها تنام عالمرتبه الجديدة 😊

➡ الحكاية من الوهلة الأولى هتحسها مُفرحة كدا وفيها انتصار للزوجة ، ولكن دي مصيبة ورب الكعبة محدش هيحس بيها دلوقتي

#ركزوا_في_اللي_هقوله 📌

١/ بعض الشباب فكرتهم عن الزواج الشرعي إننا مبنكتبش قايمة والموضوع بيتم شرعي لحد ما بندخل بيتنا..الموضوع أكبر من كدا يا جماعة
دا مثال لزوجين عندهم جهل...اهتموا بتفصيلات الزواج ونسيوا لما يختلفوا يدخلوا مين بينهما

مع أول مشكلة الزوجة واقفة في حيرة (أهلي وللا أهله)
لو كان الزوج فاهم كان شرحلها إن ساعة الخلاف لا بد يكون هناك (حُكم)..حد عنده علم شرعي يحكم بالشرع
دا ساعة الشقاق ربنا يقول(فابعثوا حكما من أهله وحكما من أهلها) ...مش أي حد من الأهل

وعلشان الموضوع ماشي بالعواطف كل القبيلة جت...دا مش كدا وبس.. دول فرضوا على الزوج عقوبات مش موجودة غير في الأمم المتحدة 🌐

٢/ تعالوا كدا نشوف موقف الأب اللي ميعرفش يربي عياله بسبب أمه اللي كل شويه تتدخل في ولايته عاليال...بيطلعوا عيال مايعين... كل ما ييجي يربي تطلع الأم وتقول:
(والله لو جيت ناحية الواد لا هتعرفني ولا هعرفك وممكن أحرمك من الميراث)

يطلع عيل فسدان متدلع ملوش لزمة

اللي يتدخل في أي علاقة فوقية بيفسدها تماماً

الزوج هيتعامل إزاي مع زوجته بعد كدا ؟

ما هي نفس العلاقة الفوقية اللي إنت مبتسمحش لحد يتدخل فيها بينك وبين ابنك هي نفسها العلاقة بينك وبين زوجتك.. ما الجديد ؟

٣/الطلاق لو حدث الشرع بيخليها قاعده معاه في البيت علشان التوافق يحصل ويرجعوا تاني ، ودول من جهلهم بيعدوهم علشان يتربوا....(ناخد بشرع الله وللا بالعواطف بتاعتكوا ؟)

٤/ودي الأهم....أنا شفت حالات كثير جدًا لزوجات اتعمل معاهم كدا في الأول وبعدين ساقوا فيها (لأن الحياة لا تسير على وتيرة واحدة) وأول ما الكلام مبقاش على هواها علشان الأهل زهقوا الزوجات راحوا المحاكم علشان وجدوا إن القاضي هو الوحيد اللي هينصفهم في الجولة الجديدة

أزواجهم دلوقتي بيلوموا الأب والأم اللي أفسدوهم من البداية يا جماعة....مش متخيل إن אחتي تدخلني في مشكلة وأروح أشوف المشكلة فيكون الحل إنني أطلع زوجها من البيت وأفرض عليه غرامة وأقعد معاها في الأوضه مكانه 🌈

[#المجتمع_جراله_ايه ؟](#)

[#تصحيح_مفاهيم_الزواج](#)



٣٧٤/أم تُحرض أولادها على طليقتها

👉 كان عندي بيحكي لي عن طليقته اللي بتحرض الأولاد عليه

الأخ وبعد ٨ سنوات زواج اضطر يطلقها وبعد الطلاق تزوجت وهو تزوج أيضاً والأولاد معاه (ولدين ربنا يباركله فيهم)
الأولاد حالياً بتربيهم زوجة الأب

المشكلة عنده إن زوجته الأولى [أمهم] دائمة التحريض عليه..الأخ وهو بيكلمني قعد بيكي من الحياة اللي هو عايش فيها يقوللي: (مش عارف أربي عيالي بدماعي ، الأولاد في سن مش فاهمين فيه الصح من الغلط ، آخر مرة أمهم طلبت من واحد منهم يتجسس على موبايلي وبالفعل الولد عمل كذا وأنا مبكلموش من ساعتها ومش عارف أوصلله الكلام دا إزاي)

سن الأولاد [١٠ ، ١٣ عام]

←قلته: (ممکن تجيلي العيال ؟)

الأخ فرح جدًا وبالفعل جه بالعيال ليا إمبارح وقعدت أكلمهم عن معاني البر بطريقة بسيطة ، وفهمتهم إن دي علاقة محدش له يتدخل فيها
لو الأب حرضك على والدتك (ملكش فيه)
بس خليك بار بالأب

ولو الأم هي اللي حرضتك برضو ملكش فيه... (بس خليك بار بالأم)
ابعدوا عن مشاكلهم

اتكلمت معاهم في علاقتهم بزوجة الأب اللي عايشين معاها
قعدت أفتح معاهم مواضيع لدرجة إنهم غالبًا هيجوا تاني يقعدوا معايا كأصدقاء 😊
←الأخ كان يفكر يمنعهم عن أمهم بسبب التحريض المستمر ، وضحت له إن دا أكبر غلط هيعمله في حق نفسه وحق أولاده
الأولاد في سن معين هيكونوا ناقلين عليه ومحدش منهم في سن ممكن يستوعب فيه اللي بيحصل

(ودا اللي بيحصل مع النواشز لما بيمنعوا الأولاد من رؤية أبوهم ، بيوصل الموضوع معاهم إن الولد أول ما يكبر بيضربها ويسئ التعامل معاها ، وياسلام بقى لو لقاك مجهزله ال) CD 🎧

أفضل حل إننا نشرحهم الصح من الغلط ومهما حصل نوصيهم ونعلمهم معاني البر
علشان دا من تمام تربيتهم

👉النواشز وباء وابتلاء ربنا ممكن يتليك بيه

لازم تتعامل مع الإبتلاء بالشرع حتى لو لقيت خلافه من الطرف الثاني
[#تصحيح_مفاهيم_الزواج](#)

تم الجزء الثالث

ويليه الرابع بأذن الله

مع تحيات موسوعة اعرف دينك للعلوم الشرعية

٣

٢

١

